






Ad vram Fr. Dominici Julian  
Lusa, Religiosi Professi Sac. ord. S.  
propter donationem factam illi a R.  
p. Fr. Ludovico de la Puente, S.  
Theologiae Lectore. die 1. Martii 1804.

Fr. Lusa

690

Ano 1696.  
es. m. p. m.  
m. d. m. d. p.





INCIPIVNT  
CONSTITVTIONES

Sororum Ord. Prædicatorum.

PROLOGVS.



QVONIAM ex præcepto Regulæ iubentur Sorores habere cor vnum, & animam vnā in Domino: iustum est; vt quæ sub vna Regula, & vnius professionis voto viuunt, vniformes in obseruantia canonice Religionis inueniantur: quatenus vnitatem quæ interius seruanda est in cordibus, foueat & repræsentet vniformitas exterius seruata in moribus. Quòd profectò eò competentius, & plenius poterit obseruari, si ea quæ agenda sunt, scripto fuerint commendata: si omnibus qualiter sit viuendum scriptura teste innotescat: mutare, vel addere, vel minuere nulli quidquam propriæ voluntate liceat: ne si minima negligent, paulatim defluant. Ad hoc tamen in Conuentu suo quæ præest, dispensandi cum Sororibus habeat potestatem, cum sibi aliquādo videbitur expedire: nisi in his in quibus Magister Ordinis, vel Prior Prouincialis, vel eorum Vicarij ex causa aliter ordinarent. Priorissa etiam vtatur dispensationibus, sicut & aliæ Sorores. Vt igitur vnitati, & paci Sororum prouideremus, librum istum quem Constitutionum appellamus, diligenter conscripsimus: per certa Capitula infrascripta distinctum, vt quod quæretur facilius inueniatur. Declaramus autem, quòd Constitutiones non obligent Sorores ad culpam, sed ad pœnam tantum, nisi propter præceptum, vel contemptum.

SERIES CAPITVLORVM.

|                           |    |                           |    |
|---------------------------|----|---------------------------|----|
| De officio Ecclesiæ .     | 1  | De leui culpa .           | 17 |
| De inclinationibus .      | 2  | De media culpa .          | 18 |
| De suffragijs mortuorum . | 3  | De graui culpa .          | 19 |
| De ieiunijs .             | 4  | De grauiori culpa .       | 20 |
| De cibo .                 | 5  | De grauissima culpa .     | 21 |
| De collatione .           | 6  | De apostatis .            | 22 |
| De infirmis .             | 7  | De electione Priorissæ .  | 23 |
| De minutione .            | 8  | De modo eligendi .        | 24 |
| De lectis .               | 9  | De constitutione Supprio- |    |
| De vestitu .              | 10 | rissæ .                   | 25 |
| De communitate rerum .    | 11 | De clauicibus .           | 26 |
| De Communione, & laua-    |    | De cellaria .             | 27 |
| tura capitû, & tonsura .  | 12 | De labore .               | 28 |
| De silentio .             | 13 | De ædificijs .            | 29 |
| De recipiendis .          | 14 | De ingressu, & egressu    |    |
| De Nouitiabus, & earum    |    | domorum .                 | 30 |
| instructione .            | 15 | De Capitulo .             | 31 |
| De modo faciendi Pro-     |    | De concessione domo-      |    |
| fessionem .               | 16 | rum .                     | 32 |

*Cap. I. De Officio Ecclesiæ.*



VDITO primo signo surgant Sorores cum matura festinatione, religiosè, & honestè se preparando: et stando dicant in Dormitorio Officium de Beata Virgine, quando pro tempore est dicendum; vna incipiente et dicente, vnum versum, alijs verò respondentibus et dicentibus alium versum. Matutinas autem, & omnes Horas Canonicas simul audiant Sorores, nisi cum aliquibus ex causa legitima fuerit dispensatum, Horæ Canonicæ omnes in Ecclesia tractim, & distinctè taliter dicantur, ne Sorores deuotionem amittant; & alia quæ

quæ facere habent minimè impediuntur. Quod ita dicimus esse faciendum, vt in medio versus metrum cum pausa seruetur, non protrahendo vocem in pausa, vel in fine versus. Hoc tamen magis & minus pro tempore obseruetur. Horæ verò de Beata Virgine, ante Horas Canonicas dicantur in Ecclesia, excepto duntaxat Completorio, quod non nisi post officium de Tempore, vel de festo quocumque minoris solemnitatis, iuxta dispositionem Calendarij, dicetur. Tempore quo bis reficiuntur Sorores, legatur ante Completorium in Ecclesia: *Sorores sobriæ &c.* Postea dicto ab ea, quæ præest *Adiutorium nostrum in nomine Domini*, & facta Confessione, dictoque Completorio, Hebdomadaria aqua aspergat benedictam: postea dicantur *Pater noster*, & *Credo in Deum*. Post Completorium autem (receptis pro tempore disciplinis,) concedatur Sororibus spatium mediæ horæ ad clepsidram, vt sacris meditationibus, & orationi mentali vacare possint: similiter & post Matutinas dum de nocte dicuntur. Si verò Matutinum in serò dicatur, prædicta mentalis oratio medietati horæ commensuranda, fiat de manè ante Horas Canonicas. Facto autem signo omnes egrediantur ab Ecclesia, & intrent locum dormitionis. Aliquis autem locus statuatur, in quo ad prouidendum officium diuinum Sorores conueniant tempore opportuno; presente Priorissa, vel alia cui commiserit.

## Cap. II. De Inclinationibus.

**F**initis Matutinis de Beata Virgine, cum sorores in Chorum venerint, inclinent ante altare profundè; & cum ad sedes suas venerint, facto signo ab ea quæ præest, flexis genibus vel inclinata profundè pro tempore, dicant *Pater noster*, & *Credo in Deum*: & iterum facto signo ab ea quæ præest, surgant. Hora itaque deuotè incepta, versæ ad Altare, muniant se signo Crucis; & ad *Gloria Patri*, inclinet Chorus contra Chorum profundè, vel prosternant se

pro tempore, vsque ad *Sicut erat*. Hoc etiam faciendum est quoties *Pater noster*, & *Credo in Deum* dicuntur: nisi in Missa, & ante lectiones, & gratiarum actiones, in quibus inclinandum est solum ad *Pater noster*, & ad orationem *Retribuere*.

Idem etiam faciendum est ad primam collectam in Missa, & ad *Postcommunione*, & similiter ad *Orationem pro Ecclesia*, & in singulis horis ad collectam, & ad *Gloria Patri*, quotiescumque in inchoatione horæ dicitur. Ad omnia autem alia *Gloria Patri*, & ad extremos versus hymnorum, & ad penultimum versum Cantici *Benedicite*, inclinent vsque ad genua: & quando cantatur *Gloria in excelsis*, ad *Suscipe deprecationem nostram*, & item in benedictione lectionis, & in capitulo ad orationem, *Santa Maria*.

Item quando nomen *IESU* in Collecta, & in Præfatione, vel in Antiphona *Salve* vel in *Gloria in excelsis* nominatur. Quando autem nomen *Iesu* alias nominatur in Choro, Sorores eidem reuerentiam faciant capite cum deuotione inclinato.

Item in omni Oratione, quando nomen *Domini nostri Iesu Christi*, & *Beatæ Virginis*, & *Beati Dominici*, nominatur, & etiam quando nomen *Beatæ Virginis* nominatur ad Antiphonam *Salve*, & in Missa in Præfatione, & ad *Gratias agamus* &c. Sorores in Choro inclinent profundè vsque ad genua. Hora itaque prædicto modo deuotè incepta, postquam ad *Gloria*, post *Venite* inclinauerint vsque ad genua, stet Chorus contra Chorum: deinde ad primum Psalmum sedeant vnus chorus, & ad secundum similiter stet, & sedeant alter chorus, & sic alternent vsque ad *Laudate Dominum de cælis*, & sic faciant ad omnes Horas. Finiris autem lectionibus in Matutinis, (dum in verbis dicuntur) illa quæ legit, inter pulpitem quod est in medio chori, & gradus altaris inclinationem faciat, vel prosternat se pro tempore. Si verò Matutinæ in Cantu persoluuntur, quælibet ex Sororibus, finita Lectione quam cantauit, faciat inclinationem, vel prostrationem, modo quo supra dictum est. Porro ad *Salve*



*sancta parens*, & ad *Salve* post Completorium ad illa verba nimirum *Eia erga aduocata &c.* vsque ad *post hoc exilium ostende*, maneant Sorores genuflexæ, verso vultu ad Altare; Idem faciant ad illa verba Inuitatorij, *Venite adoremus*, & *procidamus ante Deum*: post expletum verò hunc versum, illæ quæ cantant, vel recitant Inuitatorium, reuerenter inclinent. Similiter ad *Veni sancte Spiritus*, ad *Veni Creator Spiritus* in die Pentecostes, & per totam hebdomadam, ad *Ex Maria Virgine*, & *homo factus est*, ad illa verba Hymni de Passione, *O Crux aue &c.* ad verba Euangelij: *Verbum Caro factum est*, & in die Epiphaniæ ad & *proidentes adoraue- runt eum*; ad Versum Hymni Corporis Christi *Tantum ergo Sacramentum*, ad *Te ergo quesumus* in Cantico *Te Deum*: in Processione Dominicæ Ramis Palmarum, ad verba *Aue Rex &c.* in die Parasceues ad *Sanctus Deus*, ad *Sub tuum præsidium*, ad *Aue Maris stella*, ad *Veni sancte Spiritus*. in Missa de Spiritu sancto, ac demum in Hymno Festi Sanctissimæ Trinitatis ad illa verba: *Adsumus & nos cernui &c.* Similiter in Hymno, *Christe qui lux es.* ad versum *quos sanguine mercatus es* genua flectant.

In ferialibus quoque diebus iaceant prostratæ à *Sanctus*, vsque ad *Agnus Dei*.

In Festis verò Trium, vel Nouem Lectionum, iaceant prostratæ ab eleuatione Corporis Christi, vsque ad *Pater noster*. Non tamen faciant iisdem Festis similes prostrationes ad Horas Canonicas, quas faciunt ferialibus diebus. Quando Prælatus, vel illa quæ præest iniunxerit aliquam communem orationem, inclinent omnes. Similiter omnes faciant, quibus aliquid facere, vel dicere iniunxerit. Si autem aliquam obedientiam, vel officium, vel ministerium aliquod cuius iniunxerit, humiliter se prosternens, suscipiat quod ei iniunctum fuerit. Quando etiam Sororibus quidpiam vestimenti tribuitur, inclinantes *Benedictus Deus in donis suis*, dicant.

## Cap. III. De Suffragijs mortuorum.

**A** Festo Sancti Dionysij vsque ad Aduentum, pro Anniuersario Fratrum, & Sororum, familiarium & receptorum per litteras ad beneficia Ordinis, litteratæ Sorores Psalterium, non litteratæ quingenta Pater noster, dicant.

Idem faciat quælibet Soror pro Sorore defuncta sui Conuentus. Et idem fiat pro Magistro Ordinis, & pro Priore Prouinciali defunctis.

Idem etiam pro Visitatore earum, si dum intendit visitationi Monasterij, eum mori contigerit.

Idem etiam fiat pro Procuratore Ordinis, si in Curia Romana in procurationis officio decedat. Quælibet litterata pro Fratribus, & Sororibus nostris defunctis, triginta vicibus septem Psalmos Pœnitentiales dicat in anno. Non litterata triginta vicibus centum Pater noster. In Anno quatuor Anniuersaria fiant. Anniuersarium patrum & matrum, tertia die post Purificationem Beatæ Mariæ. Anniuersarium benefactorum, & familiarium die crastina post Octauas Beati Augustini. Anniuersarium Fratrū & Sororū, in crastino Beati Dionysij. Anniuersarium demum omnium sepultorum in cœmeterijs nostris, vbique fiat prima die vacante post Octauas Visitationis B. Mariæ. Porro circa hæc Anniuersaria seruetur illa Rubrica, quæ in Breuarijs & Diurnis nouiter impressis, ad diem 10. Nouemb. adscripta est.

## Cap. IV. De Ieiunijs.

**A** Paschate vsque ad festum sanctæ Crucis, reficiantur bis Sorores, exceptis diebus Rogationum, & sextis ferijs, & vigilia Pentecostes, & ieiunijs Quatuor Temporū, vigilia sancti Ioannis Baptistæ, Petri & Pauli, Iacobi, & Beati Dominici Patris nostri, Laurentij, Assumptionis Beæ.

Beatae Mariae, & Bartholomaei, ac Natiuitatis Beatae Virginis. A festo autem sanctae Crucis vsque ad Pascha continuum teneant ieiunium, & Nona dicta comedant: (exceptis diebus Dominicis) nisi dispensatio fiat interdum & ex causa. In toto autem Aduentu & Quadragesima, & ieiunijs Quatuor Temporum, & in vigilia Ascensionis, & Pentecostes, sancti Ioannis Baptista, Petri & Pauli, Iacobi, & Beati Dominici Patris nostri, in vigilia sancti Laurentij, Assumptionis Beatae Mariae, Bartholomaei, & Natiuitatis Beatae Virginis, Marthae, Simonis & Iudae, & Omnium Sanctorum, Andreae Apostoli, & omnibus sextis ferijs, quadragesimali vtantur cibo: nisi in locis in quibus in dictis sextis feriis aliter comederetur, vel nisi praecipuum festum fuerit, vel nisi cum aliqua ex causa dispensetur. Quando autem festum habens vigiliam, in qua secundum Ordinem ieiunandum est, euenerit in secunda feria; eius vigilia praecedenti sabbato ieiunetur, contraria consuetudine non obstante. Feria ij. & iij. post quinquagesimam, quadragesimali vtantur cibo & ieiunent. In Parasceue vero per totum diem in pane & aqua abstinebunt.

### Cap. V. De Cibo :

**H**ora competenti ante prandium vel coenam, a Sacrificiis paucis ictibus campana pulsetur, vt sorores venire ad refectorem non tardent. Postmodum pulsetur timbalum si cibus sit paratus, aliòquin non pulsetur donec paratus sit. Congregatis Sororibus in atrium Refectorij, illa quae praest, incipiat Psal. *De profundis*: illa dicente vnũ versum, alijs verò omnibus respondentibus & dicentibus alium Versum; in fine tandem subiungatur Oratio *Absolue*. Ablutis verò manibus nolum Refectorij quae praest pulset, & tunc sorores ingrediantur; quibus ingressis dicat *Benedicite* quae dicit versiculos: & Conuentus prosequatur benedictionem. Seruitrices autem in deportandis piscarijs incipiant ab inferioribus vsq; ad mensam Priorissae

ascendentes. Nulla soror à prima mensa remaneat nisi seruitrices, & nisi de licentia & ex causa, Quotquot autem remanserint comedant in secunda, ita quod tertiam facere nō oporteat. Nulla fiat pietātia seruitricibus, vel ministris, quæ nō sit Conuetui: nisi sint infirmæ vel minutæ. Soror nō mittat sorori pietantiam, excepta Priorissa; sed sibi datam dare potest à dextris vel à sinistris tapitum. Priorissa comedat in Refectorio, & cibarijs. Conuentus sit contenta: similiter & infirmariæ, & aliæ quæ ministrant in officio quocumque, nisi cum aliquibus Priorissa dispensauerit ob aliquam causam. Pulmenta sint in Conuentu sine carnibus, præterquam in infirmarijs. Singulis diebus si fieri potest & expedierit, duo cocta pulmenta habent sorores. Poterit autem Priorissa superaddere prout opus esse iudicauerit, & facultas permiserit. Si quæ iuxtā se sedenti viderit aliquid deesse de communi, requirat à ministra. Si quæ aliquam de sororibus seruiendo, vel comedendo in aliquo offenderit, surgentibus sororibus veniam petat; & facto signo ab ea quæ præest, redeat ad locum suum.

### Cap. VI. De Collatione.

**T**Empore ieiunij hora competenti Sacrissima ad collationem signum faciat: postea reſectoraria cimbalum pulset. Deindè sororibus venientibus in Refectorium, ad signum illius quæ præest, legat lectrix præmissio. *Iube Domine benedicere*, & sequatur benedictio: *Noctem quietā &c.* facturus signo ab ea quæ præest, & dicto *Benedicite* à lectrice, dataque benedictione ab hebdomadaria, *Largitor omnium &c.* infra lectionem poterunt bibere quæ voluerint. Finita lectione dicat quæ præest, *Adiutorium &c.* Et tunc cū silentio intrent sorores Ecclesiā. Quæcumq; extra horā bibere voluerit, licentiam petat, & vnam sociam accipiat.

Cū tamen intrare Ecclesiam facta Collatione non sit amplius in vsu, satius est vt Sorores seruent illā consuetudinē quo ad hæc, quæ pro nunc in Monasterijs obseruari solet.



*Cap. VII. De Infirmis.*

**C**irca infirmas caueat ne sit negligens Priorissa: sic enim procurandæ sunt infirmæ, vt citiùs releuentur, sicut dicit in Regula beatus Augustinus. Poterunt autem quædam vesci carnibus, prout earum grauior exigit infirmitas vel debilitas, secundum quòd Priorissæ visum fuerit. Si quæ verò talem infirmitatem habuerit, quæ nec eam debilitet multum, nec comedendi turbet appetitum; talis nec supra culcitram iaceat, nec consuetudinaria frangat ieiunia, nec cibos Refectorij mutet. In domo non sint nisi duo loca, in quibus comedant debiles & infirmæ, vnus carniū, & alius aliorum ciborum: nisi sit euidentis necessitas vel vrgens infirmitas. Si autem Priorissam infirmari contigerit, in infirmaria cum alijs procuretur.

*Cap. VIII. De Minutione.*

**M**inutio quater in anno fiat. Prima in mense Septembris: secunda post Natale: tertia post Pascha: quarta circa festum beati Ioannis Baptistæ. Præter has minutiones nulla sibi minuat, nisi discretio Priorissæ propter aliquam causam (præuio Medici consilio, et explorata necessitatis veritate), iudicauerit alicui aliter esse faciendum. Minutæ verò extra Refectorium comedant cum silentio, & secundum quòd facultas permiserit commodiùs procurentur. Causa verò minutionis non comedant carnes.

*Cap. IX. De Lectis.*

**S**uper culcitra non dormiant Sorores, nisi in infirmaria: super stramina, & laneos saccones dormire licebit. Quæ autem culcitra petierint, ieiunent vna die in pane & aqua. Cum tunica & velo & capitegio & cinctæ dormiāt: & etiam cum caligis in regionibus in quibus mulieres.

portare caligas consueuerunt. Nulla quæ in communi tolerari possit, habeat specialem locum ad iacendum; nisi fortè propter rerum custodiam, cum necessitas hoc requiratur. In quo casu non minus quàm tres iaceant in loco prædicto.

### *Cap. X. De Vestitu.*

**V**estes laneas honestas, & non notabiliter pretiosas deferant Sorores: & in mantellis vilitas potius obseruetur. Lincis non vtantur ad carpes. Pelliceum verò inter duas tunicas habere possunt, quod aliquantulum breuius sit tunicis. Linteamina autem non habeantur, nisi fortè Priorissa in infirmaria cum aliqua propter grauem infirmitatem iudicauerit dispensandum. Pelliceis & coopertorijs siue stribus Sorores non vtantur. Tunica usque ad talos, scapularia verò sine quibus non vadant, sint tunicis breuiora. Soccus, pepla, & capitegia, & vela habeant vt necesse fuerit & facultas permiserit: chirothecas autem non habeant.

### *Cap. XI. De Communitate.*

**O**mnes Sorores singulis annis, vel pluries si eis dictum fuerit, omnia sibi commissa Priorissæ suæ exponant pariter & exhibeant; eius dispositioni omnia relinquendo. Nulla etiam scyphum, vel vas aliquod, vel aliquid huiusmodi sibi appropriet. Item nulla habeat arcam vel aliquid quod cum claue firmetur, exceptis illis quæ propter officium suum non possunt non habere. Item nulla mittat vel recipiat sine licètia litteras, vel schedulam scriptam etiam sine sigillo, nec etià scriptum aliquod in tabulis vel in cera, nisi Mag. Ord. vel Priori Prouinciali, vel Vicario aut Priorissæ ostēdat. Priorissa etià cū duabus Sororibus quas elegerit, cum sibi expedire videbitur, Sororibus absentibus scrutetur singulos lectos Sororū. Et si inueniat ibi aliquid quod

quod Soror sine licentia Priorissæ habeat, illud accipiat, et eam condignè puniat. Item sine licentia, et expressiõne personarum quibuscumque viris nihil dent, nec ab ipsis recipiant. Quæcumque autem contra fecerit, furci iudicio condemnetur.

*Cap. XII. De Communione, & lauatura  
capitum, & tonsura.*

**C**ommunio poterit fieri in anno quindecim vicibus, in terminis, in quibus visum fuerit fratribus curam Sororum gerentibus: immo ad præparandum se possint habere copiam Confessorum. In Capitulo tamen Generali Barcinonen. Anno 1574. ordinatum est, vt Communio Generalis fiat qualibet Dominica Aduentus, & Quadagesimæ: alijs autem temporibus de quindena in quindenam fieri poterit. Septem vicibus in anno poterunt lauari capita, et tonderi capilli Sororum. Sit autem tonsura non modica, vt decet religiosas personas.

*Cap. XIII. De Silentio.*

**S**ilentium teneant sorores in Oratorio, in Claustro, in Dormitorio, in Refectorio. Alibi verò loqui poterunt de licentia speciali, prout et quando fuerit eis concessum. Si quæ tamen submissè aliquid, et breuiter de necessarijs protulerit, non teneatur de silentij fractione. Omnes autem sorores vbique in mensa silentium teneant, tam Priorissæ, quàm aliæ: excepta vna quæ maior fuerit inter eas, vel alia cui pro se loqui commiserit, et tunc taceat. Nulla autem aliarum ibidem loquatur, nisi de necessarijs mensæ, et hoc per vnicam orationem vel dictionem breuiter et submissè. Si quæ verò hoc silentium fregerit ex proposito, vel licentiam loquendi dederit, in vno prandio aquam tantum bibat, et vnam disciplinam in Capitulo accipiat

cipiat coram omnibus sine dispensatione, exceptis infirmis decumbentibus. Caueat autem Priorissa, ne sit facilis ad dandas licentias loquendi sine causa rationabili. Quatuor de sororibus magis religiosis, et discretis assignetur, sine quarum una vel duabus, vel Priorissa, vel Suppriorissa nulla licentietur ire ad fenestram locutorij secularium. Nec aliquid loquatur ibi soror nisi in auditu sociæ vel sociarum. Ista autem sociæ vel sociæ debent accusare eam, cum qua mittitur, si in verbo, vel gestu, vel aliter in aliquo notauerint reprehensibilem. Priorissa autem et Suppriorissa cum aliquibus in prædicto locutorio non loquantur, nisi in præsentia alicuius quatuor prædictarum, vel alicuius antiquarum sororum. Nulli detur licentia loquendi in locutorio secularium cum extraneis, ut intrandi locutorium illud; quamdiu horæ vel Missa dicuntur, vel quando Conuentus dormit vel comedit, nisi ex causa valde necessaria. Ad fenestras confessionum nulla loquatur de alijs quam de confessione scienter et ex proposito, nisi fortè de pertinentibus ad officium Ecclesiæ cum exterioribus, et hoc de licentia et submissè. Nulla confiteatur alicui seculari, vel alicui cuiuscumque alterius Religionis etiam fratri, nisi de licentia Magistri Ordinis, vel prioris Prouincialis; vel illius cui super hoc secundum certam formam aliquis horum commiserit potestatem. Item ad rotam nulla loquatur, nisi illa vel illæ, quæ propter aliquod officium sunt ipsi rotæ deputatæ: et illæ etiam non loquantur ibi, nisi de pertinentibus ad officium prædictum. Pro prima fractione silentij ex deliberatione commissa extra mensam, dicat soror Psalmum *Miserere mei Deus*: et pro secunda recipiat in Capitulo disciplinam coram omnibus, pro tertia sedeat semel in terra, et hoc in prandio non in cœna: computatio tamen ista, inter duo capitula fiat. Priorissa tamen potest dare aliquas licentias generales loquendi Cellariæ, coquinarijs, siue alijs officialibus, prout ratione officiorum visum fuerit expedire.



## Cap. XIV. De Recipiendis.

**N**Vlla notabiliter iuuenis recipiatur in sororem. Non recipiatur etiam aliqua, nisi cum diligenti examinatione facta scorsim de moribus & vita, & viribus corporalibus, & industria animi: & vtrum sit coniugata & non per Ecclesiam separata à viro. Examinetur etiam diligentius vtrum sit grauida: & si non possit de hoc certitudo haberi, expectandum est donec certitudo habeatur. Item inquiratur vtrum sit serua vel ratiocinijs obligata, vel alterius possessionis, vel occultam habeat infirmitatem, vel alio impedimenta propter quæ non expediat eam recipi. Hæc autem examinatio à Priorissa, & à duabus sororibus discretis de consensu Capituli ad hoc electis, fieri debet. Cum autem recipienda adducta fuerit in Capitulum, prosternat se in medio. Interrogata, verò ab ea quæ præest? *Quid querat*: respondeat. *Misericordiam Dei, & vestram*. Qua ad iussum illius quæ præest erecta, exponat ei austeritatem Ordinis, propositum eius requirens. Quod si respondeat se proponere cuncta seruare, dicat post cætera. *Dominus, qui incepit ipse perficiat*, & Conuentus respondeat, *Amen*. Tunc depositis secularibus vestibus, & religiosis indutis, in societatem Sororum in Capitulo recipiatur. Verumtamen antequam stabilitatem & communem vitam promittat, & obedientiam ac professionem faciat; tempus probationis assignetur. Probationis verò tempus statuimus vnus anni, vel eò amplius; prout illi qui præest, de prudentum consilio videbitur expedire: vt & ipsa austeritates Ordinis, & Sorores mores ipsius experiantur. Magister Ordinis, vel Prior Prouincialis, pensatis facultatibus domus, quæ pro tempore fuerint, aliquem certum numerum Sororum statuant; vltra quem non recipiatur aliqua in Sororem, nisi talis esset persona, quæ sine graui damno vel scandalo recusari non posset. Et tunc non nisi de consensu

lio Magistri Ordinis, vel Prioris Prouincialis recipiatur. Nulla etiam fiat promissio de Sorore aliqua recipienda, antequam locus vacauerit. Licebit quoque aliquas recipere intus in Sorores Conuersas, vbi hoc expediens videbitur: in numero tamen moderato, prout earum officijs & adiutorijs alix Sorores indigebunt. Hæ autem dicant in profectis diebus pro Matutinis 28. Pater noster, in Festis autem Nouem Lectionum 40. pro Vesperis 14. pro quolibet aliarum horarum septem. Loco *Pretiosa*, tria: pro benedictione mensæ vnum: post mensam pro gratijs, tria. In ieiunijs, & vigilis; & alijs quæ earum statui competunt, se alijs conformabunt.

*Cap. XV. De Nouitiabus, & earum instructione.*

**P**riorissa Nouitiabus Magistram diligentem in ipsarum instructione præponat, quæ eas de Ordine doceat: in Ecclesia, & vbiq; negligenter se habuerint, verbo, vel signo, quantum poterit studeat emendare; necessaria prout potest debet eis procurare. De apertis negligentijs cum ante eam petierint veniam, pœnitentiam dare, vel eas in Capitulo proclamare. Humilitas cordis, & corporis doceat eas habere, frequenter, pure & discretè confiteri, sine proprio viuere, propriam voluntatem deferere: pro voluntate maiorum, obedientiam in omnibus voluntariè obseruare. Quomodo vbiq; & in omnibus se habere debeant, ipsas debet instruere; quod locum vbi fuerint posita vbiq; teneant. Qualiter se ad cameras contineant, vt oculos sublimes non habeant. Quomodo vel quid orent, & quam silenter; vt alijs rugitum non faciant. Quomodo in Capitulo vel vbiq; reprehensæ fuerint ab ea quæ præest, venia sit facienda; & quod si quæ Sororem suam aliquo modo scandalizauerit; ad pedes eius prostrata veniam petat. Instruendæ etiam sunt Nouitiæ, vt cum nemine contendere præsumant, & quod in omnibus Magistræ suæ obediant. In processio-

ne sociam sibi collateralem attendant; nec loquantur locis & temporibus interdictis, nec aliàs sine licentia: & quod neminem penitus iudicent: sed si quæ ab aliqua fieri viderint; *licet mala, bona suspicentur, vel bona intentione facta: sæpe enim humanum fallitur iudicium.* Et quod non loquantur de absente nisi quæ bona sunt: quod disciplinas frequenter suscipiant, & cum duabus manibus bibant & sedendo: quod libros & vestes, & res alias Monasterij custodiant diligenter. Et quod si quid petatum fuerit ab una earum quæ præest & negauerit, non petatur ab alia; nisi negatione priore expressa: sed nec si à maiore petierint, & negauerit; vadant ad minorem. Item confessiones Nouitiarum ante professionem recipiantur, & diligenter de modo confessionis, & in alijs instruantur. Item Nouitiæ ante professionem de debitis se expediant, & omnia alia ad pedes Priorissæ ponant. Item Nouitiæ, & aliæ Sorores quæ aptæ sunt, in Psalmodia, & Officio diuino studeant diligenter: præter Conuersas, quibus sufficiat vt sciant vel addiscant ea quæ debent pro horis dicere. Omnes verò in aliquo labore addiscendo, vel exercendo occupentur. Item Nouitiæ non intersint Capitulo de culpis, sed in principio se accusent: vel Magistra earum, extra Capitulum culpas earum audiat, & ipsas quantum poterit diligenter in moribus instruat, & charitatiuè corripiat.

*Cap. XVI. De modo faciendi professionem.*

**M**odus faciendi professionem talis est. Ego soror N. facio professionem, & promitto obedientiam Deo, & Beatæ Mariæ, & Beato Dominico, & tibi sorori N. Priorissæ talis Conuentus; vice fratris N. Magistri Ordinis Fratrum Prædicatorum, & successorum eius: secundum Regulam Beati Augustini, & institutiones sororum quarum cura prædicto Ordini est commissa: quod ero tibi obediens, alijsque Priorissis meis vsque ad mortem

tem. Nouitiarum autem vestes in earum professione benedicantur hoc modo. *V. Ostende nobis Domine misericordiam tuam. R. Et salutare tuum da nobis. V. Domine exaudi orationem meam. R. Et clamor meus ad te veniat. Oremus. Domine Iesu Christe, qui regimen nostræ mortalitatis induere dignatus es: obsecramus immensæ largitatis tuæ abundantiam; ut hoc genus vestimentorum, quod sancti Patres ad innocentia, & immortalitatis indicium ferre sancterunt, ita benedicere digneris; ut quæ hoc vsa fuerit, te induere mereatur Christum Dominum nostrum. R. Amen.* Postmodum aspergantur aqua benedicta. Ad professionem nulla recipiatur infra 16. annos completos, iuxta Concilium Trident. sess. 2. de Regul. Cap. 12. Notum est etiam quod aliquæ sorores benedicantur, cum Beatus Dominicus Pater noster hoc ordinasse dicatur, circa illas quæ fuerunt tempore suo. Et huiusmodi benedictio soleat esse aliquibus occasio, ut super alias se extollant.

### Cap. XVII. De leui culpa.

**L**euïs culpa est, si quæ mox ut signum factum fuerit, non relictis omnibus cum maturâ destinatione se præparauerit; ut ad locum pro quo sit signum veniat tempestiuè. Si quæ designatum sibi legendi vel cantandi officium, non attentè compleuerit; vel Responsorium, vel Antiphonam, vel aliud inceprura Chorum turbauerit. Si quæ malè legendo vel cantando offendens, non statim se coram omnibus humiliauerit. Si liber in quo legendum est in collatione, vel in Capitulo, vel in Ecclesia, cuiusquam negligentia defuerit. Similis culpa est, si quæ ad mensam vel collationem, vel sermonem, vel Capitulum, vel ad Horas in Ecclesia, vel ad laboratorium commune citò non venerit; vel ad lectionem mensæ notata ad benedictionem se tardè obtulerit. Si quæ in dormitorio, vel alibi in Conuentu aliquem tumultum fecerit, vel orantes, vel legentes, vel laborantes in aliquo inquietauerit. Si



pannus ad inuoluendum Calicem, vel Patena, vel Corporale, vel Stola, vel Manipulus, vel similia, per negligentiam cuiusquam in terram ceciderit: vel si vestes suas suo tempore & loco statuto, honestè, & ordinatè aliqua non reposuerit. Item leuis culpa est si quæ cereum, vel aliquod utensilium perdiderit, vel fregerit, vel aliquod vestimentorum suorum deteriorauerit, vel amiserit. Si quæ in officio, vel sermone, vel laboratorio dormitauerit; vel oculos vagos habens, per claustrum vel domum ad vanitates sæpè direxerit. Si quæ verbis ociosis vacauerit, vel dissolutè riserit, vel alias ad ridendum concitauerit: vel in aliquo gestu, vel motu, vel habitu, vel verbo reprehensibilis apparuerit. Pro his culpis vnus Psalmus, vel plures secundum quantitatem excessuum, prout videbitur capitulum tenens iniungatur.

### Cap. XVIII. De Media Culpa.

**M**edia culpa est, si quæ ad *Gloria primi Psalmi* non adfuerit, & in medio Chori non satisfecerit, vel in vigilia Annunciationis, vel Natiuitatis Domini in principio Capituli non adfuerit: vt pronuntiatis exordijs nostræ salutis & redemptionis; gratias agat corde, & corpore Redemptori nostro. Similis culpa est, si quæ in Choro non intenta diuino Officio, vagis oculis, & motu irreligioso leuitatem mentis ostenderit. Si quæ lectionem in tempore statuto non præuiderit: vel aliud legere, vel cantare præsumpserit, quàm quod ordinatum est. Si quæ in Choro riserit, vel alias ridere fecerit; vel in Conuentu dissolutionem aliquam fecerit. Item media culpa est, si quæ à Capitulo, vel sermone, vel collatione, vel refectio-  
ne communi, vel laboratorio, vel hora aliqua ex causa minus rationabili remanserit. Si quæ commune mandatum dimiserit. Si quid cibi vel potus, absque benedictione aliqua sumpserit. Similis culpa est, si quæ eam à qua proclamata est eadem die quasi vindicando se proclama-  
uerit,

uerit, vel clamans in proclamatione sua iurgium fecerit. Si quæ (vt loquendo fieri solet) cum iuramento aliquid affirmauerit, vel negauerit: vel vaniloquium dixerit. Si quæ Sororem proprio nomine, omisso hoc nomine (Soror) vocare in vsu habuerit. Pro huiusmodi culpis Psalmi, disciplinæ, & veniæ secundum discretionem tenentis capitulum imponantur, quantitate culparum pensata.

### Cap. XIX. De Graui Culpa.

**G**rauis culpa est, si quæ cum aliqua lites habuerit, vel inhonestè contenderit. Si quæ alicui opprobrium dixerit, vel culpam pro qua satisfecit improperauerit. Si quæ in proclamatione iurgium fecerit, vel in illam à qua proclamata est, vel quamlibet aliam maledicta, seu verba inordinata vel iniuriosa malitiosè inuexerit. Similis culpa est, si quæ discordias inter Sorores seminauerit: vel detraxerit, seu susurratrix inuenta fuerit. Si quæ mala de Sororibus, vel domo malitiosè euomuerit: vel culpam suam, aut alterius proteruè defenderit. Si quæ mendacium scienter dixerit: si quæ pro vi, vel vestitu, vel qualibet alia re murmurauerit. Si quæ mentium non tenere, in consuetudinem duxerit. Item grauis culpa est, si quæ carnes absque licentia, & necessitate comederit: vel ieiunia statuta fregerit. Si quæ in aliquem oculum fixerit, vel turpem sermonem protulerit. Si quæ res aliquas alij deputatas, quamuis non animo retinendi, sine licentia acceperit: vel à capitulo, vel sermone, vel communi dormitione sine causa aliqua, & licentia remanserit. Pro huiusmodi culpis & similibus, iniungantur tres dies in pane & aqua, & tres disciplinæ, vel plures in capitulo coram omnibus recipiendæ: & Psalmi, & veniæ prout secundum excessus maiores, vel minores videbitur esse iustum.

## Cap. XX. De Grauiori Culpa.

**G**rauior culpa est, si quæ per contumaciã, vel manifestam rebellionem suis maioribus inobediens exiterit: vel cum eis proteruè contendere ausa fuerit. Si quæ aliam malitiosè percusserit. Si quæ res aliquas alijs concessas, vel de communi (animo celandi) acceperit, vel proprium habuerit. Similis culpa est, si quæ munuscula, vel alias res sine licentia dederit, vel receperit: vel receptas celauerit. Si quæ litteras, vel aliqua in scripto aliquo sine licentia miserit, vel receperit, vel legerit: vel sibi legi fecerit. Si quæ aliquid inhonestum domus, Sororum, vel secretum aliquod extraneo cuiquam reuelauerit: vel aliquod quodcunque crimen capitale commiserit. Pro huiusmodi culpis quæ rea fuerit, veniam petens, sceleris sui immanitatem lamentabiliter proferat: & denudata vsque ad cingulum vapulet ad pedes singulorum; primò Priorissæ, deinde vtriusque lateris sedentium, & sit omnium nouissima in Conuentu. In Refectorio quoque ad communem mensam non comedat cum alijs, sed in medio Refect. super nudam terram: & prouideatur ei grossior panis & aqua; nisi quæ præest ei per misericordiam aliquid impendat; nec reliquæ prandij sui cum alijs misceantur. Ad Canonicas Horas, & ad gratias post comestionem, ante ostium Ecclesiæ transeuntibus Sororibus prostrata iaceat; dum intrant & exeunt. Nulla verò audeat se coniungere ei, vel aliquid mandare. Talis quamdiu erit in hac pœnitentia, non communicet, non veniat ad osculum pacis, nec notetur ad aliquod officium in Ecclesia: nec vlla ei committatur obedientia. Priorissa verò ne in desperationē labi possit, mittat ad eam quæ est in tali pœnitentia sorores: quæ illam moneant ad pœnitentiam, prouocent ad patientiam, foueant per compassionem, hortentur ad satisfactionem, adiuuent per suam intercessionem. Quibus & suffragetur totus Conuentus,

si apparuerit in ea debita humilitas : nec renuat quæ præest cum ea facere misericordiam ; & si videbitur ei, denuò vapulet modo supradictò. Eodem modo debet pœnitere, si quæ (quod absit) in peccatum carnis lapsa fuerit : quod grauius ceteris puniri censemus, & plusquam alia abominamur . Poterit autem ei quæ talis fuerit, vellum nigrum auferri, quamdiù fuerit in hac pœnitentia . Si verò huiusmodi peccatum occultum fuerit , disquisitione secreta secundum tempus & personam , condignam agat pœnitentiam . Si verò aliquæ per conspirationem vel coniurationem , vel malitiosam concordiam aduersus Priorissam , vel Superiores suos manifestè se elixerint, supradictò modo pœniteant : & de cetero in tota vita sua extremum locum sui Ordinis teneant ; & vocem in Capitulo nisi in sui accusatione non habeant , neque eis aliqua obedientia iniungatur . Si quæ tamen non malitiosè , sed in veritate aduersus Priorissam aliquid habuerit quod tollerari non debeat nec deceat : prius inter se cum omni humilitate & charitate, de sua correctione eam admoneat . Quòd si frequenter admonita corrigere se neglexerit, aut contempserit : Priori Prouinciali vel eius Vicario significetur.

### *Cap. XXI. De Grauiissima Culpa .*

**G**rauiissima culpa est incorrigibilitas illius , quæ nec culpas timet admittere , & pœnam recusat ferre . Si quæ igitur talis inuenta fuerit, exuta Habitu Sororum, & earum societate priuata, recludatur in loco separato, ac segregato ab alijs : & vtatur cibis qui pro grauiori culpa superius sunt expressi. Ad correctionem autem talium, habeantur aliqua loca apta : in quibus non solum prædictæ incorrigibiles, sed etiam cõtagiosæ & suspectæ probabiliter, de no-cumento inferendo in personis vel rebus, vel de fuga, poterunt recludi. Pro culpis verò aliquibus minoribus istis, poterit interdum iniungi aliquibus, vt in eisdem locis morentur ad tempus sequestratæ : secundum quòd videbitur expedire .



## Cap. XXII. De Apostatis.

**S**I quæ in apostasia, vel fuga deprehensa, inuita reducta fuerit: pœnam quæ supra determinata est pro incorrigibili, sustinebit. Si quæ verò fugitiua voluntariè redierit petens misericordiam, nullatenus recipiatur in perpetuū, maximè si de lapsu carnis commisso suspecta fuerit: nisi prius Magister Ordinis, vel Prior Prouincialis super hoc consulatur; & nisi ab illis, quid in hoc casu faciendum sit plenè resolutum fuerit. Cum autem fuerit recipienda, denudata vsq; ad cingulum cum virgis in Capitulum veniat, & prostrata veniam petat: & pœnis omnibus supradictis de grauiori culpa, vel lapsu carnis, vel conspiratione subiiciatur. Receptura tamen de misericordijs ibi taxatis plùs vel minus, citiùs vel tardiùs, secundùm exigentiam excessus præcedentis, & signorum pœnitentiæ subsequenter.

## Cap. XXIII. De Electione Priorissæ.

**P**riorissa eligi debet à Sororibus illis, quæ iam annos duodecim à professione sua expleuerunt: iuxta ordinationes Capitulorum Generalium, confirmatas à Gregorio XV. Summo Pontifice, per Breue quod incipit; *Exponi nobis &c. Datum Romæ apud Sanctum Petrum die 6. Aprilis 1623.* & etiam iuxta præscriptum Concilij Tridentini sess. 25. de Regular. Cap. 6. vbi dicitur: vt in Priorissam non eligatur quadragenaria minor, & nisi habuerit à Professione annos duodecim; quorum octo post Professionem expressam, laudabiliter transacti esse debent. Quod si in aliquo Monasterio non inueniatur persona tantæ ætatis: in tali casu, cum consensu Superioris eligatur aliqua alia ex Sororibus eiusdem Monasterij, dummodò tamen habeat ætatis annos triginta completos, & à Professione annos 12. pariter completos: in qua annorum duodena, demonstrari debent saltem quinque honeste, & religiosè exacti.

Porro Conuentus qui confirmationem electæ Priorissæ

petierit, scribat numerum, & simul nomina illarum Sororum, quæ in electione nominatæ fuerunt: & tunc Magister Ordinis, vel Prior Prouincialis, vel quicumque alius, à præ-nominatis ad hoc specialiter deputatus, legitimè electam confirmabit. Sorores Electrices vacante officio Priorissæ, habent tempus præfixum vnus mensis quo ad electionem accedere possunt: si verò infrà illud spatium mensis vnus electionem non fecerint; deuoluitur omnis authoritas ad Magistrum Ordinis, vel Priorem Prouincialem, prouidendi de Priorissâ huic, vel illi Monasterio.

*Cap. XXIV. De modo eligendi Priorissam.*

**M**odus eligendi Canonice Priorissas, iuxta tenorem Constitutionis Bonifacij VIII. hic antiquitus seruabatur; vt nimirum vel per communem inspirationem, vel compromissionem Priorissæ eligeretur: iam verò nunc inhærendo Decreto Sacri Concilij Tridentini, electio fieri debet in hac forma, quæ sequitur.

Postquam Suppriorissâ cum consensu Vocalium diem faciendæ electionis determinauerit, omnes Sorores vocem in electione habentes Sacra Communione refici debent; iuxta ordinationem Capituli Generalis Romæ 1580. celebrati. Superior verò illarum, cum alijs duobus Patribus, qui & Scrutatorum munus subire debebunt, ad Crates Locutorij conuenient (absque eo tamen vt Monasterium ingredi audeant) ibique collocati, iuxta præscriptum Concilij Tridentini, & declarationem Sacræ Congregationis Concilij, recipient vnus cuiusque Sororum Electricum vota, ab ipsis per inuolutas schedulas porrecta, & in aliquo vase seu urna ad hoc præparata recepta: in quibus schedulis exprimi debet nomen Priorissæ quæ eligitur, his verbis præcisè: Ego Soror N. eligo talem N. in Priorissam huius Monasterij: nec vltra hoc apponi debet nomen, vel signum aliquod, per quod possit deueniri in cognitionem eligentis. In reponendis verò huiusmodi schedulis Vocalium, prima debet esse Suppriorissâ; & sic deinceps  
alix

aliæ Sorores consequenter, secundum ordinem professionis illarum. Quod si aliqua ex Vocalibus infirma fuerit, ac proinde ad locum electionis venire nequiverit: tenebitur Suppriorissa cum duabus alijs Sororibus antiquioribus, Cameram decumbentis, accedere; ab eaque schedulam inuolutam (vti supra dictum est) recipere: quæ vnâ cum alijs schedulis Sororum Electricum commisceri, atque per manus Scrutatorum in urna eadem reponi debet.

Postquam verò omnium Electricum vota in toto fuerint recepta, PP. Scrutatores schedulas illas inuolutas in mensam effundere, numerare, atque cum numero Vocalium conferre tenebuntur. Quod si numerus earum non fuerit æqualis numero eligentium, statim omnes comburantur, absque eo quod legantur, vel explicentur: adque faciendam denovo electionem procedatur. Idem fieri debet, si nulla ex illis quæ in electione nominatur, habuerit duo vota ultra medietatem: rursus enim noua electio instituenda erit. Vbi verò inuentum fuerit, electam quamcunque habere duo vota saltem, ultra medietatem: ille qui inter Scrutatores maior fuerit, scrutinium publicabit; factoque Decreto scrutinium Electionis ad Confirmatorem transmittetur.

### *Cap. XXV. De institutione Suppriorissæ.*

**P**riorissa de consilio discretarum Sororum, & Prioris Prouincialis, vel Vicarij eius instituat Suppriorissam. Cuius officium erit, habere diligentiam & curam circa Conuentum, & in alijs quantum Priorissa assignauerit ei, vel permiserit. In quotidianis verò Capitulis non proclametur, nisi aliquando pro magno excessu: secundum quod Priorissæ visum fuerit. Eadem autem Suppriorissa, mortua Priorissa vel amota, vices eius plenariè obtineat; quousque Priorissa non fuerit electa & confirmata: & nisi Magister Ordinis, vel Prior Prouincialis, vel eius Vicarius aliter ordinauerit.



*Cap. XXVI. De Circatricibus.*

**P**riorissa duas Sorores discretas, assignet & ordinet Ordinis zelatrices: quæ sint sollicitæ & intentæ, circa gestus, & facta Sororum. Post Completorium & de die, etiam interdum, claustrum & alias officinas circumeant: & si quam minùs religiosè in aliquo se habentem inuenerint; eam debebunt in Capitulo proclamare. Visitatorem quoque tempore visitationis, de statu Religionis quomodo seruetur, vel non seruetur, plenè informare tenebuntur.

*Cap. XXVII. De Cellaria.*

**C**ellariam Sorores habeant vnâ de maioribus, & discretioribus Domus: quæ per se, & socias sibi assignatas, ex consilio Priorissæ, & Suppriorissæ, fideliter, & deuotè bona temporalia procuret: quæ pecunias, panno, frumentum, vinum, vel aliquid huiusmodi sine licentia generali vel speciali dare non præsumat. Cellaria coram Priorissa & Suppriorissa, & tribus de maturioribus Sororibus ad hoc assignatis à Conuentu, computationem faciat quolibet mense receptorum, & expensarum. Semel autem in anno, vel ampliùs si visum fuerit, coram Priore Prouinciali, vel eius Vicario computatio fiat: & status Domus exponatur. Possessiones sine consensu Conuentus alienari, vel minui non possunt, sed obseruanda sunt in hoc passu Decreta Summorum Pontificum; tum & Decretum Sacræ Congregationis Concilij, factum cum consensu Urbani Octauæ Summi Pontificis, sub diem 7. Septembris 1624.

*Cap. XXVIII. De Labore.*

**O**ciofitas inimica est animæ, & mater, ac nutritrix vitiorum, nulla Sororum sit ociosa: sed diligenter obseruetur; vt exceptis illis horis & temporibus, quibus orationi, vel officio, vel aliæ occupationi necessariæ debent intendere, operibus manuum ad vtilitatem communem omnes attentè insistant, prout fuerit ordinatum. Cum



Sororibus autem quamdiu sunt in labore, Priorissa, vel Suppriorissa, vel aliqua alia ad hoc à Priorissa assignata, sit præsens. Laborent autem cum silentio: nec vlla recedat à communi laboratorio, sine licentia & necessitate. Quæ autem sic exierit, expleta necessitate redeat.

### Cap. XXIX. De Aedificijs.

**A**edificia Sororum sint humilia, curiositate vel superfluitate non notanda: & apponatur cura diligens ut ordinentur officinae, prout melius fieri poterit pro Religione seruanda. Ante omnia detur opera, quòd clausura sit valde alta & fortis: ita ut egrediendi vel ingrediendi per clausuram, opportunitas nulla detur. Non sit autem in clausura Sororum, nisi vnum ostium forte, & bonum: quod cum duabus clauibus, vel pluribus, quantitate & forma differentibus claudatur; cum vna interius, & cum alia exterius. Interior autem custodiatur exterius vel intus, secundum dispositionem Prioris Prouincialis, vel Vicarij eius: exterior verò intus secundum dispositionem Priorissæ, & Monasterij. Aptetur autem in aliquo loco conuenienti iuxta clausuram, in muro inseparabiliter ipsi adhærenti, aliquod instrumentum rotundum, quod Rotam vocamus: per quod ita possint res necessariae dari, & accipi; quòd dantes & accipientes nullatenus possint se videre. In Ecclesia verò in aliquo loco intermedio inter Sorores & exteriores, aptetur aliqua fenestra ferrata competentis magnitudinis, in qua fient sermones. Similiter fiant in aliquo loco apto duæ fenestræ paruulæ ferratæ, ad confessiones audiendas. Poterit etiam haberi aliquod locutorium ad loquendum cum extraneis in aliquo loco conuenienti: vbi aptetur fenestra ferrata simili modo; sicut dictum est de fenestra maiori in Ecclesia. Vel in ipsa Ecclesia ad prædictam fenestram maiorem, fieri poterunt locutiones cum extraneis, vbi huiusmodi locutorium non habetur. Porro omnes supradictæ fenestræ vel fenestellæ ferra-

ferratæ, sic disponi debent, vel per duplicationem ferraturæ, vel per acutos clauos: quòd inter exteriores & interiores, nullus possit interuenire contactus. Item omnes fenestræ, vel fenestellæ, & etiam rotæ, debent interius habere ostia lignea bona, cum clauibus diligenter firmanda. Præter prædictas fenestras nulla alia habeatur: nisi fortè causa loquendi, vna alia similis fenestellæ confessionsum, in loco competenti, de licentia Magistri Ordinis vel Prioris Prouincialis concedatur.

*Cap. XXX. De ingressu, & egressu Domorum.*

**C**irca ingressum, & egressum Domorum Sororum, summam adhibere volentes cautelam: interdicimus sub pœna anathematis; ne vnquam aliquæ Sororum egrediantur clausuram, nisi propter periculum ignis, vel ruinæ, vel latronum, vel malefactorum, aut similibus euentuum, qui solent vergere in periculum mortis: nisi forte de licentia Magistri Ordinis, ex causa aliqua transferri contigerit aliquam ad aliam Domum faciendam vel factam. Iam verò B. Pius V. per Breue quod incipit: *Decoris, & honestati*. Datum *Romæ apud S. Petrum die prima Februarij Anno 1570.* in tribus tantummodò casibus permittit egressum Sororibus ex Monasterio. Nimirum propter vehemens incendium si fortè exoriatur: secundò propter lepram si aliquæ ex Sororibus ea afficerentur; ac tertio demum propter morbum contagiosum epidimiæ. Prius tamen hæ infirmitates à viris peritis probè agnosci, ac testimonio in scriptis dato ab ipsidem confirmari debent; antequam egressus extra clausuram concedatur. Et per hanc Constitutionem præallegatam, abrogantur omnes anteriores concessiones, factæ à Summis Pontificibus Benedicto XII. Urbano IV. Iulio II. tum & ab ipso Concilio Tridentino: iuxta declarationem Sacræ Congregationis Episcoporum, & Regularium; factam die 22. Septembris 1617.

Similiter Gregorius XIII. per Breue quod incipit: *Vbi gratia, & indulta &c.* Datum *Romæ apud S. Petrum die 13.*

*Iuni*

*Iunij* 1575. reuocat, & annihilat omnes licentias datas antehac ad ingrediendum Monasteria Monialium Comitissis, Marchionissis, & Principissis: alijsque omnibus viris & fœminis; ipsisque prohibet sub pœna Excommunicationis, ne prætextu huiusmodi concessionum ac licentiarum, Monasteria ingredi præsumant.

Licitum nihilominus est Magistro Ordinis, vel Priori Prouinciali sub tempus Visitationis ingredi Monasteria Sororum, vna vice dumtaxat in anno: ita tamen vt si vnus ex illis Monasterium visitando ingrediatur, alter eodem anno ingredi non possit; iuxta tenorem Bullæ ab Alexandro VII. editæ, quæ incipit: *Fidei sacrarum Virginum &c.* vbi hoc etiam cauetur: vt Magister Ordinis cum duobus Socijs, iam verò Prior Prouincialis, non nisi cum vno Socio Monasteria ingrediantur. Et Gregorius XIII. in quadam Constitutione, quæ incipit. *Dubijs qua emergunt*: Data Romæ apud S. Petrum die 23. Decembris 1581. Superioribus Regularium facultatem concedit ingrediendi Monasteria Monialiũ, in casu scilicet necessitatis: si verò aliquis extra omnem necessitatem ingrediatur, pœnam Excommunicationis, ac priuationem officij supra eundem decernit.

Quando autem aliquis prædictorũ ingreditur, Priorissa cum tribus antiquioribus cum semper comitetur: aliæ verò non discurrant, sed sint in Capitulo, vel in Ecclesia, vel in alio loco honesto omnes; præter illas quæ necessariò occupantur in aliquibus officijs, donec regressus fuerit extra domum. Nulla loquatur cum aliquo ingredientium seorsim ab alijs: nisi forsitan occasionaliter cum aliquo prædictorum; qui possunt, & debent intrare, & hoc de licentia: exceptis Priorissa, & tribus Sororibus ad hoc deputatis. Priorissa, cum prædictis tribus Sororibus simul stent, & simul vadant binæ, & binæ. Loquantur autem cum illis, quos ex aliqua causa contigerit ingredi, de expedientibus breuiter, & succinctè. Item si oporteat infra terminos Sororum aliqua opera fieri necessaria, poterunt intrare operarij aliqui de licentia Prioris Prouincialis, vel Vicarij: &

tunc Priorissa, & Suppriorissa, & Procuratrix, vel alia tres de Sororibus antiquioribus & maturis, ad hoc deputatæ, operarijs loqui poterunt; ita tamen quòd vna ab alijs duabus audiatur, alia verò nullo modo loquatur eis, nec etiam ad eos accedant. Item si aliquam ita infirmari contigerit, quòd ad locum consuetum Confessionis ac Communionis venire non possit: si desideret confiteri; tenebitur Confessarius ad Cameram infirmæ venire, associatus à Priorissa, & duabus alijs Sororibus antiquioribus: & interea dum infirma confitebitur, Socius Confessarij cum eo Monasterium ingressus, manebit penes Priorissam, & illas duas Sorores supradictas, in loco remotiori, dummodò tamen Confessarium infirmæ assistentem commodè videre possit, iuxta Bullam Alexandri VII. superius relata. Si verò eam etiam communicare oportuerit, sacerdos in superpelliceo cum itola Corpus Christi deferens reuerenter, præcedentibus eum duabus Sororibus cum cereis, & vna cum aqua benedicta, & alia campanulam deferente: associantibus nihilominus aliquibus de maturioribus Sororibus, ad infirmariam vadat, & infirmam communicet; prout in Ordinario continetur. Si autem aliqua Soror infirmetur in tantum, quòd eam inungi oporteat: tunc sacerdos indutus, vt supra de Communione dictum est, oleum sacre Vnctionis deferat; & vna Sorore Crucem portante, præcedentibus duabus cum cereis ad infirmariam vadat, & totus Conuentus eum processionaliter antecedit. Intrans autem Sacerdos infirmariam dicat: *Pax huic domui*: & cætera fiant, sicut notatum est in Ordinario: ita tamen quòd abstersiones cum stupis, fiant vel à Priorissa, vel ab aliqua Sorore cui iniunxerit. Cauendum est autem ne de facili multiplicentur ingressus, modo causa Communionis, modo causa Vnctionis, sine magna necessitate, sed simul fiat vtrumque. Cum autem simul communicari, & iniungi aliquam oportuerit: Soror aliqua Crucem portet, & Frater, ac socius sacram deferant Vnctionem, & primò fiat Communio, deindè Vnctio, & in isto casu semper



remaneat Conuentus in infirmaria, vsque ad completionem Officij. Porro vbi copia ministrorum supradictorum non habetur in promptu, vel propter aliquam necessitatem festinare oporteat; omiffa Ministrorum assistentia, omniquè alio apparatu ac solemnitate, fiant omnia eo modo, quo melius perfici poterunt.

### Cap. XXXI. De Capitulo quotidiano.

**F**initis Matutinis teneatur Capitulum, vel post Primam, vel post Tertiam, & Missam, si Missa post primam dicatur: aliquando etiam potest intermitteri, si Priorissæ videbitur. Ingresso Conuentu Capitulum, Lectrix pronunciet lunam, & quæ de Calendario pronuncianda sunt: & Hebdomadaria prosequatur *Pretiosa*, &c. Deinde Sororibus resedentibus, Lectrix pronunciet lectionem de Constitutionibus, vel de Euangelio pro tempore, præmissis *Iube domne &c.* & Hebdomadaria subiungat benedictionem, *Regularibus disciplinis &c.* vel *Diuinum auxilium &c.* pro tempore. Et facta absolutione pro defunctis, dicat quæ tenet Capitulum, *Benedicite*: & responso, *Dominus*, inclinent omnes. Deinde recitatis beneficijs, & recommendatis recommendandis orationibus omnium, ac dicto à Priorissâ, *Retribuere dignare &c.* dictis etiam à Conuentu Psalmis *Ad te leuauit*, & *De profundis &c.* *kyrie eleison. Pater noster &c.* subsequentibus etiam tribus Versiculis. *Oremus pro Domino Papa &c.* *Saluos fac seruos tuos & ancillas tuas. Requiescant in pace*, ab Hebdomadaria dicendis, cum his tribus Collectis. *Omnipotens sempiterne Deus, qui facis mirabilia &c.* *Prætexe &c.* *Fidelium Deus &c.* sedeant Sorores. Tunc quæ præest poterit dicere breuiter si quid ad honestatem, & correctionem Sororum viderit expedire. Post hæc dicat quæ præest: *Faciant venias suas, quæ se reas existimant*. Continuo quæ se reas intellexerint, prostratæ veniam petant. Deinde auditis primò Nouitiabus (si in Capitulo fuerint audiendæ) & egressis, aliæ surgentes hu-

mili-

militer confiteantur culpas suas: & quarum culpa talis est, quæ digna sit correctione; præparent se ad correctionem, quam tenens Capitulum faciat, vel illa cui iniunxerit. In Capitulo verò Sorores nisi duabus de causis non loquantur: scilicet culpam suam, vel aliarum dicendo simpliciter, & Prælati suis tantum ad interrogata respondendo. Vna etiam stante, & loquente, nulla loquatur. Nulla faciat proclamationem, ex solâ suspitione. Item nulla accuset de auditu, nisi personam à qua audierit, dicat. Similiter quælibet caueat ne malum quod audierit de alia, alteri conferat, nisi dicat à quo audierit. Auditis culpis dicatur Psalmus *Laudate Dominum omnes gentes &c.* cum *Ps. Ostende nobis Domine &c.* & *Domine exaudi &c.* & Collecta *Actiões nostras &c.* In fine dicat Priorissa: *Adiutorium nostrum &c.* & sic soluitur Capitulum. Cum non tenetur Capitulum de culpis, pronuncianda sunt ea quæ sunt de Kalendario: & deinde *Pretiosa*, siue in Choro, siue in Capitulo modo supradicto; exceptis recitationibus beneficiorum, & orationibus annexis.

### Cap. XXXII. De concessione Domorum.

**I**nhibemus sub pœna excommunicationis, ne aliqua scienter det operam directè, vel indirectè, quòd aliqua Domus Sororum construatur, vel constructa Ordini Fratrum Prædicatorum committatur: nisi prius super hoc habeatur consensus Capituli Generalis. Eadem distinctione ordinamus, ne vnquam in aliquo casu, Domus aliqua recipiatur sub curam ipsius Ordinis, nisi cum sufficienti prouisione in bonis temporalibus pro necessitatibus Sororum. Nulli etiam libellus iste tradatur ad transcribendum, vel videndum, sine licentia Magistri Ordinis, vel Prioris Prouincialis.

*Hic finiuntur Constitutiones Sororum,  
Ordinis Fratrum Prædicatorum.*

# INCIPIT TRACTATVS

*De initio & fundatione Regulæ, seu formæ  
vel modi viuendi, Fratrum & Sororum  
de Militia Iesu Christi, de pœniten-  
tia B. Dominici.*



TRACTATVM compilare intendo, super in-  
formatione & approbatione Regulæ, seu  
formæ vel modi viuendi Fratrum, & Soror-  
um de Militia Iesu Christi, de pœnitentia  
Beati Dominici Fundatoris Ordinis Præ-  
dicatorum: per diuersos Summos Pontifi-  
ces approbatum, maximè per Papam Gregorium IX. Ho-  
norium IV. Ioannem XXII. Bonifacium IX. Innocentium  
VII. & Eugenium IV. sicut habetur diffusè in legenda  
Beatæ Catharinæ de Senis. cap. 8. quam composuit Reue-  
rendissimus Pater Frater Raymundus de Capua, Sacræ  
Theologiæ Professor, ac totius Ordinis Prædicatorum,  
Magister Generalis 22. Et Magister Thomas de Firmo  
eiusdem Ordinis Magister Generalis 24. transtulit in vul-  
gari Regulam de Militia Iesu Christi, de pœnitentia Bea-  
ti Dominici. Item inuenitur quidam liber in quo est Re-  
gula, secundum quam viuebant tempore Militiæ actualis  
contra hæreticos, qui liber est in Conuentu Ferrariensi, &  
Veneto Ordinis Prædicatorum, & est talis. *Pateat vniuer-  
sis fidelibus, qualiter ego Frater Thomas de Senis, una cum Re-  
uerendo Patre & Magistro Fratre Bartholomæo de Senis, ambo  
de Ordine Prædicatorum, Anno Domini 1422. Venetijs existen-  
tes, & quantum valumus diligentius inquirentes de Regula,  
siue statu Fratrum, & Sororum de Militia Iesu Christi, de pœ-  
nitentia Beati Dominici: inuenimus quantum ad initium eius-  
dem Regulæ taliter se habere, sicut patet in legenda Beatæ Ca-  
tharinæ de Senis supradicta, capitulo 8. ubi sic dicitur. Cunctis.*

volentibus legere notum facio: prout legi pariter, & audiui à fide dignis, in diuersis Italiæ partibus, gesta quoque Beatissimi Patris Nostri Dominici testantur. Ipse gloriosus fidei Catholicæ pugil, ac Christi athleta Beatus Dominicus, sicut totus zelator boni status Ecclesiæ militantis; per se, ac per suos Fratres, tam in Tolosa, quam in Lombardia, hæreticos triumphaliter debellauit: ita vt sicut fuit tempore suæ Canonizationis coram Summo Pontifice Gregorio IX. probatum legitimè, centum millia hæreticorum, & ultra conuersi fuerunt tantum in Lombardia, tam doctrina, quam miraculis eius. Nam ita venenosa doctrina hæreticorum infecerat mentes hominum, quòd ferè omnia iura Ecclesiarum erant per laicos occupata: qui ea possidebant quasi iure hæreditario. Ex quo cgebantur Pontifices mendicare, nec ullam habebant potentiam, per quam possent errori resistere: nec etiam Clericos, aut pauperes valebant secundum sui officij debitum nutriendo iuuare. Vnde in multis partibus etiam Italiæ regnabat ista iniquitas: quod sanctus Pater Dominicus zelotypa mente cernens & sustinere non valens, qui pro se suisque sequacibus extremam elegerat paupertatem; cepit pro diuitijs recuperandis Ecclesiæ, decertare. Aduocans igitur aliquos laicos Deum timentes, & sibi præcipua deuotione affectos, & notos: cepit tractare de ordinando quandam sanctam Militiam; quæ haberet iura Ecclesiarum recuperare simul, & defensare, nec non & resistere fideliter hæreticæ prauitati. Nam illos quos voluntarios reperit sic induxit, quòd iuramentum præstabant sibi, cuncta quæ dicta sunt facere iuxta vires: & propter hoc paratos exponere tam personam, quam illa quæ possidebāt. Vt autem à coniugibus in hoc opere sancto impediri non possent, faciebat coniuges seu vxores eorum iurare, quòd viros non impedirent, sed potius iuuarent: & iuxta modum cooperarentur eis in omnibus sibi possibilibus; & sanctus Pater Dominicus promittebat vtrique parti copulæ seruanti hoc, vitam æternam. Vocauit autem eos Fra-



tres de Militia Iesu Christi. Verum vt per aliquod saltem  
signum fecernerentur ab alijs laicis, & aliquid supereroga-  
torij operis adderent vltra consuetudinem aliorum: dedit  
eis colorem habitus proprij; vt scilicet, tam viri, quam  
mulieres quacunque figura vestium vterentur, album ta-  
men semper portarent, & nigrum: ita quod vterque color  
exterius appareret ad innocentie & humilitatis indicium.  
Insuper assignauit eis quendam taxatum numerum Do-  
minicæ orationis, & salutationis Angelicæ, quem pro qua-  
libet hora canonica deberent quotidie orando perficere,  
vt à Diuino seruitio non vacarent. Postquam Beatus Pa-  
ter Dominicus ita benè ordinauit, migravit ad Domi-  
num. Crebrescentibus eius miraculis, Apostolicæ Sedis  
Pontifex Gregorius IX. ipsum cathalogo Sactorum anno-  
tans, honorandum, & adorandum exhibuit vniuersis. Fra-  
tres hi, & Sorores dicti de Militia Iesu Christi, volentes or-  
dinatori suo iam glorioso singularem reddere gloriam, &  
hònorem: decreuerunt post mortem eius mutare nomen, &  
vocari Fratres de pœnitentia Beati Dominici. Induxite eos  
satis ad hæc; quia Beatissimi Patris meritis, atque miracu-  
lis, nec non & Fratrum suorum laboriosa doctrina, iam pe-  
stis hæretica perdefecerat: & necessaria non videbatur  
multum amplius pugna exterior; sed restabat tantum, vt  
per pœnitentiam cum hoste interiori pugnarent, propter  
quod etiam nomen pœnitentiæ singularitèr elegerunt. De-  
mum crescente quotidie turba prædictorum fidelium, in-  
ter quos velut matutinum astrum resplenduit Martyr, &  
Virgo Beatus Petrus, qui occisus plures hostium concul-  
cavit, quam viuens: deleta est quasi totaliter turba vulpe-  
cularum demoliri cupientium vineam Domini Sabaoth;  
redditaque fuit pax (faciente Domino) Ecclesiæ sanctæ  
Dei. Quamobrem causa illius Militiæ cessauit ex toto, ac  
per consequens, & effectus. Verum decedentibus huiusmo-  
di status viris, sceminæ remanentes propter religiosam vi-  
ta n, quam cum viris tenuerant, amplius nubere non aude-  
bant: sed statum quem seruauerant; continuabant vsque ad

mortem. Hoc cernentes aliæ non huius instituti viduæ, quæ decreuerant viduitatem seruare: cœperunt dictas Sorores de pœnitentia Beati Dominici velle sequi; & earum obseruantiam pro remedio suorum peccatorum imitari. Vnde paulatim crescentes in diuersis Italiæ partibus, coegerunt Fratres Prædicatores ibidem morantes, ad informandum eas de modo viuendi, qui à Beato Dominico fuerat institutus. Quia verò modus ille scriptus non erat, quidam sanctæ memoriæ Pater, qui totius Ordinis curam gerebat, vocatus Frater Munio, natione Hispanus, modum illum viuendi redegit in scriptis: quem hodie habent & vulgariter Regulam vocant; quamuis Regulâ propriè dici non debeat, quia nec status de se propriè dicitur regularis, ex quo tria vota in qualibet Religione principalia non includit. Hæc ibi. Porro numero & meritò prædictorum Fratrum, Sororumque statu crescente, felicitis memoriæ D. Gregorius Papa IX. in priuilegio quod incipit: *Egrediens hæreticorum &c.* Fratribus Militiæ Iesu Christi directo, personas & bona Fratrum de Militia prædicta sub Sedis Apostolicæ protectionem suscepit: prohibens nihilominus, ne quis ex ipsis aliquem capere, rapinis, & iniustis collectis & exactionibus fatigare, vel à aliqua illicita iuramenta aut iniusta prælia cogere, aut alia iniuste molestare præsumat; insuper omnibus in vera pœnitentia persistentibus, qui mortis periculum pro Fide Catholica subierint, peccatorum omnium indulgentiam elargitur. Similiter D. Honorius Papa IV., sentiens odorem bonæ famæ ipsarum, concessit eis per Bullam, quòd tempore interdicti possent in Ecclesijs Fratrum Prædicatorum audire Diuina; vt pater in eius priuilegio quod incipit; *Congruum existimantes &c.* Insuper D. Ioannes XXII. Papa, postquam promulgauerat Clementinam, quæ Beghinas pariter, & Begardos excommunicatos declarauerat: per Bullam suam, quæ incipit; *Cùm de mulieribus &c.* illam decretalem de Sororibus de pœnitentia Beati Dominici per Italiam constitutis, non debere intelligi declarauit:

nec per ipsam statui earum fuisse quomodolibet derogatum denunciavit. Præterea D. Bonifacius in sua obedientia Papa IX. nuncupatus, per priuilegium quod incipit: *Humilibus, & honestis* &c. Fratribus, & Sororibus de pœnitentia Beati Dominici directum, concedit; quod pœnitentiam salutarem, & Sacramentum Eucharistiæ à Fratribus Ordinis Prædicatorum, nisi in festo Resurrectionis, suscipere valeant. Idem quoque in alio priuilegio, quod *Mare magnum* Bonifacij appellatur, & incipit; *Sacræ Religionis* &c. quod tempore generalis interdicti Diuinis interesse, & Ecclesiastica possint recipere Sacramenta ab ipsis Fratribus, humanitè concessit. Item D. Innocentius in sua obedientia Papa VII. nominatus, prædictorum Fratrum, & Sororum Regulam, siue viuendi modum Apostolica auctoritate confirmauit: in Bulla quæ incipit; *Sedis Apostolica* &c. Dominus quoque Eugenius Papa IV. præfatam Regulam, siue modum viuendi vnâ cum prædicti Innocentij confirmatione similiter approbauit, vt in eius Bulla patet, quæ incipit: *Prouisionis nostræ* &c. Cæterum D. Sixtus Papa IV. in priuilegio quod *Mare magnum* appellatur, concedit dictis Fratribus, & Sororibus de pœnitentia Beati Dominici: quod non solum in Ecclesijs Fratrum Ordinis Prædicatorum, sed etiam vbicumque possunt Fratres celebrare; possunt Diuina audire, non solum ipsi, & ipsæ, sed etiam eorum procuratores, & eorum negotia gerentes, vtriusque sexus. Item in priuilegio quod *Bulla aurea* nominatur, idem Pontifex concedit: quod loca, Monasteria, Priorissæ, & Procuratores Fratrum & Sororum, gaudeant eisdem priuilegijs, quibus & Fratres Ordinis Prædicatorum. Idem quoque Pontifex ad requisitionem Reuerendissimi Magistri Leonardi de Perusio olim totius Ordinis Prædicatorum Generalis Magistri, per Bullam quæ incipit: *Sacro sancta* &c. sub excommunicationis pœna inhiuit omnibus communitatibus, & potestatibus Ciuitatum, & quibuscumque officialibus secularibus locorum: ne præsumant aliqua grauamina libertati Eccle-

asticæ contraria, Fratribus, & Sororibus de pœnitentia Beati Dominici, continentibus, & coniugatis, secundum Regulam, & instituta Regularia Ordinis viventibus, irrogare; si tamen propter hanc libertatem obtinendam habitum non susceperint. Bulla plumbea, est Bononiæ. Prætereà D. Alexander Papa VI. ad requisitionem Reuerendi Patris Fratris Sebastiani de Brixia Congregationis Lombardiæ Generalis Vicarij, per Breue Apostolicum quod incipit: *Considerantes vberes* &c. concedit quòd Fratres, & Sorores de pœnitentia Beati Dominici omni tempore, possunt recipere Ecclesiastica Sacramenta, & etiam in Festo Resurrectionis, & in mortis articulo: cuiusvis licentia super hoc minimè requisita, sed tantum Prioris Domus, & Vicarij Generalis Congregationis Lombardiæ Ordinis Prædicatorum. Omnia suprascripta Priuilegia habentur authentica in libro priuilegiorum Ordinis, impresso Romæ 1555. Insuper varij, & diuersi Ecclesiarum Prælati, videlicet Cardinales, Patriarchæ, Archiepiscopi, & Episcopi, prædicto Ordini, & Fratribus ac Sororibus præfatis varias indulgentias concessere; quæ omnia enarrare longum esset. Hic igitur est Ordo à Beatissimo Dominico institutus, de quo prodijt, & si non tempore, dignitate tamen primaria, gloriosa & Beata Catharina de Senis, Iesu Christi sponsa dilectissima: cuius gesta miranda Reuerendissimus Pater Frater Raymundus de Capua olim totius Prædicatorum Ordinis Generalis Magister, eiusque Confessor, conscripsit: quam Dominus Papa Pius II. in die Apostolorum Petri & Pauli, Cathalogo Sanctorum adscripsit, eiusque Festum prima Dominica Maij celebrari instituit; cuius Bulla plumbea in Conuentu Sancti Dominici de Brixia conseruatur. Floruerunt insuper in dicto Ordine aliæ innumerabiles Sorores magnæ perfectionis, & sanctitatis: videlicet B. Angela de sancto Seuerino, Beata Anna de Camerino, Beata Daniela de Beneuento, Beata Margarita de Ciuitate Castelli, quæ virginitatem vsquè ad mortem conseruans, multis claruit miraculis. Beata



Ioanna de Vrbe veteri, ornatissima Virgo, & miraculis clara, Beata Helena de Pisis: Beata Maria de Venetijs, quæ pluribus virtutibus ornata extitit, de qua legenda compilata fuit. Beata Margarita Soror Ducis Sabaudia, vxor quondam Marchionis Montis Ferrati, quæ in Conuentu Sanctæ Mariæ Magdalena de Alba Ordinis Prædicatorum sepulta iacet, Beata Sibilina de Papia, cuius corpus etiam integrum conspicitur in Conuentu S. Thomæ Papia Ordinis Prædicatorum. Fuerunt & aliæ innumerabiles, quas enarrare longum foret: existunt etiam in præsentiarum, multæ aliæ magnæ sanctitatis, & perfectionis mulieres, in diuersis Italiae partibus. Hæc omnia scripta sunt, vt omnibus pateat quantum Deus gloriosus hunc Ordinem clarum, venerandumque fidelibus esse voluerit, qui est benedictus in secula. Amen.

## INCIPIT COPIA

*Confirmationis Regulæ Fratrum, & Sororum  
Ord. de Pœnitentia B. Dominici Funda-  
toris Ord. Præd. per D. Innocentium  
Papam VII. & D. Eugenium  
Papam IV. confirmatæ.*

EVGENIVS EPISCOPVS

Seruus Seruorum Dei,

*Ad perpetuam rei memoriam.*

**P**rouisionis nostræ debet prouenire subsidio, vt ius suum cuilibet conseruetur. Hinc est quod nos renorem quarundam litterarum Innocentij in sua obedientia (de qua partes infrascriptæ tunc erant) VII. nuncupati, in ipsius registro repertum pro eo: quod sicut exhibita nobis nuper pro parte dilectorum filiorum Fratrum, ac dilectorum filiarum Sororum Ordinis Fratrum Prædicatorum de

c 3

pœni-

pœnitentia Sancti Dominici nuncupatorum, in Ciuitate nostra Eugubina degentium petitio continebat; ipsi huiusmodi tenore ex certis causis se asserunt indigere: de registro ipso de verbo ad verbum transcribi, & ad Fratrum, & Sororum prædictorum instantiam petentibus annotari fecimus, quæ talis est.

## INNOCENTIVS EPISCOPVS

Seruus Seruorum Dei,

*Ad futuram rei memoriam.*

**S**edis Apostolicæ prouidentia circumspecta, personas sub regulari obseruantia vacantes assiduè studio piæ vitæ, benigno fauore prosequitur: & ea quæ pro earum statu salubriter dirigendo prouidè ordinata sunt; vt illibata persistant, Apostolico consuevit munimine roborare. Sanè petitio pro parte dilectorum filiorum Fratrum, & dilectarum in Christo filiarum Sororum Ordinis Prædicatorum, qui quidem Fratres, & Sorores de pœnitentia Sancti Dominici nuncupantur, nobis nuper exhibita continebat: quòd ipsi quandam Regulam, siue religiosè viuendi formam, in qua nonnulla honesta, & rationabilia ac regulari disciplinæ congruentia statuta, & ordinata fore noscuntur; hætenus laudabiliter obseruarunt, prout & obseruant. Quodquè licet Ordo, ac Fratres huiusmodi & Sorores, varijs per Sedem Apostolicam sint priuilegijs cœmmuniti; tamen pro solidiori eorum subsistentia, & vt clementia Altissimi operante, de virtute in virtutem gradientes deuotio-riorem reddere valeant Domino famulatum: desiderant huiusmodi Regulam, seu viuendi formam per Sedem eandem approbari. Quare pro parte Fratrum, & Sororum, eorundem nobis fuit humiliter supplicatum: vt Regulæ, siue viuendi formæ huiusmodi, robur Apostolicæ confirmationis adijcere, illamque per dictos Fratres, ac Sorores præsentis, & posteros in perpetuum obseruari mandare de benignitate Apostolica dignaremur. Nos igitur, qui su-  
per

per præmissis omnibus & singulis, Venerabilis Fratris nostri Angeli Episcopi Hostienlis (cui examinationem eorundem commisimus per ipsum faciendam, & quòd ea quæ per illam reperiret, nobis referre curaret) relatione plenaria & fidei fuimus clariùs informati: huiusmodi supplicationibus inclinati, Regulam, siue viuendi formam, quam per singula eius capitula clarè, & distinctè de verbo ad verbum præsentibus facimus annotari, nec non statuta, & ordinationes prædictas ratas habentes, & gratas; illas authoritate Apostolica, ex certa scientia confirmamus, & præsentis scripti patrocínio communimus: & nihilominus Regulam, seu viuendi formam eandem per ipsos Fratres, & Sorores præsentis, & posteros volumus, & mandamus perpetuis temporibus inuiolabiliter obseruari. Tenor verò Regulæ, seu viuendi formæ huiusmodi, sequitur, & est talis.

*Cap. I. De Recipiendis, & eorum conditione.*

**I**N primis, vt hic Ordo continuum, & perpetuum de bono in melius recipere valeat incrementum, quod ex receptione personarum benè dispositarum plurimùm noscitur dependere: volumus & ordinamus, quòd nullus recipiatur ad Ordinem huius fraternitatis; nisi per Magistrum, siue Directorem, & per Priorem dictæ Fraternitatis, vel de ipsorum licentia, ac etiam de assensu maioris partis Fratrum professorum Fraternitatis eiusdem illius loci. Præmissa tamen diligenti examinatione si sit honestæ vitæ, & bonæ famæ, ac de hæresi nullatenus suspectus: quinimmo tanquam sancti Dominici singularis in Domino filius, sit veritatis Catholicæ fidei iuxta suum modulum æmulator, ac zelator præcipuus. Qui etiam antequam Habitum Religionis recipiat, de alienis si quæ habuerit, satisfaciat ad plenum: & proximis reconciliari, nec non paratum, siue conditum testamentum tenere studeat; iuxta consilium, & ordinationem Confessoris discreti. Et eadem examinatio fiat de mulieribus ingressum huius Ordinis perentibus: habentibus tamen viros, non pateat ingressus ad confor-

## 40 *Regula Fratrum & Sororum*

tium dictæ Fraternitatis; nisi de virorum suorum licentia, & consensu, de quo consensu fiat publicum instrumentum. Idem quo ad hoc seruari volentes in viris vxores habentibus: nisi obstarét in ipsis, vel altero ipsorum causa, quæ legitima iudicaretur consilio discretorum.

### *Cap. II. De Habitu Fratrum, & Sororum.*

**O**mnes autem tam Fratres, quàm Sorores dictæ fraternitatis, induantur panno albo, & nigro: qui nec in colore, nec in valore nimiam pretiositatem prætendat, sicut decet honestatem seruorum Christi. Mantellum sit de nigro, & Fratrum Capucia similiter sint de nigro: tunicæ verò sint de albo; quarum manicæ protendantur vsque ad pugnum, & sint clausæ. Corrigias de corio tantum habeant, quibus Sorores cingantur sub tunica. In bursis, & calceamentis, & cæteris omnem mundanam rescent vanitatem. Vela verò Sororum, & bindæ sint alba de panno lineo vel canapino.

### *Cap. III. De Benedictione Vestium, siue Habitus: & de modo recipiendi ad hunc Ordinem.*

**R**ecipiatur autem recipiendus in loco Capituli Fraternitatis, vel ante altare Ecclesiæ Fratrum Ordinis Prædicatorum illius loci, à Magistro siue directore supradicto, vel eius Vicario. Qui Magister assistente induendo, & petente humiliter flexis genibus recipi, præsentibus aliquibus alijs Fratribus Prædicatoribus, & Priore Fraternitatis, vel eius vices gerente, cum alijs de Fraternitate, benedicit primò Habitum eius qui debet recipi, hoc modo videlicet. *Ostende nobis Domine misericordiam tuam &c. Dominus vobiscum.* Oremus. *Domine Iesu Christe, qui regimen nostræ mortalitatis induere dignatus es &c.* vt habetur supra Distinct. 1. pag. 114. Postea vero tali Habitu benedicto, & per receptum seorsim induto, atque ad gradus altaris reuerso, & ante Magistrum genuflexo, dicet Magister: *Veni Creator spiritus.* & Fratres qui ei assistunt, ipsum profequantur.



quantur vsque ad finem. Deinde dicatur, *Kyrie eleison. Christe eleison. Kyrie eleison. Pater noster, &c. Emitte spiritum tuum &c. Saluum fac seruum tuum &c. Dominus vobiscum. Oremus: Deus qui corda &c. & Præstende Domine &c.* Et responso *Amen*, aspergatur sic indutus à Magistro aqua benedicta. Deinde omnes Fratres Fraternitatis ipsum recipiant ad osculum pacis, & eodem modo ante altare recipiantur mulieres, quemadmodum est de Fratribus supra dictum.

*Cap. IV. De Professione, seu modo profitendi.*

**C**ompleto anno vel ante, si Magistro, & Priori supradictis, vel cui commiserint, & etiam maiori parti Fratrum professorum Fraternitatis visus fuerit idoneus, ad professionem recipiatur. Profitebitur autem hoc modo videlicet: *Ad honorem Dei Omnipotentis, Patris, & Filij, & Spiritus sancti, & Beate Mariæ Virginis, & Beati Dominici: Ego N. coram vobis N. Magistro, & Priore Fratrum Ordinis de pœnitentia Beati Dominici talis loci, profiteor me velle de cætero viuere, secundum Regulam, & formam Fratrum, & Sororum eiusdem Ordinis de pœnitentia Beati Dominici vsque ad mortem.* Mulieres verò eodem modo profiteantur coram Magistro supradicto, & Priorissa, vel cui commiserit.

*Cap. V. De permanentia in hoc Statu.*

**S**tatuimus autem, vt nullus Frater, nec Soror huius Fraternitatis, & Ordinis, post talem supradictam professionem, de hoc Ordine egredi valeat: nec eisdem ad seculum reuerti liceat; sed benè possint liberè transire ad vnā de approbatis Religionibus, tria vota solemnia profitentibus.

*Cap. VI. De Horis Canonicis dicendis.*

**F**ratres, & Sorores dicant quotidie omnes horas Canonicas, nisi infirmitate impendantur. Pro Matutinis dicant viginti octo Pater noster: pro Vesperis quatuordecim, pro qualibet aliarum horarum septem. Ad honorem verò Beate Mariæ semper Virginis, pro qualibet ho-

## 42 *Regula Fratrum & Sororum*

na superius nominata, tot Ave Maria, quot Pater noster, dicere teneantur. Pro benedictione autem mensæ dicant vnum Pater noster. Cum verò surgunt à mensa, dicant similiter vnum Pater noster. Pro gratiarum actione, vel Psalmum *Miserere mei Deus*, vel Psalmum *Laudate*, qui sciunt. Omnes etiam, qui sciunt symbolum Apostolorum, videlicet *Credo in Deum*, dicant illud semel in principio Matutarum: & etiam ante Primam, & quando Completorium fuerit terminatum. Qui autem sciunt, & dicunt horas Canonicas quemadmodum faciunt Clerici, prædicta Pater noster, & Ave Maria dicere minimè teneantur.

### *Cap. VII. De surgendo ad Matutinas.*

**A**D Matutinas Dominicis diebus, & festiuis, à festo Omnium Sanctorum vsque ad festum Resurrectionis Dominicæ omnes surgant. In Aduentu, & Quadragesima surgant etiam omni nocte. Qui verò occupantur quotidiano opere manuali, horas suas dicere poterunt de manè vsque ad Vesperas exclusiue. De serò verò Vesperas, & Completorium simul dicant.

### *Cap. VIII. De Confessione & Communionem.*

**O**Mnes quater in anno adminùs videlicet in festo Natiuitatis Domini, Resurrectionis ipsius, Pentecostes, & in festo Assumptionis, aut Natiuitatis Beatæ Virginis peccata sua confiteantur diligenter, & Eucharistiæ deuotè studeant recipere Sacramentum: nisi forsan ex aliqua causa rationabili alicui ex ipsis esset à suis Confessoribus interdictum. Qui autem ex deuotione sua sæpiùs voluerint communicare infra annum, petita à suo Prælato licentia, & obtenta, deuotionem suam cum Dei benedictione poterunt executioni mandare.

### *Cap. IX. De Silentio in Ecclesia obseruando.*

**I**N Ecclesia dum celebrantur Missæ, vel cantatur Diuinum Officium, seu actualitèr ibidem proponitur verbum

bum Dei, omnes silentium seruare studeant: & orationi ac Diuino Officio diligenter intendant; nisi ex aliqua speciali, & occurrente necessitate aliquid silenter loquantur.

*Cap. X. De reuerentia exhibenda Ecclesiarum  
Prælati, & Ecclesijs eorundem.*

**F**ratres & Sorores Ecclesias quarum Parochiani, & Parochianæ existunt, iuxta Canonicas sanctiones, & bonos mores, & cum omni deuotione studeant visitare: & Ecclesiarum suarum Prælatos, videlicet Episcopos, & inferiores summè reuereantur; ipsorumque iura absque omni diminutione, & fideliter eis soluant. Et hoc tam in decimis, quàm in oblationibus aliàs quomodolibet consuetis.

*Cap. XI. De Ieiunijs.*

**A** Dominicâ primâ Aduentus, vsque ad Natiuitatem Domini, quotidie tam Fratres quàm Sorores ieiunent: similiter à Dominica in Quinquagesima, vsque ad Pascha Resurrectionis Domini idem obseruent. Ferias autem sextas ieiunabunt omni tempore, & ieiunia omnia ab Ecclesia instituta. Qui autem voluerint amplius ieiunare seu austeritates alias facere: poterunt; habita licentia à Prælato suo, vel de consilio Confessoris discreti.

*Cap. XII. De Cibo.*

**F**ratres & Sorores huius Fraternitatis, vti poterunt carnibus diebus Dominicis, tertia, & quinta feria: ceteris verò diebus abstineant, nisi sint infirmi, aut multum debiles, vel minuti; vel nisi præcipuum festum fuerit illa die, aut quia essent in itinere constituti.

*Cap. XIII. De discursu Fratrum,  
& Sororum.*

**V**agos, curiososque discursus per ciuitatem non faciant: Sorores verò solæ non discurrant, maxime iunio.

#### 44 *Regula Fratrum & Sororum*

iuniores. Ad nuptias, choreas, siue ad dissoluta, & munda-  
na conuiuia, siue ad vana spectacula, nullo modo accedant.  
De ciuitate verò seu castro vbi habitant, non exeant etiam  
causa peregrinationis, absque licentia speciali Prælati, vel  
Magistri Fraternitatis iam dictæ.

#### *Cap. XIV. De armis à Fratribus non ferendis.*

**I**nuasionis, seu impugnationis arma secum Fratres non  
deferant: nisi propter defensionem fidei Christianæ, aut  
alia rationabili causa, & de suorum Prælatorum licentia.

#### *Cap. XV. De Infirmis visitandis, & procurandis.*

**D**eputentur per Priorem duo ex Fratribus, qui cum  
quempiam, ex eisdem nouerint infirmari, ipsum,  
quàm citiùs potuerint, charitatiuè studeant visitare: & sta-  
tim à principio ad recipiendam pœnitentiam, & alia Ec-  
clesiastica Sacramenta eundem efficaciter adhortentur; &  
si necesse fuerit ministerium corporale (prout commodè  
poterunt) eidem studeant adhibere. Si verò fuerit pauper,  
necessaria de bonis proprijs, vel communibus (prout fa-  
cultas permisserit) sibi ministrare procurent. Et idem fa-  
ciant Sorores, circa Sorores suas infirmas.

#### *Cap. XVI. De obitu Fratrum, & Sororum, & Suffragijs eorum.*

**Q**uando continget aliquem ex Fratribus ex hac luce  
migrare, cæteris Confratribus qui sunt in eadem ci-  
uitate vel castro, nuncietur: vt procurent defuncti exequijs  
personaliter interesse; à quibus non recedant, donec cor-  
pus fuerit traditum sepulturæ. Hoc idem circa Sorores de-  
cedentes volumus obseruari. Præterea infra octo dies post  
ipsius defuncti sepulturam immediate sequentes, quilibet  
Frater, & Soror dicat pro anima eius: Sacerdos vñam,



Missam, sciens verò Psalterium, Psalmos quinquaginta: illiterati verò centum Pater noster dicant, addendo in fine cuiuslibet, *Requiem æternam*, &c. Et præter hæc quilibet infra annum pro Fratrum, & Sororum, tam viuorum, quam defunctorum salute, tres Missas faciat celebrari: qui verò sciunt Psalterium, illud dicant, & cæteri quingenta. Pater noster dicere teneantur.

*Cap. XVII. De institutione Prioris, & Priorissæ.*

**P**riore Fraternitatis mortuo vel amoto, Magister siue Director Fraternitatis cum consilio antiquorum de Fraternitate, instituat Priorem. Singulis autem annis infra Octauas Paschæ, vel alio tempore, supradictus Magister habeat consilium cum antiquioribus de Fraternitate super amotione, vel confirmatione Prioris: & sic Priorem confirmare, vel amouere poterit, secundum quòd ipse cum præfatis indicauerit expedire. Consimiliter etiam de consilio dicti Magistri, & aliquorum de Fraternitate magis antiquorum, poterit Prior Fraternitatis ordinare de Supprior, vel Vicario Fraternitatis, & etiam postmodum confirmare, vel amouere, secundum quòd eisdem visum fuerit expedire. Qui Supprior, vel Vicarius tantam potestatem habeat, quantam Prior sibi concedet. Et hæc eadem forma in institutione Priorissæ, & Suppriorissæ simili modo obseruetur.

*Cap. XVIII. De Officio Prioris, & Priorissæ.*

**P**rioris officium erit cum omni diligentia seruare in se quæ in Regula scripta sunt, & sollicitam dare operam, vt ab alijs Confratribus obseruentur. Si quos verò viderit transgredientes, aut etiam negligentes, charitatiuè corripiat, & emendet: vel si magis sibi videbitur expediens, Fraternitatis Magistro, & Directori vt corrigat, poterit intimare. Priorissæ etiam erit officium, sollicitè Ec-

cle.

clesiam visitare, cæteras etiam Sorores excitare ad obseruantiam regularem: diligenter etiam per seipsam, & alias quibus imponet obseruare; quòd in incessu, statu, habitu, nihil per aliquam Consores fiat, quod cuiusquam meritò turbare possit aspectum. Præcipue autem attendat ne Sorores cum quocumque viro cuiuscumque conditionis existat, familiaritatem contrahant, maximè iuniores: nisi forsan talis vir Sorori illi sit coniunctus tertio ad summum consanguinitatis gradu, sitque præterea, & bonæ vitæ, & famæ integerrimæ.

### *Cap. XIX. De Correctione Fratrum, & Sororum.*

**S**I quis notatus fuerit de aliqua familiaritate suspecta, & ter admonitus per Prælatum, se non emendauerit; excludatur ad tempus à Capitulo, & consortio cæterorum Confratrum. Quòd si nec sic se correxerit, tunc de Fratrum consilio discretorum, de ipsorum penitus consortio publicè excludatur: nec admittatur de cætero, nisi Confratribus omnibus videatur esse correctus.

Item si quis Confratri, vel alteri cuiusq; opprobrium dixerit, quod sonare infamiam videatur, aut ex ira quemquam percusserit, vel ad locum prohibitus ire præsumperit, seu inobedientiam quamcumque commiserit, aut etiam Prælato mendacium ex industria dixisse deprehensus fuerit: abstinencia panis, & aquæ, vel exclusionem à Capitulo, aut etiam à consortio aliorum Fratrum, piùs, vel minùs secundum conditionem personæ, & exigentiam delicti grauiùs, vel leuiùs corrigatur.

Item si quis crimen mortale commiserit, talis de consilio maioris partis Fratrum professorum Fraternitatis illius loci secundum exigentiam culpæ, & conditionem personæ, grauiùs, vel leuiùs puniatur; sic tamen quod sit cæteris in exemplum. Quam punitionem si ferrè recusa-uerit, de consilio discretorum de isto Ordine expellatur. Circa Sororum verò correctionem, illud idem volumus per omnia obseruari.

*Cap. XX. De Congregatione Fratrum, & Sororum, & institutione Magistri, siue Directoris eorundem.*

**I**N quolibet autem mense semel certa die, & hora per supradictum Magistrum, vel eius Vicarium deputandis, ad Ecclesiam Fratrum Prædicatorum conueniant Fratres omnes Ordinis Fraternitatis, Dei verbum, & etiam Missam, si hora competens fuerit, pariter audituri. Et tunc per ipsum Magistrum ipsis legatur Regula ista, & exponatur: & tunc de agendis Fratres informer, & negligentes corrigat, & emendet, prout secundum Deum, & istam Regulam, seu viuendi formulam viderit expedire. In cuiuslibet etiam mensis prima sexta feria, Sorores ad Ecclesiam Fratrum Prædicatorum conueniant, similiter Dei verbum, & Missam communiter audituræ: quibus etiam legatur Regula ista, & exponatur; de suisque excessibus corrigantur per Magistrum deputatum eisdem. Volumus autem quod in qualibet Ciuitate, & Castro vbi fuerint Fratres, & Sorores huiusmodi, habeant in Magistrum, & Directorem, aliquem idoneum Fratrem Sacerdotem de Ordine Prædicatorum: quem postulauerint à Generali Magistro, vel Prouinciali illius Prouinciæ dicti Ordinis Prædicatorum; aut quem ipsi Generalis Magister, seu Prouincialis per se vel alium eisdem concedere, & assignare decreuerit. Volentes insuper, & statuentes vniuersos Fratres, & Sorores huiusmodi de pœnitentia Beati Dominici vbicumque existant, directioni, & correctioni ipsius Generalis Magistri Ordinis antedicti, & Prioris Prouincialis illius Prouinciæ eiusdem Ordinis; pro eorundem ampliori conseruatione, & promotione totaliter subiacere: quantum ad illa videlicet; quæ eorundem viuendi modum, & formulam concernere dignoscuntur.

*Cap. XXI. De dispensatione facienda rationabili causa concurrente.*

**P**rior Fraternitatis cum Fratribus suis, & Priorissa cum suis Sororibus, Magister autem, & Director eis deputatus cum vtrisque in abstinentijs, ieiunijs, & austeritatibus alijs in supradictis Capitulis contentis, ex causa legitima, & rationabili, cum expedire viderint, poterunt dispensare.

*Cap. XXII. De obligatione huius Regule, & viuendi Formulæ.*

**D**enum, quemadmodum in Constitutionibus Ordinis Fratrum Prædicatorum continetur, ita volumus & ordinamus: quod in ista Regula, seu viuendi formula habeatur; videlicet, quod præter Diuina, & Ecclesiæ præcepta, atque statuta in ea contenta, in reliquis huiusmodi Regulæ Constitutionibus, siue Ordinationibus Fratres, & Sorores ad culpam nullatenus obligentur, sed solum ad pœnam. Quam cum à Prælato, vel Magistro continget ex quauis transgressione imponi, per transgressorem humiliter, & prompte suscipiatur, & similiter opere perficiatur, cooperante gratia Domini, & Redemptoris nostri Iesu Christi. Qui cum Patre, & Spiritu Sancto viuit, & regnat Deus per omnia secula seculorum. Amen.

Nulli ergo omnino hominum liceat hanc paginam nostræ confirmationis, communionis, voluntatis, & mandati infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, & Beatorum Petri, & Pauli Apostolorum eius, se noverit incursurum. Datum Romæ apud Sanctum Petrum, vj. Kalen. Iulij, Pontificatus nostri anno primo.

Cæterum vt earundem litterarum tenor prædictus sic insertus omnimodam rei, seu facti certitudinem faciat, Apostolica



stolica auctoritate decernimus: vt illud idē robur eamque vim, eundemque vigorem dictus tenor per omnia, habeat; quæ haberent originales litteræ supradictæ: & eadem prorsus eidem tenori fides adhibeatur, quocumque, vel vbi-cumque, siue in iudicio, siue alibi, vbi fuerit exhibitus, vel ostensus; & stetur firmiter in omnibus, sicut eisdem originalibus litteris staretur, si forent exhibitæ, vel ostensæ. Per hoc autem nullum ius cuiquam de nouo acquiri volumus, sed antiquum tantummodò conseruari. Nulli ergo omninò hominum liceat hanc paginam nostræ constitutionis, & voluntatis infringere, vel ei ausu temerario contrariare. Si quis autem hoc attentare præsumperit, indignationem Omnipotentis Dei, & Beatorum Petri, & Pauli Apostolorum eius, se noverit incursurum. Datum Florentiæ Anno Incarnationis Dominicæ 1439. Pridie Idus Maij Pontificatus nostri Anno nono.

## R V B R I C A S P E C I A L I S

*De modo & ordine recipiendi Fratres, & Sorores de Pœnitentia B. Dominici, ad Habitum prædicti Ordini, qui communiter obseruatur.*

**E**st sciendum, quòd postquam homo recipiendus, fuerit diligentèr examinatus ab ipsis Fratribus de pœnitentia beati Dominici professis, & à Magistro ipsorum receptus, & acceptatus, secundum quòd in Regula, & in expositione eiusdem quantum ad Fratres apparet: tunc siue in die Capituli ordinarij, quod fit quolibet mense semel, siue in alia die ad hoc per ipsum Magistrum instituta; congregatis Fratribus alijs de Ordine Prædicatorum cum ipso Magistro, seu Directore, ac alijs quibuscunque honestis viris adesse volentibus, apud Ecclesiam Fratrum Prædicatorum, & ante altare constitutis: siue de mane, siue alia decenti hora, secundum quòd opportunitas ipsa requireret, idem Magister prædictus, vel alter Pater sui Ordinis, cui ipse commiserit, locabitur ante altaris medium, cum facie

versa ad Fratres, & personas alias circumstantes; & Habitu illius qui debet indui super dextra altaris posito, & duobus etiam cereis accensis super altare positis. Et ipse induendus venire debet ad gradus altaris, ante præsentiā dicti Magistri: & cum sic venerit, debet genuflectere, & Magistro interrogante, *Quid petis?* debet manibus cancellatis deuotè, & humiliter respondere: *Misericordiam Dei, & vestram*, siue in Latino, siue in vulgari sermone. Ipse verò Magister, illud quod pro tunc dicendum iudicauerit dicet. Et vbi induendus sumpto Habitu debeat immediatè, aut modicum post profiteri, (prout in quarto Capitulo supradictæ Regulæ, & expositione ipsius quo ad Fratres apparet) benedicet Habitum induendi secundū quod habetur in tertio Cap. Regulæ, dicendo in bona voce, videlicet: *V. Ostende nobis Domine misericordiam tuam. R. Et salutare tuum da nobis. Et Magister. Dominus vobiscum. R. Et cum spiritu tuo. Et Magister. Oremus. Domine Iesu Christe, qui regimen nostræ mortalitatis induere dignatus es: obsecramus immensæ largitatis tuæ abundantiam; ut hoc genus vestimentorum, quod sancti Patres ad innocentiam, & sanctitatis indicium ferre sanxerunt, ita benedicere & digneris, ut qui hoc usus fuerit, te induere mereatur Christum Dominum nostrum. R. Amen. Quo facto Magister aspergat Habitum, & etiam ipsum induere debentem Habitum, aqua benedicta. Et sic induendus, illum deuotè suspiciens, depositis secularibus vestibus, à Magistro ipso Habitu induetur. Et dum Magister eundem sic stantem ante se genibus flexis induit, mittendo ei chlamydem nigrā, siue induendo ipsum chlamyde nigra, dicet; *Veni Creator Spiritus*. Et Fratres assistentes, & alij Clerici, si qui adessent, vertendo se versus altare prosequentes Hymnum, dicent in bona voce Hymnum, *Veni Creator Spiritus*. Et consimiliter Magister cum receptum induerit vertet se ad Altare genuflectendo, prosequendo, atque dicendo cum cis, *Mentes tuorum visita, imple superna gratia, qua tu creasti pectora*. Quo primo versu dicto, surgere debent omnes, & Magister debet stare, & vertere se ad circumstantes: Alij vero con-*

rò contra se inuicem, & sic dictum Hymnum paritèr complere debent. Quo finito, Magister dicet *Kyrie eleison. Chri-  
ste eleison. Kyrie eleison. Pater noster*, cum Fratribus voce submissa. Et consequenter in bona voce sicut supra dicet: *Et ne nos inducas in tentationem.* Et Frater siue Fratres, & si qui Clerici fuerint assistentes respondebunt: *Sed libera nos à malo.* Et Magister. *V. Emitte spiritum tuum, & creabuntur.*  
*R. Et renouabis faciem terræ.* *V. Saluum fac seruum tuum.*  
*R. Deus meus sperantem in te.* *V. Dominus vobiscum.* *R. Et cum spiritu tuo.* Oremus. *Deus qui corda fidelium, sancti Spi-  
ritus illustratione docuisti: da nobis in eodem spiritu recta sape-  
re; & de eius semper consolatione gaudere. Præende Domine fa-  
mulo tuo dexteram celestis auxiliij, ut te toto corde perquirat, &  
quæ dignè postulat assequatur. Per Christum Dominum nostrum.*  
*R. Amen.* Deinde Magister aspergat Fratrem nouitèr indu-  
tum aqua benedicta. Qui tamen Magister in casu quo plu-  
res essent induendi, debet in supradictis orationibus, &  
locutionibus semper vti numero plurali, & non singulari.  
Deinde vbi videbitur Magistro, & Fratribus, quòd Frater  
indutus tunc ad professionem recipiatur: poterit tunc pro-  
fiteri; secundùm quòd in quarto Capitulo Regulæ, & in ex-  
positione eiusdem, quantum ad Fratres pertinet, continetur  
hoc modò. Quòd Magistro porrigente manus suas  
profiteri volenti, & ipso proficiente mittente manus suas in  
manibus Magistri, ad maiorem suæ professionis firmita-  
tem, dicat tunc in bona voce intelligibili, & expressa: *Ad  
honorem Dei Omnipotentis, Patris, & Filij, & Spiritus San-  
cti, & Beatissimæ Virginis Maria, & Beati Dominici: Ego Fra-  
ter N. coram vobis Fratre N. Magistro, & coram vobis Prio-  
re, aut Suppore, seu Vicario Fratrum Ordinis de pænitentia  
Sancti Dominici talis loci; facio professionem; & promitto me  
velle viuere de caterò secundùm formam, & Regulam eiusdem  
Ordinis de pænitentia Beati Dominici usque ad mortem. Vel  
potius fiat in vulgari pro maiori euidentia.*

*Finis Regulæ, Tertij Ord. Prædicatorum.*



## INDVLGENTIÆ REGVLARIBVS CONCESSÆ.

**S**anctissimus D.N. Paulus PP.V. per litteras datas Romanæ apud S. Petrum sub anulo Piscatoris die 23. Maij M.DCV. Pontificatus Anno 1. quarum initium est, *Romanus Pontifex &c.* omnes Indulgentias, Religionibus concessas abrogauit, & annullauit: atque de nouo concessit personis Religiosis frequentes gratias: quas declarauit pertinere tantum ad eos qui intra claustra degunt, aut extra cum licentia Superiorum, legitima causa concessa. Primò recipientibus Habitum Religionis causa proficendi in Ordine, si eodem die verè pœnitentes, & confessi sacram Eucharistiam sumpserint, plenariam indulgentiam concessit. Item Nouitio pœnitenti, & confesso, sacra communione suscepta, qui expleto anno probationis Religionem professus fuerit, similiter plenariam indulgentiam. Item quilibet Religiosus intra claustra viuens, in principali festo sui Ordinis confessus, & sacra Communione refectus, aut celebrans: si preces fuderit pro Christianorum Principum concordia, hæresum extirpatione, Ro. Pont. salute, S. Roman. Eccles. exaltatione, similiter plenariam. In articulo mortis verè pœnitens, & confessus, ac sacra communione refectus, vel si id nequieuit, contritus, si nomen Iesu ore vel corde inuocauerit deuotè, etiam plenariam indulgentiam. Promotus ritè ad Presbyteratum, confessus, primam Missam celebrans, & Religiosi eodem die Communione refecti, aut celebrantes, qui Missæ interfuerint, plenariam indulgentiam. Qui de licentia Superiorum per decem dies à negotijs alieni in cella morabuntur, aut ab aliorum conuersatione separati operam dederint lectioni librorum ad spiritus deuotionem inducentium: addentes meditationes, & considerationes mysteriorum fidei, diuinorum beneficiorum, quatuor nouissimorum, passionis Domini, orationum iaculatoriarum, aut vocalium saltim duabus horis per dies singulos, & noctes; faciendo eodem tempore confessionem



generalem, aut annualem, aut ordinariam, & communicantes, aut celebrantes, quoties his exercitijs vacauerint, plen. indul. Item visitantes suas ipsorum Ecclesias, & orantes pro Christianorum Principum concordia; consequentur easdem indulgentias, quas consequuntur visitantes Ecclesias Urbis Romæ, & extra eam perindè, ac si personalitèr in diebus stationum illas visitarent. Item recitantes quinquies Pater noster, & totidem Ave Maria ante altare ipsorum Ecclesiarum quolibet die, quinque annos, & totidem quadragenas. Itinerantes de licentia Superiorum, aut degentes extra claustra tamquam Prædicatores, aut Lectores, eadem consequentur; recitantes prædicta ante quodcunque altare. Qui per mensem integrum singulis diebus per dimidiam horam orationi mentali vacauerint, & vltima Dominica illius mensis confessi, ac Communione refecti fuerint, sexaginta annos, & totidem quadragenas. Qui pœnitentes proprias culpas, & imperfectiones in Capitulo confitebuntur, & spiritualitèr communicantes, & exercitium virtutis facientes, tres annos, & totidem quadragenas. Quoties de licentia Papæ, & suorum Superiorum missi fuerint in ditiones infidelium, aut hæreticorum, aut etiam Catholicorum ad docendum, & prædicandum pro eorum salute: si confessione, & Communione se ad tantum opus præparaauerint, quando itineri se accingent; plenariam indulgentiam, & iterum quando Prouincias illas ingredientur, plenariam similiter consequentur. Item si Prælatus in visitatione generali orationem quadraginta horarum indixerit, quilibet Religiosus, qui per duas horas interfuerit etiam diuerso tempore, & orauerit pro Christianorum Principum &c. confessus & communicatus, plenariam indulgentiam consequetur.

Omnes istæ Indulgentiæ concessæ intelliguntur omnibus Monialibus in clausura vinentibus, etiam Ordinarijs Locorum subiectis.

## I N C I P I T L I B E R

*De Inſtructione Officialium Ordinis  
Fratrū Predicatorum,*

A Reuerendiſſimo P. F. HUMBERTO  
Magiſtro Generali eiufdem  
Ordinis, eēitus.

## P R O L O G V S.



Eligiones approbata, ſicut in Conſtitutionibus ſerē omnium Religionum diligenter perlectis vidimus, diſtinxerunt antiquitū officia, tradentes in ſcriptis quid cuiſlibet competeret officiali: vt dum hæc ſciret quilibet, nullus alterius occuparet officium, neque ſuum negligeret; & ſic ordinatiū & completiū fierent vniuerſa. Porro in Ordine noſtro ſunt officiales quidam, qui habent ordinariē curas pertinentes ad animas, differentes ſecundū plū & minū: vt Magiſter Ordinis, Prior Prouincialis, & Prior Conuentualis. Alij ſunt qui habent huiuſmodi curam ex commiſſione: vt Supprior, Magiſter Nouitiorum, Magiſter Conuerſorum, & Correktor familiæ. Ex horum quatuor, primū habet vniuerſalem in Conuentu, alij verò particularem circa determinatas perſonas. Alij ſunt circa cultum Diuinum, vt Cantor, Succentor, Sacriſta: alij circa ſtudium, vt Leſtor, Magiſter ſtudentium, Librariuſ, Procurator librorum, & ſcriptorum. Alij ſunt circa cuſtodiam diuerſarum rerum, quæ indigent cuſtodia: vt Examinatores recipiendorum, circa cuſtodiam ingreſſus Circator, circa cuſtodiam Religionis Zelator, Cuſtos Dormitōrij cir-

ca Dormitorium, & Portarius circa portam, Depositarius circa res depositas. Alij circa varias necessitates Fratrum: & horum quidam sunt generales, vt Procurator, Consiliarij, Eleemosynarius; quidam particulares, & horum quidam sunt circa necessitates quotidianas, vt circa Conuentum Refectorarius, seruitor mensæ, lector in mensa, & corrector in mensa, quorum primi deseruiunt necessitatibus corporalibus, alij duo spiritualibus. Et circa infirmos infirmarius, & infirmorum custos, & circa hospites, receptor hospitum: & his omnibus, scilicet Conuentui, infirmis, & hospitibus deseruiens, coquinarius, & custos cellarij. Alij circa indumenta, vt vestiarius, sartor, sutor: alij circa opera Domus, vt præfectus operum; alij circa culturam horti, vt hortulanus. Sunt igitur in vniuersum, quadraginta septem genera officialium apud nos, scilicet: Magister Ordinis, Prior Prouincialis, Prior Conuentualis, Supprior, Magister Nouitiorum, Magister Conuersorum, Corrector familiæ, Cantor, Succentor, Sacrista, Lector, Magister studentium, Librarius, Curam gerens de scriptis, Examinator, Circator, Custos Dormitorij, Portarius, Depositarius, Procurator, Eleemosynarius, Refectorarius, seruitor mensæ, Lector in mensa, Corrector in mensa, Infirmarius, Custos infirmorum, Rector hospitum, Coquinarius, Custos cellarij, Vestiarius, Sartor, Sutor, Præfectus operum, Hortulanus. Sunt insuper alij, quibus Ordo non indiget continuè, sed in casibus & ad tempus, vt sunt Diffinitor Generalis Capituli, & socius eius, Elector Magistri Ordinis, Elector Prioris Prouincialis, Diffinitor Capituli Prouincialis, Visitator, Prædicator generalis, & socius Prioris Conuentualis ad Capitulum, & Confessor. Similiter præter hos sunt alij, quorum officia patent ex Ordinario, vt Hebdomadarius, & ministri altaris, lector Kalendarum, & alij qui in tabula scribi solent. Item cum sunt aliqui fratres qui sciunt artes aliquas mechanicas, vt fuere, scribere, radere, dolare, & huiusmodi, debent hoc facere, prout eis iniungitur: sed hæc non computantur inter officia. Item

vbi paucitas est fratrum, solent plura officia iniungi vni, & tunc ipsius interest omnia quæ pertinent ad illa exequi. Videtur autem tam ex ratione, quàm ex consuetudinibus nostris, quod ea quæ Religiones prædictæ super huiusmodi ediderunt, possunt apud nos distingui, & assignari modo prædicto.

Ista quæ scripta sunt de officijs Ordinis, non sunt scripta ad hoc, quod inferant aliquam necessitatem: sed ad hoc tantum, vt fratres quibus imponuntur aliqua officia, & non sunt in illis plenè instructi, possint hic respicere si velint; & si aliquid ibi inuenitur, quod eis rationabile videatur, possunt acceptare si volunt: alioquin in nullo tenentur ex vi huiusmodi scripturæ; propter quod dicuntur Instructiones.





## SERIES CAPITVLORVM.

|                                      |  |
|--------------------------------------|--|
| DE Officio Magistri Ordinis. cap. 1  | De Officio Infirmarij. 26  |
| De Officio Prioris Prouincialis. 2   | De Officio Seruitoris Infirmorum. 27                               |
| De Officio Prioris Conuentualis. 3   | De Officio Receptoris hospitum. 28                                 |
| De Officio Supprioris. 4             | De Officio Coquinarij. 29  |
| De Officio Magistri Nouitiorum. 5    | De Officio Custodis Cellarij. 30                                   |
| De Officio Magistri Conuersorum. 6   | De Officio Vestiarij. 31   |
| De Officio Correctoris familiaris. 7 | De Officio Sartoris. 32  |
| De Officio Cantoris. 8               | De Officio Sutoris. 33   |
| De Officio Succentoris. 9            | De Officio Præfecti operum. 34                                     |
| De Officio Sacristæ. 10              | De Officio Hortulani. 35   |
| De Officio Lectoris. 11              | De quibusdam communibus, ad Officiales multos spectantibus. 36     |
| De Officio Magistri Studentium. 12   | De Officio Diffinitoris Capituli Generalis. 37                     |
| De Officio Librarij. 13              | De Officio Socij Diffinitoris Capituli Generalis. 38               |
| De Officio Examinatorum. 14          | De Officio Electoris Magistri Ordinis. 39                          |
| De Officio Circulatoris. 15          | De Officio Electoris Prioris Prouincialis. 40                      |
| De Officio Custodis Dormitorij. 16   | De Officio Diffinitoris Capituli Prouincialis. 41                  |
| De Officio Portarij. 17              | De Officio Visitatoris. 42   |
| De Officio Depositariorum. 18        | De Officio Prædicatoris generalis. 43                              |
| De Officio Procuratoris. 19          | De Officio Socij Prioris Conuentualis ad Capitulum Prouinciale. 44 |
| De Officio Eleemolynarij. 21         | De Officio Confessoris. 45   |
| De Officio Refectorarij. 22          | De Officio Prædicatoris communis. 46                               |
| De Officio Seruitoris mensæ. 23      |  |
| De Offic. Lectoris mensæ. 24         |  |
| De Officio Correctoris in mensa. 25  |  |

# Cap. I. De Officio Magistri Ordinis .

## *Circa Ordinem in generali .*

**M**agistri Ordinis Officium est , de toto Ordine sibi commisso gerere assiduam sollicitudinem: paupertatis, humilitatis, & omnium obseruantiarum Ordinis, totiusque sanctitatis quantum possibile est naturæ suæ, præ omnibus in se monstrare indicia; vt non solum præsentēs fratres exemplo ædificet, sed etiam absentes fama reficiat. Fratres præsentēs verbis, absentes verò litteris promouere ad omne bonum: & Deo, ac Beatæ Virgini, & Beato Dominico recommendare in orationibus fratres, & Ordinem incessanter, & ad hoc etiam bonorum suffragia procurare. Debet quoque habere secum Regulam, Constitutiones, Priuilegiorum Ordinis transumpta, admonitiones Capitulorum Generalium, Breuiarium, & Missale benè correctæ: & hoc scire benè, & fratribus super his satisfacere. Item ipsius interest pro posse laborare, vt intersit Capitulo Generali,

## *Circa Capitulum Generale .*

**I**n Vigilia Pentecostes post Primam, præstis in Capitulo Kalendis & tabula, faciendus est sermo aliquis breuis de pertinentibus ad Religionem, & statum Fratrū ab ipso, vel ab eo cui ipse iniunxerit ad hoc idoneo: & postmodum admonitiones, circa ea quæ pertinent ad instans Capitulum. Orationes quoque aliquæ vel missæ pro ipso Capitulo sunt fratribus iniungendæ. Potest etiam dare licentias aliquas generales durante Capitulo, vel de loquendo, vel de alijs secundum quòd viderit expedire. Ipsius etiam est congregare tunc Diffinitores & in diffinitionibus minis exercitatos dirigere: de Constitutionibus confirmatis, vel inchoatis, & de alijs actis præteriti Capituli, cū necesse fuerit, rationes quæ mouerunt Diffinitores, reddere. Summa quoque cura est ei adhibenda, vt Constitutiones viles pro Ordine procedant, aliæ verò non :

non : & idem circa admonitiones , & alia agenda in Capitulo faciendum. Et circa huiusmodi tunc prouidendum est ei, & frequentèr per totum Capitulum cogitandum. Litteræ generales aliquæ de aliqua consolatione & vtili exhortatione ad fratres omnes , & aliæ ad sorores , tunc sunt ab eo transmittendæ : & tam tempestiuè promulgandæ cum indulgentijs , si quæ nouæ fuerint, vel litteræ Papales , vel alia præter acta per Ordinem mittenda ; quòd ante diffinitionem possint omnia à fratribus transcribi. Curandum quoque est ei, quòd acta modo debito, & decentèr formentur, & quòd omnia fiant in Capitulo ordinatè. Committere etiam alicui debet , quòd habeat curam de litteris, de beneficijs concedendis, alij vel alijs, de legendis illis quæ fuerint transcribenda. Omnibus etiam qui scribunt ei, siue fratribus , siue extraneis de aliquo quod requirat rescriptum ; per litteram decentem rescribendum est rationabiliter , & prout poterit gratiosè . Et vt plenius expediantur litteræ, debet sibi de pluribus prouidere dictatoribus idoneis , tunc habendis . In tenendo quoque Capitulum curandum est sibi quòd dissolutiones non fiant, quòd in loquendo, & in alijs , modus & forma scripta seruetur , quòd proclamationes iniquæ vel indiscrætæ, dolosæ, & friuolæ reprimantur, quòd absentes etiam leuiter non infamentur, & huiusmodi multa. In terminatione verò Capituli , in ipso Capitulo potest præfigere terminum, infra quem recedant fratres: si timetur de mora fratrum & Domus grauamine. Denunciare quoque, quòd proponat iter dirigere , vt sciant fratres vbique vbi poterit inueniri, si eo indiguerint : & tam præsentium , quàm absentium fratrum orationibus se recomendare . Et his factis ad absolutionem ibidem faciendam est procedendum .

Circa Prouincias verò debet habere curam magnam, quòd bonos Prouinciales habeant , cum ex ipsis pro magna parte dependeat bonus status Ordinis in Prouincijs . Et ideo debet interdum electoribus Priorum Prouincialium

lium litteras ad hoc pertinentes dirigere: interdum etiam concedere eisdem, quod possint eligere de alijs Prouincijs; interdum etiam circa personam eligendam eos dirigere, cum autem electio deuoluta fuerit ad eum, cum diligenti discussione prout utilius poterit prouidere. Item pro communi bono Prouinciæ debet quandoque speciales litteras specialibus Prouincijs mittere, secundum exigentiam negotiorum & temporis: vel Visitatores interdum secundum formam taxatam cum discretione, cum maior fuerit necessitas, (præcipue cum consilijs Diffinitorum in hoc concurreret) destinare. Item Prouincijs magis desolatis, vel minus sufficientibus sibi, debet esse fauorabilior in concedendis Fratribus utilibus & idoneis, siue ad legendum, siue ad prædicandum, siue ad alia Ordinis negotia peragenda: vel in collocando Fratres de illis Prouincijs alibi ad proficiendum in huiusmodi gradibus, per quos possint utiliter releuari. Suum est etiam transferre fratres de Prouincia ad Prouinciã; pro utilitate vel Ordinis, vel Fratrum transferendorum, vel Prouinciæ, à qua vel ad quam translatio huiusmodi fuerit facienda. Contentiones quoque, si quæ fuerint inter Prouincijs debet dirimere, & à mutuis iniurijs conseruare easdem. Per Fratres venientes ad Capitula & alias cum commodè poterit, de statu Prouinciarum debet inquirere diligenter: & ad habendam notitiam qualemcunque de regimine earum, vt Acta Capitulum Prouincialium ad se deferantur ad Capitula generalia, si voluerit, mandare.

### *Circa Conuentus.*

**I**nterest etiam ipsius, vt ad Conuentus ad quos non declinat, interdum litteras mittat consolatorias, si sint in tribulationibus, vel de concordia, si sint inter discordes, vel alias secundum quod exigunt causæ variæ emergentes: vel etiam mittat Visitatores secundum formam taxatam, si maior necessitas, & Prioris Prouincialis carentia, vel absentia, vel negligentia, & insufficientia hæc requirant.

Sanè



Sanè cùm declinat ad Conuentum aliquem in tràsitu, semper debet intrare Capitulum, & ibidem Fratribus congregatis recommendandos recommendare Fratrum orationibus, & causam sui transitus ( nisi sit res secreta ) referare eisdem . Nisi verò arcta necessitas ipsum festinare compellat, non debet, si audiuit aliqua notabilia ibidem corrigenda, ipsa incorrècta dimittere. Si verò non audiuit, nihilominus vel in Capitulo, vel coram iunioribus aliquibus debet se offerre ad corrigendum, si aliqua videntur suam correctionem requirere . Quòd si videatur eis vt istis intendat, debet seorsim summatim illa, quæ eos mouerunt prælibare: & tunc si ei visum fuerit, postea Capitulum vel quoad omnia, vel quoad illos casus tenere. Ante recessum autem suum, debet cum omnibus in Refectorio, si fieri potest comedere, & in Capitulo aliquem sermonem, vel collationem, vel admonitiones aliquas proponere Fratribus, tam Clericis, quàm laicis, secundùm exigentiam status eorum: & in fine consuetam absolutionem facere generalem; & se specialitèr, & negotia si qua grandia habet, tunc temporis Fratrum orationibus recommendare . Cùm verò moram trahit in aliquo Conuentu, debet tam frequentèr, quàm diligentèr tenere Capitulum; & cùm non tenet, interdùm tam vtilis, & tam efficaces admonitiones proponere; quòd ex eius mora non solùm in eius præsentia, sed etiam post recessum sequatur in eadem Domo euidentis Religionis augmentum . Melius quoque est, vt necessitates suas de comuni prouisione Conuentus, vel aliquibus amicis Ordinis manifestè recipiat, quàm quòd aliquid fiat circa hoc per modum occultum, vel ab aliquo Fratre singularitèr procuretur. Cauendum est autem ei diligentèr, nè reddat onerosum se in expensis, aut in seruitijs, quæ Fratribus alijs fieri non consueuerunt, aut fastu aliquo tamquam non sit vnus illorum, aut in seruiendo nimias fieri sibi reuerentias: sed potius laboret, vt societas sua non solùm Fratribus, sed etiam familiæ (cum qua etiam habenda est ei aliqua religiosa collatio) sit amabilis & accepta . Non decet  
etiam

etiam vt extra Domum facillè comedat vel inter ſeculares diſcurrat . Cùm autem eum ire oportuerit inter ſeculares , cum ſocietate moderata ire eum conuenit , ne nimis magna ſocietas attribuatur pompæ , vel nimis modica apud imperitos pariat contemptum . Sed in hoc tamen ſecundùm conditiones Regionum eſt temperandum . Fratres quoque qui occasione eius ſuperueniunt, ne ex eorum mora Dominus grauetur; debet breuiter expedire; & licentiaſe curialiter , commemorantes ſine cauſa .

### *Circa Fratres .*

**A**D ipſum quoque pertinet maiorum Fratrum exceſſus viriliter corrigere; minoribus verò ſe talem exhibere, quòd ad eum non timeant accedere . Dignos honore pro meritis vel alijs conditionibus decentè honorare , irreligioſos & malè viuētes à ſua gratia, & familiaritate ad correctionem repellere . Laborantibus laudabiliter & fructuoſè pro Ordine ſe gratum oſtendere: infirmis corpore , ſeu mente piè condeſcendere, proteruorum , & contumacium duritiā frangere . Nouitijs tentatis, & afflictiſ, dulces conſolationes impendere , petitiones Fratrum rationabiles libentè exaudire: cùm verò repellendæ fuerint, cauſas quare recipi non debeant prudenter explicare; querelantium de alijs, cauſa diligentè audita, quòd iuſtum fuerit ordinare . Diſſolutiones notabiles coram ſe nunquam ſuſtinere , de vtilibus , vel de confeſſione loqui ſecum vq̃lentibus facillè locum dare . Fratres omnes aduenientes ( niſi ſit certum quòd inordinatè vadant) cum læto vultu, & ad oſculum pacis ſemper recipere : diſcuſſa verò cauſa itineris , eoſdem ſecundùm merita tractare . Recedentes ad partes remoras cum oſculo licentiaſe; abſolutionem generalem ſi petierint, eis conferre; & ſe per eos Fratribus ad quos declinauerint recommendare, & ſalutare eoſdem . Apoſtatiſ, & eiectiſ ad ſe confugientibus audientiam præbere, ipſiſq; auditiſ ſcribere eorum Prioribus Prouincialibus, & Conuentualibus; & ſecundùm eorum relationem, quòd viſum fuerit

fuerit expedire. In similibus, & dissimilibus se singulorum vtilitatibus secundum diuersos status eorum, coaptare.

*Circa Curiam Romanam.*

**C**uria Romana visitanda est à Magistro tam pro ipsius reuerentia, quam Ordinis vtilitate, temporibus opportunis: vbi si eam turbatam inuenerit in aliquo contra Ordinem, vel Fratres aliquos, debet ad sedandam ipsam sollicitè laborare. Indulgentias, concessiones etiam verbo solo, vtilis Ordini quas poterit, impetrare. D. Papæ & Cardinalium, & aliorum Curialium beneuolentiam erga Ordinem captare, negotia magna si quæ habet Ordo, pro viribus promouere. Cappellanis, & Pœnitarijs Fratribus, & si qui sunt alij in societate Curialium, tenere Capitulum, & ipsos diligentè corrigere: apponere etiam diligentiam quòd inde cautè remoueantur, si qui fuerint minùs apti, & quòd pauci sint ibidem in societate alicuius Curialium, & quòd qui fuerint, tales sint; quòd ex eorum mora in Curia honor sequatur Ordinis, & vtilitas animarum. Prouidendum est etiam ab ipso, quòd in Conuentibus Civitatum, vbi Curia fuerit, semper sint siue de ipsa Prouincia, siue de alijs, Fratres personati discretionem & nonostate pollentes: & præcipuè Prior & Lector sufficientes, & famosi. Constituendus semper ab ipso aliquis Frater in Curia litteratus, discretus, & zelator Ordinis, honestæ & amabilis conuersationis inter seculares, firmus in amore status Ordinis, & personatus: qui sit ibidem Generalis Ordinis Procurator, habens super hoc suas litteras cum discretionem formatas. Cui etiam committenda est potestas aliqua super Apostatas Ordinis, & super Fratres ad Curiam inordinate venientes: & etiam super illos, qui ordinate veniunt; vt cum consilio suo procedant, & circa alia quædam, prout visum fuerit expedire. Et de expensis ei necessarijs, debet cum Diffinitoribus Generalis Capituli vel per se, si commodè poterit, quòd expedierit ordinare: & licentias ei dare, quæ ad exequendum suum officium vtilis reputantur.

*Cir-*

*Circa Nationes.*

**L**icet autem de omni fructu animarum per Ordinem faciendo sit ei multum curandum, tamen specialiorē curam, & zelum feruentiorem habere debet circa Barbaras nationes, & Paganos, Sarracenos, Iudæos, Hæreticos, Schismaticos, & huiusmodi qui sunt extra Ecclesiam: ut per Ordinis laborem & sollicitudinem in viam dirigantur salutis; & Christi in eis gloria dilatetur. Et ideo curandum est ei, ut semper in Ordine sint aliqui tractatus contra errores eorum, in quibus Fratres exercere se valeant competenter; & ut aliqui idonei insudent in locis idoneis ad linguas Arabicam, Hebraicam, Græcam, & Barbaras addiscendas. Et in Provinciis quæ sunt ad huiusmodi fructum faciendum aptiores, debet super hoc excitare Fratres: & non quoscunque, sed qui circa fructum huiusmodi feruent, & aliter sunt idonei, ad huiusmodi negotia, deputare.

*Circa Extraneos.*

**C**um aliqui extranei voluerint Magistrum visitare, non debet esse ad eum difficilis accessus: sed sine mora, in loco opportuno, vel exeundo ad eos, vel ipsis introductis ad eum, sui debet præsentiam exhibere acceptabilem; affabiliter omnes recipere, et secundum conditiones eorum plus vel minus honorare. Si verò petitiones aliquas faciunt, si commodè fieri potest, debet omnibus libenter satisfacere: vel si non possunt exaudiri, de impotentia tali sunt eis rationabiles causæ assignandæ. Caueat autem omninò ne inciuile aliquid in eo inueniatur, et det operam quantum potest ut nullus scandalizatus ab eo recedat. Circa legationes et alios nuncios ad se missos, sic se debet habere, urbanè in loquendo, et in necessitatibus eis prouidere faciendo: ita quòd recedentes occasionem habeant bona loquendi de eo. Cum Religiosis tractandum est ei de sanctitate, cum secularibus sunt ei verba salutaria



ria verbis secularibus immiscenda. Nulli qui manifestè non sit indignus, negare debet in propria persona gratiam hospitalitatis, aut eleemosynas quæ fieri consueverunt in Ordine. Benefactoribus, & amicis Ordinis specialibus, dignæ sunt gratiæ reddendæ, & in amore Ordinis sunt per eius diligentiam confirmandi. Ipsi autem aliundè venientes (cùm eos tales cognoverit) sunt cum omni devotione suscipiendi, & omnis humanitas tam in hospitalitate, quàm in alijs quæ nos decuerint, est eis ab ipso exhibenda. Prælati per quorum Dioceses transit, & præcipuè sub quibus morantur Fratres, sunt ab eo visitandi: & si quas habent erga Fratres turbationes, pro posse conandum est ei ipsos pacificare, & Fratribus gratiam eorum acquirere; aut in ipsa continuanda (si habent) eos solidare. Magnates, siue sint Principes seculares, siue personæ Ecclesiasticæ, quos non expedit per Fratres quoslibet mone-ri vel argui, tempore opportuno cum discretione, & modestia charitatiuè de salute sua debet etiam commonere. Ad pacem Fratrum Minorum custodiendam diligentiam debitam debet adhibere, ipsosque visitare; aut si non potest per se, per Fratres ad eos missos excusare. In visitatione verò cùm opportunitas fuerit, collationem efficacem aliquam eis facere, eosque cum omni devotione recipere, & tractare: pedesque eorum personaliter interdum lauare, & excessus Fratrum contra eos sine dilatione dignè corrigere. Prouidendum autem est ei, quòd omnes cum quibus eum esse contingit, antequàm recedant ab ipso aliquam ædificationem in verbo, vel in facto reportent. Ad trahendum quoque ad Ordinem personas idoneas, curam debet apponere diligentem.

### *Circa Diuinum Officium.*

**N**on conuenit Magistro libenter se absentare à Diuino Officio, & maxime à Completorio: nisi fortè propter impotentiam corporalem, aut si habeat occupationes circa maiores utilitates. Cùm autem præsens fuerit

in Choro, debet primum locum in dextro Choro tenere : tempore communionis absolutionem in Capitulo facere , & Missam celebrare Conuentualem. Fratribus infirmis, ubi præsens est sacram ministrare Communionē , & extremam vnctionem: & sepelire defunctos, recipere Nouitios, recipere ad beneficia, recipere legatos, & Magnates in Conuentibus in quibus fuerit; in magnis solemnitatibus facere Officia, & alias Conuentuales Missas interdum, cum requisitus fuerit, à Cantore celebrare. Extra Chorum verò cum maiori maturitate & diligentia quàm ab alijs communiter consuevit fieri, est officium dicendum ab ipso, & celebrandum frequenter: Officium quoque mortuorum, non decet ab eo pratermitti.

*Circa Mensam.*

**C**um comedit in Conuentu, non est ei sustinendum, quòd ei singularitates notabiles fiant: cum verò habet vnde possit aliquibus aliquid mittere, illi sint potius eligendi, quibus cedit ad consolationem; vt sunt Nouitij, vel tentati, & huiusmodi, vel qui sunt magis indigentes, vt debiles vel infirmi, vel qui pro aliqua ratione sunt honorandi, vt qui fuerunt nobiles vel diuites in seculo, vel sunt in Ordine Lectores, & similes. Protrahenda est ab ipso comedendo sic mensa curialiter, vt qui morosius comedunt, comestionem interrompere non cogantur: nec signum facere debet quousque videat, quòd comestio communiter sit completa. Quòd si quis morà notabili faciat alios plus debito expectare, per seruitorem potest ipsum priusquàm signum faciat, vt finem faciat commonere. Cum autem extra Refectorium comedit in hospitio vel in infirmitorio, cauendum est ei ne occasione ipsius superfluitates fiant inconsuetæ, & maxime si adsunt extranei. Nec danda est loquendi licentia passim, sed modò vni, modò pluribus, modò omnibus, modò nulli secundum diuersas circumstantias secum comedentium: præcipuè verò cum intersunt extranei, cautè sunt huiusmodi licentiæ dandæ. Interest autem valdè ipsius aliqua verba edificato-

ria, & spiritualis consolationis interferere comestioni, & frequentationem aliquam in mensa, in parte, vel in toto habere: nisi pro reuerentia personæ excellentis, quæ ad sit intermittatur; aut de eius beneplacito fieri procuretur.

*Circa Cameram.*

**C**Um autem camera sit ei concessa propter certas utilitates Ordinis, attendendum est ei, ne redundet in damnum Ordinis talis concessio: quod fieret, si fierent ibi dissolutiones, si protenderentur vigilæ ultra signum; si fierent ibi comestiones, vel potationes, nisi tempore suæ infirmitatis, si permetteret fieri ibidem fastum aliquem indebito, aut in aliquo apparatu. Et ideo sunt hæc ab ipso & familia coercenda. Nunquam etiam dormire debet in camera, sine duobus socijs & lumine.

*Circa Itinera.*

**I**n itinere constituto, ut tempus utiliter expendatur, sunt ei cum socijs aliqui Psalmi, & Orationes deuotæ dicendæ, aliquæ salutares collationes habendæ: sed cum tali moderamine, ne versantur in tædium graue Fratribus; quibus non molesta, sed iucundum debet se socium exhibere. Adiungentes se quoque ei, debent ab eo vel socijs semper aliqua salutis monita reportare. Cum opportunitas occurrerit, non est omittendum quin per eum vel socios prædicatio fiat. Illi autem qui causa consilij, vel loquendi de salute ad eum accesserint, benignè sunt audiendi, & cum fauore dimittendi. Quamuis autem Fratres viatores, non debeat facile à sua societate repellere; tamen cauendum est ei, ne ex multitudine Fratrum concurrentium, vel ex superfluitate expensarum, quam cōhibere possit, grauentur hospites, & sine utilitate eorum transeat. Et de salute animæ est cum habitantibus collatio semper habenda, & ad beneficia Ordinis sunt interdum recipiendi; & laborandum, ut nihil fiat, in quo malè ædificentur, & quod bonus odor, & gratia apud eos remaneat post recessum.

*Circa Litteras .*

**L**itteræ ineptæ nunquàm ab eo sunt mittendæ , sed decenter formatæ , plus vel minus secundùm exigentiam materiæ vel personarum , quibus dirigendæ sunt . Et ideò sunt omnes ante sigillationem sollicitè respiciendæ . Scribentibus , diligenter est rescribendum . Verba pungitiua sunt in eius litteris semper deuitanda , & inferenda lenitina & gratiosa : dandaque est ei opera , vt fructum quem verbis facere non potest , litteris compleat apud absentes ; siue Fratres , siue extraneos in varijs casibus emergentibus , prout fuerit opportunum . Non sunt etiam litteræ passim dandæ , siue de beneficijs Ordinis , siue de precibus , siue de testimonio , & similibus : sed cum multa cautela , & deliberatione , Fratribus , & alijs qui scribunt , scribere non omittat .

*Circa Potestatem .*

**L**icet autem Magister habeat plenam , & generalem potestatem in Ordine , tamen numquam est ei vtendum huiusmodi plenitudine potestatis , vbi causa rationabilis non occurrerit . Specialiter verò est cauendum ei ne in temporalibus grauet Prouincias , vel Conuentus , vel Fratrem aliquem : vtpotè libros , vel paramenta vnius alteri concedendo , onus pecuniæ alicui soluendæ imponendo , & similia ; sine causa rationabili euidenti . Officia inferiorum non debet sibi assumere libenter , nisi causa urgente . Licentias , quæ per alios expediri possunt rarò dare debet , sed potiùs Fratres ad Prælatos suos mittere pro ijs . Et quas dederit , quæ secretum non requirant , Prioribus Prouincialibus , vel Conuentualibus , prout magis conuenit significare debet . In concedendo verò licentiam alicui Fratri confitendi alij , quàm Prælato suo debet habere cautelam , sciens quòd huiusmodi confessiones interdùm in graue periculum Ordinis redundant . Item in licentiando aliquem ab Ordine , cauendum est ei , quòd nihil faciat nisi quod liceat , & quod expediat ; & quod salutem Fratris non negligat propter onus .



onus. Cum autem fuerit faciendum, sic prouideatur, quòd habeat locum ad quem transeat antequàm recedat, quòd euagationi periculosa non exponatur. Circa dispensationem, & licentias quæ sibi reseruantur, vt de studio in liberalibus artibus, de eundo ad curiam, vel quæ non consueuerunt fieri per aliquem de facili, vt de ingressu mulierum in claustra, & similia: talem mediocritatem tenere debet, quòd propter nimiam eius duritiam circa hoc maior fructus non impediatur; vel graue scandalum generetur, & rursus ex nimia facilitate periculosa dissolutio in Ordinem inducatur. Circa se verò quantum valetudo permittit, ipsi parum dispensationibus est vtendum: & cum necessitas requirit aliud, huiusmodi necessitas est opportuno tempore, insinuanda Fratribus, vt non scandalizentur in ipso.

*Circa Socios.*

**E** Ligendi sunt à Magistro socij Deum timèntes, Ordinis zelatores, discretionem pollentes, religiosæ, & amabilis conuersationis, corpore potentes: qui inter Fratres se sicut vnus cæterorum gerentes, nihil in hoc officio quarant nisi solam Ordinis vtilitatem. Horum enim commune erit officium, quæ viderint in eo corrigenda, interdum cum humilitate, & modestia ei dicere; interdum quæ in alijs sciuerint, vel audiuerint emendanda, eidem tempore suo referre. Agenda ei ad memoriam reducere, & circa eadem ipsum sollicitare. Secreta quæ ad ipsum veniunt sub districto silentio custodire. Si quæ graua, vel periculosa Ordini multum, sciuerint in eo; Diffinitoribus, vel alijs qui prodesse possunt, & non obesse, tempore suo non tacere, Fratres cum eo loqui volentes, etiam in hoc timidos ad eum adducere. Aduenientes ad eum siue Fratres, siue alios extraneos benignè recipere, & ad eum ipsos introducere, vel ad ipsos eum euocare. Ipsorum negotia si quæ habent, sollicitè promouere, & curam habere, quòd charitatiuè tractentur à Fratribus in hospitalitate, & huiusmodi, cum fuerit faciendum. Dare operam ad pacificandum eos, quos

turbatos viderint occasione repulsarum petitionum, vel alia de causa erga Magistrum; & quod in pace fcedant, et cum gratia. Cum senserint murmur de factis aliquibus Magistri, eidem charitatiuè narrare debent: & murmurantes pro posse reddendo rationes de factis, vel quas fortè ignorant, sedare. Contra neminem ipsum prouocare, nisi fortè causa correctionis, prout necesse fuerit. Horum vnus debet esse Conuersus, cuius erit officium spèciale custodire sigillum, sigillare litteras, & pertinentia ad hæc in promptu habere: libros Magistri, & vestes aliquas cum fuerit necesse, portare in via, & circa necessitates eius corporales sollicitudinem gerere, & sustinere labores. Alius debet esse, Notarius competens, qui magis debet laborare ad notandum sententiosè & breuiter, quàm adornata verba multiplicare. Cum Magister commiserit ei litteras sibi missas, debet eidem legere, & sensum ei referre summam & plenè: & notare diligenter ad quas litteras, vel ad quos articulos sit respondendum. Si aliquod secretum in eis contineri aduerterit, statim supersedere debet à legendo, & reportare Magistro. Congregationibus & sublimibus personis, & pro magnis negotijs, decentes litteras facere, & de littera magis legibili & meliori. Litteras de beneficijs, & alias quæ committuntur alijs scribendæ vel faciendæ, ante sigillationem debet inspicere, vt videat si sint debito modo formatæ & scriptæ. Potest & præter istos (si visum fuerit) tertium assumere socium, virum consilij & litteratum, cum quo possit habere consilium, vel de scripturis conferre: modò in via, modò in Domo, & in ijs quibus sibi studendum est, ipsum adiutorem habere; vel aliqua sibi agenda, ei interdum committere, cum viderit expedire. Præter supradicta verò sunt alia quædam scripta in Regula & in Constitutionibus, & ordinario, aut in vsu. Alia verò quædam quæ dicere in singulis casibus est magis rationis benè dispositæ vel vnctionis, quàm hominis: veluti nihil subito negare vel concedere, non de facili aliquid in futurum promittere, quorundam consilij interdum acquiescere, quo-

*De Officio Prioris Prouincial. Cap. II. 71*  
rundam non; de nocte Deo, de die proximis vacare, benignè omnes audire, & similia quæ sunt ei sollicitè peragenda. Quod similiter intelligendum est de alijs officialibus infra scriptis.

## Cap. II. De Officio Prioris Prouincialis.

### *Circa principium regiminis.*

**O**fficio Prioris Prouincialis est, circa principium regiminis sui cum timore & tremore incedere, per orationem ad Deum concurrere; frequenter orationes aliorum sibi sollicitè procurare, pro potestate committenda supra se in confessione, ad Magistrum recurrere; nouitates nullas citò inducere, quousque magis per experientiam, quàm per aliam sapientiam sit edoctus: mutationes paucas facere, quousque de statu Prouinciæ, Conuentuum & Fratrum notitiam habeat pleniorē: Fratrum Deum timentium, & Religionem zelantium, & ampliori discretionē pollentium magis consilijs adhærere; notam fouendi partem aliquam; si fortè inter aliquos reputetur, declinare pro posse; & cauere ne ex amore priuato vel familiaritate, aliquid faciat non faciendum, aut facere videatur. Item ad ipsius pertinet officium diligenter considerare, quæ de officio Magistri sunt prædicta, & ea quæ dicuntur infra de officio Prioris Conuentualis, & ea quæ de illis competunt sibi, secundum statum suum; & cum his, quæ continentur in præsentī nota de officio suo, quod debet studiosè perlegere, & opere adimplere. Laudabilia, quæ in antecessoribus suis fuerunt, prudenter inquirere, & inuenta pro viribus obseruare; & per eorum socios laude dignos instrui, & dirigi in officio humiliter & deuotè. Item ipsius est in Choro sinistro stare, & quòd officium Diuinum dicatur reuerenter & deuotè, & secundum modum Ordinis, tam in Choro, quàm extra, diligentiam apponere; & de Cantoribus competentibus, prout potest Conuentibus

prouidere. Item interest sua, cùm Magister præsens non est, celebrare Missam in maioribus solemnitatibus, et ministrare Sacramenta decedentibus; et huiusmodi, quæ supra dicta sunt de Magistro Ordinis.

*Circa commune bonum Prouinciæ.*

**I**tem ad ipsum pertinet commune bonum Prouinciæ procurare sollicitè, siue apud Magistrum, siue in Capitulis Generalibus & Prouincialibus. Item de ijs quæ videntur corrigenda vel facienda, quæ per se non potest commodè expedire, memorialia facere; & ipsa Capitulorum tempore promouere. Item in emergentibus necessitatibus Fratrum, in diuersis locis consilium dare, siue per recursum ad Curiam Romanam, siue alijs modis, prout variæ necessitates exigunt; ad communem pacem Prouinciæ dare operam efficacem. Partes si quæ sunt pro vbius auferre, instruendo vnitatem, & concordiam ponendo; querelas, si quæ sunt inter Conuentus de terminis vel alijs quibuscunque, citò terminare. Conuentus novos, qui euidenter reputantur vtilis procurare, de minis necessarijs non curare. Regulam, Constitutiones, Priuilegia, Acta Capitulorum, litteras Magistri benè correctas secum portare, & ad exemplar suum vbique per Conuentus facere scribi, quæ non habentur: quæ verò habentur perlegi & corrigi diligenter, & interdum facere legi, vbi viderit expedire. Infirma Fratrum, vel Conuentuum aliquorum sine causa rationabili numquam debet alijs recitare. Quòd Fratres vbique pacem habeant erga Clerum, & populum, & Prælatos, & alios, laborare. Quòd metas priuilegiorum, vel concessionum quæ habuit à Prælati in confessionibus audiendis, vel absolutionibus, & dispensationibus, & huiusmodi, Fratres non transgrediantur; & quòd ad hæc exequenda non ponantur Fratres nisi sufficientes, monere & cauere. Discursus Fratrum restringere, nec permittere, quòd discurrant propter negotia quæ possunt per litteras expediri.



*Circa Conuentus .*

**I**tem circa Conuentus debet apponere curam quam potest, vt habeant omnes Priores idoneos: & vt in quolibet sit Lector, & aliquis vel aliqui gratiosi Prædicatores; & similiter aliquis vel aliqui viri consilij. Et vbi non poterunt haberi tot Lectores, quot sunt Conuentus; saltem sit aliqua lectio vel de summa Casuum, de textu S. Thomæ, de Artibus, vel de Historijs, vel de aliqua alia summa, & huiusmodi. Conuentus autem desolatos & pauperes, & remotiores, magis debet habere cordi, & plus cauere ab eorum grauamine, & eis magis subuenire in quibus potest: siue in Fratribus concedendis, siue in alijs; & ad subueniendum eis, Conuentus alios & Fratres animare, eosdem quoque per litteras consolari frequentius, & excitare in bonum. In missione verò nouorum Conuentuum, sic sollicitè prouidere debet de Fratribus Religione clavis; quòd à principio Religionis rigor in illis seruetur, & fructus animarum cum ipsis perueniat ad totam viciniam, & honor Ordinis & fama in illis partibus dilatetur.

*Circa Priores .*

**I**tem circa absolutiones Priorum qui boni reputantur, non debet esse facilis, nec propter eorum instantiam, nec Fratrum aliorum importunitatem. Magis autem debet eos animare ad oneris sustinentiam propter Deum & Ordinem, eosque fouere, & adiuuare in quibus bono modo potest: eosque molestantes comprimere, pacemque eis, prout possibile est, procurare. Priores verò minùs idoneos facile debet absolvere, cum speratur quòd meliores possunt haberi; & quandoque etiam super eos aliquibus aliquam potestatem tradere, vel in recreationibus recipiendis, vel huiusmodi, cum causa rationabilis hoc requirit,

*Circa Fratres.*

**I**tem ipsius est de Fratribus periculosis & dissolutis, sollicitè ordinare, quòd non ponantur in locis dissolutis, in quibus minus viget disciplina: sed in domibus, in quibus meliùs custodiri possint & corrigi. Et quantum fieri liceat, conditiones eorum Prioribus ad quos mittuntur, notificare debet. Et cum transferuntur de loco ad locum, providere ut benè associantur, & certum tempus habeant pro itinere taxatum. Qui autem pestiferi, fuerint inuenti, secundum quòd grauiore eorum culpæ requirunt, grauius vel per carceres, vel percussiones, vel per eiectiones à Fratrum societate, vel aliter puniantur. Perturbatores Conuentuum, aut Priorum aliò transferre, colligationes in malum, per dispersionem dissoluere. Talem se debet omnibus exhibere, quòd ad confitendum eidem non timeant accedere. Extra Capitulum quoq; Fratribus aliquibus interdum charitativas facere exhortationes, prout statum eorum viderit indigere. Diligenter quoque debet vbique aduertere, qui & quot sint in quolibet Conuentu, qui sint apti ad proficiendum in studio; & huiusmodi si sint benè morigerati, ad studium promouere: vel ad studia meliora mittendo, vel in ipsis domibus proprijs libertates aliquas concedendo, vel ab occupationibus aliquibus eximendo; insuper de libris eisdem providendo. Et eos etiam, de quibus est bona spes, quòd possint esse vtilis ad Prioratus, & officia Ordinis magis necessaria, in scientia, & huiusmodi promouere. In recipiendis verò Conuersis pluribus, vel qui non nouerint officia, in quibus possint Ordini deseruire, & etiam Clericis minus idoneis, dignam debet adhibere cautelam.

*Circa Visitationem.*

**I**tem visitare frequenter Prouinciā debet prout potest, & frequentius Domo quæ plus indigent. Cum autem non potest in propria persona, debet interdum cum necessè fuerit, per alios Fratres discretos & acceptos Fratribus

hoc

hoc supplere; taxata eis per litteras discretę potestate. Cum autem de Prouincia recedit, semper relinquere Vicarium vel Vicarios per diuersas partes Prouincię : & interdum, etiam cum pręsens est in Prouincia in aliquibus locis magis remotis, Vicarium vel Vicarios instituere; potestate eis taxata semper per litteras & expressa. Item cum Visitatores assignati à Capitulo Prouinciali visitare non possunt, pro eis Visitatores idoneos substituere. Porro in visitatione tantum debet in qualibet domo morari, quod diligenter & plenę quod requiritur visitatio valeat exercere. Episcopum loci, Fratres Minores, & alios amicos Ordinis visitare, vel cum ipsis eum visitantibus competentem colloquutionem, & collationem habere. Populo, Clero, & Religiosis (vbi hoc expedierit) prædicare; scandala, & turbationes si quas inuenierit erga aliquos Religiosos, Pręlatos, Clerum, & alios, sedare curabit. Cum fratribus in Refectorio, in officijs diuinis, & in dormitorio aliquo tempore interesse. Fratribus tam Clericis, quàm Laicis sui copiam facere, siue de confessione, siue de quibuscumque alijs loqui voluerint cum eo, siue in Capitulo, siue extrà. Collationes Fratrum audire, vt de profectu eorum aliquid in studio eorum aduertere possit. Saltem semel audire computationem domus, & statum, quo ad temporalia. Auscultare infirmos, pusillanimes, & tentatos, & nouitios singularibus collationibus consolari; Nouitijs Conuersis aliquas priuatas collationes facere. Familiam ubicumque superfluum inuenierit, remouere. Si quę maioris ponderis ordinare voluerit, prius discretorum consilium conuocare. Et quantum potest fieri rationabiliter dare operam, vt omnes in pace & consolatione relinquat. Et sic inter eos in illo tantillo temporis studeat conuersari, quod plus eos exemplis, quàm verbis ædificet & informet.

*Circa Capitulum Prouinciale.*

**I**tem ad locum Capituli Prouincialis debet aliquantulum tempestiuus alijs venire, vt cum fratribus domus tractet,

tractet, si expedierit, de aliquibus ad Capitulum pertinentibus: & vt Fratres, qui quandoque citius veniunt pro aliquibus negotijs, expediat. Item interest sua tunc temporis litteras sibi missas per se, vel per secretarium respicere, & ea ad quæ respondendum est notare: & quæ sine Capitulo potest facere citò expedire. Ea verò, quorum responsio ex Capitulo dependet, in memorialibus ponere, vel ipsas litteras distinctè pro diuersis Conuentibus ad confusionem cauendam in diuersis locis seruare, & quàm citò poterit expedire; illas verò quæ responsionem non requirunt, statim discerpere. Item prouidere debet, quòd Acta Capituli Generalis, & litteræ Magistri, & si quæ aliæ litteræ, vel scripta emanauerint à Capitulo Generali per Prouinciam habenda, legantur ante electionem Diffinitorum: & ordinetur quòd certo loco, & certo tempore conueniant, qui habent transcribere, & per aliquem, vel aliquos legantur, & ad scribendum necessaria ibidem ministrentur de domo; ita quòd ante diffinitionem Capituli omnia huiusmodi sint transcripta, & tunc acta Capituli, & si quæ alia mittenda sunt in scriptis per Prouinciam, sunt ab eodem Capitulo celeriter secundum modum eundem scribenda. Item non debet dare licentias veniendi ad Capitulum sine causis rationabilibus, & qui aliter veniunt, condignè cum consilio Diffinitorum in ipso Capitulo confundere debet, & punire; vel segregando à Capitulo, vel statim remittendo, vel aliàs prout maior excessus eorum exigerit. Ordinare etiam debet quòd nimis tempestiuè non veniant, & quòd non nimis morentur qui venire tenentur. Item Diffinitores minùs expertos in aliquibus dirigere, & de conditionibus personarum, quarum noticiam non habent, (cùm de eis agitur) instruere eosdem quantum commodè & licitè potest, & Ordinis utilitas requirit. Item dare operam quòd pauca mutationes Fratrum fiant, & quæ fiunt, non fiant sine causa valdè rationabili: cùm ex huiusmodi mutationibus frequenter inconuenientia multa oriuntur. Item cauendum est ei, ne in suis agendis sit ita fauorabilis

maio-



maioribus Conuentibus, & personis contra minores (quibus magis est subueniendum) quòd inde scandalum apud eos, & turbatio subsequatur. Ordinandum est etiam ab eo, quòd fratres qui tunc mittuntur de Conuentu ad Conuentum, certam & bonam societatem, & tempus ad viam habeant arripiendam & consummandam. Eo modo expedit tunc ordinare propter discursus euitandos, quòd Conuentus qui carent Prioribus, habeant potestatem eligendi, prout sibi visum fuerit aliundè: & confirmare in domo, vel vicino Conuentu aliquo interdum, & pronunciare, quòd ad eum nulli Fratres mittantur pro huiusmodi & similibus, quæ per garziones & litteras valeant expediri.

### Cap. III. De Officio Prioris Conuentualis.

#### *Circa seipsum.*

**O**fficio Prioris Cōuentualis est, diligenter notare ea, quæ de supradictis officijs Magistri, & Prioris Prouincialis sibi competunt, secundum suum statum; & ea adimplere. Item pro Religione primò, et pro studio secundò, plusquam pro alijs quibuscunque zelare. Item non tantum extra domum morari, quòd ea quæ sunt intus agenda negligat; nec tantum intus residere, quòd fructus quos potest extra facere, damnosè perdat. Item amore quietis, Fratrum et Ordinis negotia non negligere, et rursus propter nimiam occupationem circa curam ad alios, nimis à se exire. Item circa occupationes odiosas, & deuotionem hominum ad Ordinem suffocantes, (vt sunt visitationes, et correctiones potestatiuæ Monasteriorum, receptiones arbitriorum, & similia), se de facili non implicare. Circa fructum verò animarum, qui fit per prædicationes, per charitatuas admonitiones, per consilia, per confessiones, per paces, & huiusmodi quæ magis decent Ordinem, & spiritum magis sapiunt, libenter intendere debet. Spiritualibus quoque exercitijs intra claustrum, vt sunt scho-  
la,

læ, collationes, sermones, Officium diuinum, & huiusmodi, libenter interesse. Circa coquinam verò, vestiariam, vel hortum, vel ædificia, & huiusmodi quotidianas angustias & minoris valoris, quæ per alios officiales exerceri solent, occupari rarò. Item ipsius interest in absentia, Magistri, vel Prioris Prouincialis, vel de eorum mandato (si præsentibus existunt) recipere Nouitios. In magnis solemnitatibus facere officium, sepelire Fratres, infirmis ministrare Sacramenta, & alia similia, quæ supra dicta sunt in officio Magistri. Non autem debet de facili ynquam, deesse à Completorio. Cùm autem est in Choro, stare in dextra parte debet.

### *Circa Maiores.*

**I**tem ad ipsum pertinet, Magistrum, vel Priorem Prouincialem, Visitatorem, & omnes Maiores suos cum debita reuerentia suscipere & tractare: statum sui Conuentus cùm quæsierint, vel expetierint, fideliter eis exponere, eorum mandata, & ordinationes, & Capitulorum Generalium, & Prouincialium deuotè suscipere: memoriam commendare, fratribus frequenter exponere; & ut plenariè obseruentur operam dare. Vtilitatem quoque Domus, & Fratrum suorum sollicitè procurare, graua si quæ sibi imponuntur ab eis, sine murmure portare, eos pro sua absolutione vel alijs negotijs, non grauitè molestare: repulsam petitionum suarum patienter sustinere, & causam quare hoc fiat ab eis rationabilem esse (licet nesciat) supponere; & in suis angustijs de multitudine negotiorum, & impotentia satisfaciendi omnibus, eis potiùs compati, quàm de repulsa huiusmodi indignari. Pro eis quoque orare, et alios frequenter inducere ad hoc ipsum. Si quæ in eis corrigenda viderit, vel de aliquo quocunque tractare cum eis habuerit, cum digna humilitate loqui debet eisdem.

*Circa Conuentum.*

**I**tem ipsius intereſt Conuentui in viſtu, et in veſtitu, et infirmitatibus, et alijs neceſſitatibus, prout poteſt, commoditatem procurare. In Reſectorio, in communi minutione, et raſura, et vbique libenter eſſe cū Conuentu. Singularitates in cibo, vel extraordinarijs comeſtionibus, et huiusmodi, cauere. In veſtium pretio ſequi communitem, tam in ſe, quā in alijs. Singulares prouiſiones in neceſſarijs nulli concedere, ſed de communi omnia prouidere: nunquam apud ſe, vel alium, niſi communem cuſtodem, et non niſi pro libris pecuniam habere. Superfluitates in hoſpitio, et infirmitorio, et horum frequentationes præterneceſſarias, reſtringere; et in diſpenſationibus circa corporalia ſe non facilem exhibere. Ipſos quoque Fratres in ſpiritualibus debet in Capitulo informare, ad omne bonum ſanctis exhortationibus animare, magis in dulcedine ſpiritus, quā per potentiam pertractare. Curandum eſt ei multum de pace Conuentus conſeruanda, prout fieri poteſt: nec facile deuiandum eſt ei à concordia ipſius, vei voluntate, vel conſilio, vel petitione. Debet quoque ab ipſo assignatos habere Fratres, qui audiant computationem, et ſtatum Domus ſciant, et de quorum conſilio in ædificijs præcedatur. Diſpenſationes verò in ieiunijs, in abſtinentijs cum toto Conuentu, nunquam ſunt faciendæ, eſſi perſonis aliquibus ſit interdū meritò indulgendum. Debita magna contrahere, vel emptiones, vel venditiones magnas, vel alia magna facere non debet, ſine conſenſu Conuentus, vel conſiliariorum: qui ex parte Conuentus ad hoc fuerint assignati, et quibus ſuper hijs fuerit comiſſa poteſtas. Cū autem accedit ad Capitulum, vel aliàs longè; debet ſemper Vicarium relinquere, ſiue Suppriorē, ſiue alium vtilem, et idoneum pro Religione: et prout fieri poteſt acceptum communitati Fratrum. Debet autem ei poteſtatem taxare, et in ijs quæ videntur vtilia inſtruere diligenter. Item cū egre-

egreditur è ciuitate, semper Suppriori, vel pluribus, causam viâ quò vadat significare, & interdum ipsi Conuentui, si maior ratio hoc requirit.

### *Circa Officiales.*

**I**tem ad officium eius pertinet officiales idoneos cum consilio Fratrum discretorum vel constituere, vel absoluerè: ipsos verò constitutos in suis officijs diligenter informare, & potestatem quam eos habere voluerit taxare; & si expediens viderit in scriptis eisdem tradere: licentias quoque aliquas generales dare pro loquendo, vel de remanendo ab horis aliquibus, vel alijs quibusdam, quæ ad exequendum officia sua necessaria reputantur. Non licet autem ei aliqua officia ad manum suam tenere, nec de ipsis se multum intromittere: sed potiùs officialium negligentias corrigere, & in eis quæ facienda fuerint, ipsos frequenter sollicitare, & instruere. Fratres verò ipsos perturbantes corripere, reprimere, & pacem eis Fratrum procurare. Caueat etiam ne occasione officiorum ea quæ sunt Ordinis negligant officiales, aut omittant; nisi quantum propter officium compelluntur, vel de licentiâ rationabiliter eis permissum fuerit, aut concessum.

### *Circa varietates Fratrum suorum.*

**I**tem ipsius est cognoscere tam interius, quam exterius varias condiciones & complexionès, & dispositiones Fratrum suorum, & non eodem modo tractare omnes: & coaptare se (quântum ratio & Religio permittit) singulis, secundum eorum dispositionem; & absq; peccato debet aliorum infirmitates, & defectus tam morum, quam corporum portare. Aliorum proteruiam & contumaciam humiliare, pusillanimes roborare, desolatos, & tristes consolari, naturaliter impatientes ad horam sustinere: vitiosos debet corrigere, de societate Fratrum eijcere contagiosos, feruentiores plùs debito refrenare: periculosos sollicitè custodire, ipsosque si contingat interdum exire, associare cautè: iuue-



iuuenes de facili non exponere: maturos & idoneos ad fructum faciendum, non permittere otio de facili torpere: inutiles ad fructum animarum, circa negotia, & officia Domus occupare. Cum autem tempus extiterit, quod Fratres ad prædicandum, vel quarendum necessaria fuerint dispergendi: est ei de hoc tractandum cum Fratribus senioribus, & discretis. Summoperè verò illi, qui apti sunt ad magna, vel officia Prioratum, vel Lectoratum, dare opportunitatem ad proficiendum in studio: et ad hoc etiam compellere ipsos cum fuerint negligentes. Sic agendo in similibus, & dissimilibus, modò priuatè, modò publicè, modò durè, modò blandè, modò verbis, modò disciplinis, modò poënis, modò recreationibus; modò per se, modò per alios Fratres discretos agendo, modò licentias negando, modò concedendo dare debet singulorum, & Ordinis profectibus operam efficacem. In trahendis verò, & recipiendis Nouitijs, tantam debet in Deo habere fiduciam: quòd nunquàm propter onus Domus, aut expensas in vestibus, si pauperes fuerint; repellat aliquos, qui ad Ordinem idonei reputantur. Nec rursum debet ita esse facilis, quòd Ordo oneretur personis inutilibus, & veniat in contemptum. Nullum quoque debet licentiare ab Ordine, absque Magistri, vel Prioris Prouincialis licentia speciali.

*Circa Fratres aliorum Conuentuum.*

**I**tem Fratribus & Conuentibus vicinis, debet se fauorabilem, si eo in aliquo indiguerint, exhibere: eis piè in eorum necessitatibus, in quibus poterit subuenire, bona aliqua procurare. Aduenientes Fratres charitatiuè suscipere & tractare: & secundum quòd eorum status requirit plùs, vel minùs honorare. Quando verò de alijs Prouincijs venerint latiùs eos videre, & in prouisione eorum quibus indiguerint, vt sunt soculares, nulum, vel vestes interdum, & huiusmodi; antequàm cogantur petere, præuenire, & ipsos commodiùs recreare. Cauendum est ta-

## 82 *De Officio Prioris Conuentual. Cap. III.*

men ne curialitatis causa ad hospites, Fratres ad hoc se extendant, vt in hospitio nimis sine necessitate rationabili detineantur: vel quòd ibidem dissolutiones fiant, vel quæ sunt Religionis dissipentur: quin potius ad Capitulum euocandi sunt, & corrigendi charitatiuè, & ad ea seruanda, quæ sunt Ordinis inducendi; & si necesse fuerit, compellendi.

### *Circa Extraneos.*

**I**tem laborandum est ipsi, ad amicos Ordinis conseruandos, & multiplicandos, & habendam gratiam Prælatorum, Magnatum, Sacerdotum, Cleri, & Nobilium: & si fieri potest, omnium aliorum. Proinde debet omnes affabiliter recipere, eos etiam in suis negotijs honestis libenter per Fratres, & per se iuuare, illorum aliquos magis interdum visitare, ad hospitalitatem aliquos magis familiares recipere & inuitare: & Fratribus eis notis aliquas licentias super hoc cum expedierit dare. In hoc tamen cauendum est, ne superfluitates aliquæ, quæ paupertatem nostram non deceant, pro eis fiant: & ne ad tantam recipiantur familiaritatem, quòd infirma nostra videntes minùs appretient, quòd ante in reuerentia habebant. Prouidendum est ei cum discretionè, qui inducantur in hospitium, & qui in Refectorium, & quòd quando comedunt in hospitio pauci Fratres, aut interdum nulli, cum eis comedant: cum autem in Refectorio, deputandi sunt Fratres, qui eos associant intrando, & exeundo, & eos collocent in suis locis. Hoc prouiso, quòd in mensa Prioris non ponantur passim personæ minores, nec mutetur ordo deferendi scutellas, nisi pro magnis personis, sicut sunt Episcopi, Comites, & maiores his: & nihilominus vltima scutella feratur tunc Priori, & pro huiusmodi personis, & nò minoribus, in Refectorio remaneat ad gratias. Alij verò in Ecclesiam sequantur Fratres, vel alij Fratres ducant eos ad Capitulum, vel ad locutorium: & ibi redditis gratijs, ducantur ad lotionem manuum in lauatorio.

Maiores verò , qui remanent in Refectorio , ministrentur ibi aqua ad lotionem prædictam post gratias; & postea secundum morem patriæ , tam hi , quàm alij prædicti ducendi sunt ad hospitium , ad bibendum , vel ad Capitulum ad loquendum : & quocumque ducentur habenda sunt cum eis verba sancta , & edificatoria . Instruendi sunt quoque ab eo seruientes , & Fratres , ad quos supradicta pertinebunt , circa prædicta , & alia facienda : & prouidendum est , quòd tales seruitores tunc ponantur , qui omnia expedite faciant & decenter . Cauendum est autem ne in mensa Prioris collocentur nisi personæ dignæ reuerentia : nec etiam omnes huiusmodi immediate iuxta eum collocentur , nisi magna reuerentia hoc exquirat ; quod etiam strictius seruandum est circa Priorem Prouincialem , & Magistrum , cum in illa mensa fuerint . Non debet autem cedere Magister loco suo , qui est ante campanam , nisi pro Rege , vel Cardinali , vel Legato , vel Episcopo , vel Electo . Pro Abbatibus verò , & maioribus , vt sunt Cluniacenses , Cistercienses , & similes : Archidiaconis , & Decanis , Magister potest aliquantulum cedere , ita quòd campana sit inter ytrumque . Priores verò Prouinciales vel Conuentuales pro minoribus causis possunt cedere , primo vel secundo modo ; ita tamen , quòd non sine rationabili & decenti causa .

• *Circa fructum animarum .*

**I**tem ad officium eius pertinet scire clarè , & plenè , & cum nescit diligenter certificari ab alijs , cuiusmodi potestatem habeat Ordo in confessionibus audiendis , in prædicationibus , in dispensationibus , & in absolutionibus circa Fratres , & alijs multis . Scire etiam cuiusmodi potestatem habeat ipse ab Episcopo suo , vel Episcopis vicinis , circa confessiones , & absolutiones tam pro se , quàm pro alijs Fratribus : et quid in huiusmodi potest committere Fratribus , & quid non . Et cauere debet ne ultra potestatem quæ habetur , fiat aliquid à quocumque . Procurandum



etiam est ipsi, quid, et quantum, et quibus expediat in huiusmodi committere Fratribus. Ipsos verò qui noui sunt Sacerdotes, vel etiam antiqui minùs instructi circa ista, instruui diligenter, ne circa salutem animarum oberrent. Et licet quantum rationabiliter fieri potest sit ei zelandum, pro animarum salute, tamen magis expedit pro Ordine & Fratribus: quòd minor potius fiat fructus, quàm cum fructu multo fiant Fratres occasio periculi, vel scandali; dum minùs idonei laxantur indiscretè ad prædicandum, ad consilia danda, & ad confessiones audiendas, & similia.

### *Circa temporalia.*

**I**N procurandis quoque temporalibus, siue per se, siue per Fratres, cauendum est ei quantum fieri potest, ne grauentur homines notabiliter, & ne fiant quæstus inhonesti. Cogitandum quoque est ei, quòd huiusmodi sic acquisita, cum timore Dei, & parcitate congrua expendantur: ne propter negligentiam custodiendi depereant, vel prodigè consumantur. In ædificijs verò nulla curiositas, sed sola Fratrum commoditas est attendenda qualiscumque, & Religionis opportunitas est ei quærenda. Et quia Fratres laici propter Fratrum, & Religionis seruitia corporalia concessi sunt in Ordine, non sunt recipiendi, nec procurandi, nisi quibus necessariò indigent Fratres. Et attendendum est ei, quòd qui erunt in Domo, omnes vtiliter occupentur.

### *Circa familiam.*

**F**amilia quoque non nisi necessaria, & de cuius honestate, & fidelitate firma præsumptio habeatur, nullatenus est habenda. Circa quam prouidendum est etiam, vt ipsi habeant Fratrem instructorem, & correctorem, vt per eius diligentiam apud Fratres proficiant in his, quæ pertinent ad salutem animarum suarum. Prouideatur autem, quòd non sit notabilis in lasciuia, vel ætate, vel pulchritudine, vel ornata. Cum autem recipiuntur, fiat eis  
pro.



protestatio, quòd Fratres nolunt eis teneri in aliquo, quin Fr̃atres possint eos quancumque voluerint, etiam sine mercede licentiare, vel expellere: si sibi à mortalibus peccatis non cauerent, vel bona Domus distraherent, quamdiu essent cum eis. Prouidendum est tamen ipsi, quòd illi qui laudabiliter Fratribus seruiunt, non fraudentur iusta retributione: etiã si Fratres ex pacto eis non teneantur; & quando incurrunt infirmitates, vel impotentiam in seruitio Fratrum, non expellantur, sed charitatiuè cum illis agatur.

## Cap. IV. De Officio Supprioris.

### *Circa Priores, & Maiores.*

**O**fficio Supprioris est, cùm institutus fuerit quærere diligenter à Priore, & retinere memoriter, cuiusmodi potestatem vult eum habere: siue in præsentia, siue in absentia sua, & non vltra se extendere. Aliquando etiam eadem quæ dicta sunt de officio Prioris inspicere, & notare quid sibi conuenire possit: siue ratione officij Supprioratus, siue ratione Vicariæ, cùm Vicarius Prioris relinquitur, & illa cum illis, quæ Constitutiones sibi concedunt facere sollicitè. Item ipsius est conseruare memoriter mandata & ordinationes Prioris Conuentualis, Visitatoris, Prioris Prouincialis, Capitulorum Generalium, & Prouincialium: & dare operam, quòd à Fratribus plenariè compleantur. Item ipsius est Priorem fideliter adiuuare: querulosorum & turbantium alios, non se receptorem exhibere: & de his, quorum curam ei iniunxit Prior, vt hospitum vel infirmorum, & huiusmodi, sollicitè seruare, vel curare. Ad ipsum etiam pertinet pacem Prioris erga Conuentum, quantum potest, procurare: & in factis eius, quæ turbant aliquos, quantum conscientia permittit, ipsum apud alios excusare: pro his quoque quæ vilia sunt Conuentui, siue corporalia, siue spiritualia, apud ipsum intercedere; & grauamina si quæ facit, eidem ipsi charitatiuè ostendere, &

quandocumque occurrerit occasio inter Priorem & Conuentum, fidelis mediator esse . Ideò enim Supprior est, & super alios, vt sit mediator eorum . Ipsi etiam Priori debet maiora quando emergunt reseruare , & quæ corrigere non valet ei denunciare, & de his, quæ agenda sunt, vel corrigenda frequenter cum eo tractare . Item notabilia , quæ emerferint in absentia Prioris , debet eidem cum venerit referre , licet fuerint correctæ : & circa ea , quæ fuerint facienda ab ipso, cum fuerit oblitus, vel negligens , aut occupatus alijs, ipsum debet sollicitare . Item ipsius interest specialiter Visitatori, & Prouinciali statum Domus, & Fratrum , & Prioris enarrare fideliter : & super his scribere, Priori vel Capitulo Prouinciali , vel Generali interdum, cum maior necessitas hoc requirit .

### *Circa Conuentum*

**I**tem ipsius officium est de Conuentu magnam , & specialem curam habere, & quasi continuè cum ipso esse . Cum autem propter processionem vel funus , vel alios casus emergentes fuerit conuocandus Conuentus , debet de conuocando ipso , & de ducendo , & reducendo diligentem curam habere . Prouidere etiam debet quòd non nimis citò, vel nimis tardè, sed debito modo iurgat; quòd signa, quæ ipsum conuocant, debito modo fiant; quòd nunquam inutiliter moretur aliquid expectando ; quòd hora debita comedat, & intret dormitorium, quòd nunquam, sine rationabili causa extraordinariè congregetur, & omnia fiant decenter & ornatè . Cum autem in absentia Prioris tractatur de Priore in Conuentu, vel de aliquo: siue tempore quo tractatur de mittendo ad Capitulum , siue alio ; debet ipsum regere, & inordinationes, & insolentias, si quæ emerferint, cohibere . Si autem aliqua ordinantur, quæ Priorem, & alios qui non adsunt non expediat scire, potest imponere quòd illud non reueletur . Hebdomadam etiam suam, vbi non est multitudo Fratrum nimia, debet in Conuentu, suo tempore facere , et in Conuentu ybique in sinistro

stro Choro , primum locum habere ; & in absentia maiorum signa facere in Choro , & in fine Horarum , *Fidelium* dicere ; & in absentia Prioris , quæ dicta sunt supra de Priore , supplere pro eo . Item debet habere curam , quòd sigillum Conuentus custodiatur : & quòd nihil sigilletur cum illo , nisi negotia Conuentus .

• *Circa Religionem .*

**I**tem ad ipsū pertinet , quòd Religio in Domo plenè seruetur & districte . Et ideo curare debet , & apud Priorem laborare , quòd habeantur in Domo benè correctæ , & benè legibilia , Regula , Constitutiones , literæ Magistri , Acta Capitulorum , & præcipuè admonitiones : & quòd totum officium Ecclesiæ diligenter seruetur . Vt autem per obliuionem non negligentur , debet ordinare communicato consilio Prioris , si præsens fuerit , quòd interdum cum plures Fratres interfunt , legantur Constitutiones , & literæ prædictæ : aliæque Rubricæ de officiis , quorum notitia frequētius indigent Fratres . Debet etiam laborare quòd habeantur in domo , vitæ Patrum , & liber Collationum , & huiusmodi libri , ex quorum lectione proficiunt Fratres in Religione ; & præcipuè iuuenes sollicitare , quòd in huiusmodi partem studij ponant : & ordinare ; quòd in Refectorio in serò legantur . Item ipsius est aduertere defectus , & offensas , quas faciunt Fratres in quocumque officio in Conuentu , vel qui aliquid de Religione omittunt , vel in aliquo repræhensibiliter gerunt se : & ipsos quandoque extra Capitulum , quandoque in Capitulo accusare et corrigere . Item si dubietas de aliquo pertinente ad officium , vel Religionem inter Fratres oriatur , certitudinem debet habere à maioribus : & quod diffinitum fuerit , facere obseruare . Manifestos quoque errores , & inordinatos , qui fiunt publicè in Conuentu , statim corrigere , maximè in absentia maiorum ,

*Circa Vacationem Prioratus .c*

**I**tem ipsius interest, vacante Prioratu, ad tractandum de Priore creando conuocare Conuentum, & cum consilio Fratrum diem ad electionem Prioris assignare: absentes vocandos vocare, ac dare operam, quod bonus Prior eligatur. Ad Priorem Prouincialem mittere legationes pro huiusmodi negotio, vel alios, cum necesse fuerit; & à missione Fratrum quantum commodè fieri potest, abstinere. Item ad eum pertinet apponere curam quod Prior citò habeatur, & interim Conuentum in bono statu custodiat: quod pauca immutet, quod nihil magnum interim attenter, nisi fortè magna necessitas, vel euidens vtilitas hoc exposcat; et consilium magnum concurrat. Debet quoque Priorem cum aliundè venerit, vel statum Domus, vel Fratrum ignorauerit, sollicitè in huiusmodi instruere, prout viderit expedire: ipsique prout poterit, solatio esse, onera ipsius, circa primordia maximè, fideliter ferendo.

**Cap. V. De Officio Magistri Nouitiorum.***Circa seipsum .c*

**O**fficio Magistri Nouitiorum est imprimis inquirere à Priore, quam potestatem velit cum habere super Nouitios in confessione, & dandis licentijs de loquendo, & huiusmodi: & in prouidendo eis in necessitatibus, quoad vestes, quoad ieiunia, & alijs huiusmodi. Item quas licentias Generales vult ei dare ratione officij quoad personam suam, siue de loquendo cum omnibus, siue cum solis Nouitijs: vel de intrando officinas, vel de remanendo ab horis interdum; & cauere ne licentias petat, vel recipiat, nisi quas rationabiliter reputat sibi necessarias propter officium suum, & quod ipsis ad aliud non abutatur. Item diligentiam magnam apponere debet circa Nouitios, sciens quod tota spes eorum Religionis, dependet ex informatione eorum



rum primitiua. Se quoque eis ita amabilem debet reddere, quòd sit eis ex hoc occasio libentiùs in Ordine remanendi. Item respicienda sunt ab eo diligenter ea, quæ habentur in Constitutionibus ad eum spectantia, & complenda.

*Circa ingressum Nouitiorum.*

**I**tem cùm aliquis debet ingredi, ducendus est ab eo in aliquem locum extrà Capitulum idoneum antequam intret Capitulum: & ibidem debet dicere aliqua verba ei consolatoria, & inquirere de his, quæ in Capitulo publicè sunt inquirenda. Et si inuenerit in eo aliquid de impedimentis, debet hoc notificare illi, qui habet eum recipere, antequam vltèrius procedatur: & fiat tunc, quod ei videbitur faciendum. Si verò nihil talium inuenerit, nihilominus debet ei dicere, quòd hæc inquirentur ab eo in Capitulo, & quomodo debeat respondere. Item ibidem debet eum instruere, quomodo sit venia facienda in Capitulo, deindè in Choro; & si viderit expedire ei, ipse Magister faciat, vel ab alio Fratre faciat fieri coram illo, vt meliùs sic addiscat. Item debet eum instruere quid debeat facere, vel respondere in Capitulo ad ea quæ dicuntur ei, secundùm quod scriptum est in Constitutionibus: & quid postmodum sit ei faciendum in Choro cùm illuc ducetur. Item debet eum docere quomodo in Capitulo remouebit vestes seculares vsque ad tunicam, & prouidere, quòd omnia pertinentia ad vestes sint parata in Capitulo, antequàm eum inducat. Postea debet eum introducere, & vsque ad locum veniæ ducere, & ibidem propè eum stare: & dirigere, si necesse fuerit in agendis, & iuuare ad ipsum vestiendum. Et egrediente Conuentu ipsum ducere in fine, vsque ad locum veniæ ante Altare, & ibidem interim propè eum stare, quousq; finitis Orationibus fuerit erigendus ab ipso. Quo erecto ducendus est ab ipso, extracto aliquantulum caput ad receptorem, & aqua benedicta aspersus, ad osculum recipiendus & ab omnibus Fratribus, per Choros discurrendo: & primò per dextram, deindè per sinistram,

nistrum, ipso Magistro eum semper sociante, & in omnibus eum dirigente. Deinde ad locum consensionis immediate est ducendus ab ipso: prouiso primò, quòd in hoc nullus sit defectus. Facta autem tonsura & rásura, postmodum citò hora competentì ducendus est ad locum, in quo deponat omnes vestes seculares, & sotulares; vt solùm ea quæ sunt Religionis, deinde habeat. In remotione secularium vestium, & induitione regularium, curialiter est instruendus.

### *Circa Professionem.*

**P**orrò vt sciatur quando sit completus annus probationis, scribenda est ab ipso dies receptionis: & appropinquante termino anni, animandus est ab ipso ad profitemdum, si viderit eum vtilem pro Ordine, aliter non. Et cum petierit recipi ad professionem, ante diem professionis petitionem eius in Capitulo proponere debet, & de eo cum requisitus fuerit, siue pro eo, siue contra eum, fidele testimonium perhibere; ita tamen quòd per testimonium, vel consilium suum nulla mala suspicio possit in cordibus Fratrum de ipso generari; de aliquibus illorum malorum, si quæ sunt; quæ ipse per confessionem nouit, & aliter, & ab alijs nesciuntur. Sanè cum recipiendus fuerit Nouitius ad professionem, assignanda est dies professionis, & ante illam instruere eum in omnibus, quæ ei tunc fuerint agenda: videlicet qualiter venia sit facienda, & ad verbum dicentis, *Quid petis?* respondendum est: *Misericordiam Dei, & vestram.* Et cum erectus fuerit, & propositum ei fuerit de voluntate profitendi, quid respondendum? quomodo verba professionis sunt ei cordetenus retinenda, & quomodo flexis genibus inter manus recipientis sunt dicenda; & quomodo antequam dicat illa, si vult petat quòd mutet ei in professione alia vota, si quæ alia habeat. Deinde quomodo solus ille qui recipit ad professionem, post illum receptum, recipit eum ad osculum pacis. Ad ipsum etiam pertinet prouidere, quòd aqua benedicta, & liber, in quo est

est oratio benedictionis vestium, sint in promptu, & benedicendam vestem offerre benedicenti: & deinde professio tradere (quod non solet fieri nisi de scapulari) postmodum autem debet mittere professum ad locum suum. Si autem viderit expedire, debet suggerere Priori, quod adhuc ad maiorem humilitatem, & informationem, sit cum alijs Nouitijs in Capitulo eorum, & sub cura sua ad tempus: secundum quod vtilitas illius, & Ordinis requirit.

*Circa repulsam.*

**I**tem ipsius interest, cum aliquis minus bene se habet in probatione, circa tempus professionis consulere, quod adhuc stet in probatione, nisi omnino sit certum, quod nullatenus expediat quod recipiatur: & hoc ad videndum si melius se habebit; cum protestatione tamen, quod adhuc tanquam Nouitius, & solum ad probationem retinetur. Si ergo bene se postea habuerit, debet ipsi postmodum adiutorium prestare, quod ad professionem recipiatur. Si autem non fuerit spes in processu temporis, quod bene se habeat, procurandum est ei tam apud Nouitium, quam apud Fratres, quod recedat: & dandum est ei consilium, & auxilium, quod in aliqua Religione sibi magis competenti ponatur. Non autem debet esse facilis ad repellendum, nisi magnæ causæ concurrant: & Fratribus minus rationaliter motis ad repellendum eum, prout melius potest, bono modo contrarium persuadere, & pro Nouitio stare. Nunquam autem repellendus videtur inuitus Nouitius pro illiteratura, vel impotentia aliqua, vel deformitate corporali, & huiusmodi defectibus, qui ab initio noti fuerunt Fratribus: nec propter infirmitatem superuenientem, nisi à principio receptionis facta fuisset protestatio expressa; quod pro huiusmodi casibus, vel pro sola voluntate, possent eum Fratres repellere si vellent. Cum autem recedere debeat, prouidendum est sollicitè ipsi Magistro, quod tam vrbanè & cautè, & occultè, & cum omnibus bonis suis, quæ portare voluerit recedat; quod alijs non  
sit

fit scandalum, nec ipse scandalizatus recedat, sed potius quantum fieri poterit ædificatus, & cum amore Ordinis, et Fratrum.

### *Circa Scholam, & Capitulum.*

**I**tem ad eum pertinet laborare, quod aliquis locus sequestratus, et remotus ab accessu secularium, et idoneus habeatur, qui sit quasi schola Nouitiorum: ad quem ducendi sunt, cum ipse, vel alius Frater habuerit loqui cum eis de eorum necessitatibus, et de quocunque alio. In hoc loco instruendi sunt in cantu, et legendo quæ nesciunt, et addiscere possunt. In hoc repetendum est ab eis quidquid habent legere, vel cantare in Conuentu: et auscultandum, et reddendum cordetenus illud, quod de Psalterio, et diuino Officio cordetenus scire oportet; videlicet Officium mortuorum, et de Beata Virgine, Psalmi de Horis diurnis, et Vesperarum per ferias. In hoc faciendæ sunt eis admonitiones interdum, vel collationes, vel colloctiones ædificatoriæ ab ipso, vel Fratribus ad hæc gratiosis: ipso procurante familiares colloctiones, et consolationes. Cauendum tamen est ei, ne Fratres quicunque adiungant se eis sua voluntate, nisi de sua licentia, et quibus viderit expedire. In hoc etiam loco docendi sunt de Regula, de Constitutionibus, de officio, et alijs, quæ in docendo locutionem requirunt. In hoc etiam loco (si alius aptior non habetur) tenendum est eis capitulum: in quo cauendum est, quod Nouitius per multos dies non accuset se, nec accusetur, quousque multoties viderit quomodo alij se accusant, vel accusantur: nec molestandi sunt in aliquo pro culpis, quas inprimis incurunt. Si verò non fuerit nisi vnus Nouitius vel duo, mittendi sunt aliqui de iuuenibus professis ad Capitulum eorum, qui se accusando multis diebus, exemplo suo eos doceant, quomodo sunt huiusmodi faciendæ. Cauendum est autem ipsi Magistro ne in Capitulo eorum aliquid fiat, quod alicui verecundiam inducat: et quod modus Capituli



tuli scriptus in Constitutionibus benè seruetur; quòd magis informationi eorum intendat, quàm punitioni culparum. Sunt etiam instruendi, quòd ad locum Capituli sui conueniant, cùm in Capitulo Fratrum dicitur; *Excant Nouitij*, si tunc debet eis Capitulum teneri, vel alio tempore cùm teneri debet: et quomodò finito Capitulo recipiant disciplinas, qui recipere debent. Et postea vel alio certo tempore, et loco assignato ab eo, loqui de confessione. Cùm autem tanta fuerit multitudo Nouitiorum, quòd Magister non potest plenè sufficere omnibus, potest aliquibus magis nouis, aliquos magis instructos assignare: qui circa eos curam habeant de aliquibus, prout eis videbitur expedire. Non tamen debet ita alijs imponere onus, quin ipse nihilominus sit frequenter cum eis, et eis quantum poterint intendat.

*Circa necessitates.*

**I**tem ipsis Nouitijs semper piè compatiens debet cogitare, quòd competenter secundùm quod Ordo, et facultates permittunt, habeant necessitates in victu, in vestitu, in lecto, in infirmitatibus, et in huiusmodi: et dispensare quandoque cùm necessitas fuerit in vigilijs, et faciliè in ieiunijs Ordinis. Cauere etiam debet ne singularitatibus aliquibus in abstinentijs, vel vigilijs, vel alijs afflictionibus indiscretis, conterant corpus suum. Porro circa paupertatem et necessitates, quas interdùm secundùm Ordinem oportet sustinere, sic debet eos animare, et ab omni superflua recreatione retrahere, vt à principio quantum fieri potest asperis assueti semper Ordinem tolerabilius ferant: et declinare, prout commodè potest, vt causa recreationis ad commune hospitium, vel minutionem, vel infirmitarium (vbi interdùm fiunt dissolutiones maiores) sed aliò ducantur. Et cùm oportebit ducere illuc, habeatur cura ab ipso, vel ab alio, quòd tardè veniant, & citò recedant; et Fratres cauti reddantur, quòd coram eis dissolutiones non fiant. Ipsos quoque debet

Nouitios confortare, quòd in quibuscunque aliquo indiguerint, ad eum sicut ad matrem recurrant. Et debet eos docere vbi sit lectus, vel cella sua; vt si die, vel nocte ipso indiguerint, sciant vbi poterunt eum inuenire, & illuc ad eum recurrant. Debet etiam & docere eos, quomodo in necessitate in loco silentij per vnā dictionem, vel imperfectè loqui possunt; & quomodo in huiusmodi locis digito ori superposito sciant petere licentiam loquendi.

*Quo ad membra sua.*

**I**tem ipsius officium est informare diligenter; & sollicitè Nouitios circa hominem exteriorem, et interiorem. Circa exteriorem, quo ad membra sua, vt manibus caueant ab omni tactu indecenti, et ab iniurioso; pedibus à vagis, et incertis discursibus, et ne intrent loca prohibita. Cùm sederint ne coxas nimis disiunctas teneant, vel vnā tibiam super aliam ponant; cum maturitate incedant, nec se moueant de facili ad eundem sine causa præmeditata. Cùm autem steterint, non sicut arundo mobilis, sed potius appareant sicut fixi super gradum suum. Oculis quoque caueant ab intuitu rei, quam non licet concupiscere, à vagatione, ab hāstu vanitatis, et aspectu turpi, et curioso. Linguam assuescant refrenare, licet inuitam, et libentiùs audiant quàm loquantur. Cùm autem loquendum fuerit, pauca sint verba, et priùs ad limam quàm ad linguam veniant. Omnibus autem cum reuerentia loquantur: per pluralem dicendo potius *vos*, quàm per singularem *tu*: nunquam de Fratre, vel Fratribus loquendo vocent eum sine additione huius nominis *Frater*, nec nomen nouum imponant Fratri, vel impositum recitent vllò modo, nec aliquid cum iuramento quantumcunque leui, more secularium proferant. Cùm autem maioribus loquantur, semper caputium extrahant: vultum non tristem habeant, sed iucundum moderatè. Os ad cachinnos, vel ad risus dissolutos prouum non habeant, licet ad risus mediocres ipsum interdum aperiri sit tolerabile. Cervicem,

et col:

et collum erectum non habeant, sed potius mediocriter inclinatum. Iram vel impatientiam in vultu, vel actu aliquo non ostendant. Supercilia non erecta, sed potius depressa habeant. Aures, non ad rumores seculares, et otiosa, sed ad ea quæ Dei sunt, et salutaria, faciles, et veloces habeant. Nares ad fatores aliquos si occurrant, non sicut delicati, cum scandalo intuentium nimis notabiliter obturent; sed pro odoribus, in quibus malè delectati fuerant in seculo; ista in pœnitentia patienter ferant. Quod in faciendo venias non prosternant, sed super ventrem; sed super latus, et in longum, tibiam vnâ super aliam tibiam tenendo. In prostrationibus verò super cubitos se appodient iunctis manibus stando. In inclinationibus verò vsque circa genua caput deponant. In genuflexionibus, stent super genua capite eleuato.

*Quo ad Vestes.*

**I**tem quo ad vestes informandi sunt, vt eas diligenter secundum modum Religiosum, nō lasciuium sibi coaptent, in omni loco, et tempore; prouidentes, quod inferiores tunicæ non appareant vltra superiorem, et quod tunicæ non nimis sint succinctæ, aut breuiatæ notabiliter; et maxime cū transeunt per villas. Quod cappa, vel caputium non sint vltra formam Constitutionum longa; in Conuentu, et in quocunque loco, caputium non nimis super oculos habeant: quod ad camaras è contrario vadant, et stent capite cooperto. Quod in cameris sedendo vestes circa se non nimis eleuent, sed potius se ipsos honestè cooperiant. Quod in discalceando, et calceando se sotalaribus, aut caligis, tibias non nimis eleuent. Quod vbi cumque sedeant caueant ne vestes eleuentur. Quod cū tunicas deponunt, retento caputio per aperturam tunicam superiorem, vel inferiorē si voluerint deponant. Et quod cū intrant lectum, aut surgunt, vel ad ministrandum in Altari se parant, nunquam, sine caputio in capite appareant. Quod in Conuentuali loco discalceati, vel in caligis,



gis, vel foccis, sine sotularibus nunquam vadant. Quòd sedendo vel inclinando, cappam super genua compliceant, vel caputium, cum fuerint sine cappa. Quòd in loco Conuentuali, nunquam deferant ad modum mantelli cappam. Quòd in rasura, & lotione capitis, caputium inuersatum retineant, & in lotione pedum nunquam vltra genua se discooperiant. Quòd ad primam tunicam cingulum, & cordam pro braciali habeant. Quòd ad disciplinas se parando, cincti corrigia retenta, & cappa, & caputio, vel caputio solo pro tempore, superiores partes tunicarum, cadere primò permittant, & postea cappam, vel caputium super caput replicent. Quòd capellum nunquam sine necessitate ferre assuescant, & quando ferunt vile sit: & quòd nunquam in loco Conuentuali extra caputium appareant. Quòd prouideant ne pellicem per collum, vel alias appareat vnquam. Quòd ad extraneos cum bottis magnis nunquam vadant, & de die sine necessitate nunquam ferant: quòd cum iacent, caputium, vel in capite riteneant, vel de ipso caput cooperiant; & quòd sic semper se cooperiant, quòd aliquid indecens in eis videri nunquam contingat. Quòd lectum postquam surrexerint decenter cooperiant, & quòd subtus vel circa, nihil appareat, quòd videri vel non deceat, vel non expediat. Quòd lectisternia, & vestes mundè custodiant; & non sub lecto, sed in loco honesto alio replicata reponant, & interdum excutiant: & tempore suo ad lauandum tradant, & de modo excutiendi doceantur. Quòd cum feruiunt in Refectorio, vel Hospitio, cappam deponant. Cum autem in lauandis pedibus, vel capitibus occupantur, honestè se succingant, caputij prima parte cum corrigia ligata. Quòd ad lectum, vel cellam alterius, sine causa valde necessaria non accedant. Quòd vestes, vel sotulares (cum alij indigent) habita licentia libenter concedant. Quòd abiectas, & humiles vestes carius complectantur. Quòd quando noue dantur, veteres semper reddant, et quæ sunt vltra numerum in Constitutionibus expressum.



*Circa loca , & primò de Choro .*

**I**tem ad officium eius pertinet instruere eos, circa loca, quæ eis licet intrare sine licentia, quæ non; & quando fiunt signa, ad quæ loca debent conuenire secundum varietatem signorum, siue ad Ecclesiam, siue ad Capitulum, siue ad scholam, siue ad Refectorium, siue ad collationem, siue ad repetitionem officij, siue ad infirmitorium, cum infirmi fuerint, & huiusmodi. Item quòd nunquam se ingerant inter Fratres colloquentes, nisi vocati fuerint aut adducti. Quòd in omni loco ubi Conuentus fuerit congregatus, religiosius & maturius se gerant: & in Choro præ cæteris, præcipuè quando ministrant ibi in aliquo officio, vel quando fiunt admonitiones. Adorationes solennes, vt in die Parasceue adorationem Crucis, vel oblationem, vt in festo Purificationis cum cærei offeruntur & huiusmodi, & maximè verò tempore communionis; circa quæ, & similia instruendi sunt, quomodò se habeant secundum formam traditam in Ordinario, cuius Rubricæ ad hæc pertinentes suis temporibus sunt eis exponendæ, & addenda, quæ in illis minùs plenè continentur: sicut est, quòd mappam cum duabus manibus orbanè sub mento applicent, quòd recepta hostia terram non osculentur, sed solùm aliquantulum caput inclinent, & recedant ad locum, ubi flexis genibus hostiam consumant; qua consumpta ad calicem cum reuerentia accedant, & alia ad huiusmodi pertinentia ordinatè faciant, & honestè. Docendi sunt etiam, quos libros, & quibus horis ad Chorum deferant, & vt finitis horis reponant eosdem decenter: & quomodò de nocte, candelas pro absconsis accendant tempestiuè, & ad libros ipsas teneant; cauentes vt poterunt, ne lumine lædant oculos aliorum, & cum alijs diligenter cantent, & psallant.

*Circa Refectorium.*

**I**tem instruendi sunt circa Refectorium, quomodò lauandæ sunt manus: ad quod cum primò debent venire, vestes replicent, ne eas deturpent, & vbi lotis manibus sedeant. Quomodò intrantes Refectorium, ante imaginem quæ est ante mensam Prioris, aliquantulum inclinent. Quòd in prandio, vel cœna ordinatè intrent, & sedeant, & exeant, sua loca tenentes. In collatione, verò non exigitur istud. Quòd collocantes se ad sedendum, non nimis vnum super alium se comprimant: sed tantum sit spatium, quòd competenter in illo valeant excreare. Quòd se collocent ante præparatam aliquam portionem. Quòd non nimis citò postquam sederint ad modum secularium comedere incipiant, sed cum maturitate; mappa explicata, & pane inciso. Quòd panem, vel aliam pectantiam superflue non scindant, vel in frustra comminuant, sed solum quantum comedent. Quòd paraturas panis notabiles non faciant. Quòd vinum ( nisi temperatum fuerit ) temperare assuescant. Quòd à deturpatione manicarum, & cappæ, vel mappæ nimia, caueant. Quòd pro modica effusione vini, vel aquæ, vel alijs huiusmodi minimis, in fine veniam facere non oportet. Quòd singularitates in comestione non faciant: sed comedant, quod apponitur cum gratiarum actione; & si aliquod genus ciborum non consueuerint comedere, assuescant; vt possint inconsueta comedere. Quòd scutellas quando comederint quod placebit, ponant in loco apto ministris ad tollendum. Quòd oculos vagos ad respiciendum quid alij faciant, non habeant. Quòd circa finem mensæ aduertant quando alij finiunt comestionem, ita vt eos in protrahendo comestionem expectare non faciant. Quòd cum alij replicare mappas cœperint, & ipsi replicent decenter: semper reliquias, & panem remouendum anteponant, vel seruitoribus discurrentibus ad tollendum, in canistro eorum proijciant decenter. Quòd etiam prædicta, & alia huius-

huiusmodi, quæ ad honestatem pertinent, seruent etiam alibi vbiunque eos comedere contingat, & magis quando seculares contigerit interesse. Quod (nisi fortè aliquando data fuerit licentia loquendi ab aliquo, qui hoc possit,) nihilominus seruent silentium, aut valdè parum loquantur.

*Circa Locutorium.*

**I**tem instruendi sunt, quòd ad locutionem, vel ad locum alium loquendi, facilè non vadant, nisi vocati fuerint: vel ex aliqua causa rationabili, & præmeditata. Tolerabile est autem, vt interdum vadant illuc ad horam, propter tollendum fastidium, vel aliquam recreationem habendam, sed cum licentia, et speciali ad hoc socio deputato; qui ad recreationem honestam eis faciendam idoneus reputetur. Verùm in huiusmodi locis non est loquendum de facili, nisi sedendo, & sine clamore: & nunquam est coram Nouitijs disputandum, vel contentiosè loquendum; sed de aliquo utili quærendum vel conferendum. Si autem ad seculares vocati fuerint, nunquam sine licentia speciali, & socio ad hoc deputato, est ad eos eundum. Cùm autem sunt cum eis, debent dare operam, vt eos ædificent, religiosè, & maturè se habendo: vultus hilaritatem prætendendo, de rumoribus non curando, verba salutaria inferendo; eos si peruersi fuerint reprehendendo, & mala quæ fecerint detestando, & eis de religione, vel pœnitentia potiùs persuadendo, & periculum status secularis ostendendo. Non autem est immorandum cum eis in quacunque locutione, sed inuenta curialiter aliqua occasione recedendum est festinè. Item docendi sunt quòd semper libentiùs morentur in claustro cum Fratribus, quàm extra cum secularibus. Item quòd libentiùs in claustro morentur in loco silentij, vt sunt cella, oratorium, & huiusmodi, quàm frequentent locutoria. Item quòd libentiùs intersint in locis omnibus cum Conuentu, quàm extra in locis alijs extra Conuentum, vt sunt hospitium, infirmitorium, & huiusmodi. Item quòd libentiùs decli-

nent ad loca, vbi sunt maturi, & religiosi aggregati, quàm vbi sunt dissoluti & leues. Item quòd libentiùs currant ad loca in quibus audiuntur vtilia, vt sunt scholæ, & locus collationum; quàm ad alia in quibus contigit interdum audiri inutilia, vt sunt hortus, & plateæ curiosorum. Item, quòd libentiùs veniant ad loca, in quibus in aliqua actione salubri occupantur, vt est lotio pedum vel vestium; quàm inutiliter discurrant per Dòmum. Item quòd plùs diligant loca, in quibus exercentur magis vtilia, scilicet pertinentia ad Religionem & virtutem, vt est Capitulum, & Oratorium; quàm alia in quibus minùs vtilia, & pertinentia ad scientiam, vel corporis necessitatem, vt sunt scholæ, Infirmitorium, Refectorium, & huiusmodi.

### *Circa Tempus.*

**I**tem instruendi sunt circa tempus, quòd ipsum non solum quando sunt in occupationibus Conuentualibus, sed etiam totum residuum vtiliter expendant. Et ideò inter duo signa post dictum Officiu de B. Virgine, & quandocumque Conuentus congregatur, vel congregatus aliquid expectat; & intrando lectum, & surgendo, vel in lecto cum iacentes dormire non possunt; vel cum spatiando per hortum, vel claustrum deambulant soli, & huiusmodi similibus temporibus, debent aliquas orationes dicere, vel aliquid salubre meditari. Similiter, tempus quod est inter gratiarum actiones, & dormitionem in ætate post prandium, in oratione, vel lectione, vel aliqua actione vtili sub silentio occupent. Item tempus quodcunque conceditur ad loquendum, si in hoc recreari moderatè voluerint, reddere sibi vtilis recreationes huiusmodi ad finem debitum dirigendo: videlicet vt fortiores ex hoc reddantur ad Ordinis actiones, & seruitium Creatoris; vel in huiusmodi recreationibus de repetitionibus lectionum, disputationum, vel sermonum, vel alijs vtilibus cum alijs pertractando, vel dum his vacant, alijs, vel ali-



aliquibus quæ sibi agenda sunt, vt si habent aliquid facere in vestiaria, vel similibus, tunc intendendo. Sunt etiam docendi, quòd in cella nunquam sint otiosi: sed legant, aut scribant, aut orent, aut meditentur vtilia. Item iuuando. Fratres in quibuscumque officijs, vel seruitijs libenter occupentur. Quòd non de facili, otiosi discurrât. Quòd aliqua mechanica, quæ nesciunt, vt sunt scribere qui nesciunt, vel similia interdùm addiscant. Quòd ad officium mortuorum extraordinarium libenter remaneant. Quòd in itinere rumores, & otiosa declinent: sed de aliquo utili quærant, vel conferant cum socio vel cum alijs, cum quibus fuerint; siue in Domo, siue in via, quòd aliquem librum ferant, in quæcùm non meliùs fecerint & vacauerint, semper legant.

*Circa seruitia.*

**I**tem ipsius est instruere Nouitios, quomodo seruire debent in Missis priuatis, in ministerio Altaris, in Conuentu, & incensando Chorum in Refectorio, & huiusmodi, tam in spiritualibus quàm corporalibus seruitijs diuersis; secundùm quòd in Rubricis & in descriptionibus officiorum diuersorum continetur, & addat quòd minùs continetur in illis. Sunt etiam animandi, quòd libenter in huiusmodi seruiant, vel suppleant vices Fratrum cùm fuerint requisiti, & præcipuè in magis humilibus, sicut est lotio pedum, mundatio Domus, lotio vestium, seruire infirmis; parare mortuos & huiusmodi. Cauendum est tamen ei, ne de facili occupentur in seruitijs extrà Conuentum, propter dissolutiones, quas faciliùs videre ibidem possunt.

*Circa reuerentiam.*

**I**tem instruendi sunt, quòd reuerenter se semper habeant & vbique. Quòd quando transeunt ante imaginem aliquâ, vel Altare, vel alia Sacra, inclinent; & caputium extrahant aliquantulum. Quòd in Officio Diuino dicendo extrà

Chorum reuerentet se gerant, cū maturitate dicendo: quòd dicendum est sollicitè præuidēdo, in nullo alio se occupando, & humiliter inclinationes & prostrationes bono modo faciēdo. Quòd non solum Prælati suis, immò etiam omnibus honorem exhibeant, & præcipuè senibus Sacerdotibus, Prioribus in Ordine, sanctitate famosis & huiusmodi; prout variæ conditiones requirunt. Fit autem reuerentia hæc multis modis: scilicet cū transeunti assurgitur, cū ante alium non nimis propè transitur, cū ante alium inclinatur, aut genuflectitur; cū sedenti decenter assistitur, cū iuxta sedentem sedere volens aliquantulum à longè se collocat, vel sedere volenti sedens assurgit, vel cedit, vel loqui volēs ante alium extrahit caputium, vel in humili seruitio ministrat, vel alium in via, vel in omni verbo antepōnit, vel cū præire in aliquo cogitur, cum reuerentia hoc facit; & alijs varijs modis, quæ secundū plus, & minus sunt exhibenda diuersis, & præcipuè Prælati; non solum Ordinis, sed etiam Episcopis, quibus secundum consuetudinem regionum sunt interdum manus osculandæ, vel genuflexiones faciendæ; similiter Regibus, & Magnatibus.

### *Circa Confessionem.*

**I**tem instruere debet eos circa confessionem, quomodo plenè & benè confiteri sciant, supplendo cū nesciunt per interrogationem de peccatorum generibus, & circumstantijs: quòd & de quibus circumstantijs debeant confiteri. Item quando recordantur, vel aduertūt in scripturis aliquod peccatum, quod ante nesciebant, vel quod non sunt confessi, vel aliquod de nouo occurrerit in cogitationibus, vel omissione alicuius eorum quæ sunt de Ordine, & similibus: debent citò venire ad confitendum ista. Item quando possunt scribere confessionem, vt per scriptum melius sciant quando erunt plenè & benè confessi.

Item attendendum est ei, quòd det eis bona consilia, quomodo expediantur de restitutionibus, de irregularitatibus,

ribus, de votis, si istis fuerint irretiti. Item & docendi sunt, quòd in confessione nihil celent, nec de præteritis, nec de emergentibus, nec de tentationibus quibuscumque, nec de visionibus, aut visitationibus sibi accidentibus, nec de singularitatibus, si quas supra alios facere voluerint: & quòd super his, & similibus semper credant Magistro suo, ne fortè aliquo modo decipiantur. Item cùm fuerint nimis scrupulosi, quomodo non oporteat eos de aliquibus vel timere, vel confiteri: cùm autem fuerint negligentes circa confessionem, quòd certo & assignato tempore confiteantur. Item quomodo venientes ad cõfessionem debent facere veniam, & dicere *Mea culpa*; & erecti flexis genibus, inclinato capite, & procubentes, extracto caputio incipere debent, dicendo: *Confiteor Deo Omnipotenti, & B. Mariæ semper Virgini, & B. Dominico P.N., & omnibus Sanctis, & tibi Pater, quia peccauì nimis cogitatione, locutione, opere, & omissione, mea culpa*: vel causa breuitatis, sic dicere, *Mea culpa, ego peccauì in hoc, & in hoc, & in fine dicere. Et in multis alijs, mea culpa, precor te orare pro me; & recepta penitentia, & absolutione, & cõpleta instructione, si in aliquo Confessor eũ instruere voluerit; surgere debet, caputium reponendo vt primò. Item quòd nunquã cùm conscientia alicuius peccati mortalis ingrediantur lectum de nocte, vel accedant ad Sacramentũ aliquod, vel ministerium Missæ, siue in Conuentu, siue in priuatis Missis, nisi prius confiteantur. Item quòd non confiteantur nisi Magistro suo, vel Priori, sine licentia speciali. Item quòd quando per primam Confessionem generalem non est eorum conscientijs satisfactum plenè, possunt secundò vel pluries Confessionem generalem iterare, vt tunc eis plenius satisfiat, cùm sciunt meliùs confiteri.*

### Circa Orationes.

**I**tem circa Orationem debet eos instruere, quòd non solum Psalmos, vel orationes formatas debent dicere, immò secundum varias necessitates modò pro peccato vel offensa tali, vel talibus remittendis, vel cauendis, vel pro

talibus defectibus tollendis, vel talibus gratijs aut virtutibus conferendis, & similibus deuotè supplicare. Item quòd orationi ad contritionem vel deuotionem incitandam potius debent intendere, quàm in multis dicendis laborare. Item non solum sui, sed etiam parentum & amicorum, familiarium, & benefactorum, & etiam peccatorum, & infidelium Deum ignorantium, aliorum qui adhuc longè sunt à Deo, & per diuersa detinentur peccata, debent memores esse. Item tempora otiosa debent in aliqua oratione occupare, & aliquem locum ad hoc idoneum in Ecclesia eligere: vel ante Altaria singula discurrendo ibidem, ad quodlibet aliquam orationem facere specialem, vel in quocumque loco facere idem. Item quòd in orationibus communibus magis, quàm in priuatis debent confidere, & illis libentius interesse: siue in Horis, siue in priuatis post Completorium, post Matutinas, & quòd ad hæc bene & deuotè dicenda, debent magnā curam adhibere; & quòd ante plenam terminationem Horarum vel gratiarum, à Choro sine necessitate non recedant, nec etiam ipsis terminatis, nisi prius aliquantulum orent, vel Deo se commendent. Item quòd cum legendo, vel audiendo intelligunt aliqua in quibus peccauerunt, vel omittendo, vel committendo, vel aliqua bona, quæ eis desunt: debent in ipsa lectione conuerti ad orationem, pro malis amouendis, vel bonis adipiscendis. Item quomodo in perplexitatibus, dubijs, & tentationibus, & difficultatibus, & in principio nouarum actionum ad orationem recurrere: & quomodo pro malis quibuscumque quæ vident vel audiunt, tollendis vel remittendis assuescere supplicare; & pro bonis gratias agere, & in omnibus tam prosperis, quàm aduersis, semper Deum laudare oporteat. Item quomodo laborare debent, vt in his quæ dicunt orando cor versetur: quòd si non semper fecerint non tamen debent propter hoc desperare, quin orationes sint fructuosæ; nec propter impugnaciones quas acriores interdum ibi faciunt inimici, debent eis cedere



cedere, & orationes dimittere. Item quòd in orando non debent se super ventrem, nec se totos extendere, vel caput nimis inclinatum tenere: sed potiùs stando super genua, erecti, vel aliquantulùm incuruati orare debent.

*Circa Studium :*

**I**tem instituendi sunt ab ipso circa studium, quòd secularibus scientijs neglectis, se totos transferant ad diuinas: & inter alia, à principio magis vacent vtilibus & planis, quàm subtilioribus & obscurioribus; & præcipuè illis, quæ vtiliores sunt ad informationem & inflammationem ipsorum: vt sunt Meditationes B. Bernardi, Sancti Bonauenturæ, & D. Anselmi: Liber Confessionum, S. Augustini: Collationes, & Vitæ Patrum, & dicta eorum. Passiones & Legendæ Sanctorum. Epistola ad Fratres de Monte Dei; D. Bernardus de gradibus superbiæ. Item lib. de diligendo Deum. Et libri Fr. Ludouici Granaten. Item Tractatus de vitijs, & virtutibus, & similia. Item, quòd potiùs intendant pauca sapere, & memoriæ commendare, & circa illa se afficere, & se informare, quàm multa legere. Item quandocunque aliqua audiunt vel legunt, considerent si possint sibi ad aliquid valere, & inde aliquam ædificationem trahere. Item quòd semper libenter audiant, & ad docendum non festinent. Item quòd quando incipiunt facere collationes vel sermones, potiùs studeant circa bonum modum dicendi, & vtilem materiam, quàm circa multitudinem verborum: & quòd semper multitudinem caueant, siue in audiendo lectiones plures & nimias, siue in legendo nimis; siue in docendo multa in collationibus, & in sermonibus, & lectionibus, si quandoquæ contingat ipsos Lectores fieri. Item quòd nunquam sic sint ardentes circa scientiam, quòd propter studium negligant ea quæ sunt Religionis, vel virtutum, vel charitatis. Item quòd nunquam de libris & scriptis suis sint auari, sed libenter illa alijs communicent; & quòd

quòd nunquam confidentiam de sciendo aliquid ponant, in scriptis, sed potiùs ingenium & memoriam exercent ad sciendum cordetenùs quidquid possunt.

### *Circa Meditationes.*

**I**tem circa Meditationes instruendi sunt, quòd tempus interdùm expendant: vel cùm sunt in via, vel cùm per claustrum, vel hortum, vel alibi per Domum quasi spaciando deambulant; vel cùm sunt in orationibus secretis, vel in cella, vel in lecto vigilando quiescunt. Sunt autem Meditationes huiusmodi habendæ quandoque circa Dei beneficia generalia vel particularia: quandoque circa peccata ingritudinis humani generis generalia vel propria: modò circa opera creationis, modò circa opera Redemptionis, vt est Incarnatio, Passio, & huiusmodi; modò circa præmia bonorum, modò circa penas malorum: modò circa vindictas iam factas, modò circa misericordias exhibitas: modò circa creaturas, modò circa scripturas, modò circa proprios defectus: modò circa profectus, modò circa fallacias demonum, modò circa ministeria Angelorum; modò circa exempla Sanctorum, modò circa peruersitates peruersorum, modò circa statum suum interiorem, modò circa exteriorem: modò circa facta recogitando, modò circa facta faciendo, modò circa Dei omnipotentiam, modò circa eius scientiam; modò circa bonitatem, modò circa seueritatem; modò circa eius misericordiam, modò circa iustitiam, modò circa iudicia manifesta, modò circa occulta. Sunt autem in huiusmodi & similibus, diuersæ trahendæ affectiones: modò spei; modò timoris, modò amoris, modò doloris, modò gemitus de malis, modò suspiria ad bona; modò admirationis, modò exclamationis, modò gratiarum actionis, modò supplicationis, modò verecundiæ, modò reuerentiæ & huiusmodi, quæ per experientiam melius, quàm per doctrinam addiscuntur.

*• Circa alia exercitia multa.*

**I**tem instruendi sunt, quòd de visionibus videndis, & miraculis faciendis non curent: cùm hæc parùm valeant ad salutem, & interdum in his homines illudantur; sed potiùs curent de virtutum operibus, in quibus salus consistit. Item quòd si consolationes diuinas quas audiunt alios recipere, non habent, non inde contristentur; sed sciant hoc interdum ex causa subtrahere pium Patrem. Item quòd si compunctionis vel deuotionis gratiam non habent, non ex hoc reputent se non esse in statu bono: dummodò bonam habeant voluntatem, cùm ipsam solum respiciat Deus. Item circa conscientiam dirigendi sunt, quòd ipsi purgandæ, curam magnam habeant & apponant: quòd non nimis scrupulosam vel audacem habeant, quòd contra ipsam nihil faciant, quòd erroneam ad consilium deponant. Item intentionem in omnibus operibus saltem à principio ad Deum erigant, & vana, si quando aduenerint, abijciant. Item quòd nullam affectionem carnalem ad aliquam personam habeant suspectam, vel in se diù durare permittant: & quòd caueant, ne affectiones sanctæ in carnales transeant. Item quòd propriam voluntatem frangere assuescant, sensum singularem penitus dimittant, priuatum amorem ad aliquid nunquam habeant. Item quòd in omnibus obedientiam præponant & propter ipsam omnia alia etiam bona dimittant. Quòd tam sibi, quàm alijs in melioribus bonis quàm minoribus libentiùs vacent & intendant. Quòd virtutes eorum quos audiunt, laudabiliùs viuere, diligenter notent, & imitentur pro posse. Quæ autem suprâ ipsorum vires, vel naturam sunt; potiùs admirentur, quàm imitentur. Quòd super lapsus aliorum non indigentur, sed compatiantur, & sibi à similibus timeant. Quòd de factis, aliorum non cogitent, nec de domus negotijs sint in aliquo solliciti, sed tantummodò de se. Quòd omnia agant cum discretionem: quæ summè consistit in hoc, vt non.

non sensu suo se regant, sed alterius, & maximè Magistri sui. Quòd ea quæ audiunt in scripturis de virtutibus & operibus Deo acceptis, studeant exercere; & vitia, seu mala quæ quotidie in ipsis scripturis plùs, & plùs cognoscunt, diligenter cauere.

### *Cap. VI. De Officio Magistri Conuersorum.*

**A**D Officium Magistri Conuersorum pertinet scire à Priore, postquam imposuerit ei istud officium, qualem vult eum habere potestatem super eos: siue Nouitios, siue Professos, siue in confessionibus audiendis, siue in licentis dandis, siue in corrigendis excessibus. Item respicere diligenter quæ prædicta sunt de officio Magistri Nouitiorum, & illa quæ de illis ad Conuersos, siue Nouitios, siue Professos pertinere possunt, notare; & circa illos executioni mandare. Item debet eisdem exponere de Regula, & Constitutionibus, quæ ad eos pertinent: & ea, quæ dicuntur in Actis Capitulorum Generalium, vel Prouincialium, vel in Capitulo Conuentuali, vel à Priore Conuentuali, vel à Priore Prouinciali, vel Visitatoribus, vel à Supprie, vel Vicarijs ipsorum, ad eos pertinentia sollicitè retinere, & iisdem notificare, & obseruanda imponere: & *Pater noster*, & *Aue Maria*, & *Credo in Deum* cum nesciunt docere, non in scriptis, sed cordatenus. Item debet eis tenere capitulum tempore & loco ad hoc à Priore assignato, & accusationes Fratrum Clericorum, quas in capitulo suo, vel extra de eis faciunt retinere: & eos super his in suo capitulo proclamare; & Fratres Clericos, qui interdum ad capitulum eorum propter hoc veniunt, recipere ad accusandum, & excessus maiores Priori relinquere ad corrigendum. Ipsum quoque Priorem Conuentualem inuitare frequenter ad tenendum eis capitulum; & tam ipsum Visitatorem, quam etiam Priorem Prouincialem (cum ad Domum veniunt) de corrigendis circa ipsos, debet instruere. Item studium debet appo-



apponere, vt fiant eis exhortationes vtilis, et ad statum suum pertinentes; siue sermones, siue collationes, siue per alium, siue per se: ita tamen quòd pauca semper dicantur eis vna vice. Procurare etiam debet, quòd sit aliquod signum in Domo, per quod conuocentur, vel ad suum capitulum, vel ad Capitulum Clericorum, secundum diuersitatem signorum, & cum vocandi fuerint, debet illa signa facere. Accusationes quoque eorum contra Clericos (si quas habent) debet ex parte ipsorum in capitulo Clericorum facere, & molestatores eorum accusare, & ab iniurijs aliorum prout potest defendere: & cum irrationabiliter aliqui insurgunt in eos, in capitulo, vel extra quantum potest cum bona conscientia, eorum innocentiam ostendere, & in sua iustitia semper eos fouere. Item debet esse certus, quòd confiteantur frequenter vel sibi, vel Priori, vel alij de licentia speciali: & si negligentes fuerint, statuere eis certum tempus & locum, in quibus confiteantur. Item debet eos in officijs, quæ eis imponuntur interdum instruere, quomodo illa faciant sollicitè & plenè, & diligenter. Item illis qui nesciunt aliquam artem in Ordine necessariam, debet assignare de illis qui sciunt aliquem, qui eos doceat; & ad discendum eos compellere. Item debet eos summè incitare ad laborandum semper, & libenter in aliquo opere pro Conuentu: & propter hoc licentiaré eos ab omnibus horis siue de die, siue de nocte, præterquam à Completorio; à quo non sunt licentiandi, nisi propter seruitia quæ tunc ex necessitate sunt facienda. In Festis etiam similiter sunt licentiandi propter officia quæ tunc oportet fieri, & etiam concedendum est eis, quòd nunquam reneantur ad Missam Conuentualem vel Horas Canonicas præter Completorium: sed sufficiat eos audire aliquam Missam priuatam, & dicere horas ubi voluerint. Illis etiam qui instante hora dormitionis de die laborant, poterit indulgeri ne surgant ad Matutinas. Coercendi sunt etiam à multitudine Missarum audiendarum, & ab audiendo Horas Conuentuales: cum propter hoc

hoc labores omittunt. Instruendi sunt etiam diligenter ab eo quando sunt inter extraneos, ut honestè se habeant, & maturè: & quòd ad mensas magnorum se non collocent, nisi inuitati, & tunc etiam cum quadam difficultate. Item debet esse sollicitus pro eis, quòd in infirmitatibus, & alijs eorum necessitatibus, charitatiuè ministrentur eis necessaria. Item cum senserit eos scandalizatos ex aliquibus ordinationibus, quæ interdum fiunt circa eos per capitula vel maiores, quæ reputant fieri in eorum contemptum, piè & prudenter debet eos sedare: ostendendo quomodo non in contemptum eorum hæc fiant, sed propter aliquam causam rationabilem. Sicut supra Priores & Lectores, & alios interdum fiunt similia, non in contemptum eorum; sed propter aliquam vtilitatem Ordinis, ostendendo quomodo in statu honorabili magis sunt apud nos, quam alij Conuersi in alijs Ordinibus. Item debet eis reducere ad memoriam, quomodo faciunt eandem professionem quam & Clerici: ut ex hoc intelligant se ita esse obligatos ad ea quæ sunt Ordinis & sic non negligant ea quæ sunt Religionis. Item ubi habent dormitorium separatum, debet iacere cum eis; ubi verò non habent separatum, debet saltem iacere propè eos. Debet etiam quandoque de eis sollicitudinem specialem habere, ubique notare defectus, & offensas eorum, & ipsos charitatiuè corrigere vel ad partem, vel in capitulo. Cum aliqui fuerint ei inobedientes, quod supra vires suas est, debet maioribus referre, ut per eos melius emendentur.

### *Cap. VII. De Officio Correctoris familie.*

**F**RATER cui imponitur cura de familia, debet præ cæteris Fratribus curare, quòd non recipiantur in familia nisi tales, de quibus sit bona spes, quòd honestè se habeant inter Fratres. Cum autem recepti fuerint, debet habere curam quòd sibi, vel alij confiteantur frequenter, & de hoc debet esse certus. Instruendi sunt etiam ab eo, cum ei confiten-

fitentur ipso procurante, quòd plenè sint confessi, & quòd sciant benè confiteri. Item informandi sunt ab eo singulariter & insimul de modo habendi se honestè, & cogitandi & laborandi pro salute sua; & interdum faciendæ sunt eis aliquæ collationes ab ipso vel ab alio, ipso procurante & ordinante: & curet quòd veniant ad sermones quæ fiunt ad populum in Domo cum possunt, vel ad sermonem qui fit Conuersis, interdum, si Priori visum fuerit. Item quòd laborent fideliter, & diligenter in suis officijs: & qui fuerint in coquina mundè faciant omnia, & bono modo parent quæ habuerint ibi præparare, & ea quæ nesciunt sollicitè addiscant, vel à Fratribus, vel ab alijs de familia qui sciunt. Item quòd per villam non discurrant nisi pro necessitatibus Domus, & cū licentia; nec pro seruitijs fratrum specialibus dimittant communia, nisi de licentia Prælati specialis. Item debet Priori ostendere, & apud eum procurare, si clausura Domus est minus bona, quòd sic appetur; quòd non possint egredi de nocte vel hora dormitionis: ne fortè ex nimia requisitione ab eorum deuotis, videantur modo aliquo abhorrerì. Item debet esse sollicitus quæ sit fama de eis vel intus, vel extra, & considerare facta eorum & vitam; & quòd inuenerit vel per alios audierit corrigendum in eis, ad partem corrigere, vel interdum in communi quasi per modum capituli possunt eis pœnitentiæ aliquæ tolerabiles tamen iniungi. Et est eis dicendum in principio quando veniunt, quòd si volunt esse cum Fratribus, quòd ipsi ita corrigentur. Cauendum tamen est omninò ne vnquam ipse vel alius Frater eos percutiat, non solum ex ira, sed nec ludo, nec etiam causa correctionis. Fratres quoque qui excedunt in eos, vel indubitè eos molestant, vel aliquod malum exemplum ostendunt eis, vel in aliquo reprehensibiliter se habent circa eos, debet proclamare in capitulo: & cum minùs rationabiliter loquuntur contra eos, debet eos excusare prout potest cum bona conscientia, dum non sunt in culpa super illis quæ dicuntur. Item cum aliquis petit recipi in Con-

uer.

uerfum, debet fidele testimonium perhibere quid super hoc expediat: magis attendendo Ordinis vtilitatem quam illius petitionem. Cum autem aliquis inuenitur talis, quod non expedit Fratribus vt cum eis moretur; debet apponere curam quod sic vrbane licentietur, quod non scandalizetur contra Fratres, sed cum amore eorum, & Ordinis recedat, & ad id laborandum est circa omnes qui recedunt à Fratribus quocumque modo. Porro circa aduenientes gartiones debet cauere, quod nunquam introducantur alicubi vltra portam: nisi prius constet quod sint apud Fratres, alios vnde veniunt intimi, & familiares valde, & quasi vnus ex eis. Debet autem instare apud Procuratorem vel Priorem, quod fiat eis in porta vel in villa quoad iacendum, illud quod fuerit faciendum. Debet etiam laborare quod illis qui gratis seruiunt, & propter Deum Fratribus, vel laudabilius se habuerunt inter eos, Fratres sint magis grati, deuoti, & in suis necessitatibus ampliorem eis exhibeant charitatem. Ipsius etiam interest maiorem apponere diligentiam, quod omnia quæ de ipsis ordinantur in capitulis, vel à maioribus, executioni mandentur: sicut est illud, quod diuifim iaceant tam illi de Domo quam extranei. Quod non habeant vestes notabiles in pulchritudine vel ornatu, vel pretio, vel colore: & rursus, quod non habeant vestes similes Conuersis, nec tondeantur ad modum eorum. Quod non recipiantur ad secreta, & familiaria seruitia Fratrum, vt est lauare pedes Fratrum, seruire in hospitio, in Refectorio, in infirmaria, quod carnes pro eis non parentur. Quod nullus Frater singularem habeat gartionem. Quod quando mittuntur, ita provideatur eis in expensis, quod alios Fratres non grauent, & similia. Et quæ non potest deducere ad effectum, debet ad Priorem deferre, & ipsum sollicitare, vt hoc faciat obseruari.



## Cap. VIII. De Officio Cantoris.

### *Circa libros, & scripta.*

**O**fficiū Cantoris est sollicitare Priorem, vt totum officiū benè correctum habeatur in Domo, & si negligens fuerit circa hæc, apud maiores eum accusare; & laborare sollicitè quòd hoc faciat emendare. Pertinet etiam ad eundem libros Ecclesiasticos corrigere diligenter in cantu, & verbis, & punctuationibus, & accentibus & huiusmodi: vel per se, si scit, vel per alios si nescit, adhibita auctoritate Prioris; & eosdem mundos seruare, præparare & reparare in camisijs & coopertorijs, & in ligaturis, & malè tractantes accusare. Item debet respicere diligenter totum officiū, & firmare cordetenus: & maximè ea quæ ad ipsum pertinent, secundum quòd notata sunt in diuersis locis, & Rubricis; & in notula præsentī, quæ continet multa, quæ alibi minùs plenè sunt notata. Item oportet procurare quòd aliquod armarium habeatur in Choro, vel in Sacristia, vel alibi, prout videbitur locus magis idoneus deputatus ad hoc, in quo libri omnes de Choro reponantur: præter libellos processionales, & inde per ipsum, vel per alium, si Prælato visum fuerit, deportentur ad Chorum tempore officij, prout necessarij fuerint, & postea reportentur. Ipsius autem est distribuere ipsos per Chorum prout videbitur expedire, siue pro funeribus, siue processionibus. Item ipsius interest ponere in aliqua cedula, quæ affigenda est parieti in Sacristia in loco apto, numerum Missarum, & Orationum, quæ iniunguntur in Capitulo, vel à maioribus cuilibet Fratri vel Conuentui: vt Fratres sciant ad quid tenetur, & quando soluerunt totum; & de Missis quæ debentur à Conuentu specialem curam debet habere, vt soluantur quàm citò commodè fieri potest, & facere memoriale de solutis. Item quando emanat aliquod mandatum, quòd fiat aliquod Festum vel memoria alicuius Sancti, vel alicuius defuncti Anniuersarium, vel memoria alicuius anime perpetuò per Orationem aliquam

in Missa, debet hoc inferere per scripturam in libris, in suis locis. Item ipsius est procurare apud Prælatum, quòd aliqua rubricæ de officio, quæ magis sunt necessariæ ad sciendum, legantur in Refectorio interdum, maximè quando fratres plures intersunt; & similiter illæ quæ habent maiorem difficultatem, & minùs sunt v̄sitatæ, vt sunt illæ, quæ pertinent ad tres dies lamentationum & similes, legantur instantibus diebus ad quos pertinent. Item ad ipsum pertinet formare litteras, quæ interdum ad alia loca mittuntur pro suffragijs impetrandis, & procurare per quem mittantur. Forma autem huiusmodi litterarum est talis *Tali die obiit Frater talis in tali Conuentu*. Similiter recipere huiusmodi litteras quando mittuntur aliundè, & tradere eas ei qui legit Kalendas, vt eas recitet in Conuentu ante illud : *Commemoratio Fratrum & Sororum &c.* similiter in rotulis qui mittuntur interdum pro suffragijs scribere. Et scribi solet hoc modo : *Titulus Fratrum Prædicatorum talis loci : anima eius, & animæ omnium fidelium defunctorum requiescant in pace. Oramus pro vestris, orate pro nostris. Die tali fuit rotulus apud nōs.* Item debet auscultare Fratrem qui voluerit, qui habet aliquid legere vel cantare, loco, & tempore ad hoc assignato. Et etiam si fuerint aliqui rudes in his, debet eos per Priorem facere corrigi. Interdum etiam cùm occurrunt nouæ historiæ, vel alia ad cantandū difficilia, debet conuocare Conuentum hora qua videbitur Priori, vt communiter cantas huiusmodi prouideatur & repetatur. Item ipsius interest facere tabulam semper, nisi fortè ad alleviationem eius alij iungatur à Priore. Debet autem ipso procurante haberi tabula bona, & ad hoc officium apta, & de littera bona, per illum qui eam scribit, vel alium sibi ad hoc assignatum : & ita tempestiuè, quòd in Sabbato legi possit cum Kalendis post lectionem de Constitutionibus, vel de Evangelio illa tabula quæ est pro septimana; illa verò quæ fit pro Festis, & alijs diebus, in mensa præcedentis diei. Debet autem, omnes absque acceptione personarum scribi ad

ad officia tēpore suo, qui possunt & sciunt ea facere: nisi fortē aliquibus ex causa de licentia Prioris parcatur quō ad aliquod officium; hoc tamen prouiso, quōd in Festis & diebus quando plures conueniunt, talis Sacerdos ponatur ad officium, qui laudabiliter sciat dicere & maximē Missam. Qui autem ex impotentia, vel ignorantia, vel de licentia non facit illa officia, debet sic in alijs recompensare quæ potest facere, & ad illa scribi; vt fiat æqualitas qualiscumque. Cū autem post tabulam scriptam aliquis de Fratribus scriptis in ea debet recedere, vel infirmatur, vel aliàs habet causam rationabilem quare non potest facere illud ad quod scriptus est: debet hoc notificare Cantori, qui debet tunc alium scribere loco eius. Quotiescunque immutat aliquid circa tabulam post pronuntiationem eius, debet notificare illi qui scribitur, & illi qui deletur. Porro defectus Fratrum qui desunt, nec alios posuerunt loco sui, debet supplere autoritate sua, per se vel alios, & omnes debent eidem in hoc obedire: & facientes defectus, debet tempore suo in Capitulo proclamare Frater qui per quatuor dies facit officium ad quod scriptus est, & postea impeditus non potest residuum facere, septimanam fecisse reputetur. Si Prior ordinauerit, quōd aliqui Fratres scribātur in tabula per septimanam, vel quindenam, vel mensem, vel ampliùs ad aliqua officia quæ non pertinent ad Ecclesiam: vt est seruire infirmis, vel in hospitijis, & huiusmodi; faciendum est secundū modum quem dixerit, & de personis, & de tempore. Tabula verò scripta collocanda est in Sacristia, vel in alio loco idoneo eminenti, & aperto, vt possint ibidem legere qui eam non audierint, vel audientes non intellexerint: vel qui audierint & obliuioni tradiderint, & vt sciatur quidquid debet facere, & quos defectus quis faciat.

*Circa Sedes.*

**I**tem ad ipsum pertinet stare in Choro dextro, potest tamen causa officij mutare sedem, & stare modo iupra,

modò infra, modò in Choro maiori, modò in Choro minori, & quandoq; transire ad sinistrum. In Festis verò Duplicibus, & Totis Duplicibus, licet habeat stare in medio Chori incipiendo aliquid, tamen potest post incæptionem discurrere ante Fratres sui Chori, ad incitandum eos ad cantandum meliùs: & interdum in Choro suo federe inferiùs vel appodiare se in aliqua sede. Ipsius est etiam collocare Nouitios vel alios Fratres de nouo venientes in Choro altero, prout viderit expedire, in suis sedibus secundum tempus, quo steterint in Ordine: quòd à superuenientibus quærere, pertinet ad ipsum. Cum autem aliqui extranei intrant Chorum vel ponunt se in ostio, pertinet ad ipsum secundum quòd digniores fuerint, eos trahere ad locum honestum. Si autem abiectione fuerint personæ, urbanè eos trahere à sedibus dignioribus, vel à toto Choro, si sine scandalo fieri potest. Ipsius etiam est dare operam, ne extranei nimis faciliter intrent Chorum, & maximè laici vel pueri. Quòd si Clerici aliqui cantent cum Fratribus, ipsius est in pausis, & cantu eos rectificare, vt Fratribus se conforment, & eòs in locis debitis collocare. Ad ipsum etiam pertinet sic prouidere cum consilio Prioris vtrique Choro de Fratribus qui sciunt legere & cantare, quòd non sit inæqualitas notabilis. Cum autem propter absentiam Fratrum aliquando Chorus alter nimis est vacuus, debet innuere aliquibus de alio Choro vt ad alterum se transferant, & illi debent in hoc obedire eidem: vel ad horam, vel ad diem, vel plùs secundum quòd ipse ordinauerit. Ipsius etiam est novos Sacerdotes instruere circa Missam; & prouidere eis de adiutore & instructore idoneo in Missis primis, quousque sint sufficienter edocti. Similiter omnes promotos de nouo debet in suis officijs instruere diligenter. Cum autem Abbas vel Episcopus vel alius extraneus celebraturus est in Conuentu, debet prouidere quòd tales ponantur ad officia, qui omnia sciant facere decenter & ordinatè: & quòd talem Sacerdotem sibi assistentem habeant (si viderit expedire)



qui eos sciat in omnibus rectificare discretè. Cùm autem tales celebrant vel ministrant in Conuentu, vel etiam Fratres celebrant de quorum ruditate timet; debet accedere versus Altare interdùm, vt si voluerint aliquid ab eo querere, habeant eius copiam, vel ipsemet eos in aliquibus præueniat: vt quando debet dici *Credo* vel non, vel quando debet dici *Flectamus genua* vel non; vel cuiusmodi Orationes debent dici & huiusmodi, maximè quæ non habentur semper in memoria à minus prouidis. Debet etiam notificare Sacerdoti in Missa vel ante, quando aliqua Oratio, vel aliquæ Orationes sunt ex aliqua iniunctione dicendæ in Missa: vt pro infirmis, vel pace, vel huiusmodi.

Item Missas, quæ non debentur, vel ratione diei, vel ordinis, vel alicuius iniunctionis, non debet dicere pro arbitrio suo in Conuentu, sed cum consilio Prælati. Cùm autem Missa fuerit celebranda, potest interdùm inter primum signum, & secundum ad Sacristiam ire, ad sollicitandum Sacerdotem, & ministros super faciendis. Item ad officium eius pertinet facere Officium, cum hebdomada pertinet ad Chorum dextrum: & semper ita citò venire ad officium, & maximè in septimana sua, quòd in principio inchoationis sit; & ita continuè & finaliter ibi manere, quòd ex eius absentia nō sit defectus in aliquo. Item debet excitare dormientes in Choro, & torpentes incitare ad cantandum & psallendum: & interdùm eos ad librum ducere, ad melius cantandum, maximè in Festis deuotioribus. Item Antiphonas in Choro suo imponendas debet iniungere, similiter omnia cantanda vel legenda, quæ ex Ordinario vel tabula non sunt determinata à quo debeant dici, debet imponere in hebdomada sua. Item Antiphonas de Choro suo debet reincipere, præter Antiphonas super Magnificat, & Benedictus in Duplicibus, & Totis Duplicibus. Similiter Alleluia in Missa in hebdomada sua, cum cantatur à pluribus. Item inchoare Psalmum ex parte Chori sui modo mediocri, & tenere tonum; & exalta-

re vocem, tam in Psalmis, quàm in alijs, quando nimis demittitur, & facere signa cum manus percussione ad pausas in Psalmis vel Hymnis, & alijs huiusmodi faciendis, distinctè cum notabiliter confunduntur: & ad illos qui confundunt pausas, interdum accedere, ad corrigendum eos, sine strepitu manuum, & ira, sed cum pace & honestate, ne correcti perturbentur, & adstantes offendantur. Item Sacerdoti, in Festis præcipuis deferre versiculum, quem oportet dicere ante Laudes. Item quando tardè surgitur ex errore ad Matutinas, facere festinare officium, & abbreviare lectiones. Item pertinet ad eum in hebdomada sua, in solemnibus Processionibus, in sepulture officio, in ministratone Sacramenti infirmis, & huiusmodi, providere de ministris, si non sunt scripti in tabula: & si sunt scripti, reducere ad memoriam quid facere debeant. Debet etiam providere quòd omnes vadant ordinatè, & quòd qui facit Officium, habeat librum sibi necessarium: & iuxta eum stare frequenter, & rectificare eum, & alios omnes in his quæ agenda sunt vel dicenda. In Processionibus verò solemnibus pertinet ad utrumque, scilicet Cantorem & succentorem de his curam habere. Item ipsius interest in hebdomada sua cum Prælatus non vult, vel non potest facere officia quæ ad eum pertinent, & est præsens; de consilio eius imponere alicui alij huiusmodi officia. Si autem non est præsens, vel ei loqui non poterit, debet alicui iniungere quòd faciat Officium: hoc observato, quòd huiusmodi officia semper iniungantur personis senioribus; & qui sciant ipsa facere competenter. Ipsius etiam est corrigere errores, in quocumque errent, siue ab aliquo, siue à Conventu, siue in legendo, siue in cantando, siue in annexis Officio: ut sunt inclinationes, prostrationes, genuflexiones, sessiones, stationes & similia, in quocumque loco, præterquam in Refectorio, in lectione, & super huiusmodi facere proclamationes. Ipsius autem correctionem omnes sequi debent (etiamsi erret) dummodò error non sit intollerabilis, & obedire ei

in his quæ pertinent ad officium, licet proclamandus sit in capitulo, & corrigendus super his in quibus errauerit.

*Cap. IX. De Officio Succentoris.*

**O**fficium Succentoris est, respicere diligenter quæ prædicta sunt de officio Cantoris, & circa ea quæ dicta sunt de libris & scriptis sollicitare Cantorem, & iuuare eundem diligenter: & quæ ad se pertinent de illo titulo memoriter retinere, & studere in officio diligenter, & firmare cordetenus, & de distributione librorum in suo Choro executioni mandare. Item pertinet ad eum iuuare Cantorem circa tabulam faciendam, vel ipsam facere pro septimana sua, vel semper, si à Priore fuerit ordinatum. Defectum verò Fratrum debet in hebdomada sua supplere, secundum modum qui supradictus est de Cantore in Choro suo. Ipsius est etiam stare in choro sinistro, & mutare sedem suam potest ratione officij in Choro suo cum voluerit. In festis Duplicibus, & Totis Duplicibus, post inceptionem quæ fit in Missa vel in Choro, potest facere quod supra notatum est de discursu, & sessione & apodiatione Cantoris. Item de extraneis collocandis vel repellendis, & de Clericis qui cantant in Choro suo rectificandis, debet habere curam, sicut supradictum est de Cantore. Cum autem Chorus suus nimis à Fratribus vacuus fuerit, si in alio abundant, potest innuere Cantori, ut aliquos mittat ad Chorum suum. Ad ipsum etiam pertinet, facere in septimana sua circa Missam quicquid supradictum est ab illo loco: Cum autem tales in Conuentu celebrant vel Fratres, &c. usque ad illum locum: Item ad officium eius pertinet &c. Item ipsius est, cum hebdomada sua fuerit ex parte sui Chori, facere officium, & exequi diligenter ea, quæ circa officium Cantoris supra notata sunt ab illo loco: Semper ita citò venire &c. usque ad illum locum: Ipsius autem correctionem &c. in quantum pertinent ad Chorum & septimanam suam; hoc excepto, quòd correctiones & directiones in Officio non pertinent ad eum.

super totum Chorum, sed solum supra Chorum suum, nisi tempore hebdomadæ suæ, præter errores intolerabiles, quos semper potest corrigere Cantore non corrigente. Ad Cantorem verò pertinent illa omni tempore, quando sibi videtur expedire. Item ad ipsum pertinet acquiescere, Cantori in dubijs, & etiam si malè corrigat vel dicat, non debet ei contradicere in Choro, sed corrigi debet in Capitulo. Item quando Cantor non est præsens, debet supplere vices eius, & transire in eius septimana ad Chorum eius: & è contrario, quando Succesor vel non habetur, vel non est præsens in Choro, debet Cantor facere per eo, vel alij committere, vt suppleat vices eius. Cùm autem constituuntur aliqui adiutores Cantoris vel Succentoris, vel vtriusque; eorum interest supplere vices eorum cùm desunt, & cùm præsentés sunt iuuare possunt eos, in quibus fuerit de consilio Prælati ordinatum.

### *Cap. X. De Officio Sacristæ.*

**O**fficiū Sacristæ est curam habere de Ecclesiâ sapè scopanda, & ab araneis, & huiusmodi purganda, & mundè seruanda: & de Choro magis, quàm de nani & de Presbyterio, tam maioris Altaris, quàm minorum, quàm de Choro. Et vbi est consuetudo in maioribus Festis in æstate herbas virentes, vel ramusculos aliquarum arborum, & in hyeme paleas sternere in Choro, & Presbyterio, & ante parua Altaria, & in Sacristia, & in Capitulo: & habere curam de reparandis coopertorijs, ne vnquam pluât in Ecclesiâ, & de alijs reparandis in Ecclesiâ, vel Sacristia, Cœmiterio, & de feris, & clauibus ostiorum omnium. Et debet hæc claudere & aperire tempore suo, sequens ordinem Prioris de horis claudendi, & aperiendi ostium Ecclesiæ de die.

### *Circa pulsationes.*

**I**tem ad eum pertinet omnis pulsatio quæ fit in Ecclesiâ, nisi quando fiunt causa Capituli, vel sermonum. Porro primum signum sic debet fieri, quòd non sit nimis pro.



prolixum, nec nimis breue, sed mediè temperatum: hoc tamen magis vel minùs pro tempore obseruetur. Similiter signum quod fit pro Collatione, ad quod sufficiunt quasi quinque ictus ex vtraque parte campanæ. Secundum verò sic debet esse prolixum; quòd à principio illius possint conuenire Fratres de omni loco in quocunque fuerint in Domo, ad Ecclesiam; & tunc debet statim terminare, cum venerint omnes, non expectato etiam signo Prælati. Spatium verò, quod est inter duo signa, sic debet esse temperatum præcisè, quòd in illo spatio possint esse Fratres expediti de horis Beatæ Virginis, quas habent dicere; & de necessitate camerarum, & lotionem manuum hora primæ. Ad Vesperas verò tali debet hora pulsare, quòd post secundam mensam tempore binæ refectionis, vel post Vesperas tempore ieiunij, non sit multum de spatio, vel tempore usque ad horam Completorij. Ad Completorium verò tali debet hora pulsari, quòd facto vltimo signo in æstate sit adhuc quasi dies, in hyeme verò quasi nox. Spatium verò quod conceditur ad orandum post Completorium, nec nimis prolixum sit, nec nimis breue: sed mediè temperatum, & tam moderatum, quòd Fratres communiter sine fastidio possint illud tempus in oratione expendere; quod reputatur posse fieri, cum tempus est tantum præcisè, quòd possint in illo dici Psalmi septem & Litanæ. Signum verò vltimum sic faciendum est, quòd benè possit audiri vbiq; per totam Domum. Cæterum de modo pulsandi ad Missam & ad funus, potest consuetudo patriæ obseruari. Consuetudo tamen Ordinis magis generalis videtur esse, quòd pulsatio ad Missam fiat per tres interruptiones. Ad funus verò, & ad processionem, & ad vñtionem faciendam, conuocantur Fratres per signum in campana factum tantum ex vna parte. Ad ipsum etiam, pertinet habere curam, vt sollicitet Priorem, & Fratres de bonis campanis habendis, & moderatæ magnitudinis: & de habendo horologio tali, quod non sit notabile curiositate, vel pretiositate, magis autem detur opera quod sit verax

verax & certum. Et de consilio Prioris & Fratrum, horam surgendi ad Matutinas, & Primam, & Nonam tempore dormitionis diurnæ obseruet. Debet autem valde esse sollicitus circa pulsationes tempore suo, & modo debito faciendas, ne earum inordinatione contingat *Conuentum* turbari vel impediri.

### *Circa Luminaria.*

**I**tem ipsius interest cura de habendis lampadibus, & oleo, & cera, & candelis, & cereis, & candelabris competentibus: & in ministerio circa Altare maius, & in processionibus, circa funera, & de ministrandis his tempore suo, & in lampadibus, cereo Paschali, & alijs cereis circa maius Altare in Missa, in Vesperis, in Matutinis, in Completorio accendendis & extinguendis, & melius inflammandis, & emungendis. Similiter curam debet habere, & providere, quod non solum in maiori Altari, sed etiam in minoribus, cerei aliqui competentes secundum varietates dierum & Festorum, & candelæ sufficientes ibidem, in Choro semper sine defectu habeantur. Debet etiam providere de candelis in hospitio, in infirmitorio, Refectorio, & Fratribus itinerantibus & similibus, vel plus, vel minus, ubi hoc ordinatum fuerit à Prioribus. Porro expensas ad supradicta debet accipere à Procuratore, vel de quæstu proprio, vel de oblationibus; vel alio modo secundum ordinationem Prioris, & de omnibus computationibus secundum tempus computare. Beneficia verò collata sacristiæ specialiter debet recitare in Capitulo. Debet etiam habere ferrum, & lapidem, cum quo solet ignis excuti ad habendum ignem, si fortè esset necesse; in quo casu contingit ignem non inueniri in Domo. Item debet providere, quod hostiæ pulchræ cum pixidibus decentibus, & vinum purum, & sanum, & bonum, & aqua recens, & munda cum ampulis honestis: calices, vestimenta, libri necessarij pro Missis, carbones in patellis tempore magni frigoris, flabella tempore muscarum, thufibulum

lum cum carbonibus, & thus in diebus festiuis in maiori Missa, & Crux deferenda in Totis Duplicibus, cussini, & mappulæ ad tergendas manus, & aliæ ad purgandos nares, candelabra, instrumenta apta ad candelas tenendas in Missis, & omnia alia necessaria pro Missis, tam in maiori Solemnitate, quàm alijs semper habeantur in promptu, & in certis & competentibus locis inueniantur, & reponantur. Cauere quoquè debet ne hostiæ propter loci humectationem, vel aliàs corrumpantur, & cum minus idoneæ fuerint, alias ministrare. Debet etiam providere, quòd in Sacristia in loco competenti semper inueniatur aqua ad lotionem manuum volentium celebrare, vel ministrare, & mappulæ ad extersionem faciendam. Solent etiam haberi ibidem à quibusdam pectines honesti ad capillos componendos, & forcipes ad ungues scindendos ab illis, qui interdum his indigent, & hoc ibidem volunt facere. Debet etiam providere, quòd in Sacristia sit piscina vel peluis, in quibus recipitur vltima ablutio, & quòd mundè, & honestè, & sollicitè custodiantur in omni munditia, & quòd in istis nunquàm alia ablutio recipiatur, vel ad alios vsus applicetur. Debet etiam procurare, quòd aliqua scamna lignea sint circa minora Altaria apta ad orandum, in quibus interdum procumbere possint Fratres ministrantes, vel assistentes.

*Circa Sacramenta, & Sacramentalia.*

**I**tem acuratiùs quoquè debet habere diligentiam magnam, quòd locus honestus, & decentis pulchritudinis habeatur super Altare, in quo Corpus Domini in pixide habeatur, & honestè sub clauis seruetur.

Item, quòd oleum infirmorum ad faciendam extremam unctionem semper habeatur in Domo, & in honesta ampulla in loco honesto sub clauis conseruetur.

Item si debent fieri Ordines in Domo, vel Confirmationes, vel consecrationes Ecclesiæ, vel Altaris, vel Episcoporum, vel benedictio Abbatum, vel Cœmeterij, & similia,

milia : debet providere cum consilio Capellani Episcopi, ut secundum Ordinarium eius omnia ad huiusmodi pertinentia fiant, & habeantur in promptu. Si verò fiant aliquæ coronæ, eius est assistere Episcopo, & ministrare, forcipes ad capillos incidendos, & ipsos debet recipere, & comburere. Et cum instat inunctio faciendâ pro Fratres, vel communio infirmi decumbentis, vel etiâ ad Altare non potentis venire, vel etiâ extraordinaria Communio Fratris alicuius ex alia aliqua causa faciendâ in Conventu, debet de omnibus ad hoc pertinentibus gerere sollicitudinem, & de necessarijs providere : & conuocandos conuocare vel verbis interdum, vel cum pulsationibus, cum Conuentus fuerit conuocandus. Item circa funera eius officium est providere de fossis faciendis, & de loco fossarum, cum consilio Prioris. Item de cereis & candelis & candelabris, & thure, & thuribulo, & carbonibus pro thuribulo, & de conuocandis Fratribus suo tempore, & de Cruce deferenda, & aqua benedicta, & stola, & libello Sacerdoti recepturo funus, & de libellis manualibus, & alijs necessarijs ministrandis, tam pro Fratribus, quàm pro extraneis defunctis curam debet habere. Item debet, si contingat Episcopum vel Abbatem utentem mitra, vel anulo, vel baculo, vel Cardinalem, vel Legatum, vel alium dignitatis excellentis apud nos facere Officium in Missa, vel Processione, vel aliter quocunque modo : debet cum consilio Capellani sui, vel aliorum sociorum eius, de necessarijs secundum suæ dignitatis exigentiam providere, & gerere sollicitudinem, quòd non sit defectus in aliquo, & quòd fiant omnia ordinatè.

*Circa ornatus, & paramenta, & mundicias.*

**I**tem ad officium eius pertinet apponere curam quam potest, quòd habeantur indumenta pro ministris, & ornamenta pro Altaribus honesta, & pulchra, & diuersa secundum diuersitatem temporum, & Festorum; ita quòd in diebus festiuis meliora producantur. Porro ad ornatum



rum Altaris cuiuslibet , præter illam mappam , quæ adhæret lapidibus , debet habere aliam desuper : quæ tam longa sit , quòd quasi vsque ad terram ex vtraque parte descendat , super quam palla iterum collocetur , quæ sit adeo longa & lata , quòd quasi totum Altare desuper cooperiat , super quam est corporale collocandum . Cùm autem ista fuerint , replicata , debet haberi aliquod grossum coopertorium ad totum cooperiendum Altare . Cogitandum est etiam ei , quòd habeantur aliquæ Reliquiæ in vasis pulchris , & decentibus , vel arcellis , & Cruces , & imagines competentis decoris : & de his aliqua sunt ponenda in Festis maioribus super Altare ad ornatum . Debet etiam habere curam , quòd ampullæ , piscinæ , pelues , & alia vasa , & utensilia , camisæ , albæ , pallæ , & tobalix , & Altarium corporalia , & manutergia , & cætera omnia , linea in vsu Altarium , vel ministrorum sic frequenter lauentur ; quòd semper inueniatur munda & nitida , & præcipuè ea quæ sunt circa Altaria . Corporalia verò & panniculi pro abstergione calicum , & manuum post ultimam ablutionem , lauanda sunt separatim ab alijs , & latio in piscinam sacram mittenda . Cùm autem consumpta fuerint vetustate comburenda sunt , & cineres in eandem piscinam mittendi .

*Circa custodiam rerum.*

**A**d ipsum etiam pertinet cùm de nouo ponitur in officio , facere memoriale de numero calicum , librorum , paramentorum , & omnium huiusmodi quæ sunt valoris notabilis , & sunt ab eo custodienda . Et cauere debet ne perdatur aliquid de istis , sed potius secundum eius industriam augmentetur . Et cùm absoluitur , successoribus per memoriale debet rationem reddere de prædictis . Debet etiam cauere vestimentis , & paramentis à putrefactione , & corrosione , interdum ad ventum , & calorem exponendo , non in locis humidis , sed siccis , & à tineis conseruando . Debet curam habere , quòd dissuta  
refar-

resarciantur, & læsa in aliquo, siue vasa, siue vtenilia, & huiusmodi, reparentur diligenter. Vetusta & minùs vtilia, quæ possunt vendi, de licentia vendantur, & eorum pretia in aliqua meliora commutentur. Item debet oblationes omnes Ecclesiæ recipere, & diligenter custodire, & eas Procuratori integrè reddere, vel necessaria pro Sacristia de illis procurare: & residuum eidem Procuratori, si quid fuerit, reddere; vel in alios vsus expendere, secundum quòd Prior duxerit ordinandum. Pro receptione, verò & custodia horum solent interdum haberi trunci in Ecclesia, vel pixides clausæ desuper, cum modicis aperturis, vel alia huiusmodi apta ad securam reservationem. Sunt etiam habenda aliqua armaria & arcæ fortes, & aptæ ad custodiam rerum, vel in Sacristia, vel extra in loco securiori, vel utrobique. Et Sacristia debet esse fortis in ostijs, fenestris, & clauibus, in qua etiam, propter rerum custodiam iacere potest cum vno socio vel duobus, cum locus ad hæc aptus fuerit: & hoc, si Priori videbitur expedire.

### *Circa Ordinarium.*

**A**D eundem pertinet scire benè Ordinarium totius Officij, vt per eum quandoque Fratres iustificentur de aliquibus, quæ requirunt: & ea quæ in eodem scripta sunt præter supradicta ad eum pertinentia; vt in cineribus in capite ieiunij, & ramis in die Palmarum, & similibus sollicitè exequatur. Debet etiam habere curam, quòd Ordinarium de Ministris, & Missa maiori & alijs habeatur in Sacristia, vt Fratres per huiusmodi scripturam certificari possint, cum de aliquo dubitant de prædictis. Summas quoque & tractatus Magistrorum de officijs Ecclesiæ, debet procurare libenter cum poterit, vt in Sacristia inueniantur. Postremò, quia in magnis Conuentibus difficile est omnia supradicta ab vno executioni mandari; tamen cum socius ei datus fuerit de consilio Prioris, possunt supradicta sic per eos diuidi, vt vtroque scien-

ſciente, quid ad ſe pertineat, nec confidente de alio in  
his, quæ ad ſe pertinent, ſiant ordinatiùs vniuerſa.

## Cap. XI. De Officio Lectoris.

### *Circa Doctrinam.*

**O**fficium boni Lectoris eſt conformare ſe capacitati  
auditorum; & vtilia, & expedientia eis vtiliter, &  
intelligibiliter legere: opiniones nouas refugere, & anti-  
quas & ſecuriores tenere: ea quæ non benè intelligit nun-  
quã dicere: à ſaſtidiſa prolixitate, quæ accidere ſolet ex  
nimia repetitione eiùſdem, aut ex inuolutione verborum,  
vel ex alijs cauſis, cauere ſemper. Dare operam, vt ex lectio-  
nibus ſuis proficiant auditores, aut circa veritatem libro-  
rum, aut circa quæſtionum vtilium intelligentiam, aut  
circa aliqua quæ poſſint ad morũ ædificationem eſſe: lite-  
ram tantùm legere, relicta multitudine eorum, quæ dici  
poſſunt ad ſingula: quòd auditores ſub eo proficiant ad  
ſciendum Biblia, & hitorias, & ſententias, maximè  
lectiones, aut omnes, aut ſaltem vnã continuare liben-  
ter. Tempore verò Vacationum, & in alio tempore, li-  
benter legere debet aliquid Fratribus aliquibus in came-  
ra, qui habiles ad proficiendũ in ſtudio reputantur. Du-  
bitantibus verò, & interrogantibus de aliquo, debet be-  
nignè, & charitatiuè ſatisfacere; prout poteſt & ſcit.  
Cum verò exigente intelligentia & vtilitate auditorum,  
interdum expedit diſputare, eligenda eſt ab eo materia  
vtilis & intelligibilis, maximè ſi ſit diſputatio inter mi-  
nùs peritos. Vt autem melius, & fructuoſius officium  
exequatur, debet ſtudere diligenter, & præcipuè in ſcri-  
ptis, quæ comuni iudicio meliora reputantur. Et vt  
melius poſſit vacare ſtudio, ab alijs occupa-  
tionibus, debet ſiue in domo, ſiue extra poteſt, ſalua obedientia ſubtra-  
here ſe libenter.

*Circa Vitam.*

**I**tem ad ipsum pertinet, ut sicut alios præcellit in scientia Diuina, ita & in exemplo totius sanctitatis, et virtutis, et præcipuè humilitatis, patientiæ, et sobrietatis. Debet etiam animare alios sermonibus, collationibus fraternis ad omnem religionem, obedientiam specialiter, et inuare efficaciter Prælatos. Item ad Prælatos semper pacem habere debet, et reuerentiam dignam, et cauere ne perturbatores, vel discoli, vel indisciplinati apud eum, refugium inueniant, vel fauorem. In Refectorio, vel Choro debet libenter esse cum potest, et à Capitulo, vel Completorio nunquam sine magna, et euidenti necessitate remanere. Dispensationes verò in ieiunijs et abstinentijs (cùm non indiget) aut nunquam, aut rarò, et cum difficultate recipere; cùm verò recipit, caueat ne in infirmitorio, vel hospitio, occasione eius fiat aliqua dissolutio, aut in vigilijs; aut superfluitatibus, aut inordinatis locutionibus, et similibus. Item nomine Magistri, vel Lectores quantum in eo est, non debet permittere se vocari, sed solum nomine Fratris. Cùm habuerit, debet se ad socium habere non sicut dominus, sed sicut socius et frater: nec permittere debet quòd ei faciat seruitia, quæ non solent alijs Fratribus fieri, ut est facere lectum suum, et discalceare eum, & similia. Debet etiam cauere ne camera sua sit in occasione dissolutionis, aut ex vigilijs, aut ex frequentibus ibidem colloctionibus, vel conuenticulis, vel clamoribus, vel huiusmodi alijs. Item non debet verecundari, quin libenter quærat ab alijs dubitationes suas; immò quodocunque occurrunt notare debet diligenter, & cùm inuenerit à quo possit edoceri, quicumque sit ille, querere debet humiliter, & audire, & retinere diligenter. Debet etiam procurare quantum in eo est, quòd habeat aliquem sublectorem, qui legat interdum cùm hoc requirit multitudo, vel utilitas auditorum, & eidem charitatiuè in omnibus assistere debet. Porro monitiones emā.



emanantes à Capitulis circa Lectores, debet diligēter retinere in memoria, & seruare. Licentijs verò generalibus de loquendo, vel remanendo à Choro, & similibus non debet vti propria auctoritate, & ad libitum suum: sed prout Priori visū fuerit, & causa rationabilis requisierit. Postremò verò, vt Deo, & Prælati, & Fratribus sit acceptum ab eis obsequium, non debet se reddere difficilem adlegendum, vel quærere in hoc aliquid, quod sapiat vanam gloriam; vt est legere in maioribus Conuentibus, vel inhelare ad habendam licentiam in solemnibus studijs: vel ferre grauitè, si de modo legendi in aliquo corrigatur: sed bono animo debet implere quidquid à suis maioribus fuerit ordinatum, & se corrigere libenter in his, quæ fuerint sibi dicta corrigenda.

## Cap. XII. Officio Magistri Studentium.

### *Circa studium in genere.*

**O**fficio Magistri Studentium est, habere zelum & curam specialem de studio promouendo, modis omnibus quibus potest. Et ideo debet habere in memoria ea, quæ scripta sunt in Constitutionibus, & Ordinationibus quæ emanauerint vel emanant, quotidie à Capitulis vel Generalibus vel Prouincialibus, à Priore Prouinciali, vel Visitatoribus circa studium; & dare operam, vt diligenter seruentur. Ipsius etiam est notare diligenter, & suggerere admotiones, quas reputat expedire fieri Fratribus, pro studij promotione in Domo. Debet quoque sollicitare Priorem, et maiores, vt procurentur libri vtilis pro Conuentu: negligentias verò Prioris et Fratrum circa studium Priori Prouinciali et Visitatoribus referre fideliter, et super his accusare eosdem, vel in domibus proprijs, vel mittere accusationem ad Capitulum Prouinciale. Interdum procurare etiam et pro posse suo laborare, quòd necessaria ad studium, scilicet cellæ aptæ, atramentum, sebum pro tempore ad lumen, et similia sine defectu habeantur

beantur in Domo, et Fratribus cum his indigerent, ministrantur. Ipsi etiam est habere sollicitudinem, quod habeantur scholæ competentes, et aptæ in fenestris, et sedibus, et contra pluuiam benè munitæ. Et ubi veniunt sæculares, debet prouidere, quod recipiantur et collocentur honorificè iuxta exigentiam sui status.

### *Circa Sermones.*

**I**tem ipsius interest, iniungere Sermones qui solent in Capitulo fieri in omni festo noctem Lectionum, nisi legatur in scholis: & in capite ieiunij, & in vigilia Natalis Domini, & in alijs casibus emergentibus, sicut est tempore Capitulorum Prouincialium vel Generalium, & quandoque in casu aliquo sunt faciendi. Non sunt autem ad huiusmodi sermones passim admittendi extranei, nisi ubi interesse voluerit competens multitudo, & hoc de licentia, & cum scientia Prælati: & debet dici illi, qui facturus est sermonem, quod extranei debent adesse; & in hoc casu non iniungantur sermones alicui, nisi tali de quo credatur, quod sit idoneus ad laudabiliter proponendum. Porro sermones qui fiunt in Generali, vel Prouinciali Capitulo, debet iniungere de licentia & scientia maioris Prælati. Extraneis verò non debent huiusmodi sermones iniungi, nisi de scientia & voluntate Prælati. Cum autem, contingit pertransire Cardinalem, vel Legatum, vel Episcopum magnæ litteraturæ, vel Magistrum aliquem in Theologia, vel alium magnæ authoritatis virum, & prædicatione exercitatum: vel Ministrum Fratrum Minorum Generalem, vel Prouincialem, vel aliquem de Ordine nostro Priorem, vel Lectorem, vel Fratrem alium in prædicatione famosum; debet cum Prælato conferre, si sit horum aliquis inuitandus ad prædicandum. Fratribus in Capitulo aliqua die, & fiat quod ei videbitur faciendum. Huiusmodi verò Sermones Capituli fieri solent, vel post Matutinas, cum sunt noctes prolixæ, vel post Primam cum hora illa non est in alijs occupata, vel post Nonam.

tempore dormitionis diurnæ, vel alia hora secundum ordinationem Prioris, in qua Fratres possunt commodius interesse. Pertinet verò ad ipsum pulsare hora competenti pro sermone huiusmodi. Cum autem horam variari contingerit, debet in præcedenti Capitulo, si hoc sciuerit, Prælato dicere, ut Fratribus prædicatur. Debent autem huiusmodi sermones Fratribus tam tempestiuè iniungi, ut se de modico tempore non valeant excusare. Debet etiam dirigere Fratres maximè iuniores, indicando in quibus libris inuenire possint, opportunas materias ad prædicandum, & magis vtilis ad salutem audientium: & diligentiam adhibere, quòd tales libri in Domo habeantur, aut procurentur, quibus Fratres magis proficere valeant; & circa hoc frequentius sollicitare Priorem, aut alios, ad quos spectabit providere. Vnde cum aliquis Frater se excusat à faciendo Sermone sibi iniuncto, nec apparet rationalis causa præter solam ignauiam, non debet esse facilis ad relaxandum eum; sed omninò urgere, & omnem operam polliceri. Si autem imminente die prædicationis, appareat ei quòd debet esse defectus Sermonis ex causa quacunque, debet rogare Prælatum, vel alium ad hoc idoneum, quòd suppleat hunc defectum, vel ipsemet suppleat: & ille qui defectum huiusmodi facit, suo tempore, vel in ipso die Sermonis in Capitulo corrigatur. Si autem aliqui Fratres adeò sunt inepti, quòd non speretur quòd vquam possint habere modum prædicandi; non oportet quòd sit nimis importunus istis, ad iniungendum Sermones. Ipsius etiam est præmonere Fratres, quibus iniunguntur sermones, ut caueant à prolixitate sermonum: interdum iuxta eos sedere, ut cum nimis prolongant sermones, faciat eis signum. Cum autem aliquid reprehensibile dixerint in sermone, debet ipsa die hora competenti charitatiuè ostendere Fratri, ut aliàs caueat circa illud; vel si melius ei videbitur & fructuosius, antequam sermo fiat in Conuentu, præuidere quid ibi sit dicendum, & blande corrigere, si quid displicuerit; ne fortè Frater conciona-

turus animum despondeat. Porro Sermones ad populum in villa, vel extra, debet alij, cui Prior iniunxerit imponere, & annexa illi officio exequi: vel ipsemet, vbi propter paucitatem Fratrum, hoc ei committitur à Prælato.

### *Circa Collationem.*

**C**irca collationes, quæ fieri eius opera et diligetia inter Fratres solent, aduertat imprimis, quòd ad eas non sunt admittendi extranei siue sæculares, siue Religiosi alterius Ordinis: nisi essent adeò familiares, quòd in defectibus Fratrum, si quos ibi viderent, credatur eos non esse scandalizandos. Tàm verò circa collationes priuatas, quàm circa publicas disputationes, ad eum spectat suggerere Priori admonitiones, quas in Capitulo faciat Fratribus: ad hoc, vt benè se habeant & religiosè in omnibus prædictis. Item ad ipsum pertinet conuocare Fratres aliquo signo ad collationes in loco apto ad hoc, secundum ordinationem Prioris, & hoc semel vel bis in septimana, vel frequentius, vbi vel quando non sunt lectiones. Facienda autem est huiusmodi conuocatio cum signo ad hoc determinato, vel post Nonam, binæ refectiois tempore, vel post Vesperas tempore ieiunij, vel inter comestionem, & Completorium in Quadragesima: vel alia hora in qua Fratres commodius possint interesse secundum voluntatem Prioris. In huiusmodi autem collationibus, solet interdum recitari aliqua quæstio determinata in scholis ab illo cui fuerit iniunctum, vel recitari aliqua ab aliquo qui eam præuiderit, ex iniunctione sibi facta: & post recitationes, Fratres qui volunt opponant recitanti, & ita exercitent se opponendo & respondendo. Vel solet ab eo quæri aliquid de lectionibus, vel quæstionibus auditis à Fratribus, vt videatur de profectu eorum. Vel solent fieri collationes de moralibus, vel de certa aliqua materia, vt de Euangelio, vel de Epistola, vel de summa de vitijs & virtutibus, vel de casibus, & similibus: ita quòd quilibet Frater sciat de quo titulo debeat recitare, vel de quo libet,



libet, & voluntatem cuiuslibet, & ab illis qui non sunt adhuc sufficientes ad maiora, saltem aliqua notabilis auctoritas recitari. Solet autem interdum ordinari, quod unus Chorus dicat vna vice, & alius alia vice; vel certis Fratribus iniungi, quod faciant collationem, alij in vna die, alij in alia die, & sic de alijs. Et de modis istis quis seruetur, fiat, cū consilio Prioris, quod melius videbitur. Fratres autem qui non faciunt quod debuerint, vel in aliquo offendunt, vel falsum dicendo, vel auctoritatem aliquam non bono modo assignando, vel confusè, vel prolixè loquendo, vel ibidem clamosè contendendo, vel aliàs quoquo modo reprehensibiliter se habendo: debet ibidem verbis corrigere, cum humilitate, & curialitate; & de excessibus grauioribus suo tempore in Capitulo accusare. Cū verò sunt intermissæ aliquando collationes, & debent resumī, debet hoc prædici in Capitulo præcedenti, & ordinari quomodo fiant.

*Circa Disputationem.*

**I**tem ipsius interest instare, quod fiant disputationes cū expedit, vel quod nō fiant, vel rarò fiant: vel quando nō est ad hoc Lector sufficiens, vel non sunt qui conuenienter possint opponere vel respondere; vel non creditur quod sequatur inde notabilis vtilitas propter statum auditorum. Cū autem fiunt, debet conferre cum Lectore, quod fiant de vtili materia. Debet etiam ante prædicere Fratribus tempestiuè, de quo fieri debet disputatio, vt sibi prouideant; & docere, in quibus scriptis, & vbi possint de illa materia inuenire. Debet autem semper iniungere alicui, vt sibi prouideat de respondendo, si necesse fuerit, ne sit in hoc vnquam defectus. Debet autem iniungere Fratribus, qui sunt ad hoc idonei, quod semper in omni disputatione sint parati opponere in aliquo: & quod sibi in hoc prouideant illi, qui sine præmissione ad hoc sufficere non putantur. Non debet autem aliquis incipere, opponere, vel respondere in scholis, nisi prius ei hoc impo-

fitum fuerit, vel licentiam habuerit. Extranei verò, quando veniunt ad disputationes, honorandi sunt, vt cedatur eis ab omnibus cum volunt opponere, & inuitentur ad respondendum; & si malè dicunt, non confundantur, nec contendatur cum eis, & caueatur ab eorum offensa. Porro si quis vel Frater, vel Lector in disputando in aliquo reprehensibiliter se habuerit, debet eum super hoc suo tempore in Capitulo proclamare. Si autem aliquis contentiosus notabiliter in disputatione se habeat, & non speretur de eius correctione; debet ei imponere silentium extra scholas in aliquo loco charitatiuè, vel suggerere Priori, quòd hoc faciat in Capitulo publicè, vel priuatim, si magis visum fuerit expedire.

### *Circa Lectiones.*

**I**tem ad ipsum pertinet conferre cum Fratribus, quot lectiones, & quæ sint lectiones legendæ; & ad illud, quod ei visum fuerit vtilius, inducere Lectorem. Vbi verò est studium solemne, vel magna multitudo Fratrum, vel aliorum auditorum; debet procurare si potest, quòd habeatur aliquis Frater qui legat extraordinariè tempore vacationum: & in diebus vacationum, quibus non legit Lector, saltem sit aliqua lectio leuis, vel de historijs, vel de aliqua summa, vel similibus: & si aliqui sunt iuvenes habiles ad proficiendum, habeant aliquem Lectorem in Grammaticalibus, vel Logicalibus, & similibus, prius super hoc licentia impetrata. Item debet procurare, quòd fiat repetitio Lectionum semper, vel per eum, vel per alium; vel per alios: vel modo per istum, vel modo per alium, vel vna lectio per vnum, alia repetatur per alium, prout ab ipso, vel à Priore fuerit ordinatum. Fratres verò qui proficiunt, & non sunt multum prouecti in scientia, & maxime iuniores, sunt compellendi vt repetitioni huiusmodi intersint.

*Circa profectum Fratrum in studio.*

**I**tem ad ipsum pertinet, gerere sollicitudinem circa Fratres omnes & singulos, quomodo se habeant circa studium, vel qui frequentant scholas, collationes, disputationes, repetitiones: vel qui non libenter in cellis resident, vel sunt vagi, vel qui student, in quo student: qui habent voluntatem proficiendi in studio, & qui non curant; qui student ordinate, & qui confuse, qui circa utilia, qui circa curiosa, qui libenter audiunt, vel interrogant quod nesciunt, & qui non: & quidquid circa hoc, & similia inuenit reprehensibile in aliquo, studeat emendare, modò per admonitiones secretas & charitativas, modò per accusationes in Capitulo, & modis alijs, quibus poterit diligenter. Cum autem fuerint aliqui in Conuentu, de quorum profectu in studio multum speretur, & sunt benè morigerati; debet laborare, vt detur eis occasio, & adiutorium ad proficiendum in studio: iuvando eos ad hoc, in quibus potest per se, & innotescendo hoc maioribus, intercedendo pro eis, vt mittantur ad studia meliora, aut patcatur eis ab alijs occupationibus; vt fiant eis aliquæ recreationes (si fuerint debiles) vt habeant aliquas licentias ab officio remanendi: & similia, quæ possunt ad promotionem valere prædictam. *Hæc ferè omnia ad officium Regentis pertinent, iuxta Constitutiones nostras Distinct. 2. cap. XIV. Studentibus.*

Cap. XIII. De Officio Librarij.

*Circa armarium.*

**O**fficio Librarij est, habere curam vt potest, quòd habeatur bonus locus pro Libraria & securus, & benè aptus contra pluuiam, & intemperiem, & copiam habens boni aeris pro libris custodiendis. Armarium autem in quo libri reponuntur, debet esse de lignea materia, vt melius custodiantur à putrefactione, vel nimia hume-

Statione: & habere multa intermedia, & distinctiōes, in quibus reponantur libri, & scripta diuersarum facultatum, & diuersi libri; & huiusmodi eiusdem facultatis separatim, & non confusè, cum signationibus debitis factis per scripturam: quæ applicanda est vnicuique interestitio, vt sciatur vbi inueniatur quod quæritur. Debet autem ipse custodire clauem huiusmodi armarij, seu librariæ, & aperire, & claudere tempore suo: & habere cellam pro studio (si locus est aptus) in ipsa libraria: vel de propè, vt citius inueniatur, cum quæritur pro aliquo negotio ad suum officium pertinente.

### *Circa Libros.*

**I**tem ad ipsum pertinet, habere chartam, in qua sint scripti omnes libri Conuentus, & cum augmentantur, vel minuuntur, scribere vel abradere in charta illa, sicut fuerit faciendum. Huiusmodi autem chartam debet tradere successorī suo cum dimittit officium, & accipere à prædecessore cum assumit officium de nouo: vt sic semper possit reddi ratio de libris, cum exigitur à Prælato, ne per obliuionem eos deperire contingat. Ipsius etiam interest habere curam, quòd per se, vel per alium secundum ordinationem Prioris reparentur, cooperiantur, & benè ligentur: & signentur in vnoquoque volumine in tergo cuiusmodi libri, vel liber sit, vel cuius scriptum, vel scripta contineantur in illo: & in principio cuiuslibet ponatur titulus huiusmodi: *Iste liber est talis Conuentus Fratrum Predicatorum*. Et si fuerit dignum, quòd dator libri in memoria habeatur, addatur, & dicatur: *quem dedit talis N. pro anima sua*. Debet etiam dare operam, quòd libri communes sub eo augmententur, acquirendo elemosynas ad hoc aliquas cum potest: vel à Nouitijs cum iurant, & habent libros aliquos, vel laborando, quòd de libris Fratrum decedentium aliqui ad vsus communes applicentur, & modis alijs, quibus poterit diligenter. Item debet aponere curam, quòd libri qui non habentur in omni-



in omni genere facultatum, habeantur. Cùm habentur aliqui duplices vel triplices, de quibus Fratres non multum indigent, retentis melioribus alij cum licentia vendantur, & pretium in alios vsus librorum, qui non habentur, conuertatur: & idem fiat de veteribus, vel alijs parum valentibus. Item semel in anno, vel bis, debet omnes recolligere, & ad locum idoneum reportare, cum socijs ad hoc sibi deputatis ad vertendum, & ad videndum ne aliquis depereat, vel ne aliquis à vermibus destruat. Quòd si aliquem inuenerit deesse, debet diligenter laborare quòd reinueniatur. Si autem aliquis læsus fuerit in aliquo debet apponere curam quòd reparetur, & cauere in posterum ab his, quæ libris inuenerit nocuisse. Et cùm viderit aliquos libros de armario otiosos, debet illos ad armarium reportare. Item ad ipsum pertinet providere, quòd in aliquo loco silentij & apto, sit aliquis pulpitus magnus, vel plures, in quibus ligentur aliqui libri, quibus frequentius Fratres indigent cùm habentur: vt est Biblia glossata in toto vel in parte, Biblia sine glosis, Summæ de Casibus, Concordantiæ, Interpretationes, Decreta, Decretales, Decisiones morales, Sermones varij de Festis, de Dominicis per totum annum: Historiæ, Sententiæ, Chronica, Passiones, & Legendæ Sanctorum; Historia Ecclesiastica, & similia multa, vt communitas Fratrum in promptu possit illa habere. Armarium verò sic debet apertum tenere certo tempore, vel esse iuxta eum, vel in ipso; vt qui volunt aliquid in transitu videre in alijs libris qui sunt, vel habere ad horam breuem, possint copiam eorum de facili habere.

#### Cap. XIV. De Officio Examinatorum.

**O**fficium Examinatorum est reddere cautos Fratres, qui aliquem volunt examinari, quòd non præsentent aliquem, de quo certum sit, quòd non sit sufficiens; ne fiat ei, qui talis est, confusio pro nihilo. Illos etiam de quibus veraciter constat per certos testes, vel facti euiden-

tiam,

tiam, vel famam publicam, quòd sunt bene sufficientes; non oportet examinare, sed referre Priori huiusmodi certitudinem. Cum autem de aliquo propter dubium fuerit examinatio facienda, non expedit, quòd fiat cum aliqua solemnitate vel acerbè: sed ita vrbane, quòd ipse qui examinatur, quòd sit examinatus plenariè non aduertat; quod fiet quando diuissim, vel etiam simul Examinatores eundo per hortum, vel alibi loquuntur latine cum eo, modò de rumoribus mundi, modò de rebus impertinentibus ad scientias, modò de scientia aliqua inquirendo, in qua studuit, & quantum, & vbi, & sub quibus Magistris: & sic intrando quasi insensibiliter ad inquirendum aliquid de scientia in qua studuit, & modò transferendo se ad alios rumores, modò reuertendo ad propositum. Magis autem attendendum est ad ingenium, ad facundiam, ad aptitudinem ad addiscendum, & ad bonam dispositionem ingenij naturalem; quàm ad hoc, quòd multa audierit & diu. Possunt etiam examinare illos, qui sciunt scribere, imponendo eis, quòd faciant aliquam literam de aliqua materia, quam dent eis quasi ad videndum quomodò sciunt scribere: & tunc possunt ex modo dictandi, aliquid perpendere de sufficientia illius. Possunt etiam inquirere si sciunt cantare, & legere, vt si in huiusmodi sunt excellentes, possit faciliùs cum eis in alia insufficientia dispensari. Potest autem sufficiens, quo ad scientiam reputari quicumque talis est, quòd ex bono ingenio, & alijs bonis naturalibus, & ex scientia iam acquisita, vel ex alijs, quæ apparent in eo potest æstimari, quòd possit Theologiam addiscere: & apud Fratres proficere ad hoc, vt possit tantum intelligere de scripturis, quòd possit fieri prædicator, vel confessor securus. Verantamen secundum statum, & indigentiam Prouinciarum, vel Conuentuum, & abundantiam vel penuriam litteratorum in natione, faciliùs sunt aliqui recipiendi in vno loco, quàm in alio; & possunt secundum modum patriæ, alicubi aliqui sufficientes iudicari, qui alibi insufficientes reputantur.

tur. Porro inquisitio de moribus sic cautè est faciendâ, vel à locijs, vel à notis, quòd ipsi non aduertant propter quid fiat. Huiusmodi autem inquisitio fieri debet maxime circa vitia quæ sunt quasi naturalia, & inseparabilia; vt innata iracundia, ebrietas, vel à debilitate naturæ proueniens, vel à vitiosa consuetudine: dispositio ad furiositatem, vel malitiam, vel percussionem, vel huiusmodi perpetranda; & de receptione talium, & similium, de quorum correctione vix spes habetur, summopore est cauendum. Si verò post examinationem de scientia & moribus huiusmodi, videatur Examinatoribus, quòd indubitanter recipi debeat examinatus sic à Conuentu: possunt antequàm plùs procedatur, inquirere leniter de illis impedimentis recipiendorum, quæ in Constitutionibus sunt expressa; nè fortè in vanum vltèriùs procedatur, si tale aliquod habeat, propter quod nullo modo sit recipiendus. De omnibus autem quæ inuenerint, debent Priori, & Conuentui relationem facere fideliter, nec zelo receptionis, & repulsionis in partem aliquam declinare.

*Cap. XV. De Officio Circatoris.*

**O**fficium Circatoris debet imponi tali Fratri, qui sit zelator Religionis, & maturus, & industrius ad cognoscendum ea, quæ sunt Religionis, vel contra; non præceps in zelo suo. Huiusmodi ergo officium est circuire per totam Domum, & per omnes officinas, & in Ecclesia exteriori, & vbi Fratres solent Confessiones audire, vel loqui, vel morari cum exterioribus; & per omnia alia loca infra ambitum clausuræ exterioris, semel vel pluries in die; præcipuè cùm viderit expedire. Specialiter verò post prandium tempore dormitionis id facere tenetur, & notare si alieubi inuenerit in quocunque loco aliquid fieri ab aliquo Fratre, siue maiore, siue minore, quod sit contra Religionem, vel debitam honestatem. Præcipuè autem debet circuire post vltimum signum, vel cum lumine, cum profunda nox fuerit, vel sine lumine,  
cum

cum adhuc dies sit, per hospitium, & infirmitorium: ad videndum si sunt adhuc in locutionibus, vel aliquibus dissolutionibus Fratres aliqui; & per ostia singula claudenda, ad videndum vtrum sint benè clausa. Et tempore Matutinarum interdum per dormitorium & cellas, ad videndum si aliqui remanserint in locis istis. Ipsius etiam interest providere, ne aliquod ostium faciat inquietudinem tempore ventoso; & ponere repagula in ostijs, & fenestris, cum fuerint reponenda. Cum autem pluvia superinundat, debet citò succurrere in locis, in quibus maxime nocere potest, & præcipuè circa libros. Si aliqui remanserunt in lectis, vel si dicunt Matutinas, qui remanent de licentia, loco, & tempore debito: vel si qui habent licentiam causa studij, vacant studio tunc, vel reuertuntur ad lectos. Verum non est eius singula circumcundo corrigere, sed notare, & memoriæ commendare, & proclamare proclamandos in capitulo, & referre grauiorres dissolutiones & magis inusitatas Prælati, vt maius apponant consilium: & tempore visitationis Prouinciali, vel alij Visitatori statum Domus quo ad Religionis obseruantiam plenius indicare. Potest tamen aliquod leue verbum dicere interdum, vel signum aliquod facere in transitu, ad dissolutiones aliquas compescendas; & præcipuè post vltimū signum, vel tempore dormitionis diurnæ. Ad ipsum etiam pertinet diligenter notare, si clausura Domus sit bona, si bona ostia, si bonæ clauis vbi que: & si quid in his emendandum fuerit pro hoc instare apud Prælatos frequenter. De claudendis verò ostijs aliquibus vel clauibus ostiorum aliquibus custodiendis, & accipiendis, & reddendis, facere debet prout Prior ordinauerit. Porro si Conuentus adeò magnus fuerit, quòd vnus circator non sufficiat, debent assignari duo, vel plures: & ita inter se diuidere officium per loca, & tempora; quòd nihil ex mutua confidentia negligatur. Si autem Circatorem recedere contigerit ad breue tempus, debet alicui vices suas committere: si ad longum tempus,



pus, debet ad memoriam reducere Prælato, quòd alicui vices suas imponat, vsque ad suum regressum. Item Prior & Supprior possunt, & debent interdùm huiusmodi officium exercere (non obstante, quòd sit alius Circator) cùm eis videbitur expedire.

## Cap. XVI. De Offic. Custodis Dormitorij.

**C**ustodia Dormitorij solet iniungi Fratribus per septimanas in tabula, vel alicui Conuerso, seu Clerico, qui ad alia minùs vtis inuenitur, potest iniungi simpliciter. Huiusmodi autem officium est claudere, & aperire Dormitorium suis temporibus. Cùm autem post vltimum signum, vel secundam mensam tempore dormitionis fuerit claudendum, debet facere custos aliquod signum modicum cum clauibus parum antequam claudat, vt si qui adhuc extra sunt intrare festinent. Verùm si fuerint hospites Fratres, debet inuestigare vtrum fuerint expediti, & si sic propter cos non oportet ampliùs expectare. Si autem non fuerint expediti, & intrare debent dormitorium, potest aliquantulum expectare, & signum eis facere, quòd festinent. Ad eum etiam pertinet claudere, & aperire fenestras communes Dormitorij, & cellarum, & camerarum, etiam proprias singulorum in absentia Fratrum cùm fuerint aperiendæ, causa aeris, vel pluuiæ, vel caloris, vel frigoris, vel venti, vel alicuius inquietudinis, & huiusmodi. Ipsius etiam interest providere, ne aliquod ostium faciat inquietudinem tempore ventoso, & ponere repagula in ostijs, & fenestris cùm fuerint reponenda. Cùm autem pluvia superinundat, debet citò succurrere in locis, in quibus maximè nocere potest, & precipuè circa libros. Defectus autem circa ostia, & fenestras, & claues, & repagula, & cooperturam Dormitorij, cellarum, camerarum, & domorum aliarum, & viarum si quæ sunt his annexæ, debet significare Priori, & instare vt emendentur. Item ad ipsum pertinet providere de oleo in lampadibus Dormitorij, & camera-

rum,

rum, et vijs inter hæc: et accendere, et extinguere huiusmodi lumina tempore suo. Item ipſius eſt, ſi aliqua immunditiæ inueniantur in cameris, quæ ſunt abſtergendæ, vel Dormitorium fit ſcopandum, vel cellæ; hoc per ſe facere, ſi poteſt commodè, vel cum alijs adiutoribus ſibi datis. Item debet habere curam, quòd ſic ſemper fit aptatum Dormitorium, quòd ſi quos intrare contigerit, nihil ibi videant, quòd eorum offendant aſpectum. Et debet aliorum negligentias in huiusmodi ſupplere, faciendo circa hæc, quòd fieri debet; & ipſos ſuper huiusmodi negligentijs in Capitulo proclamare. Item ſi fuerint plura oſtia in Dormitorio, debet habere locum ad ſedendum, vel ſtudendum propè illud, per quòd communius eſt ingreſſus ſæcularium de die, & alia ſi fuerint claudenda claudere. Iuxtà introitum verò illius oſtij, debet eſſe campanula parua, in qua faciant illi, qui introducunt extraneos, vel ipſe ſi præſciuerit ingreſſum iſtorum, ſignum, ſi illi Fratres omiſerunt facere ſignum: vt Fratres, qui ſunt in Dormitorio, vel in cellis hoc audito, caueant ne apud eos aliquid videant, quòd eorum offendant aſpectum, & in quo malè ædificentur. Ipſe etiam debet eſſe ſollicitus, ne per illos, qui ſic intrant, vel etiam occasione aliquorum operum, libros aliquos, vel res alias deperire contingat. Item cauſa ſeruandi Dormitorium ſecurum, vel ſaluum, poteſt remanere à Matutinis, vel alijs Horis, vel à prima menſa, cùm neceſſe fuerit, & Prior duxerit ordinandum. Si verò non hoc fuerit viſum Priori, nihilominus cùm vadit ad Horas, vel ad menſam, debet habere curam, quòd claudantur quæ claudenda fuerint, vel ponatur ad cuſtodiam alius loco ſui. Notare quoque qui aliqua reprehendiſſibilia habent, vel faciunt circa lectos, & cellas ſuas, & ipſos in Capitulo proclamare. Fratribus verò, qui circa ſe ſunt negligentes, aut in coopertorijs, aut in cuſſinis, aut in lecti commoditate aliqua, & ſimilibus; compari debet, & procurare, quòd eis melius prouideatur.

## Cap. VXII. De Officio Portarij.

*Circa statum Portarij.*

**C**ustodia portæ debet iniungi tali Fratri Conuerso, vel Clerico, si potest haberi, qui sit ætate prouectus, Religiosus, aspectu graciosus, & in actibus securus: contra omne vitium, discretus in sensu, prudens in responsis, dulcis in affectu; qui nullum multiplicibus interrogationibus fatiget, nullum dura responsione, aut iniuriosa, vel rustica colloquutione commoueat: qui scandalizatos sciat placare, & omnes cum eo moram aliquam contrahentes, vel eidem se applicantes, verbis, & factis ædificare sufficiat. Hic debet habere locum aliquem aptum iuxta portam intrinsecus, in quo cum non habeat aliam operationem, operetur aliquid, si est Conuersus, vel legat, vel scribat, vel aliud honestum faciat, si est Clericus. Non autem debet esse vagus, sed ibi continuè residere: si fortè ex causa rationabili interdum declinet, & alium, vel socium si habet loco suiponat. Cum autem alibi eum declinare oportet, & nullus ibidem remanet, sic debet ostium firmare, quòd nullus ante suum introitum possit intrare. In hoc quoque loco, cum socium non habuerit, poterit tempore dormitionis diurnæ remanere, propter aduenientes: vel vigilare, vel paululum dormire, & in nocte à Matutinis remanere, nisi per Priorem aliter fuerit ordinatum, videlicet vt de die dormiat, & aliquis sit in loco illa hora pro eo: & hoc idem seruetur de remanendo à prima mensa, & collatione, hoc addito; quòd cum comedit in secunda mensa, ordinetur, qui tunc portam custodiat loco eius. Si autem socium habuerit Fratrem, tunc per septimanas possunt diuidere quis de die lectum intret, & in prima mensa comedat, & intersit collationi communi. Si verò fuerit sæcularis socius, tunc secundum ordinationem Prioris fiat de dormiendo de die, & comedendo in prima:

ma mensa, & de conueniendo ad collationem communem: ita quòd socius semper portam custodiat, cum ipse fuerit absens. Porro ab Horis diurnis, & Missa semper remanere potest, si fuerit Conuersus, & Missam audire in manè priuatam, antequam in suo officio eum oporteat occupari. Si autem fuerit Clericus, eodem modo ab Horis potest remanere, nisi propter paucitatem Fratrum sit eius præsentia interdum necessaria: & semper Missam audiat Conuentualem, vel priuatam; ita tamen, quòd in his casibus, aliquis sit in porta loco eius. Si fuerint duo Fratres ad portam, tunc si sunt ambo Clerici, vel vnus; semper Clericus vnus sit in Missa maiori, si potest alius competenter supplere, quæ tunc circa portæ custodiam sunt agenda.

### *Circa multa Officia eius.*

**I**tem ad eum pertinet habere curam de portis, per quas est ingressus ad curiam exteriorem, & ad claustrum claudendis, & aperiendis suo tempore; & clauēs vel seruare, vel tradere illi seruandas, de quo Prior ordinauerit. Si aliqui de nocte pulsauerint ad intrandum, vel exire voluerint, debet inuestigare causas, & cum difficultate, & non sine licentia speciali tunc alicui aperire.

Item cum aliqui Clerici, vel Religiosi, vel peregrini transeuntes petunt hospitium vel comestionem, debet vel urbanè ostendendo paupertatem Domus, vel consuetudinem contrariam eos expedire: vel procurare, quod petunt, ab illis ad quos pertinet, si fuerint personæ dignæ, vel de scandalo, si non fiat timeatur. Cum autem aliqui recipiuntur ad comedendum ad portam intus, vel extra, debet gerere curam de ministrando eis charitatiuè & mundè quod fuerit ministrandum, & curialiter licentiare cum fuerint expediti. Item ipsius est cum omnibus, qui cum eo resident, vel moram contrahunt, aliquid loqui de Deo; & cauere, ne quis scandalizatus recedat ab eo. Item cum videt aliquos per Domum discurrentes, debet eos pacificè,



ficè, & curialiter reuocare. Eos verò qui quandoque intrant sine licentia, & non consueuerint licentiari ad intrandum, debet similiter pacificè, & mansuetè inducere ad egressum. Cum pulsatur ad portam, citò debet adesse per fenestram paruam aliquam, (quæ semper debet esse in ostio), antequam ostium aperiat, respicere personam pulsantis; & si fuerint tales quas non oportet introduci, vt mulieres, & viles personæ, debet eis satisfacere sicut poterit in his, quæ petunt, sine introductione. Cum autem introducendi fuerint, si sunt personæ excellentes, ducat eos ad Capitulum, & aduocet illis Fratres, qui fuerint aduocandi. Si fuerint personæ mediocres, remaneant propè portam, & ibi aduocentur ad eos, qui fuerint aduocandi. Si verò Prælati, vel Religiosi, primò ducantur ad Ecclesiam ad orandum, quàm ad Capitulum. Si verò fuerint Fratres extranei, ducantur ad Ecclesiam, & quæratur qui det eis benedictionem, & significetur statim hospitum receptori. Si verò persona fuerit excellens, vt Episcopus, vel Abbas, vel vir nobilis, magnus amicus Fratrum, vel similis; dum venerit ad Domum Fratrum debet hoc indicare Prælato, etiam si non petatur ab eis. Item in recipiendo aduenientes, debet habere modos diuersos secundùm differentiam personarum: omnes quidem in primo occurso, debet affabiliter recipere & iucundè, si verò fuerint Religiosi cum humili inclinatione & reuerentia. Si Episcopi, vel Abbates excellentes, cum maiori humiliatione, vel osculando manus, vel flectendo genua, secundùm morem patriæ. Si Fratres Minores, vel nostri extranei, vel magni familiares, cum summo gaudio, & charitate magna. Si fuerint Principes, vel sublimes in statu sæculari, cum magno honore tam per se, quàm per alios Fratres ad hoc idem per ipsum, inuitatos. Debet etiam habere magnam sollicitudinem de cognoscendis familiaribus Fratrum, vt cum venerint, nullus defectus fiat circa eorum receptionem; & debet Fratribus qui non cognoscunt eos, eorum notitiam dare; &

Prælatos incitare ad ostendendum eis omnem familiaritatem, & humanitatem in hospitio, & in alijs quibuscunque. Item in vocando Fratres ad portam, debet seruire modum, qui à Prælato fuerit ordinatus. Ordinant autem Prælati quandoque ex causa, quòd aliqui Fratres nunquam vadant ad portam, aut nunquam ad mulieres, aut nunquam ad talem, vel talem personam, aut nunquam, nisi prius dicatur eis, talis aut talis vocatur à tali: quandoque autem dant licentiam aliquibus, vt Confessoribus, vel alijs, qui possint ire quandocunque vocantur: de alijs volunt, vt non vadat sine licentia speciali, primò quæsità à portario, non à Fratre, vel è contrario ab ipso, non à portario. In his ergo & similibus obseruare debet Dominus consuetudinem, & ordinationem Prioris. Item ipsius interest notare Fratres, qui in aliquo excedunt circa portam, aut nimis loquendo cū mulieribus, frequenter & leuiter veniendo & morando in porta, aut qui duos se exhibent ad veniendum ad Confessionem, & similia, & referre Prælati, vel proclamare iurgium, vel facere proclamari eosdem. Si quis etiam sit defectus in seris, in portis, in clauibus, & repagulis pertinentibus ad suum officium, debet hoc indicare Priori, & instare, quòd emendetur. Porro si duo vel plures fuerint portarij, debent onera, & officia ita inter se diuidere, quòd in spe alterius, alter defectum non faciat, sed fiant omnia plenè, & ordinatè.

### Cap. XVIII. De Officio Depositariorum.

**C**ustodia Depositorum solet imponi duobus vel tribus Fratribus, discretis, & securis, quorum quilibet debet habere clauem vnā de loco depositi, nec alij committere, sed apud se diligenter custodire. Isti autem debent habere curam, quòd locus depositorum sit ita firmus & securus in omnem euentum, quòd nec ab interioribus nec ab exterioribus, possit aliquatenus temeraria manus ad Depositum aliquod vnquā extendi. Porro in recipiendo

do deposita, cauere debent ne vnquam recipiant aliquod Depositum sine licentia speciali vel generali: nec deposita recipiant, quæ secundum Constitutiones nostras recipi non debent, nisi fortè ex dispensatione Prælati expressè facta super hoc, interdum ex causa. Item securius est, quòd semper illud, quod recipitur, recipiatur signatū, vel clausum quàm aliter: quia in rebus, quæ sunt in pondere, numero, & mensura, si aliter reciperentur; videretur secundum iura, quòd periculum transiret ad depositarium, & non apud deponentem remaneret, & ideo si periret, posset agi contra depositarium, sicut de commodato. Item debet in aliquo memoriali subscribi cuius sit Depositum, & quid inde deponens ordinauerit, de reddendo sibi, vel alij: vel quòd inde sit faciendum, si contingeret non repeti, vel deponentem mori. Item solet interdum per chirographum, cuius vna pars sit apud deponentem, alia apud depositarium, ordinari de deposito, secundum voluntatem deponentis, de modo reddendi: licet istud, secundum iura non reputetur multum efficax ad aliquod probandum. Item cauendum est depositarijs, ne vnquam aliquid accipiant de deposito, nec etiam pro mutuo, sine voluntate deponentis, nec depositarius tenetur super hoc in contrarium obedire Prælato. Item Depositum semper reddi debet secundum formam traditam à deponente, nisi in casibus quatuor exceptis à iure. Primus est, cum quis gladium deponit, & furens repetit. Secundus, cum deponens fuerit deportatus, nam bona eius tunc in publicum deferuntur. Tertius est, cum fur deponit, & repetit, sed repetitio domini cum fure concurrat. Quartus, cum fur rem furtiuam deponit apud illum à quo surripuit. Et sciendum quia si res deponitur præsente Prælato, & Capitulo, tenetur Ecclesia illa de deposito, aliter non; nisi solus ille vel illi apud quos deponitur, vt Sacrista, Thesaurarius, & huiusmodi. Cum autem redditur depositum, semper sub bono testimonio reddi debet, propter calumnias euitandas, quæ nasci possent si aliter fieret.

## Cap. XIX. De Officio Procuratoris.

**P**rocurator licet versetur circa temporalia, tamen quantæ virtutis debeat esse, debet considerari ex verbis Beati Benedicti, de statu Cellerarij (qui apud nos Procurator vocatur) sic loquentis. *Cellerarius Monasterij eligatur de congregatione sapiens, maturus moribus, sobrius, non multum edax, non elatus, non turbulentus, non iniuriosus, non tardus, non prodigus: sed timens Deum, qui in congregatione sicut pater curam gerat de omnibus: sine iussione Patris nihil faciat, quæ iubentur custodiat, Fratres non contristet.* Si quis Frater ab eo fortè irrationabiliter aliqua postulat, non spernendo eum contristet, sed cū humilitate, malè petenti denegat: animam suā custodiat, memor semper illius Apostolici præcepti. *Qui benè ministrat, gradum bonum sibi acquirit.* Infirmorum, infantum, hospitem, pauperumque cum omni sollicitudine curat. gerat, sciens sine dubio, quod pro his omnibus in die iudicii rationem redditurus est. Omnia vasa Monasterij, cunctamque substantiam, ac si Altaris vasa sacra conspiciat, nihil ducat negligendum, nec avaritiæ studeat, nec prodigus sit, aut extirpator substantiæ Monasterij, sed omnia mensuratè faciat secundum iussione[m] Abbatis &c. Humilitatem autem super omnia habeat, & cū ex substantia non est quod tribuatur, sermo bonus responsionis porrigatur, vt scriptum est: *Sermo bonus, super datum & imum.* Omnia quæ ei iniunxerit Abbas, ipse habeat sub cura sua, à quibus eum prohibuerit non præsumat. Fratribus cōstitutam annonam sine aliquo typho, vel mora offerat, vt non scandalizentur: memor eloquii Diuini, quid mereatur, *qui scandalizauerit vnum de pusillis istis, expedit ie vt suspendatur mola asinaria in collo eius, & demergatur in profundum maris.* Si congregatio fuerit magna, dentur ei solatia, à quibus adiutus, & ipse æquo animo adimpleat officium suum. Horis cōpetentibus dētur, quæ danda sunt, & petantur quæ petenda sunt; vt nemo perturbetur, neque contristetur in domo Domini.

Circa



*Circa actus multiplices.*

**A**D huius officium pertinet, recipere omnia quæ dantur Domui, vel procurantur, vel obueniunt quomodo: nisi quando fortè Prior in aliquo aliter interdum duxerit ordinandum. Item facere & soluere omnes expensas, quæ fiunt in Domo, nisi fortè circa Sacristiam, vel opera, vel alia huiusmodi Prior aliter ordinauerit. Item recitare fideliter beneficia omnium in Capitulo. Item computare de omnibus coram Priore & Supprie, & Fratribus consiliarijs, quoties ipsis visum fuerit, & debet habere proprium scriptum, in quo recepta, & expensæ sollicitè scribat quotidie, ne per obliuionem aliquid omittatur; in quo etiam status Domus quo ad ea quæ debentur eidem, diligenter, & per singula apertè describat. Item ipsius interest emere omnia quæ emenda sunt tempore suo, vt ligna, oleum, corium, & similia quæ solent emi. Similiter vendere, si quæ vendenda fuerint, de his quæ sub manu eius sunt, vt bladum interdum, vel vinum superfluum & huiusmodi. Item cum instat tempus ad procurandum in aliquo, vel quærere; debet suggerere Prælati tempestiuè, quòd ordinent de Fratribus ad hoc mittendis. Cum autem aliqua quæsitæ fuerint, debet habere curam qualiter apportentur, & apportata qualiter in locis debitis reponantur, & conseruentur. Item debet habere sollicitudinem generalem, ne aliquæ res ex mala custodia depereant, vel malè tractentur, ne fiant superfluitates in hospitio, vel infirmitorio, vel alibi, & ea quæ remanent diligenter recolligantur: quòd officiales particulares, vt seruitor hospitum, seruitor infirmorum, Coquinarius, Refectorarius, & similes, officia sua diligenter faciant; & ad hæc videnda interdum discurre debet per officinas, & supplere defectus eorum, & super huiusmodi facere proclamationes in Capitulo. Item ipsius est habere specialem curam quotidie de Conuentu, & hospilibus, si fuerint procurandi, & de pistantijs, secundum

dùm possibilitatem Domus, & Prioris ordinationem faciendis. Circa horam verò prandij debet semper visitare coquinam, & si res non sunt paratæ, facere differri pulsationem cymbali. Et cùm viderit expedire, vel causa hospitum, vel Conuentus, vt iuuat in coquina, vt melius fiant omnia, potest à prima mensa remanere. Ad ipsum autem pertinet tempore minutionis generalis, vel particularis, tempore rasuræ, tempore lotionis pedum, vel caput Conuentus, tempore ignis faciendi propter frigus pro Conuentu, cogitare & prouidere de necessarijs ad hoc, & pro ministris ad hoc necessarijs requirere Prælatum; vt eos assignet, vel in tabula pronuncientur. Item debet habere curam de cognoscendis amicis Fratrum, & familiaribus: & cum ad Domum veniunt, eos honorificè, & deuotè recipere & tractare. Licet autem sine licentia generali vel speciali nihil dare debeat, tamen debet considerare, quibus expediat aliquando aliqua seruitia fieri, vel de fructibus horti, vel de mittenda aliqua pietantia, vel faciendo aliquam remunerationem, pro seruitijs exhibitis, vel in domo à gartionibus, vel extrà ab aliquibus pauperibus, licet gratis: & similia, & suggerere Priori, quòd bonum videbitur in hac parte, & cum licentia eius facere, quod fuerit faciendum. Circa gartiones debet habere diligentiam, vt videat qui valent, qui vtilis, qui fideles, qui necessarii, qui superflui, qui religiosi, qui irreligiosi, qui suspecti, qui securi sunt: & quod ei videbitur bonum de abijciendis, de retinendis, de recipiendis de nouo, suggerere Priori; & cum consilio, & licentia eius facere, quod fuerit faciendum. Item ad ipsum pertinet iuxta posse suum procurare per se, & per alios vtilitatem Domus in testamentis, & alijs modis, quibus poterit, iuxta modum, qui fuerit consuetus in Domo.

## Cap. XX. De Officio Consiliariorum.

**Q**uædam modica frequenter oriuntur in Religione, quæ Prælatus potest sine consensu aliorum expedire. Quædam verò sunt adeò magna, quòd nullo modo debent sine consilio Conuentus expediri: quædam verò media, ad quæ expedienda solent assignari Fratres aliqui à Conuentu de quorù consilio, quæ huiusmodi sunt expendantur; ne vel Conuentus in huiusmodi nimis fatigetur, vel Prælatus pro suo libitu faciens ista, minùs sapienter procedat. Debent ergo ad hoc assignari, si possibile sit, Fratres, qui bonæ sint discretionis, exercitati in agendis, amatores boni, in sensu suo non nimis abundantes, authoritatis competentis, & qui Dei spiritum habere credantur. Porro ad horum officium pertinet audire cum Priore, Suppore, & Procuratore computationem, & scire statum Domus in his, quæ habentur, & quæ debet Domus. Item dare consilium circa ædificia, circa officiales creandos, vel absolvendos, & mutandos, circa Fratres ad Ordines promouendos, circa missionem Fratrum & combinationem: vel causa prædicationis, vel quæstus, circa familiam recipiendam, vel abiiciendam, vel sustinendam, circa prouisiones in necessarijs emendis, vel procurandis, circa distributionem librorum Fratrum defunctorum, & similia; in quibus necessariò non requiritur de iure consensus Conuentus. Porro in apponendo sigillum Conuentus aliqua littera vel charta, in alienatione, vel emptione rerum immobilium, & mobilium in magna summa, in receptione Fratrum, & similibus, in quibus requiritur de iure consensus Capituli, cauere debent, ne dent consilium sine licentia, & cum scientia Conuentus; (nisi fortè super his commissionem habeant à Conuentu,) sed referre debent talia ad Conuentum.

## Cap. XXI. De Officio Eleemosynarij.

*Circa petitionem eleemosynę.*

**E**leemosynarius dicitur, qui habet petere eleemosynam. Porro ad istud officium debet poni talis Frater Conuersus, qui sit securus contra omne peccatum, affabilis in verbis, amabilis, & honestæ conuersationis inter homines, qui sufficiat aliqua verba ædificatoria simplicia interdum dicere: prudens in obseruando quid & quando, & qualiter, & à quibus petere debeat, non importunus notabiliter in petendo, nec tædiosum se reddens hominibus; nec de fructu sui laboris, & industriæ superbiens inter Fratres. Ad huiusmodi officium pertinet esse sollicitum qualiter cautè, & religiosè melius possit procurare eleemosynas pro Fratribus, siue in pane, siue in pectantijs, siue pro infirmis, siue in denarijs, siue in alijs rebus secundum morem patriæ, & ordinationem Prioris. Quod autem in pecunia acquirit, debet secundum ordinationem Prioris, vel in pane vel in alijs necessarijs expendere, vel Procuratori tradere. Debet autem sibi familiares acquirere, qui eum & Domum iuuent, & dirigant interdum in procurando aliquas eleemosynas de testamentis, vel alijs eleemosynis. Item eundo per villam, non se debet à socio separare, maxime cum aliquam domum intrat: & cauere debet ne vnquam cum mulieribus longas colloquutiones habeat, vel frequentes, sedens cum eisdem. Vbi autem est consuetudo, quòd petitur eleemosyna panis, clamando pro Fratribus, debet sub nomine Prædicatorum, & non alio. Ad Magnates autem cum transeunt, non debet pro eleemosyna accedere, nisi prius habita collatione cum Prælato. Et cum accedit, debet explorare modum Curie illorum virorum, videlicet vtrum in propria persona soleat ab eis peti eleemosyna, vel ab eleemosynarijs suis, vel alijs de curia sua, & consuetudinem curie seruare. Item cum Fratres



res habent aliquid mandare, vel explorare aliqua, quæ per eos expediri possunt, & procurari in villa, debet hoc libenter expedire, ne discursus per alios oporteat multiplicari.

*Circa largitionem eleemosynarum.*

**P**ORRò ad largiendam eleemosynam communem secundùm possibilitatem Domus, solet Frater aliquis assignari: vel idem, qui habet petere eleemosynas, aut alius qui sit pius in compatiendo, mansuetus in tolerando improbitates, & molestias petentium, discretus in distribuendo, sollicitus in congregando, quæ fuerint largienda. Ad huius officium pertinet recolligere debito tempore in Refectorio, in procuratione, in hospitio, in infirmitorio, in coquina, tam Conuentus, quàm infirmariæ, in domo familiæ, & ubicumque solet in domo comedì, ea quæ remanent ad eleemosynam pertinentia: & seruare mundè, & honestè in vasis proprijs ad hoc deputatis, in loco honesto vsque ad tempus distributionis. Ea verò, quæ in infirmitorio colliguntur, in quibus aliquid de carnibus, vel brodio carniùm potest inueniri, sic debet semper separare, & custodire, & dare alicubi in villa, non in porta secundùm consiliùm Prioris; ita quòd nunquam aliquid mixtum de istis, inueniatur in eleemosyna communi. Eleemosyna communis secundùm morem patriæ, & ordinationem Prælati, debet vel certis personis dari, vel ad eleemosynam venientibus ad portam, certis diebus, & horis, & locis ad hoc assignatis. Cùm autem datur ad portam, cauere debet, ne ingredientes se improbè, vel tumultum facientes percutiat, vel asperis verbis corripiat, sed cum omni patientia eos ordinatè, & pacificè faciens residere, ministret charitatine quod habet, & de verbis dulcibus consoletur eos. Si qui verò inter istos veniunt, qui videntur magis reuerendæ, & verecundæ personæ; ad partem eos segreget, ministrans eis honorabilius quod poterit, & à verecundia ipsi-

sis caueat prout potest. Infirmis verò, & magis miserabilibus, abundantius prout potest aliquid debet dare. Item debet sollicitè curare, ne ea, quæ debent in eleemosyna dari, per negligentiam pereant, vel in usus alios transferantur. Diligenter etiam debet considerare, si sit aliquid in Domo, siue legumina, siue herbæ in horto, siue alia quæcunque non sint necessaria Fratribus, & instare apud Prælatum, quòd huiusmodi in eleemosynas largiantur.

## Cap. XXII. De Officio Refectorarij.

### *Circa Mensam Conuentualem ordinariam.*

**A**D Officiu Refectorarij ponendus est Frater Clericus vel Conuersus, qui sit industrius & diligens ad faciendum honestè, quæ huiusmodi requirit officium. Porro ad ipsum pertinet præparare mensam tempestiuè ante comestionem, decenter, & mundè: & sic planè in ea singula ponenda collocare, quòd seruitores non habeant ponere nisi pulmenta, salsas, & pictantias. Proindè debet à principio aptare mappas, ponere panem, & vinum ubi usus est vini: vel in singulis vasis pro singulis Fratribus, vel in vase vno pro multis secundum consuetudinem, & scyphos. Item sal, & aquam in tot vase, quòd competenter possint habere, qui voluerint. Item cochlearia, cum fuerint apponenda aliqua, ad quæ sunt necessaria. Item candelas cum decentibus candelabris cum cœnatur, vel sit collatio tardè, tot, quot sufficienter illuminent vnumquemque. Sic autem aptandæ sunt mappæ, quòd à parte anteriori remaneat tantum de mensa nudum, quòd vasa pro vino, pro sale, pro aqua, pro candelabris, & ossa fructuum, & paraturæ pomorum, & huiusmodi inutilia remanentia, ibidem valeant collocari, ne mappam deturpent. Alia verò prædicta quæ super  
map.

mappam collocantur, debent cooperiri de parte mappæ dependente, super illa replicata honestè, quousque Fratres sedentes partem illam replicent super genua. Debet etiam habere curam, quòd tempore magni frigoris quando Prior dederit licentiam, vt stupha Refectorij calefiat (vbi est vsus stupharum) vel vbi non est vsus huiusmodi, carbones accensi habeantur in Refectorio in patellis congruis deferendis per seruitores; & in aliquo vase, vel in aliquibus aqua calida, vinum calidum pro illis, qui voverint vinum suum calefacere. Debet etiam expedite in solo caputio, & frequenter circuire per mensas ad videndum si deest aliquid alicui de communi: vel si quis aliquid dimittit, illud reportet, vel det alij, qui non habuerit. Si qui verò fuerint Fratres, qui propter infirmitatem, vel alia de causa, de licentia vtantur aliquibus alijs quàm communibus, vel aliter paratis; debet esse sollicitus circa illos, vt sciunt sine defectu, prout Prior duxerit ordinandum. Et debet circumeundo coram Prælato se præsentare frequenter, ad videndum si quid dixerit ei faciendum. Cùm aliquis Frater tardè venit, & non audet intrare sine licentia, ipsius est petere pro eo licentiam, & providere de loco; si fortè sedes omnes fuerint occupatæ, & eidem ministrare, vel seruatoribus hoc suggerere. Si autem aliquos extraneos contingit in Refectorio comedere, tunc magis debet esse sollicitus, ne ibi videant aliquid quod eos minùs ædificet: & secundùm eorum statum magis curare de eis, & Priori reducere ad memoriam, si vult eis mittere aliquid, vel vult eis aliquid melius ministrari, in pane meliori, vel alijs quibuscunque. Porro ea quæ remanent, & recolliguntur de mensa, quæ non deferuntur ad coquinam, ipsius est seruare, & sequestrare: seorsim ponendo ea quæ pertinent ad eleemosynam, & alia quæ possunt iterùm Fratribus dari; & illa quæ magis competunt familiæ, vel operarijs, quando sunt tales quibus provideatur in cibo, vel in huiusmodi vsus alios reseruare. Cæterùm cùm Fratres conue-  
niunt

niunt solum causa collationis, vel in die Parasceues ad Refectorium, non sunt mappæ ponendæ, nisi solum ea, quæ pertinent ad horam illam & diem.

*Circa mensam extraordinariam.*

**I**tem ipsius est seruire Nouitijs, & illis, cum quibus dispensatur, vt bis comedant tempore ieiunij: & certo tempore ad hoc facere signum; & præparare ea, quæ fuerint præparanda sine defectu; & ministrare illis prout à Priore fuerit ordinatum. Si autem aliquos Fratres cum licentia contingat præoccupare horam comestionis causa egrediendi, vel post vtramque mensam venire, & comedere in Refectorio: debet istis seruire, & adstare ipsis; & ea, quæ Conuentus sunt eisdem ministrare. Si aliquis extraneus ibi de licentia comedat, debet eidem seruire, & ministrare, secundum statum personæ suæ & familiaritatem ad Fratres, plus, vel minus. Debet autem cum tanta disciplina, & religione se habere in omnibus, ne occasione officij frangat silentium cum aliquibus; nec clamet altè pro negotio, nec ad fenestram coquinæ tumultuosè, nec multum, nisi de necessarijs loquatur. Benignè autem, & mansuetè se habeat ad omnes, & charitatiuè, & hilariter seruiat, & faciat, quæ fuerint facienda. Caueat tamen sollicitè, ne alicui vel in mensa ordinaria vel extrà ministret, nisi quæ secundum ordinem fuerint, nec ministrare permittat. Et licet ab acceptione personarum sit ei cauendum, tamen Nouitijs & magis indigentibus debet ostendere ampliora viscera charitatis.

*Circa Domum Procurationis, siue Dispensam.*

**I**tem ipsius est habere domunculam iuxta Refectorium, quæ dicitur Domus Procurationis, vel Dispensa, quam debet mundam habere: & sic aptare modis diuersis in fenestris, in perticis, & in armarijs, & in arcis, & similibus; quòd commodè possint ibi seruari, & collocari, quæ sunt ibi seruanda vel reponenda. In hac verò debet serua



re panem, & ministrare per totam Domum vbicumque fuerit ministrandus: hoc seruato moderamine; quòd in infirmitorio, meliorem infirmis ministret, vbi varietas panis habetur. In hac etiam debet seruare caseos, fructus, & cæpas, & huiusmodi, quæ sibi traduntur à Procuratore, vel quotidie, vel certis diebus; secundum eius ordinationem ministranda. In hac etiam debet seruare mappas, canistros, vtenilia necessaria ad suum officium, nisi fortè in Refectorio reponantur in alio loco apto. Tempore quoque comestionis vel collationis instante, debet de cellario vinum apportare ad hanc: & si temperatum non fuerit temperare, & inde in Refectorio ministrare; vel tradere seruatoribus ministrandum. Ibi etiam debet in certo loco referuare ea, quæ pertinent ad eleemosynam, quæ de Refectorio colliguntur, vt eleemosynarius inde accipiat tempore opportuno.

*Circa Lauatorium, & munditias,  
& alia quedam.*

**I**tem ad ipsum pertinet prouidere de aqua in lauatorio, & ipsum lauatorium frequenter mundare, & mundum seruare. Item de manutergijs in claustro prouidere, & illa frequenter mundare, & interdum alicubi remouere, certa hora, propter aduenientes ea deturpantes. Item debet prouidere, quòd mappæ de Refectorio lauentur, & mundetur tempore congruo, & quòd iustæ, & lagenæ, & scyphi pro sale, & aqua, & vtenilia, & cætera omnia, quæ ad Refectorium pertinent, lauentur, & tergantur, & munda seruentur: & Refectorium, & Procurationis Domus scopentur, & ab araneis, muribus, & huiusmodi immunditijs lauentur, vel purgentur sæpè, & diligenter, prout requirit necessitas. Cum autem Magnates comedunt in Refectorio, debet prouidere, quòd semper pulchras mappas, & honestas, scyphos, & scutellas, & cochlearia, & huiusmodi habeant in mensa sua: insuper pulchra Manutergia debet habere, quæ ante eos ponantur  
cum

cum comedunt; & alia similia, quæ eis apponantur in manuum lotionem. Debet quoque sollicitare coquinariorum, ut sic tempestivè parent omnia, quòd facto signo in Ecclesia omnia sint parata: & ipso audito, & inquisito, utrum sint omnia parata, sine mora debet cymbalum pulsare, si omnia sunt parata, ne Fratres ociosi expectent. Et huiusmodi mora similiter cauenda est in pulsando cymbalum ad collationem, post signum factum in Ecclesia. Ad ipsum etiam pertinet habere curam, quòd sedes aptæ habeantur in claustro, in quibus sedeant Fratres post manuum lotionem. Cum autem aliquid aptandum fuerit in Refectorio, vel extra, vel aliqua emundanda, vel reficienda, circa ea, quæ pertinent ad officium suum: debet pro his instare sollicitè apud Procuratorem, vel Prælatum si negligens fuerit Procurator. Cum autem scit aliquos extraneos debere comedere in Refectorio, vel debere xenia deferre, vel aliàs intraturos; debet Priorem cautum reddere, ne aliquos sedere in terra permittat: quòd si aliqui sederint iam, & alij debeant superuenire, debet hoc Priori dicere antequam aliquos intrare contingat. Debet quoque vel semper certis sic adstare in Refectorio, vel circa illud quòd cum necesse fuerit, possit facilè reperiri; præcipuè ubi magnus est Conventus, & multæ occupationes circa, Refectorium occurrunt. Vbi verò propter paucitatem Fratrum modica sunt agenda, debet cum circa Refectorium non est occupatus, in alijs occupari libenter.

## Cap. XXIII. De Officio Servitoris Mensæ.

### *Circa primam Mensam.*

**S**ervitor seu servitores primæ mensæ, audito signo post Horas in Ecclesia facto, debent festinè ad Refectorium ire, & remota cappâ in capurio solo remanentes, iuvare Refectorarium; in faciendis quæ ad eum pertinent circa illam horam, si fortè illa non complevit. Passato verò

verò cymbalo debent incipere ponere scutellas, incipiendo à mensa Prioris (præcipuè ubi est magnus Conuentus) nisi fortè propter magnum frigus, & muscas interdum djmittât; & si necessè fuerit aliquos de Fratribus qui manus iam lauerint, ad adiuuandum se in hoc aduocare. Facta autem benedictione, & residentibus Fratribus, scutellas quæ positæ non fuerint, ponant: vel si nullæ positæ fuerint festinè & maturè easdem apportare debent; incipiendo tunc ab inferioribus. Collocatis verò primis scutellis sine mora longa apportare debent quidquid est iterum apportandum ante remotionem primarum scutellarum: ita quòd si falsa fuerit apportanda separatim ab alio, cum ferculo illo, vel ante aportetur; & idem est obseruandum in tertio, vel ultimo ferculo, si fuerint apportanda in comparatione ad præcedens, Cùm autem communiter videntur Fratres expediti de pulmento vel alio ferculo, tunc primò debent illud communiter remouere; cauentes ne remoueant aliquid à conspectu Fratris, qui illud non elongauerit a se, & ampliùs non videatur curare de illo. Ipsorum etiam est circuire cùm aliud non habent facere, ad videndum si deest aliquid, vel aliquis aliquid dicere velit. Appropinquante autem fine primæ mensæ, cùm omnia vasa in quibus ministratur apportauerint ad coquinam, debent fructus si qui fuerint suprâ in canistris, vel alijs vasis decentibus, & paraturas fructuum, & testas onorum, & nucum, vel huiusmodi, & inutilia in alijs vasis decentibus recolligere separatim, & ad Procuracionem deferre. Tandem cùm Fratres communiter cessant comedere, in sportis, vel alijs vasis honestis recolligere panis particulas, quæ supersunt. Attendendum autem est eis in omnibus, quòd disciplinatè se habeant, & maturè incedant: ne in frangendo silentium, vel clamando, vel tumultuando ad fenestram coquinæ, vel contendendo cum aliquo, vel frangendo, vel effundendo aliquid, aliquem scandalizent, & præcipuè cùm extraneos contigerit interesse: circa quos magis debent esse

esse solliciti, & tantò plùs, quanto fuerint honestiores, vel excellentiores personæ. Ipsorum etiam est tempore comestionis primæ mensæ curam habere de ostijs, & fenestris claudendis, & aperiendis, prout fuerit opportunum: & de catis, & de huiusmodi animalibus excludendis. Cùm autem plures sunt seruitores scripti, vbi propter paucitatem Fratrum vnus tantùm sufficit; debent inter se ordinare, quòd vnus interdùm comedat, & alter seruiat vicissim. Porro ad seruitores secundæ mensæ pertinet, quòd egresso Conuentu de Refectorio ipsi remaneant, & ibidem gratijs redditis remotis cappis parent mensam, in qua debent comedere, qui comesturi sunt in secunda mensa: & ipsis seruiant portando, & reportando, & alia faciendo; quæ dicta sunt supra de seruatoribus primæ mensæ. Si autem aliqua superfuerint in mensa, quæ non pertinent ad eleemosynam, si possunt iterùm dari Fratribus, illa debent colligere, & ponere Separatim; quæ omnia facienda sunt post secundam mensam, si fortè illa durante non habuerint ad hoc tempus. Si autem istis factis adhuc durante mensa tempus fuerit, debent in scyphis tergendis, vel in alijs ad adiutorium Refectorarij pertinentibus occupari; vel si Fratres voluerint, & eis vacauerit, legere aliquid submissè. Finita verò secunda mensa, debent facere de remanentibus in illa, sicut supra dictum est de reliquijs primæ. Tempore verò ieiunij debent mappas, & omnia (præter scyphos) mouere de mensa in prandio, & in suis locis reponere, similiter semper in cœna. Cùm verò bis comeditur, debent mappas post prandium in mensis dimittere vsque ad cœnam replicatas decenter.

### *Circa Collationem.*

**A**D Seruitores verò primæ mensæ pertinet audito signo in Ecclesia pro collatione conuenire, & inuare Refectorarium in his quæ ad collationem pertinent, & seruire in collatione. Seruitores verò secundæ mensæ seruire



nire debent illis, qui post Conuentus recessum à collatione immediatè habent bibere; & iuuare si necessè fuerit Refectorium, in his, quæ tunc habet facere, si potest. breuiter absque Completorij anissione. De scribendo. verò seruitore vno vel pluribus in mensa, debet fieri prout Prior ordinauerit, considerata paucitate, vel multitudine Fratrum.

## Cap. XXIV. De Officio Lectoris Mensæ.

**A**D officium verò Lectoris Mensæ pertinet providere diligenter, lectionem non solum quò ad punctuationes & modum accentuandi; sed etiam quò ad scientiam, vt sciat sensum eorum, quæ dicuntur, & vt sic etiam ibi proficiat in addiscendo. Cum autem de aliquo dubitat siue quò ad sensum, siue quò ad modum legendi, debet recurrere ad glossas, & postillas, vel ad Fratres; per quos possit instrui, & maximè ad Correctorem mensæ. Cum autem accipit benedictionem in prandio vel cœna, debet accipere in medio Refectorij: in Collatione verò de sede, in qua sedet, facto signo à Prælato, vel Hebdomadario, si Prælatus non fuerit præsens. In prandio verò, & cœna debet expectare, quòd omnes resedeant pacificè, antequam incipiat legere. In Collatione verò postquam aliqui licet pauci conuenerint, potest incipere ad signum prædictum, vel sine signo illo, cum desunt illi ad quos pertinet illud facere. Debet autem se sic disponere in sede, in qua legit, quòd pro magna parte habeat vultum versum ad Conuentum, si loci dispositio hoc permittat. Porro in legendo debet cauere ne nimis submissè, vel clamosè legat, nec nimis cursim: sed morosè valdè, & distinctè, & sonorè; & pausas faciat interdum competentes. Debet autem aurem apponere ad intelligendum si in aliquo corrigitur, & correctionem quæ fit à Correctore, etiam si minùs benè dicit, humiliter suscipere & exequi; dummodò manifestum errorem non dicat. Cum autem legitur in Biblijs, debet sic incipere;

*Talis libri, Capitulum tale*, dum incipit lectio in principio capituli: si autem incipit infra Capitulum, debet sic incipere: *Talis libri, Capitulo tali*. Cum incipit in principio alicuius libri, sic debet incipere: *Incipit liber talis*. Cum autem incipit in aliquo Prologo, si sit vnicus Prologus in libro illo, debet sic incipere: *Incipit Prologus in talem librum*. Si verò multi, debet in prius sic incipere: *Incipit primus Prologus in librum talem*, in secundo verò sic: *Prologus secundus in librum talem*, & sic deinceps. In Epistolis verò D. Pauli debet sic incipere: *Incipit argumentum &c.* postea legere argumentum, deinde dicere: *Incipit Epistola talis*. Si autem legit Homiliam, præmisso textu S. Euangelij, & præmisso, *In illo tempore &c. & reliqua: & lectio S. Euangelij &c.* debet sic incipere; *Homilia talis*. Cum autem legit Euangelia, & venit ad Passionem debet transire vsque ad Resurrectionem. Vbi autem est consuetudo, quòd legatur tabula in mensa in Festis maioribus, debet eam præuidere & legere circa finem mensæ. Cum verò finitur liber, debet sic terminare: *Explicit liber talis*. In legendo autem talem, vel talem librum, siue in comestione, siue in collatione, non debet aliquid propria autoritate facere, sed quod ei dictum fuerit à Correctore in mensa. Regulam debet legere prima die post Dominicam, quando non contingit extraneos interesse in Refectorio. Ad ipsum etiam pertinet habere curam de libro, in quo legitur, custodiendo, & portando in Refectorium, & reportando. In terminatione verò lectionis, debet aliquod signum tunc facere cum cera, vel speram superponere, vt sciat vbi debeat incipere, vel ostendere successorì, siue alij qui legerit loco sui. Cum debent extranei interesse, si non est talis Lector, qui consueuerit benè legere, debet alij magis idoneo ad legendum committere lectionem: vel rogare Prælatum vt hoc faciat, præcipuè cum illi extranei litterati, & intelligentes reputantur.

## Cap. XXV. De Officio Correctoris in Mensa.

**O**fficio Correctoris in Mensa est, ordinare cum Præ-  
lato quid, quo tempore, siue in prandio, siue in  
cœna, siue in collatione legatur. Ipsius etiam interest  
cum consilio Prælati obseruare, quando Fratres melius  
sunt in Domo: tunc, facere legere frequenter in anno  
Acta Capitulorum Generalium, & Prouincialium, lit-  
teras Magistri, & Constitutiones; & notas aliquas de  
Rubricis magis utiles, & frequentius necessarijs secun-  
dum iudicium Cantoris. In collatione verò & in cœna  
debet prouidere, quòd legantur libri aliqui bonæ ædifi-  
cationis, & præsertim historias, quæ retineri valeant,  
continentes: ut sunt vitæ Patrum, libri collationum, &  
similes. In prandio verò & si frequentius Biblia est le-  
genda, tamen possunt interdum utiles libri aliqui legi.  
In vigilijs verò, & Festis, & in diebus privilegiatis, ut  
sunt dies Rogationum, & huiusmodi, possunt legi Pas-  
siones, vel Homiliæ, vel sermones Sanctorum ædificato-  
rij, & in die Parasceues solent legi Threni Hieremiæ, vel  
sermones deuoti de Passione. Porro ipsius est prouidere  
diligenter lectionem, & studium suum circa illa maximè  
applicare: & lectorem instruere cum petierit, vel etiam  
si ipse non petierit, præuenire eum in hoc; maximè cum  
in lectione occurrerit aliquid difficile, vel dubium in ac-  
centuando, vel pronunciando. Cum autem sedes sua  
nimis distat à loco lectionis, vel non est benè disposita  
ad intelligendum Lectorem, potest de licentia eligere lo-  
cum alium ad sedendum in Refectorio, propinquum Le-  
ctori ante faciem constituto. Cauendum est autem ei ne  
correctionibus nimis curiosis, seu inusitatis, vel minùs  
utilibus molester Lectores, vel auditores. Si autem con-  
tingat quòd extranei litterati debeant interesse, & Lector  
non reputetur multum idoneus ad legendum: prouiden-  
dum est ei quòd alius legat loco ipsius, & super hoc Præ-

latum adeat. Cùm verò aliquem Lectorem viderit frequenter circa aliqua deficere, debet his obseruatis ad aliquem locum congruum ipsum aduocare, & ipsum circa defectus, & ignorantias suas instruere charitatiuè. Vt autem quæ ad istud officium pertinent meliùs fieri possint, debent procurare, quòd habeantur in Domo aliquæ summæ de modo accentuandi, & pronunçiandi, & ad Grammaticam pertinentes: per quæ Fratres in legendo possint dirigi, & Corrector in corrigendo, & hoc debet Corrector, prout poterit procurare.

### Cap. XXVI. De Officio Infirmarij.

**I**Nfirmarius dicitur, qui habet curam generalem infirmorum, & infirmitorij. Debet autem ad huiusmodi officium poni Frater, qui sciat esse patiens ad molestias infirmorum, & compatiens infirmitatibus, & necessitatibus eorum: qui sit dulcis eloquio, verbis consolatorijs affluens, & prouidus, & discretus in procurandis, seruandis, & ministrandis necessarijs; nec tenax in dispensando necessaria, nec prodigus in consumendo aliqua sine causa. Ad huiusmodi igitur officium pertinet, habere curam de omnibus, quæ ad infirmitorium vel infirmos pertinent generaliter, vel in casibus varijs, & emergentibus: quæ pro aliquibus haberi debent, vel fieri, & prouidere de his, quòd habeantur sine defectu tempore opportuno.

#### *Circa res habendas.*

**P**Roinde debet sollicitudinem habere apud maiores quantum potest, quòd habeatur infirmarium sanum & bonum, & benè dispositum in officinis commodè apertis, sufficientibus, commoditate camerarum, & horto seu prato ad recreationem infirmorum: in quo etiam sint aliqua loca seu domunculæ, & arcæ, & armaria apta ad repositionem rerum omnium, quas ibidem seruare oportet; & quòd huiusmodi domus frequenter purgetur, & munda seruetur, & reparetur, & reficiatur cùm neces-  
sè



sè fuerit diligenter. Debet etiam prouidere, quòd habeantur ibidem competentia vasa, vel vtenilia, mappæ, scyphi, scutellæ, mensæ communes, & singulares pro comedentibus in lecto, instrumenta, & huiusmodi necessaria abundanter: circa coquinas, circa lectos, circa coctionem, circa medicinalia, balnea vel stuphas, circa minutiones, circa rasuram, circa lotiones pedum & capitum, circa potionandos, vrinaria quoque & sellæ pro impotentibus surget, & ire ad cameras communes: feretrum quoque & coopertoria propria, & alia necessaria pro mortuis, & loca apta ad lauandum mortuos, & lauatorium commune pro manibus, & receptacula aquarum, quæ effunduntur interdum: libri quoque pro officio Diuino dicendo, & ad legendum interdum pro consolatione, & ædificatione infirmorum, vt sunt, vitæ Patrum, & similes libri. Candelæ quoque, & oleum pro lampade, seruitores secundum exigentiam multitudinis, & secundum conditiones infirmorum, procuranda sunt apud Prælatum. Et cauendum ne extranei seruiant infirmis, sed Fratres inuicem, vbi hoc potest commode obseruari. Vbi verò extraneos aduocare compellit necessitas, cauendum est ne aliqui ad huiusmodi recipiantur seruitia, nisi adeò familiares sint, quòd Fratrum secreta possint eis reuelari securè. Ipsius est etiam, si no-uit per medicinam, vel alios medicos Fratres, vel extraneos, adhibere consilium medicinæ, circa infirmos, & procurare quòd fiat, quod faciendum fuerit pro salute; ordinare etiam & prouidere quid quotidie comedatur, siue ab illis, qui veniunt ad mensam communem, siue qui decumbunt: & habere sollicitudinem, quòd tam hoc, quàm medicinalia tempestiuè, & suo tempore ministrentur, sicut requirit conditio, & necessitas infirmorum. Necessaria verò pro expensis debent à Procuratore recipere, vel aliter si Prior duxerit ordinandum: & omnia computare, & in Capitulo recitare, si quæ specia-

lia beneficia notabilia fuerint collata infirmis. Ipsius etiam interest frequenter visitare infirmos, & discurrere per coquinam, & officinas alias ad videndum si sunt omnia quæ fieri debent: & si quid negligentia inuenerit, corrigere debet; & cum commodè potest apponere manus ad adiuuandū. Notare etiam si aliqua fiat dissolutio, vel inordinatio ibidem, & illud interdum charitatiuè corrigere, & interdum etiam Prælati referre, interdum etiam in Capitulo super huiusmodi proclamare. Si quæ verò dicta fuerint in Capitulo, quæ ad infirmos pertineant, debet illa infirmis referre; & cum eorum infirmitates aggrauantur, Prælato in Capitulo dicere, vt faciat orare pro eis. Mortuos quoque de nouo, ipsi Prælato in Capitulo ad memoriam, vt Fratribus recommendentur reducere, & habere curam, quod per Damos alias citò significantur per Vicarium.

### *Circa Infirmos.*

**P**orro cum aliquis de nouo mittitur ad infirmitorium, debet eum cum omni charitate suscipere, & dulciter consolari; & secundum suam necessitatem de eo sollicitè cogitare: siue in assignando locum, & lectum, si expedit eum iacere in infirmitorio, siue de speciali seruitore si indiget; & alijs huiusmodi, quibus eius infirmitas noscitur indigere. Si autem commissum fuerit ei Priore, quod curam habeat de ponendo Fratres in infirmitorio, debet esse sollicitus de his quibus indigent, cum ei dicitur, vel aduertit: & eos præuenire antequam petere illud cogantur. Cum verò aliquis abutitur infirmitorio, sine causa rationabili ibi nimis morando, debet hoc cautè suggerere Prælato, vt ipse faciat quod circa hoc fuerit faciendum. Circa vero illos qui ex nimia humilitate, vel religione petunt licentiam recedendi antequam expediat eorum statui: debet etiam Prælatus cautum reddere, vel ipsemet debet esse cautus; si data est sibi potestas in huiusmodi licentijs concedendis, ne cedat eis sua religio

ligio in corporis notabile detrimentum . Cùm vero nullus infirmus fuerit , debet habere curam de domo infirmitorij claudenda & custodienda .

## Cap. XXVII. De Officio Seruitoris Infirmorum .

**S**eruitor infirmorum dicitur, qui deputatus est ad seruiendum infirmis : vel in communi quo ad illos qui veniunt ad mensam communem , vel singulariter alicui , vel aliquibus cùm decumbunt . Huius autem officium est sollicitum esse , vt fiant omnia facienda ratione officij diligenter , & suo tempore : pium esse ad infirmorum necessitates , patientem ad eorum molestias ; consolationes charitativas verbis , & factis impendere eis , & omnia , quæ ad studium vel alias occupationes ( quæ non sunt de necessitate salutis vel Ordinis ) postponere , propter huiusmodi pierates .

### *Circa communem Seruitorem .*

**P**orrò qui deputati sunt ad seruiendum communiter omnibus , siue ad seruiendum in domo , in qua comeduntur carnes , siue in domo recreationis ; debent scire diligenter illud , quod supra notatum est circa officia Refectorij , & seruitorum primæ mensæ , vel secundæ : circa mensas parandas , & seruitium ibidem faciendum , & renouanda , & recolligenda in fine , & munditias faciendas , & utensilia , & huiusmodi custodienda , & lauanda : & lauatorium & similia , & illa omnia quæ ex illis ad suum vsum pertinere videntur exequi diligenter . Debet autem in infirmitorio esse domus aliqua pro procuratione , vel duæ pro duabus prædictis domibus in loco , vel in locis idoneis , quarum vel cuius custodiam , debet vel debent habere qui est , vel qui sunt principales seruitores . Cùm autem comestionis hora appropinquat , debet huiusmodi seruitor facere signum cùm campana ,

quæ ad hoc debet apta haberi in infirmitorio, in loco idoneo; ad conuocandum Fratres in infirmitorio constitutos. Cum verò eos conuenisse viderit, debet aliud modicum signum facere ad manuum lotionem: quo facto sine aliqua expectatione eorum qui non venerunt, debet fieri benedictio. Si verò aliquid mittatur infirmis, debet cauere ne defferens introducat: quouique prouideatur, quòd nihil ibi videri possit, quod ipsum valeat scandalizare. Debet etiam prouideri, quòd liber aliquis ædicatorius habeatur semper in promptu, in quo vel ipse quando non est in alijs occupatus, vel aliquis Frater alius de comedentibus legere possit interdum in mensa si velit. Si verò mensæ fuerint mobiles, debet eas in fine reponere in loco suo. Expeditis verò omnibus, quæ ad comestionem pertinent, debet habere curam de claudenda Domo in qua comeditur: si ibi lecti non fuerint in quibus aliqui iaceant, tempore & hora à Priore determinatis. Debet autem cum infirmario conferre in serò de his, quæ agenda sunt pro infirmis, vel paranda, & innotescere ei, de multitudine infirmorum, & conditionibus eorum: & cum multiplicantur, vel minuuntur, ut sciat melius quid, & quantum sit in crastinum præparandum. Ipsius etiam est accipere & apportare panem & vinum de Refectorio & cellario, prout fuerit ordinatum: & cauere ne superflue apportentur, & ne ea quæ remanent pereant, vel vtiliter consumantur; sed pro elemosyna, vel ad aliquos vsus, sicut ordinatum fuerit, diligenter seruentur. Debet etiam sæpè cum necesse fuerit visitare coquinam, sollicitare coquinariorum, & eos iuuare cum potest, & ipsi indigent, ut melius, & citius omnia expediantur. Cum vero non sunt tot infirmi, vel tot facienda, quod oporteat eum morari multum in infirmitorio, debet cauere multum, ne ociose ibi commorans, effundat se in dissolutionibus, & omittat ea, quæ ad studium pertinent, & ad Religionem, & Conuentum: & committere potest aliqua modica infirmis facien-



facienda, qui possunt illa facere; ut est completio alicuius modici seruitij, vel quod vnus qui non comedit seruiat alij, vel quod remoueat mappas vel mensas cum comederint aliqui, & huiusmodi, ut possit ipse cum alijs interesse Conuentui. Cum autem expeditus fuerit de Conuentu, redire debet ad videndum si quæ commisit, facta fuerint; & si quid deest supplendum ab eo. Debet etiam curam habere de faciendis lectis infirmorum qui non habent proprios seruitores, cum ipsi voluerint.

*Circa Seruitorem specialem.*

**P**orrò ad Seruitorem deputatum alicui vel aliquibus decumbentibus, pertinet eius coopertoria & vestes, & huiusmodi de Dormitorio apportare, si ipse voluerit vel indiguerit: facere lectum infirmi, procurare ei vrinalia vel alia vasa, seu sellam, & huiusmodi quæ fuerint necessaria; reseruare urinam ad ostendendum, assistere eidem de die & nocte cum fuerit necesse, iuuare eum in discalceando, in surgendo, in intrando lectum, & similibus. Iacere in Infirmatorio, vigilare coram eo cum fuerit necesse, seruare eum in calore, & coram eo stare ne se discooperiat. Quærere consilium diligenter cum Infirmario de infirmitate eius à Medico, & quæ Medicus mandauerit exequi diligenter; siue in medicinalibus, siue in cibis, siue in alijs quibuscunque. Habere etiam curam specialem de eis quæ paranda sunt in coquina pro eo quotidie hora debita, & in hoc faciendo iuuare, vel totum facere si fuerit necesse; & de aptando mensam circa eum commodè, & omnibus ad mensam pertinentibus ministrandis, & recolligendis, & reponendis in locis suis, & de calefaciendo aquam vel vinum & brodium & similia. Vestes etiam eius & coopertoria & alia lauanda lauare, & purgare locum vbi iacet. Procurare etiam omnia quæ sunt in casu necessaria, vel causa balnei, vel minutionis, vel lotionis pedum, vel capitis, vel cocturæ alicuius, & similitum, (dummodò in aliquod periculum mortis non  
sint

sunt, vel grauis mutilationis) & his assistere, & iuuare, vel totum facere, cum potest, commodè & honestè. Panem verò & vinum & huiusmodi communia debet accipere à communi seruitore, alia verò quæ non habentur communiter, quæ tamen sunt necessaria, interdum, debet querere ab Infirmario. Ipsius etiam interest provide-  
re de lumine, & libris pro Officio dicendo, cum eo vel coram eo, cum ipse non potest: in quo etiam non est omittendum quin dicatur coram eo Officium Missæ, cum ad Missam ire non potest. Cum verò potest, sed debilis est, eum iuuare debet, euindo & redeundo. Debet etiam aliquem librum consolatorium & ædificatorium habere in promptu, in quo aliquid legatur coram eo interdum ad eius consolationem. Sit tam per se, quam per alios fratres ad hoc idoneos, quos interdum debet ad hoc inducere, intendere consolationi, & ædificationi eiusdem. Si quid verò petierit, vel facere voluerit, quod suæ contrarium sanitati sit, cautè debet eum admonere. Si autem non sit contrarium, debet ei obtemperare, cum commodè fieri potest: excogitare quòd ei prodesse possit, siue quò ad corpus, siue ad animam, debet totum siue per se, siue per alios facere, vel procurare diligenter.

### *Circa Sacramenta suscipienda.*

**P**orro circa Confessionem & Vnctionem & Communionem petendam, si fuerit negligens, debet eum cautè sollicitare: & cum hæc facienda fuerint, significare illis ad quos pertinet, & necessaria ex parte infirmi sollicitè procurare; & ingrauescente infirmitate reducere ad memoriam Priori in Capitulo, vt faciat orare pro eo, si Infirmarius hoc non fecerit. Cum verò morti appropinquauerit, debet facere signum cum tabula, ad conuocandos fratres ad commendationem faciendam: cines & locū præparare cum super eis fuerit deponendus; & pertinentia ad hoc & similia circa statum illum dirigere. & fa-

& facere, socijs ad hoc cū indiguerit aduocatis, vel à Prælato petitis. Cū verò mortuus fuerit, debet habere curam de aqua calefacienda pro ablutione corporis eius, & inuoluendo, & coopertorio ad hoc deputato apponendo: ipso verò sepulto, feretrum, & coopertorium reportare ad sua loca. Deinde vestes eius, & coopertoria, in quibus iacuit (si apportata fuerint de Dormitorio) debet tradere Vestiario: vt ipsis lotis, & mundatis per eum diligenter. De illis postea fiat, quod fuerit faciendum. Si verò coopertoria prædicta erant de Infirmatorio, ipsa & capitergia, & huiusmodi, quæ cum eo fuerint, debet tradere Infirmario; vt illa faciat diligenter mundari, & aptari antequam in vsus Fratrum iterum assumantur: sotulares verò, & bottas, & consimilia debet reddere in sutoria. Debet quoque Infirmario reducere ad memoriam, quòd habeat curam, quòd in primo sequenti Capitulo recommendetur anima defuncti Fratris: & quòd citò determinetur per alios Conuentus, & ipsius in hoc supplere negligentiam, si fortè ipse negligens extiterit. Si verò aliquem extraneum in Domo aliquo casu contigerit ægrotare, ad infirmarium pertinet, vt secundum voluntatem Prælati ordinet ubi ponatur, & qualiter, & per quos seruiatur eidem tam charitatiuè, & sollicitè secundum exigentiam personæ, quòd in hoc nunquam negligentia committatur.

## Cap. XXVIII. De Officio Receptoris Hospitum.

**A**D receptionem hospitum talis Frater Clericus, vel Laicus est ponendus, qui industrius in agendis, hilaris vultu, verbis affabilis, charitatiuus in necessitatibus, promptus in omni obsequio, disciplinatus in moribus, in expendendo mediocris: in honestis solarijs carens, non tardus in labore, competenter potens, edificatius in verbo, & qui sciat moribus aliorum, & di-

uersitatibus varijs prudenter, & religiosè se conformare, & gratum cunctis seruitium exhibere.

*Circa curam, quam debet habere.*

**A**D huiusmodi officium pertinet habere curam de Domo, vel de domibus hospitem (si sunt plures) custodiendis, claudendis, aperiendis tempore suo, mundandis, & honestè, & commodè aptandis, in formis, in sedibus, in mensis, & huiusmodi: & quòd habeatur lauatorium pro manibus intus, vel extrà in vicino, & receptacula aquarum, quæ effunduntur, vt Domus non madescat. Et mensæ, & sedes, siue sedilia sufficientia, & quòd habeatur ibidem aliqua domuncula pro procuratione, & arcæ, vel armaria, seu fenestræ, & perticæ, & huiusmodi, ad repositionem, & conseruationem rerum, quas ibidem oportet seruari interdum. Et quòd habeantur ibidem scyphi, & vasa propria, & cochlearia, & vascula pro sale, & huiusmodi vasa seu vtenilia prout necessè fuerit, siue ad pedum lotionem, siue ad alios vsus; quæ debet mundare frequenter, & diligenter, & in locis debitis custodire. Debet etiam curam habere de lectis eorum parandis honestè, & mundè ubique fuerint, & habere aliquas caligas, & tunicas, & caputia munda, & bottas sub aliqua claue, quas possit indigentibus tradere, pro tempore, ad mutandum sua. Pandulas etiam pro necessitatibus hospitem, siue in Domo, siue in via cum recedunt; campanulam etiam aliquam cum qua fiat signum cum fuerit communis hora comedendi pro hospitem, nisi sit consuetudo in illo Conuentu, quòd fiat cum cymbali ictibus. Porro panem à Refectorio recipiat, vinum verò à Cellario, quale per Procuratorem fuerit ordinatum. Quæ verò pertinent ad sotulares, vel vestes, à vestiario si modica fuerint, vel à Prælato si fuerint magna, quærere debet, & accipere. Ea verò quæ ad cibum pertinent, vel alia quæcunque, debet ministrare Procurator, & pro eis est recurrendum ad eum.



*Circa Fratres Hospites.*

**C**VM igitur intellexerit Frater hospitarius aduentum Fratrum aliquorum, qui non sunt de Conuentu, vel etiam de Conuentu, qui diu steterunt extra Domum, statim ad eos debet festinare, & occurrere lato vultu: & si non sunt auctoritatis magnæ, debet dare osculum pacis; si verò sunt grandis auctoritatis, non debet se ingerere ad osculum pacis, nisi primò inuitetur ab eis. Deinde ducere eos ad benedictionem, si non receperunt, & quærere Sacerdotem, si ipse non est Sacerdos, qui eam faciat: & ipsa recepta acceptis baculis, & libris, & alijs si quæ gerunt, quæ sunt ab eo custodienda, ducere eos ad hospitium, & significare Prælati aduentum eorum. Si verò fuerit Magister Ordinis, vel alius recipiendus à Conuentu, sua interest pulsare campanam Capituli, ad congregandos Fratres hora competenti ad benedictionem, & ipsa recepta iterum pulsare ad Capitulum cum debuerit intrare Capitulum primò super hoc eius inquisita voluntate. Cum ergo resederint in hospitio, si tali venerint hora, quòd iam comederint, debent inuitari ad potum: deinde ad requiescendum in lectis, si voluerint, & hora hoc requisierit; & de loco camerarum edoceri. Et si non est dies, in quo eos oporteat ieiunare, inquit de qualitate refectiois, quam illa die habuerint, debet hoc significare Procuratori: vt secundum exigentiam necessitatis, debito modo paretur quod poterit haberi. Si verò nondum comederint, nec audierint Missam, debet de Missa audienda, vel celebranda cum ipsi voluerint, & de ministris habendis prouidere. Si verò fuerint fatigati, & quiescere voluerint, fiat hoc si voluerint ante Missam, vel post: & interim sollicitare Procuratorem de prouidendo, quæ fuerint necessaria ad refectioem; & ipse sollicitè adiunget in præparando, & ordinet, si necessè fuerit per Prælatum, quòd aliquis, vel aliqui interim sint cum hospilibus, qui eos associant, & di.

& dirigant si aliqua voluerint. Cùm ergo fuerint omnia præparata, si fuerit hora consueta comedendi pro hospitibus, faciendum est signum prædictum, aliter non. Quòd etiam obseruandum est omni tempore circa hospitum comestionem; & deinde ablutis manibus, & dicta benedictione, & collocatis Fratribus ab eodem, secundùm statum eorum, prosequenda sunt cætera quæ ad mensam pertinent. Porrò in parandis, & seruiendo, & remouendis mensis, & colligendis reliquijs, & reponendis, tam illis quàm scyphis, & alijs huiusmodi, obseruanda sunt ea, quæ supra dicta sunt circa Refectorium, & seruitores primæ mensæ, & secundæ, & seruitores infirmorum, prout & quantùm competere possunt in hospitio. Habendus est etiã aliquis liber in hospitio ædificatorius in pròptu, in quo dū comeditur legi possit interdū aliquid ab aliquo, si visum fuerit expedire. Ablutis verò manibus post refectiorem offerendus non est potus, nisi aliqui petierint vel indiguerint, & sit in patria talis vsus. Ordinandum verò est Prælati, quòd cùm comedunt hospites hora comestionis Conuentus, nec sunt expediti finita prima mensa Conuentus; quòd aliquis vel aliqui de Fratribus, qui comederunt, veniant ad hospitium, & suppleant vices receptoris hospitum: vt ipse comedere possit in secunda mensa, & facta comestione redire debet ad videndum, si sunt omnia benè facta, & supplendum, quòd factum fuerit minus. De lotionem pedum, & ministratiōem potus in pandio, & cœna tempestiue fiendis, debet prouidere hora tali, quòd eorum occasione non protrahantur vigilie post signum dormitionis, nisi fortè propter tardum aduentum hospitum, si obseruari non possit: in quo casu si fieri non possunt omnia consueta, fiat quòd secundùm horam fieri poterit bono modo; siue in procuratiōe eorum, siue in alijs. Cùm autem ad lectos ducuntur, prouidendum est eis de vrinalibus, vel alijs vasis idoneis ad vrinam, & edocendi sunt de loco camerarum si vsque tunc nesciunt: & ostendendæ sunt eis tunicæ, & caligæ, & caputia ad mu-

tandum, si aliquo indigent; & si nox fuerit dandæ sunt eis aliqua candelæ, cum quibus vadant ad cameras, vel alibi, & cum quibus dicant Officium. Si verò vestes eorum indigent lotionem, cum eorum licentia debet procurare quod lauentur. Si verò habeant magnam indigentiam in sotularibus, vel aliqua veste, vel fecerint aliquas rationabiles expensas in via nondum solutas, ut de naulo, & huiusmodi; debet hoc ostendere Priori, ut antequam petant, cum eius licentia illud quo indigent offeratur eisdem. Quotò autem sunt magis extranei, vel de nationibus remotioribus, vel de maiori labore veniunt, vel sunt maioris authoritatis ratione status seculi, vel ratione maioris status in Ordine, vel si sunt Novitij; tantò in omnibus sunt magis charitatiuè tractandi. Quòd si fuerint consueti vagationi & discursui, vel de modica religiositate notati, tantò disciplina religionis, & austeritatis circa eos magis est obseruanda, & exclusitò de hospitio mittendæ sunt ad Conuentum, & ad Capitulum suo tempore vocandi. Qui ergo digni sunt secundum ordinem prædictum officio charitatis, cum recedere voluerint inuitandi sunt ad manendum & morandum securè, & ad hoc quodammodò sunt cogendi. Ad benedictionem verò vocandi sunt ab ipso aliqui de Fratribus antiquis, & præcipuè Prælati, & cum osculo, & recommendatione sui, & orationibus eorum, & aliorum Fratrum, sunt per eos licentiandi: & usque ad portam, vel plùs secundum quòd Prælato visum fuerit per aliquos conducendi. Porro in communibus & quotidianis seruitijs receptor hospitem debet esse sollicitus, tempestiuè parare omnia diligenter, & conferre cum Procuratore, ut prouideat de necessarijs, secundum multitudinem & condiciones hospitem: & seruientes in coquina pro hospitem sollicitè iuuare, cum necesse fuerit diligenter. Et si aliqua dicantur in Capitulo, quæ pertinent ad hospitem, debet ipsis referre, si in Capitulo non fuerint. Quòd si aliqui in hospitio nimis morari

voluerint, vel nimis citò recedere, debet Prælato suggerere, quòd viderit expedire: similiter de eis ad Capitulum conuocandis, vel Chorum interdum cum circa hæc acidiosi videntur. Cum verò Fratres Minores apud nos contigerit comedere, vel hospitari de nocte; in omnibus deuotiùs, & hilariùs debet eis assistere, & ministrare quàm Fratribus nostris.

*Circa hospites extraneos.*

**C**Um aliquos alios extraneos, siue Religiosos, siue Sæculares hospitari contigerit apud nos, pertinet ad eum habere curam diligentem, secundum consuetudinem Domus, vel ordinationem Prælati, vbi & quid comedant, vbi iaceant: et conducere eos per officinas, cum illas voluerint visitare, ducere ad Refectorium, lotis prius manibus cum ibi debent comedere, et in locis debitis collocare; et finita mensa cum eis remanere, et ducere eos ad Ecclesiam ad gratias, vel ducere extrà, et dicere cum eis Officium si fuerint magnæ personæ. Et postea ad loca debita ducere, reddere etiam cautos seruitores mensæ, quòd eis diligenter seruiatur secundum statum eorum. Si autem Capitulum, vel Chorum, vel Ecclesiam ad Officium intrare debuerint, debet eos in locis debitis collocare, secundum statum eorum: & cum exire debuerint, eos iterum ad debitum locum ducere. Licet autem omnes sic tractare debeat, quòd consolati, & ædificati recedant, tamen secundum exigentiam status eorum, & familiaritatem maiorem, vel necessitatem, plus, vel minus est cum eis aliquid faciendum. Vtrum autem cum Fratribus in hospitio comedere debeant vel alibi, & vtrum illi soli, vel aliqui Fratres cum eis; ad Prælati discretionem pertinet ordinare. Si autem fuerint adeò familiares, quòd quasi Fratres habeantur, non oportet omnem sollicitudinem supradictam circa eos habere.



## Cap. XXIX. De Offic. Coquinarij.

**C**oquinarius dicitur Frater, qui habet curam de coquina, & de pertinentibus ad coquinam. Ad quod debet assignari Frater laicus, qui habeat industriam in parandis eis, quæ ad cibos pertinent, competenter honestè, & mundè. Qui etiam sit discretus in dispensando, & prudens in providendo & custodiendo, & in occupationibus non turbulentus, patiens, & pacificus cum omnibus, qui secum habent aliquid agere, & non impotens ad officij sui labores. Ad officium ergo huiusmodi pertinet habere curam quantum potest circa domum, coquinæ, quod sit benè apta, & extraneis non peruia: & quod munda seruetur, & suo tempore claudatur. Item quod habeantur ibidem scutellæ, & vasa huiusmodi utensilia necessaria, & sufficientia: & quod diligenter custodiantur, & frequenter mudentur. Item quod provideatur per Procuratorem tempore debito, quod habeantur ibidem in promptu semper ligna, sal, oleum, allia, capæ, & huiusmodi, quæ quotidie, vel frequenter sunt necessaria: & in loco debito illa custodiantur diligenter, & moderatè consumantur, vel expendantur. Item quod habeantur sub eius custodia legumina, quæ solent comedi, in competenti quantitate. Item interest ipsius, quod legumina, vel herbas de horto secundum dies, in quibus illa solent comedi, vel alia pulmenta, faciat tempestivè, & diligenter mundari, & parari. Apponenda est etiam magna cura, quod pulmenta bona semper habeantur in Conuentu.

*Circa Conuentum, & Hospites, &  
alios extraneos.*

**S**cire etiam debet à Procuratore tempestivè quid præter pulmenta debeat præparare: & utrùm vnum pulmentum, vel plura; & habere diligentiam magnam, quod

Fratribus nunquam dentur oua putrida, vel pisces, vel alia, vel minùs cocta. Cùm autem appropinquauerit hora comedendi, nunquam debet dicere, quòd pulsetur cymbalum, quousque omnia, siue pìctantiæ, siue salsæ, siue alia sint ita plenè, vel ferè parata; quòd ministrando omnia continuè nullam moram oporteat facere. Ipsius etiã est facere scutellas, & diuidere, & dispensare pìctantias, & alia huiusmodi bona fide, & omnia ad fenestram ministrare seruatoribus; nisi fortè Procurator aliquando hoc sibi assumere vellit; vel ipsemet aliqua de istis committere vellit pueris, vel alijs qui tunc seruiunt in coquina. Si autem Prælatus ordinauerit, quòd alicui, vel aliquibus paretur aliquid aliud, quàm communiter paratur propter aliquam infirmitatem, vel causam, vel ad tempus, vel semper: debet prouidere, quòd circa hoc non fiat defectus. Similiter debet habere diligentiam debitam circa ea, quæ parantur pro hospitibus, siue operarijs, siue alijs quibuscunque, quòd omnia fiant tempestiuè, & ordinatè, & benè: & quòd omnia quæ de mensis remanent, referuentur, siue ad eleemosynam, siue ad alios vsus, prout eorum qualitas requirit.

### *Circa adiutores.*

**C**irca familiam, quæcunque fuerit in coquina, debet habere curam, vt indoctos charitatiuè instruat in agendis, minùs disciplinatos, vel morigeratos, prout poterit bono modo ad honestatem inducat, & corrigenda circa eos, eorum indicet Correctori: & caueat ne res Domus distrahant, vel prodigè pro se, vel pro alijs expendant. Summè verò cauere debet, vt nunquam eos percutiat, vel conuicijs, aut maledictionibus, vel huiusmodi verbis inordinatis conturbet: vel aliquid faciat, vel dicat coram eis, vnde possint habere occasionem detrahendi Ordini post recessum. Debet etiam prouidere eis de cibo, & potu, & de numero, & horis comestionis, eorum

eorum ordinare, & distribuere eisdem, quid in piscantijs, vel alijs fuerit diuidendum: & carnes, quæ infirmis remanent, eis interdum dare, & diuidere; si Prælato visum fuerit expedire. Debet etiam cautè providere, vt cum eis, vel seruatoribus hospitum, vel infirmorum, vel alijs accedentibus nunquam litiget, vel clamose contendat: sed in spiritu patientiæ, & mansuetudine omnibus satisfaciatur prout potest. Cauendum etiam ei diligenter, ne vnquam extranei intrent coquinam, nisi fortè aliqui coqui magnatum, cum apud nos comedunt, & Conuentum procurant: & tunc valdè cauendum est, ne videant aliquid in coquina, quod eos possit offendere; in quo casu cauendum est etiam ne cibi infirmorum cum carnibus vnquam parentur in communi coquina Conuentus, sed alibi. Vt autem omnia fiant diligenter, debet se extrahere ab alijs occupationibus, & manè breuem Miffam audire, & suscitare seruientes in coquina, cum nimis dormiunt; & non solum dicendo, sed manum apponendo dare operam ad omnia peragenda. Cum autem comedere habet in secunda mensa, debet ordinare, quod aliquis de seruientibus in coquina interim suppleat vices suas, & dicere quid sit ei faciendum.

*Circa Infirmos.*

**V**t autem in magnis Conuentibus coquina infirmorum separata est à coquina Conuentus, debet ibidem esse proprius coquinarius: qui secundum modum notatum omnia peragat, quæ ad coquinam infirmorum poterunt pertinere. Cuius est etiam habere curam, quod plumæ, vel animalium pelles, si quæ superfluerint, ad vsus aliquos reseruentur. Si verò coquina infirmorum non est alia à communi Conuentus, sed in communi præparatur pro eis: debet ibidem esse proprius seruientis pro infirmis, si communes seruitores non sufficiant; qui diligenter ibidem præparet, quæ pro eis fuerint præ-

paranda, sequeſtratim ab alijs, & diſtinctè. Si vero contingat, quòd nullus Frater ponatur in coquina pro coquinario, ſed ſamulus aliquis ſæcularis: debet Procurator ſupplere, quæ prædicta ſunt de coquinario per ſe, vel per aliquem de ſamulis ad hoc aptiorem.

## Cap. XXX. De Officio Custodis Cellarij.

**C** Vſos Cellarij dicitur Frater, qui habet cuſtodiam vini, & omnium quæ ad potum pertinent. Ad quòd officium ponendus eſt Frater aliquis, qui ſciat de his quæ pertinent ad cuſtodiam vini. Et ſi nescit, inquirere debet ab alijs, qui dicuntur ſcire de arte huiusmodi, & exequi, quæ ad hoc pertinent, ne vinum aliquo modo, per eius negligentiam deſtruatur. Porro ad hoc officium debet habere cellarium ſecundùm modum terræ in bono loco, & benè aptatum: habens vnum oſtium ex parte exteriori ad inducendum vinum, & aliud ex parte interiori, ad intrandum illuc ſecretò cùm fuerit neceſſè. Debet autem ſi fieri poteſt, ſic eſſe diſpoſitum; quòd habeat fenestras ad Aquilonem. Cauendum etiam eſt, ne vnquàm illuc intrent extranei, niſi valdè familiares Fratrum ſint. Et ideo expedit aliquam domunculam, vel appendicium fieri ante cellarium extra, in quo reponatur vinum à ſæcularibus, poſteà introducendum per Fratres, vel familiam, vel alios magis familiares; ſive per canales, ſive alio modo. Pertinet etiam ad iſtum officialem appropinquantibus vindemijs, habere curam de dolijs diligenter parandis, & habere utenſilia in loco debito, vel instrumenta, & ſimilia ad ſuccurrendum, cùm timetur de vini effuſione; vel ad reparationem aliquam faciendam, vel alios uſus. Debet etiam cùm candela frequenter die, & nocte circuire per dolia, ad videndum ne aliquod periculum imminet de effuſione. Cùm autem dolia euacuata fuerint, debet ea diligenter mündare, & reponere in loco apto cuſtodix eorum, ne putreſcant, vel deteriorentur. Ipſius quoque



interest frequenter tentare vina, ne corrumpantur, & transferre de vase in vas, & miscere adinuicem cum fuerit faciendum: & scire, quæ melius seruari possint secundum ordinationem Procuratoris, vel Prælati, habita cum eis collatione; primò ministrare, quæ ipsi primò dixerint ministranda, & secundum ordinationem eorum scire, quòd vinum Conuentui, quòd hospitibus, quòd infirmis, quòd familiæ, quòd operarijs, quòd aduenientibus diuersis dare debeat; & utrùm temperatum, & qualiter, vel purum; & utrùm in mensura, & quòd ipsi ordinauerint, exequatur diligenter. Post comestionem verò debet per omnes officinas, in quibus fuerit vinum, discurrere, & recolligere si quid superfuerit in loco quocunque: & ponere in certo loco, vt detur postmodum, quibus secundum ordinationem Prioris, vel Procuratoris visum fuerit expedire. Solet autem ad custodiam huiusmodi reliquiarum, vel deputationem vini haberi dolium, in quo omnes huiusmodi reliquæ reponantur, vt melius conseruentur. Debet etiam providere, quòd horis debitis inueniatur circa cellarium, cum vinum fuerit ministrandum: nec debet tradere nisi illis solis, ad quos pertinet ex officio accipere; & nec illis det in alijs horis, vbi extra mensuram taxatam, nisi de licentia speciali. Cum autem aliquid de vino contingit corrumpi grauitè, nunquam postmodum dandum est Fratribus, nec miscendum cum alio bono vino bono: sed secundum voluntatem Prælati fiat de eo, quod ipse dixerit faciendum. Cum autem tempus fuerit procurandi, vel emendi vinum, vbi emitur, vel ex toto, vel ex parte; debet hoc ita tempestiue Prælato & Procuratori ad memoriam reducere, quòd valeant in tempore congruo providere. In claudendis verò fenestris, & aperiendis, siue de nocte, siue in calore, siue in frigore, siue in temperie, siue in inquieto tempore, siue in vento australi, siue aquilonari; & claudendo cellarium, & custodiendo clauem diligenter, tantam debet habere curam; ne omisso-

ne aliqua contingat lædi vinum, vel in aliquo deperire. Porro vbi non est vsus vini sed ceruisæ, vel alterius potus; sic facere debet circa illud genus potus, omnia supradicta, quæ competunt circa illud: & alia quæ requirit conditio potus illius, sicut fuerit faciendum.

## Cap. XXXI. De Officio Vestiarij.

**V**Estiarius dicitur non Frater, qui facit vestes, sed qui est constitutus tam super eos, qui faciunt vestes, quam super illos, qui faciunt sotulares.

### *Circa res habendas.*

**A**D officium eius pertinet habere curam de omnibus, quæ pertinent ad indumenta, & calceamenta, & annexa his: vt sunt cappæ, caputia, tunicæ, pellicea, & capelli, cinguli, cinctoria, vaginæ cultellorum, sotulares, concisæ sotularium, bottæ, brachia siue cordæ, & ligaturæ, ad caligas, & vinctum ad sotulares, caligæ, focci, & similia. Item lecti, & coopertoria pro lectis, & cussini, & cernicalia, stramina, paleæ, fiscores, & culcitæ, & capitergia pro infirmis, lintheamina pro balneis, item foreli, & camisæ pro libris. Item, panni pro lotione pedum, & caputem; & pro rasura, pectines, & rasoria, & bindelli pro minatione, & forcipes ad vngues scindendos, & si quæ sunt alia. Ad horum autem conseruationem, & repositionem debet habere domum aliquam idoneam, & in loco apto præter illam, vel illas, in quibus operantur sutor, & sartor; qui debent habere duas, vel vnâ in duas distinctam, in quibus ipsi famuli sæculares, si qui fuerint necessarij, operari debent; & omnes sub cura vestiarij & eius obedientia debent esse. Interest etiam ipsius curam habere de omnibus prædictis procurandis, reparandis, reficiendis, ministrandis, recolligendis, & conseruandis: & expensis pro huiusmodi factis computandis, quas recipere debet, vel à Procuratore, vel aliundè, vel ipsemet, vel ab alijs quæ-

quærere secundum ordinationem Prælati, & consuetudinem Domus. Cum autem hyemale tempus appropinquauerit, debet apponere curam, quòd id quod dandum est Fratribus pro vestibus, sic tempestiuè procuretur, quòd antequam frigore Fratres lædantur, omnia habeantur. In distributione verò interest ipsius videre, quid quisque habeat, vt melius sciatur indigentia cuiuscunque. Debet autem scire à Prælato, quæ liceat eum dare sine licentia ipsius, & quæ non; & quod iusserit obseruare. Cum autem Frater aliquid petierit de prædictis, & indiguerit, debet ei charitatiuè sine difficultate ministrare, si potest sine licentia, vel licentiam procurare. Si autem non indiguerit, debet eum charitatiuè monere, vt supersedeat à superfluitate quam petit. Quòd si noluerit, debet hoc ipsum indicare Prælato, & facere quòd iusserit faciendum. Nihilominus debet inspicere Fratrum necessitates, vel intelligere, cum ab alijs ei significantur. Et licet Frater indigens nihil petat, debet ei tantò magis sollicitè prouidere, quantò humilitas sua dignior est fauore. Cum autem nouum aliquid datur Fratri, debet vetus reddere, nisi de licentia (si indiguerit illo) eum retinere contingat. Cum autem emendauerint aliqua de prædictis, siue de bonis Conuentus, siue ex pecunia specialiter ad hoc alicui data, debent omnia emi per manus eius. Nunquam autem sine licentia eius debet aliquis sibi facere scindi vestem, vel huiusmodi, aut in Domo, aut extra; nisi fortè in itinere constitutus. Eius etiam est recipere, siue pannos, siue vestes, siue denarios, qui dantur pro huiusmodi, vel Conuentui, vel etiam Fratri cuicunque, & custodire: & facere quod de his fuerit faciendum. Ad ipsam quoque pertinet Nouitiorum vestes præparare cum fuerint induendi, & in Capitulum portare, & vestes eorum sæculares seruare; nec sine eorum voluntate aliquid facere de eisdem. Debet etiam prouidere receptori hospitum de vestibus pro hospitibus ad mutandum, & familiæ de competentibus

vestibus, & calceamentis, secundum ordinationem Prælati, cum Domus ipsis ad ista tenetur: Et aduertere ne vestes deferant lasciuas, seu minus honestas. Seruitoribus etiam infirmorum, & hospitum ministrare debet illa, quibus indigent pro illis, quibus seruiunt, siue pro lectis, siue pro alijs quibuscunq; ad suum officium pertinentibus. Cum autem in Dormitorio sit aliquis lectus de nono, vel aliquis est, qui non habet necessaria, ipsius est in huiusmodi, siue ibi, siue alibi prouidere in tota Domo quæcunque necesse fuerint. Tempore verò Capituli superuenientis multitudinis Fratrum, cum non sufficiunt lecti, aut supellectilia Domus, ipsius est procurare de foris, quòd deest: & signare cuius sit vnumquodque, & habere curam de reddendo tempore suo; prouiso, quòd si aliquid deturpatum fuerit, vel in aliquo læsum, prius reparetur, & mundetur. Item ad ipsum pertinet habere aliqua grossa scapularia pro Conuersis, quæ eis tradat quando seruiunt in coquina, vel cæmento, vel huiusmodi operibus, quæ solent vestes deturpare. Similiter pro Fratribus, vel famulis, qui seruiunt in coquina, vel pro Fratribus qui raduntur, & illis qui radunt; aliquas camisas, quibus tunc vtantur desuper ad munditiam conseruandam. Porro cum lotij communis vestium fuerit facienda, debet de omnibus ad hoc pertinentibus, siue lixiuio, siue ministris, & similibus curam habere, & hoc in Capitulo prædicere; vt circa hora, & certo tempore deferant Fratres, quæ fuerint lauanda, & cum signis apposis vestibus, traddere singula ipso præsentem. De quibus custodiendis, & reddendis singulis, quæ ad curam ipsius pertinent, & idem in vnctione communi sotularium obseruetur, Cum autem aliqua viderit circa lectos, vel alibi, siue coopertoria, siue alia ad suum officium pertinentia otiosa, vel derelicta, debet ipsa recolligere sollicitè: & bottas, & pellicia omnia, tempore certo ad vestiariam deferre, & dare operam circa omnia, quæ sunt in vestiaria sic custodienda, & excutien-



tutenda, vel ad solem, vel ad aerem pro tempore exponenda; ut à tineis, à vel muribus, vel aliàs non la-  
dantur. Cùm autem Frater indiget aliqua reparatione  
vestis, ut cùm manicis alijs indiget, vel soleis, & simi-  
libus; super his debet providere, quòd fiant. Cùm  
autem indiget aliquibus sutoribus ad huiusmodi opera  
peragenda, nunquam debet eos introducere ad loca  
Fratrum secreta, nisi sint valdè honesti, & familiares:  
sed in loco à secretis Fratrum remoto, in Domo alicubi  
sunt ponendi; vel in villa ad eos, vel ad domos pro-  
prias interdùm huiusmodi opera sunt mittenda, dum-  
modò sint talia, quæ possint à sæcularibus sine scanda-  
lo videri. Quod si sæculares Domum frequentant, de-  
bet cautos reddere Fratres, ne quid per manus temerarias  
perire cõtingat. Quod si Frater aliquis circa custodiã hu-  
iusmodi negligens fuerit, vel vestes suas malè tractave-  
rit, vel in aliquo circa ea, quæ ad suum officium perti-  
nent offenderit, pertinet ad ipsum illum in Capitulo pro-  
clamare, & suggerere Prælato de admonitionibus, quas  
viderit faciendas, circa ea quæ ad suum officium perti-  
nent quoquo modo. Cùm autem perpenderit, quòd ali-  
qui Fratres aliquas superfluitates habeant in vestibus, &  
coopertorijs, & huiusmodi, debet instare apud Præla-  
tum, quòd iniungat in Capitulo: quòd quicumque ha-  
bet aliquod extra numerum taxatum à Constitutionibus,  
vel alijs superflua, sic vel sic, reddat infra certum  
tempus vestiario. Tempore verò scrutinij cùm inveni-  
tur aliquid superfluum de his quæ ad ipsum pertinent,  
debèt omnia talia sibi tradi. Si verò aliquis Frater aliun-  
dè asportauerit aliquam vestem, vel nimis longam, vel  
in aliquo notabilem, seu etiam sotulares; pertinet ad  
ipsum huiusmodi vestem corrigere, vel Prælato sugge-  
rere, quòd auferatur ei; si secundùm ordinem tolerari  
non debet. Vbi autem pro vestibus faciunt fieri Fratres  
pannos de lana, vel empta, vel aliàs data, debet sic hoc  
fieri, cautè, quòd apud extraneos indè facillè non possit  
murmur exoriri.

## Cap. XXXII. De Officio Sartoris.

**S**artor dicitur Frater Conuersus, qui scit artem scindendi, & suendi in pannis, & in pellibus, & cognoscendi pannos: & si quid minùs plenè scit in istis debet addiscere diligenter.

### *Circa res habendas.*

**A**D huius officium pertinet habere secretam aliquam domum benè fenestratā ad habendū multū de lumine, in qua sit aliquod incisorium, scilicet locus aliquis de asseribus complanatis collocatus in alto, & aptus ad scidendum: insuper perticæ, & arcæ, & armaria, & huiusmodi ad repositionem, & custodiam rerum, quæ apud eum ponuntur. Ad istum etiam pertinet habere forcipes, acus, fila, & similia ad artem suam necessaria, in locis certis pro se, & suis adiutoribus abundanter, secundum quòd requirit multitudo eorum, quos oportet interdum ad suum adiutorium conuocari. Non debent autem aliqui famuli recipi ad manendum in domo continuè sine licentia Prælati, nec ad horam etiam sine licentia Vestiarij. Debet autem illis, qui debent in domo comedere secundum ordinationem Procuratoris, & quid, & quando, & vbi comedant prouidere, & de lectis si iacent in domo, secundum ordinationem Vestiarij, super hoc cum Prælato collationem habere. Si vero pro pretio stant cum Fratribus, pertinet ad Vestiarium soluere, & ipsius est, ad hoc eum instigare. Si verò aduerterit in eorum aliquo, aliquid propter quod non expediat, vel deceat, eum in domo commorari, vtpotè quia destruit bona Domus, vel est malæ vitæ in aliquo, vel similia; debet Vestiario sine mora, vel Prælato significare. Debet autem tam honestè coram eis se habere, quandiu sunt apud nos, & eos in his, quæ ad salutem pertinent dirigere, & instruere; quòd non se ingerant inter Fratres, vel in loca vbi non debent, & similiter quòd ipsi ex conuersa-

uerfatione inter Fratres, meliores fiant, & Fratres ab eorum focietate non moleftentur in aliquo, vel perturbentur.

*Circa actus eius.*

**P**Orro in operando fic debet eſſe ſollicitus, quòd non ſolùm de die, verùm etiam de nocte, tempore, quo Fratres vigilare ſolent, operetur ad lumen, orationibus pro Matutinis breuiter, conſummatis. Similiter in æſtate, dum Fratres dormiunt in meridie, ſi poteſt commodè ſuſtinere, & licentiam obtinere, quæ de facili dari debet, & in hoc indulgeri, vt poſſit à Matutinis remanere, & dormire tunc: vt poſſit huiusmodi vigiliam de die melius ſuſtinere. Propter opus etiam poteſt ab horis omnibus, præterquàm à Completario remanere, & ſufficit vnicam Miſſam priuatam breuiter, & expeditè audire. Sic autem debet ſubiacere Veſtiario, quòd in omnibus præferat ea, quæ ipſe diſceſſit; nec ſine eius licentia debet aliquid dare Fratribus, licet etiam modicum; vt capellum, vel focos, & huiusmodi; nec magnum quid pro eis facere, vt eſt ſcindere tunicam, ponere nouas manicæ, & ſimilia. Modica tamen, vt eſt ſuere aliquid in tunica, vel apponere modicam petiam in veſte, & huiusmodi, debet facere ſine licentia ſpeciali. In ſcindendis verò veſtibus Fratrum, debet diligenter curare, quòd religioſè, et non ſæculariter fiant, vel cum aliqua laſciuiâ parentur, ſed vniformiter: et ideò debet habere formas aliquas, vel exemplaria de pergameno, vel ſigno pro capitijs, pro capellis, pro manicis, et ſimilibus; vt vniformiter, et modo religioſo ad illa exemplaria faciat vniuerſa, et fiant in competentî meſura. Cùm autem aliquis pannus ei apportatur à quocumque etiam Veſtiario, et videtur reprehendiſibilis in pretioſitate, vel colore, vel aliàs: nunquam debet ipſum incidere quouſque Præſbitero, oſtenderit, vt ipſo examinato ab eo iubeat, quod voluerit. Cùm autem non habuerit certum opus, debet  
circa

circa illa , quæ reparanda sunt , vel paranda pro futuris temporibus sic vacare , quòd tempore necessitatis maioris illa expedita sint , et tunc possit meliùs se impendere necessitatibus instantibus .

### Cap. XXXIII. De Officio Sutoris.

**S**utor dicitur Frater Laicus , qui scit artem faciendi sotulares, et suendi in corio. Cùm autem huiusmodi officium imponitur ipsi, pertinet ad eum scire omnia circa huiusmodi materiam, quæ dicta sunt de Sartore circa pannos : et cauendum est ei diligenter ne faciat sotulares, qui in forma, vel stricтура , vel in aliqua alia nota , aliquid sapiant sæculare ; sed potiùs humilitatem , & religionem , nec sint in altitudine nimia reprehensibiles . Cùm autem habet famulos , posset in ministrando eis cibum , officium per septimanas diuidere cum sartore , ne vterque insimul occupentur in eo , quod potest per alterum fieri competenter . Cùm autem officinæ huiusmodi operariorum sunt ita extra clausuram Claustrì , quòd de nocte non possunt ire ad illas ad operandum , debent aliqua apportare ad Dormitorium , vel ad locum aliquem intra clausuram prædictam , tempore hyemali , in quibus operentur nocte , cauentes à tumultu . Cùm autem indiget sutor sartore in iuuando ad vñctionem , sartor suto- re ad lotionem vestium , & similium ; debent libenter mutuò se iuuare . Porro cùm non est aliquis in Domo Frater ad artem huiusmodi , vel earum alteram exercendam , sed famulus aliquis sæcularis ; pertinet ad Vestiariùm huiusmodi famulo comittere omnia , quæ ad officialem pertinent prædictum , , vel aliqua : & ordinare de eo , & circa eum hoc , & alia prout viderit expedire . Si verò nec Frater , nec famulus sit in Domo ad ista facienda , quòd valdè cauendum est ; prouidendum est à Vestiario , quòd sic cautè per familiares fiant , quòd ex inde non possint oriri scandala , vel Domus in bonis damnificari .



## Cap. XXXIV. De Officio Præfecti operum .

**P**Ræfectus operum dicitur Frater , qui constituitur ad exequendum circa opera illud , quod Prælatus de consilio operariorum ( si magnum quid fuerit ) vel etiam alia sine consilio ( dummodò non sint magna ) duxerit ordinandum . Debet autem ad huiusmodi officium haberi , si possit , Frater qui circa huiusmodi habeat prudentiam : qui inter operarios , & inter alios sæculares sciat honestè , & pacificè conuersari , qui etiam circa agenda gerat sollicitudinem competentem ; & qui à maiori bono propter huiusmodi occupationes non auellatur . Cum autem secundum modum prædictum instant aliqua opera faciendæ de nouo , vel complenda , vel reponenda : ipsius est cogitare , & providere de materia habenda , & Domum portanda , vt sunt ligna , lapides , regulæ , arena , calx , & similia . Si autem aliqua istorum possunt procurari per Fratrum studium , & laborem , debet super hoc sollicitare Priorem , vt fiat cum debita diligentia , tempore opportuno . Si autem oporteat ista emi , debet cum bonis viris , qui circa hoc habent experientiam conferre , qualiter bona materia , & cum meliori pretio , & quo tempore , & vbi possit haberi : & qualiter deferri , & exequi quod ipsi consuluerint faciendum . Et si statim non ponatur in operibus , cum fuerit Domum apporata , vel extra etiam quæsita , suum est providere quomodo custodiatur diligenter , ne pereat , vel deterioretur . Porro circa opera , quæ fiunt , debet attendere , ne fiat aliquid , quod curiositatem , vel superfluitatem prætendat : & ad hoc operam dare , quod fiant opera durabilia , & humilia , & paupertati , ac Religioni consona . Ad ipsum etiam pertinet conducere operarios , & sollicitare eosdè , & cum sunt in expensis Domus , de cibo , & potu ,

potu, debito providere eisdem, loco, & tempore operum: & si debent aliqui iacere in Domo, de loco, & lectis secundum ordinationem Prælati ordinare. Debet autem attendere, quod illi quos assumit, sint operarii boni, & fideles, honestæ conversationis, & famæ; & si contrarium in eis inuenerit, sunt ab eo quantocyus licentiandi cum tali cautela, quod scandalizati non recedant. Sic autem se debet habere, & dare operam, quod Fratres alij sic se habeant coram eis, & cum eis, quod non videant apud Fratres aliquid quod eis cedat in scandalum, vel offensam: sed magis apud Fratres proficiant in his, quæ pertinent ad salutem. Soluere quoque eis mercedem ita tempestivè, & fidelitè, quod occasionem non habeant contra Fratres murmurandi. Item ipsius interest notare, & videre, quæ sunt in Domo reparanda, vel melioranda, siue in tectis, siue in clausuris, siue in his, quæ ruinam minantur, & in alijs quibuscunque: & ostendere Prælato, & secundum dispositionem, & licentiam eius dare operam ad huiusmodi faciendam. Debet etiam diligenter computare quantum recipit, & vnde, & quantum, & in quibus expendit; & de hoc suo tempore reddere rationem, & procurare, quod poterit pro operibus si ei imponatur: & quod datum fuerit pro operibus specialitè, si non ad manus alias, sed ad suas secundum ordinationem Prælati deueniat, in Capitulo recitare. Si verò Frater aliquis fuerit in Domo, qui sciat in huiusmodi operari, si ponatur ad operandum, huiusmodi Officiali obedire debet; & eum adiuuare, in quibus dixerit ei, nisi fortè ipsi istud officium imponatur.

## Cap. XXXV. De Officio Hortulani.

**H**ortulanus dicitur Frater, qui habet curam videlicet de horto procurando: ad quod officium ponendus est Frater, qui habeat experientiam circa huiusmodi, vel sciat saltem habere sollicitudinem ad inquirendum

*De Officio Hortulani . Cap. XXXV. 191*  
rendum ab illis qui sciunt , & exequendum secundum  
consilium aliorum ..

### *Circa virgultum .*

**A**D huiusmodi officium pertinet dare operam ad arbores, vites, arbuta, & omnia ad virgultū pertinētia plantanda, inferenda, riganda, purganda, seu putanda: appodianda, liganda, suffodienda, & similia facienda, prout eorum, & terrę conditio requirit . Et cauendum est circa huiusmodi, ne arbores, vel arbuta, vel alia huiusmodi inutilia habeantur: sed ea, quę fructus vtilēs, & abundē secundum modum terrę producere solent, varios secundum tempus, & varietates; & præcipuē tales, qui infirmis prosint, vel saltem non sint infirmitatum faciliē generatiui . Porro providere debet ne arbores altę sint iuxta clausuram, per quas possit ascensus fieri, vel descensus . Item, quod non ponantur nimis spissę, præcipuē vbi terra sub arboribus non solum reservatur ad pratum, sed ad aliquid seminandum, quod in decenti ordine, & distantia collocentur: vt non solum ex fructibus, sed etiam recreationem faciant ex decore . Item, quod numquam sit tanta spissitudo arborum, vel lignorum, quin omnes deambulantes, vel residentes in loco quocumque possint competenter videri, Porro in plantandis arbutis debet attendere, quod sint talia, quę possint in aliquo valere: vt vimina ad ligandum, rosę ad aquam rosaceam, Altarium ornatum, & similia; & quod hęc talibus locis collocentur, quod non impediant utilitatem maiorem . Sine licentia verò Prælati non debet magnum quid nouum facere, vt arborem aliquam eradicare, vel plantare in loco, qui solet ad aliquos vsus haberi, & similia, quę possunt fieri .

### *Circa terrę nascentia .*

**P**ertinet etiam ad eum dare operam, quod habeantur præta, siue pro infirmis, siue pro hospitibus, siue pro  
Con:

Conuentu in locis opportunis, secundum dispositionem Prælati competentia, pro recreatione honesta, & munda; & quòd huiusmodi opus exigit, facere diligenter. Item apponere curam magnam, quòd habeantur in horto semper abundanter herbæ tempore competenti ad faciendum olus. Item aliqua legumina, quæ recentia Conuentui solent dari, vt fabæ, & pisa noua. Item porri, cæpæ, alia, cucurbitæ, cucumeres, pepones, & similia, prout gignere potest humus nationis illius. Item saluia, petroselinum, & huiusmodi herbæ, vel flores pro salsis, tam sollicitè cultiuentur, quòd quocumque tempore de ipsis reperiatur copia pro salsamentis faciendis, pro condimento pulmenti, pro pulueribus, pro medicinis idoneis. Item radices, vt pastinacæ, & similia: semina feniculi, & anisi, & similia, quæ in varias utilitates, & vsus cedere possunt; siue pro Conuentu, siue pro medicinis, siue certo tempore consumenda, siue in tempus longius conseruanda. Debet autem in ipso horto tales distinctiones, & vias facere, quòd omnia sint distincta, & locis debitis sic collocata; quòd non contingat ea pedibus transeuntium conculari. Vbi verò solent multi conuenire causa habendi saluiam, vel petroselinum, & huiusmodi modica, faciendus est aliquis Hortulus prope portam, vbi fieri possit, in quo sint huiusmodi: de quibus extraneis sufficiat, ne ad interiora ~~hos~~ frequenter oporteat intrare.

### *Circa utraque :*

**I**tem pertinet ad eius officium procurare diligenter bonos surculos aliundè ad inserendum bona semina, & huiusmodi præcipuè, quæ non habentur in Domo: & tempora obseruentur apta ad singula facienda. Item, vt melius terra fructificet, debet habere curam de ipsa firmanda, et riganda, si haberi valeat aqua, et de fodienda, & eligendis lapidibus, & eradicandis herbis, & arbuſtis malis: suis temporibus, singulis istis, & simi-



similibus faciendis. Scire etiam debet, quo tempore, qui fructus, quæ semina, quæ radices, & similia sunt colligenda, quæ & quomodo debeant, & valeant conseruari, & ubi, & apud quem secundum dispositionem Prælati: & dare operam, ut fiat circa hoc, quod fuerit faciendum. Si verò huiusmodi hortulanus sit Conuersus, debet proprijs manibus laborare in prædictis: & alia, quæ circa laborem diurnum dicta sunt superius de sartore, possunt ad ipsum pertinere. Si verò sit Clericus, potest idem, licet non tantum laborare, si sciat: si verò sit hortulanus aliquis extraneus sæcularis, & familiaris, pertinet ad Procuratorem ipsi præesse; & secundum supradicta ordinare de ipso. Ipsius etiam est custodire clauem horti, & claudere, & aperire tempore opportuno: & cauere ne aliqui extranei indiscretè ingredientiæ dissipent horti bona. Si verò fuerint personæ reuerendæ, nullatenus debet eos prohibere, vel molestare: dare quoque non debet aliquid de horto extraneis sine licentia generali, vel particulari.

## Cap. XXXVI. De quibusdam communibus ad Officiales multos spectantibus.

**D**Eindè circa Officiales sunt quædam notanda, quæ ad multos pertinere videntur. Debet siquidem omnis officialis dum imponitur sibi officium aliquod, si videtur sibi quòd non habeat gratiam ad illud faciendum, humiliter excusare se apud imponentem: & ostendere sine falsitate, vel fictione defectus suos circa illud officium. Quòd si non audierit illum imponens officium, debet in confidentia de bono obedientiæ suscipere deuotè, quod fuerit imperatum. Item recepto officio debet considerare cuiusmodi licentiæ generales sunt sibi necessariae ad officium exequendum, pro quibus difficile nimis est recurrere ad Prælatus assidue, & de illis cum Prælato conferre, quas debet Prælatus liberaliter ei concedere,

dere. Quòd si nolit, debet nihilominus facere, quòd potest bono modo, & pro licentijs huiusmodi recurrere ad ipsum, quamquam difficile videatur. Item cùm aliqui excedunt circa aliqua de pertinentibus ad officium suum, debet eos super his proclamare, & Prælati suggerere, quòd fiant admonitiones vtilis aliquæ circa illa, de quibuseidem videbitur expedire. Item cùm non sufficit solus peragere ea, quæ sunt officij sui, potest apud Prælatum pro auditore instare: & cum adiutoribus sibi datis ita sociabiliter, & amabiliter se habere, quòd inueniantur facilè, qui in eius adiutorium sustineant assignari. Item cùm contingit eum recedere de Domo, vel infirmitate, vel alia impotentia ab officio præpediri, debet officium suum, vel alijs committere, vel ad officiales, qui in huiusmodi habent potestatem, vel ad Prælatum recurrere: & sic diligenter aduertere, quòd ex eius absentia defectus non fiat. Item debet diligenter aduertere, si quæ scripta sunt in Constitutionibus, vel Ordinationibus Capitulorum Generalium, vel Prouincialium, vel quotidianorum, quæ ad suum pertineant officium, & alia sollicitè custodire. Cùm etiam imponitur sibi officium, cui res aliquæ sint annexæ, vt Sacristæ calices, paramenta, libri, & huiusmodi, & sic de alijs: debet cùm recipit officium suum, scire quæ, & quot recipit; & in dimissione si excreuerint, vel si aliqua non supersunt, reddere rationem. Non debet autem sine licentia generali, vel speciali aliquid dare de pertinentibus ad officium, vel intus, vel extra, nec recipere: cùm receperit etiam de licentia, debet in Capitulo beneficium collatum Fratribus ad suum officium pertinens recitare. Item expensas quas facit pro officio suo recipere debet, vel à Procuratore, vel aliundè secundum dispositionem Prælati; & de ipsis computationis tempore, vel quandocunque requisitus fuerit reddere rationem. Item cùm officiales in aliquo non consentiunt, non debet litigare, vel se perturbare; sed ad Prælatum,

vel alium recurrere, qui super his habet potestatem. Item cum habet aliquos seculares in adiutorium, vel cum eis aliquid facere causa officij; debet sic honestè, & pacificè cum eis & coram eis agere vniuersa, quòd non scandalizentur: & cum sunt de familia ad suum officium pertinente, curam gerere specialem, & in omni tempore cauere ne vnquam aliquem famulum, vel operarium etiam leuiter percutiat, vel iniurijs laceffet, charitatiuè tamen potest eum corrigere, & instruere. Cum verò vnum officium duobus committitur, debet sic providere Prælatus, quidnã ad vnumquemq; eorum pertineat: ne fortè dum vnus in alterum omnia perficienda refundit, interim aliquid ex necessariò faciendis, vel negligatur, vel plenè omittatur. Denique super omnia cauere debet, ne sit in aliquo negligens circa ea, quæ ad officium suum pertinent: & præcipuè in his, vnde turbatio, vel damnum temporale, vel spirituale Fratrum sequi, vel scandalum possit oriri. Cum autem imponitur ei officium de nouo, de quo non est conscius benè, quòd sciat illa, quæ sunt in illo officio facienda; debet à Prælato petere, vt per aliquem exercitatum in illo officio se faciat in omnibus instrui diligenter.

## Cap. XXXVII. De Officio Diffinitoris Capituli Generalis.

*Circa ea, quæ sunt agenda ante diffinitionem.*

**A**D officium Diffinitoris Capituli Generalis pertinet cum electus fuerit præsens in Capitulo, postulet à Prore Prouinciali huiusmodi laborem sibi iniungi in remissionem peccatorum: & sic ipso imponente recipiat officium humiliter veniam faciendo, & hoc si oportuerit eum ire in regionem longinquam. Bonum est etiam quòd super huiusmodi officium pro se & pro socio sibi assignato testimoniales recipiat litteras à Priore Prouinciali,

ciali, & Diffinitoribus, vel aliquibus alijs Prioribus de Capitulo: quas non negligat propter multas difficultates, quæ ex defectu litterarum huiusmodi possent oriri. In ipso Capitulo, in quo eligitur, debet ordinari de socio, si præsens fuerit, utrùm insimul ire debeant, & quando, & per quas vias. Si autem alter illorum tantùm præsens fuerit, debet prædictas litteras procurare, & de supradicta via cum absente per litteras ordinare: quòd si neuter præsens fuerit, debet Prior Prouincialis prædictas litteras procurare, & Diffinitori, vel socio mittere; & qui primò recipit, alteri debet de via prædicta significare. Cum autem declinauerit ad Conuentus, & in ipso Capitulo, & inter extraneos, per quos transit, sic in vigilijs, in sobrietate, in silentio, in studio, in oratione, & in omni honestate, & obseruantia Religionis, in colloctionibus, & verbis ædicatorijs dare debet exemplum, & consolationem omnibus; vt euidenter appareat, quòd non immeritò ad tantum negotium Ordinis sit assumptus. Si verò Fratres aliqui, per quos transit, vel in ipso Capitulo velint ipsi aliquid dicere de pertinentibus ad Ordinem, quod suum officium possit respicere; debet diligenter audire: sed cauere, ne credat omni spiritui, vel suggestioni; nisi loquentes plenè sibi sint noti, vel nisi post inquisierit diligenter à Fratribus discretis, & fide dignis de conditione, & discretione, & zelo, & intentione, & motu loquentium, & in quibus, quantum debeat eis credere. Debet etiam scire, quòd melius est frequenter sequi consilium, & sensum eorum, qui parum ei loquuntur, quàm multorum, qui multum se solent ingerere ad loquendum, & solent de singulis iudicare: nec est securum conscientiam suam ex huiusmodi auditu formare, quousque constet sibi plenius de auditis. Item postquam factus est Diffinitor, debet diligenter respicere Acta Capituli præcedentis: & conferre cum Fratribus discretis tam super illis, quàm super alijs, quæcunque ad vtilitatem Ordinis possint in Capitulo,



p̄iulo promoueri, & super his per totum annum frequenter cogitare; & conferre, vt sic meliùs ea possit promouere in Capitulo, ad quod debet dare operam habendo in aliquo memoriali Constitutiones nonas, vel admonitiones, & alia huiusmodi, quæ videntur ei promouenda, quæ proponere debet inter Diffinitores tempore opportuno.

### *Circa diffinitionem.*

**I**tem ad Capitulum debet ita tempestiuè venire, ne mora eius Diffinitores alij ex hoc impediuntur à procedendo in agendis: & cum in Domo fuerit, sic Officium, & Missam dicere, vel audire tempore congruo, quòd eorum occasione, vel alia non impediatur, quin semper sit cum ipsis tempestiuè, vel in Capitulo, vel in loco diffinitionum. Cum autem in Capitulo resederit, sic in loquendo, indicando, & in omnibus, socijs suis debet deferre, & sibi eos antepone, & in omnibus maturè, honestè, & conimodè agere, iustè, & rigidè tamen: & sic sine personarum acceptione pro tempore se habere; quòd nec præsumptuosus, vel inutilis, vel remissus, vel sine zelo Religionis valeat ab astantibus reputari. Porro in diffinitionibus non debet contentiosè aliquid agere, vel clamosè, nec esse multum confirmatus in sensu suo super his, quæ ante deliberauerat, vel alijs quibuscunque emergentibus, præcipuè cum in discussione videt validiores ad oppositum rationes, vel videt illos, qui magis exercitati sunt, & discretiores habentur, à sua sententia discrepare: quòd si fortè in aliquam declinat sententiam, quæ ante pronunciationem diffinitionum videbatur sibi nimis bona, potest & debet illam sententiam renocare, ante diffinitionem prædictam. Summoperè cauendum est sibi cum sit iudex, ne aliquo casu faciat aliquid pro persona aliqua, vel Conuentu, vel Prouincia, vel Natione, vel contra, quod sapiat acceptionem quancunque; neque vnquam debet declinare sententiam,

quæ ad enervationem Ordinis, vel minorationem <sup>status</sup> eius cedere possit; vel in aliquam ordinationem, quæ intolerabilis communitati Fratrum reputetur, vel possit esse transgressionum occasio plurimarum: sed sic in omnibus cum zelo sancto, & discretionem intendat, quod in patriam reuertens, super aliquo, quod fecerit modico tempore potestatis suæ, non reportet conscientiam remordentem. Si verò aliqua sibi iniuncta fuerint à Condiffinitoribus facienda, utpotè legere litteras, vel scribere aliqua memorabilia de his, quæ leguntur inter Diffinitores, vel habere curam, de aliquibus quæ inter eos recitantur, vel aguntur; ita quod circa hoc omissio, vel negligentia nulla contingat. Si verò Fratres aliqui velint sibi tradere litteras aliquas, vel aliqua pertinentia ad Diffinitores, debet ea recipere, & Diffinitoribus in communi præsentare. Debet etiam introducere quandoque Fratres, qui habent negotia, cum commodè potest, ad eos. Ipsius est ~~providere~~, quantum potest, ne ipsi, vel alij Diffinitores tantum occupentur circa alia personalia, vel localia, vel minus utilia, quod communia, & utiliora currente tempore expedire non possint. Item de his negotijs, quæ pertinent ad Prouinciam suam, debet conferre cum socio suo, ut easum communis consilio (si talia sunt, quæ utriusque sunt communicata, vel communicari possint) expediat diligenter, & non confusè. Proinde si habentur litteræ aliquæ, aut negotia aliqua pertinentia ad solum Magistrum, debent ante Capitulum quàm citò possunt ei litteras præsentare, & negotia proponere ordinatè: scilicet ea, quæ Prouinciæ sunt primò, quæ sunt Conuentus, vel Conuentuum aliquorum, secundò: quæ sunt Fratris, vel Fratrum, tertio: quæ sunt eorum, qui non sunt de Ordine, quartò. Si verò pertinent ad Diffinitores, obseruata hora ab ipso Diffinitore, debet ingredi socius, & cum Diffinitore reddere litteras, vel proponere negotia ordine supradicto: & debent habere curam de expediendis negotijs,

& rescribendo cum fuerit rescribendum. Si verò sunt negotia impertinentia ad Magistrum, vel ad Diffinitores, ut sunt emptio librorum, & similium, debent cum licentia Magistri ( si fuerint necessaria ) vel Prioris Domus ( si ad eum peruenerint ) adiutorio ( si indiguerint ) illa prout poterunt honestè, & religiosè expedire. Si verò fuerit aliquod negotium tale, quod inter vtrumque non sit communicandum, debet ille, cui commissum est, vel ad quem pertinet, illud prout commodè poterit expedire. Cum autem inter Diffinitores agitur de Prouincia suæ statu, vel aliquibus ad eam pertinentibus, debet super quibus requiritur ab eis, vel à Magistro, per se fidele testimonium dare loquendo de singulis, de scientia, vel credulitate, vel nescientia, prout conscientia sua repetit vniuersa. Si autem aliquid habet referre de sua Prouincia, debet omnia sic recitare distinctè, ut sciatur à Diffinitoribus, quid dicat de motu suo, quid ex parte Capituli Prouincialis, vel Diffinitorum Capituli Prouincialis, vel Conuentus, vel Conuentuum, vel Fratris, vel Fratrum aliquorum.

*Circa ea, quæ fuerint agenda post diffinitionem.*

**P**ostremo terminata diffinitione, sua interest dare operam, quòd omnia, quæ ad suam pertinent Prouinciam, quæ nondum sunt expedita, expediantur: & ubi in ingressu inuenerit Fratres turbatos in aliquibus in Capitulo ordinatis, reddere eis rationem super istis, & eos ut commodè poterit sedare. In Capitulo verò suo Prouinciali, debet reddere omnia, & conferre quæ ad ipsum pertinent, quæ de Capitulo Generali emanauerint: ut sunt Acta Capituli Generalis, litteræ Magistri, litteræ vel Indulgentiæ nouæ, si quæ sunt impetratæ de nouo, & similia: & habere curam, quòd ibidem publicentur: & in Constitutionibus inchoatis de nouo, vel admonitionibus, si quæ obscuritas inuenitur, vel admiratio oritur, declarare intellectum, & rationes assignare,

quæ Diffinitores mouent ad ista . Si verò Magister, vel Diffinitores commiserint ei aliqua verbo, & litteris, in sua Prouincia, vel alibi nuncianda, vel exequenda, quòd iniunctum fuerit diligenter executioni mandare.

## Cap. XXXVIII. De Officio Socij Diffinitoris Capituli Generalis.

**O**fficiu Socij Diffinitoris Capituli Generalis est huiusmodi. Cùm officium sibi fuerit iniunctum, debet cum venia & humilitate recipere; deinde cum Diffinitore de agendis ( si præsens est ) verbo, vel si absens est, per litteras pertractare, & ei tamquam maiori in eis, quæ communiter ad eos pertinent obedire. Habere etiam curam specialem de petitionibus Prouinciæ, & litteris Capituli Prouincialis, vel Conuentuum, vel Fratrum, portandis; & de negotijs alijs, vt sunt causæ, vel quæstiones, vel alia quæcunque proferendis, & cum consilio Diffinitoris, & autoritate ipsius suo tempore promouendis. Si autem contingat eum ire cum Diffinitore, licet prior sit in Ordine debet eum tamquam Priorem habere, & procurare apud Prorem Prouincialem, quòd hoc ipsum ordinetur ab eo.

### *Circa Capitulum.*

**P**orrò cùm in loco Capituli fuerint, debent in iudicando officium, in celebrandis Missis, in iacendo prope eum, si fuerit ordinatum, in scribendo, vel exequendo aliqua pro eo, si voluerit, & similibus, ei assistere reuerenter, & diligenter iuuare: negotia quoque prout poterit debet eidem reducere ad memoriam, & cum eodem, si vult consilium, promouere: litteras quoque ad Magistrum Ordinis, & Diffinitores pertinentes, quas habet cum eius consilio reddere tempore opportuno. Item dum Diffinitor vacat Diffinitionibus, debet habere curam specialem de litteris Magistri, & Indulgentijs nouis,



uis, si ibi fuerint, & sub authentico sigillo habendis, et similibus, quæ oportet ad profectum suæ Prouinciæ deferre, & sollicitare Magistrum ad rescribendum illis, qui scripserunt de sua Prouincia. Debet etiam litteras procurare de beneficijs, quæ fuerint procurandæ pro personis ad suam Prouinciā pertinentibus, et prosequi causas suæ Prouinciæ, si quæ fuerint, vel agendo, vel respondendo quantum de iure potest; & alia negotia suæ Prouinciæ, quantum potest sine Diffinitore expedire, & pro istis cum potest ad eum recurrere; & omnia huiusmodi sic sollicitè expedire, quod facta diffinitione non oporteat moram contrahere propter ista. Si verò Diffinitores, vel Magister Ordinis inquisierint aliquid ab eo de pertinentibus ad Prouinciā suā, vel ipse aliquid de istis habeat dicere eis; debet circa ista fideliter & discretè procedere, sicut supra dictum est de Diffinitore.

*Circa regressum.*

**I**N regressu verò magis specialem curam debet habere de Actis, & litteris, & alijs huiusmodi reportandis, quàm Diffinitor; licet vterque habeat de his cogitare, & reddere omnia, quibus fuerint reddenda. In Capitulo verò Prouinciali debet Acta, litteras Magistri Ordinis, & Indulgentias, quæ sunt nouæ, & alia pertinentia ad Capitulum illud, reddere Diffinitori; & laborare cum eo, vt regantur, & fiat de eis, quod fuerit faciendum. Si verò Magister, vel Diffinitores aliqua commiserint ei agenda cum Diffinitore, vel soli; debet exequi diligenter prout fuerit sibi dictum.

*Circa successionem in diffinitione.*

**Q**Uod si oporteat eum Diffinitorem esse secundum formam Constitutionum propter mortem, vel impedimentum Diffinitoris, tunc ad eum pertinent, omnia, quæ de Diffinitore sunt prædicta. Si verò antequam recesserit de Prouincia sua, contingat illud  
impe-

impedimentum tali tempore, quòd hoc Prouinciali possit significare, debet illi notificare, & cum eius consilio socium accipere, qui prædicta de socio prout poterit, compleat diligenter. Si verò in via Diffinitor impediatur, vel tam intempestiuè, quòd non possit habere recursū ad Priorem Prouincialem, tunc sicut poterit prouideat de socio. Denique tam ad Diffinitorem, quàm ad socium pertinet, cum sunt noui, & inexperti in istis, dare operam, vt per expertos circa huiusmodi in his, quæ nesciunt instruantur: & ipsi cum instant agenda, debent diligenter notare, quomodo se habeāt illi, qui magis sufficientes in huiusmodi reputantur, & eisdem prout poterint se conforment.

## Cap. XXXIX. De Officio Electoris Magistri Ordinis.

**A**D Officium Electoris Magistri Ordinis pertinet, quòd postquam electus est, postulet, (vt supra dictum est de Diffinitore), si oporteat eum ire longius, à Priore Prouinciali huiusmodi laborem sibi iniungi in remissionem peccatorum, & iniunctum suscipere cum venia humiliter & deuotè, & hoc si fuerit præsens in loco electionis. De litteris quoque testimonialibus idem seruetur, quòd de Diffinitore est supra dictum: de socio verò, & via, & tempore eundi, debet facere secundum consilium Prouincialis. Porro in via inter Fratres, inter extraneos, in Conuentibus, in Capitulo, & vbique, debet illam honestatem & religiositatem seruare, quæ de Diffinitore sunt superius prædicta. Pro negotio verò electionis, debet à tempore suæ electionis orare deuotè, & orationes à sanctis personis cum poterit impetrare: vt secundum voluntatem Dei, & vtilitatem Ordinis tam ipse, quàm alij dirigantur. Cum autem aliquos Fratres inuenerit discretos, & Deum timentes, exercitatos in negotijs Ordinis, & personarum, habentes Or-  
dinis

diuis notitiam ; debet libenter cum eis conferre in sancta , & simplici intentione : vt per eos in aliquibus pertinentibus ad negotium plenius informetur . Cauendum est autem ei , ne propter auditum , aut notitiam leuem , ad eligendum aliquem inclinetur , nisi prius per fide dignos , & qui talem magis de propinquo nouerint , plenius instruat , nec vnquam debet sic animum suum in aliquem firmare , quin si aliquid melius ex collatione aliqua postmodum appareat , paratus sit ad alium transferre vocem suam . Illud quoque diligentissime præcauendum est ei , ne notitia , vel familiaritas , vel confidentia , præsumpta de aliquo , vel turbatio contra alium , vel despectio quæcunque , vel aliæ similes , vel dissimiles causæ , quæ contra Spiritum Sanctum non sapiunt , eum moueant in aliquo contra aliquem : sed solum pura , & sancta intentio , & recognitio ; solam Dei voluntatem , & vtilitatem Ordinis inuestigans . Debet etiam attendere , quod licet in huiusmodi persona sint multa attendenda , si reperiri possent in aliquo , vtpotè conditio generis , & personæ , scientia , fama , auctoritas , notitia , gratia prædicandi , & inter homines conuersandi , & alia multa : tamen super omnia videntur attendenda , vitæ sanctitas , discretio naturalis , experientia prælationis , zelus sanctus ; animositas ad mala persequenda , & bona promouenda : maturitas in agendis cum oportuerit , condescensio ad infirma , firma de Deo fiducia in solitis , & grauibz cum emergunt . Cæterum verò tamquam perniciosum , & vilissimum est procul abijciendum , ne vnquam inducat , vel inducere sustineat quemcunque circa huiusmodi negotium ad aliquid , nisi quod purè sanctitatem sapiat , & virtutem ; sed sic in omnibus cum timore Dei diligenti deliberatione procedat , & votum suum solum in Deum , & Ordinis trasferat vtilitatem : habens præ oculis , quod nihil faciat vnde malam reportans conscientiam , gemere habeat omnibus diebus vitæ suæ , cum aliquid fecerit , quod postmodum

nunquam poterit emendare. Si verò factò scrutinio publico nondum valet electio, nec videatur per processum, quòd valere possit, nisi mutet vocem suam, multò melius est mutare vocem (dummodò cum bona conscientia fieri possit) quàm diù discordiam sustinere. Sed in mutatione illud videtur securius, quòd cum oportet mutari propter concordiam, illorum sequatur conscientiam, & sensum, qui secundùm suam conscientiam, & sensum melioris, & sanioris sententiæ reputantur. Denique omnia quæ acta sunt in secreto, sic debet habere secreta, quòd nunquàm ex ore eius egrediatur aliquid unde possit aliquid de illis percipi: vel possit aliquis Frater percipere, quòd talis, vel tales Fratres elegerunt hunc vel illum reprobauerunt, vel illi contrarij fuerunt, & similia, quæ possunt inducere turbationem. Debet etiam esse cautus, quòd in collatione facienda de aliquibus eligendis ante electionem inter electores suos non est securum consentire propter occasiones denigrationis famæ multorum, & alia multa, quæ solent inde sequi. Porro in regressu cum declinat ad Fratres, debet laudare quantumcunque potest cum bona conscientia, quod factum est, & super hoc Fratrum animos consolari.

## Cap. XL. De Officio Electoris Prioris Prouincialis.

**A**D Officium Electoris Prioris Prouincialis pertinet, vt cum electus fuerit, conferat cum Priore, & Conuentu de litteris super hoc habendis, & de socio in via, & faciat, prout super hoc duxerit ordinandum: in alijs autem, quæ ad electionem pertinent, obseruet habito respectu ad Prouinciam, omnia, quæ supra dicta sunt de Electione Magistri Ordinis, habito respectu ad Ordinem Vniuersum. Multum autem attendere debet, quòd talis eligatur (si fieri potest) qui sit ad pacem, & consolationem communem Prouinciæ, dummodò aliæ circumstan-  
tiæ



tia bonæ concurrant: & libentiùs debet procurare, quòd aliquis de Prouincia eligatur, dummodò sit sufficiens, & habeatur utilis; quàm aliundè, etiam si magis sufficiens habeatur, de quo non speretur, quòd possit haberi, nisi cum magna angustia animi sui, & anhelaret ad recedendum, quàm citiùs posset. In formatione verò decreti; si opus fuerit, debet in omni casu sine difficultate qualibet, testimonium perhibere veritati.

## Cap. XLI. De Officio Diffinitoris Capituli Prouincialis,

**A**D Officium Diffinitoris Capituli Prouincialis pertinet, vt post electionem audiat negotia Fratrum, modò sequestratim, modò cum alijs Diffinitoribus, prout ipsi requirunt, & ipse poterit vacare: recipere etiam litteras, vel memorialia, quæ ad Diffinitores pertinent, cum ei porriguntur; vt ea inter Diffinitores præsentet tempore opportuno. Postquam autem inchoatum fuerit Capitulum, debet cum Priore Prouinciali in loco Diffinitorù in Capitulo sedere, hoc ordine seruato inter Diffinitores; vt qui primò sedent in Choro, primò sedeant inter eos. Cauendum, & autem ei ne aliquid faciat pro Fratre, vel Conuentu, vel contrà, quòd sapiat priuatum amorem, velurbationem, vel vindictam contra alium: sed tantùm ea, quæ sapiunt æquitatem, & bonum. Item ne sit facilis ad mutationes faciendas, siue in absolutionibus Priorum, multorum, vel translationibus Lectorum, & Fratrum; nisi quando post discussionem diligentem manifesta ratio reperitur. Item non tantùm intentus sit circa particularia facta, ne quod ad commune bonù, & magis, quod pertinet ad statum totius Prouinciæ, negligatur. Porro circa Conuentus novos, & remotos, & desolatos, vel præ paucitate Fratrum, vel paupertate, vel propter aliqua scandala ibi orta, vel alijs de causis, vt releuentur à grauaminibus, & benè provideatur eisdem, & in aliquo non.

non grauentur : similiter circa studium , & omnia pertinentia ad id promouenda . Item circa Fratres , qui notati sunt de scandalo turbationis , & periculosi reputantur , reprimendos , & refranandos , & in talibus Conuentibus collocandos , vbi sub disciplina , & custodia bona alicuius custodiantur ; & similibus , quæ sunt maioris necessitatis , debet habere curam maiorem quantum in ee est . Sunt , & alia quædam notata in Capitulo de Officio Prioris Prouincialis circa Fratres , quæ pro magna parte eidem quantum ad officium suum in modico tempore pertinent , consideranda sunt , & sollicitè obseruanda . Item pertinet ad eum , cum alijs diuidere Visitatoribus Domos visitandas , & alia quædam , quæ in Constitutionibus expressa sunt , & in admonitionibus Capituli Generalis quandoque inferuntur : insuper & multa alia de illis , quæ supra notata sunt de Officio Diffinitoris Capituli Generalis , quæ omnia sunt ab eo consideranda diligenter , & prout competunt obseruanda . Deinde finita diffinitione , cum aliquos turbatos viderit de aliqua ordinatione , non debet ita se super aliquo excusare , ( licet in illo non consenserit ) quòd super socios suos calumnia deuoluatur ; vel quæ acta sunt inter eos , de quibus oritur turbatio , per quos factum sit , reueletur .

## Cap. XLII. De Officio Visitatoris .

*Circa ea , quæ præcedunt visitationem .*

**A**D Officium Visitatoris pertinet , si laboriosa fuerit sua visitatio , postulet a Priore Prouinciali laborem in remissionē peccatorum sibi iniungi . Socium quoque de eius ordinatione , si potest ei loqui , vel scribere , vel si hoc non potest de ordinatione Prioris sui Conuentualis assumere debet . Si verò ante tempus visitandi contigerit eum infirmari , vel aliter impediri : debet Priori Prouinciali hoc indicare , vt de alio prouideat , qui suppleat vices eius . Porro tempus ad visitandum debet eligere

gère tale, in quo Fratres melius possint haberi in Domo, sine damno prædicationis, vel prouisionis temporalium: & quòd non concurrat cum uisitatione Prioris Prouincialis, vel nimium sit vicinum uisitationi, vel Capitulo sequenti, vel præcedenti Prouinciali, vel Generali: si fuerint in Prouincia illa celebranda. Cùm autem venturus est ad Domum aliquam, debet primò significare tempus aduentus sui; vt Fratres absentes commodè conuocari possint. Non debet autem ad conuocandos Fratres inferre necessitatem, qui sine magno damno Domus, aut salutis animarum conuenire non possint: nisi magna, & rationabilis causa, & necessitas hoc requirat.

*Circa quedam in generali.*

**I**Nterest etiam ipsius portare secum litteras Magistri Ordinis, & alia, quæ emanauerunt à Capitulo Generali, vel Prouinciali: & facere ea legi, in præsentia sua, in Capitulo, vel in mensa cùm Fratres communiter interfunt. Debet autem summatim in omni Conuentu videre, & inquirere, si habentur libri Officij Ecclesiastici benè correcti. Item si habentur libri scholastici sufficienter, si habentur paramenta Ecclesiastica, & huiusmodi, quæ pertinent ad cultum Dei competentia. Item quomodo sit Diuinum Officium, & quomodo perficitur in studio. Item qui, & quot Fratres sunt in Domo, qui multum reputentur idonei ad proficiendum in studio, quos exigentibus meritis ad hoc expediat promoueri: quot boni Prædicatores, quot boni in consilijs, quot boni ad Confessiones; si qui graues in mòribus, vel notati publicè de scandalo: si multi grauibus, & longis infirmitatibus prægrauati: si habentur competenter temporalia, & qualiter. Item si habitant inter deuotos homines, si Domus est onerata multitudine Fratrum, vel paucos habet, si sunt Fratres de illa Natione, vel aliundè, si libenter morantur Fratres in illo Conuentu, vel inuiti, si habent pacem Fratres cum Prælatjs, & similia multa;

ut tempore suo his cognitis in genere, sciat melius Priori Pröuinciali, vel Diffinitoribus consulere de his, quæ circa Domum illam fuerint ordinanda, & ipse nihilominus faciat bonum quod poterit, quantum officium suum se extendit. Porro ante tempus visitationis suæ, non pertinet ad eum facere aliquam inquisitionem ex officio, licet ipse possit audire aliqua, si aliqui gratis ad hoc se ingesserint, vel sine inuitatione aliqua gratis dicere voluerint: in quibus tamen non sunt expendendi dies multi, ne in fraudem prolongandi dies officii, hæc fieri videantur.

### *Circa Capitulum.*

**C**VM autem primò Capitulum intrauerit ad officium exercendum, potest aliquam breuem collationem facere Fratribus de aliqua spirituali materia, & utili si voluerit: deindè recommandare Fratrum orationibus illos quos voluerit. Postmodum facere iniunctionem, & admonitiones de pertinentibus ad officium; sicut viderit expedire. Solet autem in communi visitatione Capituli vbi aliqua specialis causa hoc requirit, iniungi vniuersis absque præcepti expressione, quòd quilibet dicat ei illud, quod sibi videtur dicendum secundum suam conscientiam pro bono Ordinis, siue in Capitulo, siue extra secundum quòd requirit natura negotij: videlicet quòd dicendum est in Capitulo, dicat ibi; & quòd extra dicendum est, dicat extra. In admonitionibus verò solent Fratres reddi cauti, ne aliquid dicant contra aliquem ex aliqua turbatione, vel motu inordinato; sed solum ex sinceritate fraternæ charitatis, & amore Ordinis. Item ne taceant aliquid dicendum, vel ex familiari amore personæ, vel timore quocunque, vel alia quacunque ex causa minùs religiosa. Ipsis etiam Prælati, & Fratribus potest iniungi, si videatur expediens, quòd occasione eorum, quæ dicuntur ex consuetu modo contra aliquem, nihil postmodum durè agant, cum  
etiam



etiam sit consuetum, quòd ipsi Priores instante visitatione soleant animare in Capitulo Fratres ad dicendum fideliter omnia, quæ videntur eis dicenda. Item quòd caueant, quòd non dicant inutilia, vel quæ aliàs sunt correctæ: vel quæ secretè sunt dicenda, non dicant in publico, & similia. Item quòd in proclamando se habeant modestè, & formam Constitutionum obseruent diligenter. Hæc quoque, & similia plura, vel pauciora possunt dici, secundum quòd ratio suggeret, statu Domus, & circumstantijs ad hoc pertinentibus consideratis. Post huiusmodi verò iniunctiones, & admonitiones antequam procedatur ad Culpas audiendas, dandum est aliquod tempus Fratribus ad loquendum sibi secretò, si voluerint; ut ex aliquibus auditis magis instructus, sciat meliùs quid sit agendum. Si verò sibi videatur, potest vocare aliquos, & maximè discretos, & magis dignos fide, etiam si gratis non veniant, ad inquirendum de statu Domus leuiter, & summatim. Ex his verò quæ sibi dicuntur ad partem, non multum expedit, quòd conscientiam suam formet, nisi postquam diligentius inuestigauerit de conditionibus personæ loquentis; si fortè cum non cogerat, ex discretione, & zelo, & motu, & modo. Ex his autem quæ dicuntur in occulto, non debet ad aliquam sententiam contrà aliquem in aliquo procedere, nisi in publico recitentur. Instruere etiam debet sibi loquentes in secreto, cum loquuntur de talibus, quæ solent, & possunt in proclamationibus dici, quòd non benè liberant animas suas, nisi in publico illa dicant. Si autem viderit aliquos paratos ad dicendum aliqua in publico, quæ dici sic non solent, nec debet; debet eos instruere charitative, si ex simplicitate hæc faciunt, quid eis sit agendum. Si verò sibi videatur malitiosè id fieri, terroribus, & con minationibus debet eos in iniustitia retinere, & condigne punire postmodum, secundum quantitatem excessus, si proceunt. Porro cum prælibatis prædictis, non tenetur Capitulum de culpis,

fic cum debito moderamine, & discretionē cuncta tunc eidem agenda; ut visitatio, quæ inducta est ad correctionem malorum, non sit occasio excessuum augendorum. Proinde curandum est ei, quod malè accusantes reprimat, & refrenet, & quod benè accusantes iuuet; quod dubia diligenter inquirat, quod accusato det licentiam, & tempus ad respondendum: quod in friuolis non permittat se occupari, quod ea quæ digna sunt reprobatione cum audiuntur, valde verbis reprobet, & insinuet esse horrenda; quod laudabilia sic commendet, quod ad similia animet audientes, quod iniungendo pœnitentias prudenter discernat quantitates Culparum, & prout possibile est sine transiitione puniat iusto modo, & plusquam in quotidianis Capitulis puniri soleant excessus, ne visitatio veniat in contemptum. Ante inunctionem verò pœnitentiæ, aggrauet Culpas, quas audiuit dignas maiori reprobatione in quolibet accusato; ut per hæc audientes inducantur efficacius ad cauendum. Ad hoc, si in his quæ in secreto, vel in publico, in Domo, vel etiam extrà Domum audiuit, videatur quod circa aliqua maiora sit plenius aliquid inquirendum, de quibus per communem modum supradictum visitandi nondum ei est satisfactum; potest procedere ad præcepta, vel omnibus, vel aliquibus facienda, in publico; vel secreto; secundum quod negotij natura requirit. Cauendum tamen ne faciat aliquid contrà aliquem iniuriose. In grauibus verò ne ita parcat alicui, quod culicem excolare, & camelum glutire videatur. Sunt & alia ei diligenter obseruanda, quæ in Constitutionibus, & admonitionibus Capitulorum, & supra in *Capitulo de Officio Prioris Provincialis* circa visitationem sunt conscripta. Cum autem ad terminationem visitationis accedere voluerit, si vult aliquas ordinationes, vel admonitiones arctius custodiendas relinquere, debet primò super his cum discretis Fratribus conferre, & eorum sensui, qui nouerunt plenius statum Domus, & patriæ; quam sensui suo

credere. Potest autem & huiusmodi in scriptis in aliquo memoriali relinquere in custodiam Supprioris, ut sciatur tempore suo si illa fuerint correctæ, vel obseruata, & ipse potest memoriale retinere. Finaliter autem principaliter debet intendere ad hæc, & laborare, quod per visitationem suam sequatur correctio excessuum, pax, & tranquillitas relinquatur. Propter quod si videt aliquam turbationem, debet ante terminationem visitationis dare operam ad quietandum; si religio in aliquo depreareat, reformetur, obedientia, concordia, deuotio, & omne bonum in Fratribus augeatur.

*Circa quedam post Visitationem.*

**S**I verò Fratres, vel Conuentus rogauerit eum, vel super aliquibus promouendis apud Priorem Prouincialē, vel ad Diffinitores Capituli Prouincialis, vel Magistrū Ordinis, vel alibi: si sibi rationabilia videntur, debet eis libenter acquiescere, & super his memoriale facere, & proponere ea tempore opportuno: nec Fratrum defectus, nisi solum Prouinciali, vel Diffinitoribus, vel Magistro, prout est secundum ordinem faciendum dicat; sed potius bona de Conuentibus visitatis prædicet, prout secundum conscientiam facere poterit bono modo.

**Cap. XLIII. De Officio Prædicatoris Generalis.**

**A**D Officium Prædicatoris Generalis pertinet, cum ad hoc assumitur, cum venia suscipere illud officium, & ad Capitulum Prouinciale venire, nisi de licentia, velex causa remanserit. Cum autem non venerit, debet se excusare per litteras continentes causam absentiae suæ. Ipse etiam est de corpore Capituli Prouincialis, & pertinet ad ipsum electio Diffinitorum Prouincialis, & Generalis Capituli, & Visitatorum: & discussio petitionum Capituli eiusdem, & similiter quæ ad

ipſos pertinent. Et ideò ſolet ſpecialiter talibus concedi, quòd habeant ſpeciale ſigillum. Ad hoc etiam debet apponere curam, quòd habeat maiorem notitiam, Fratrum de Prouincia, & exercitium circa ea, quæ in Capitulo ſunt agenda, vel pertinent ad communem ſtatum Domus, vel Prouinciæ. Debet etiam frequentius, & libentiùs vbique prædicare, præcipuè ſi gratiam habeat prædicandi. Non eſt autè propter hoc officiũ exemptus in aliquo ab obedientia Prioris ſui, vel à communi vita Fratrum aliorum: niſi quo ad hoc, quòd poteſt ſine licentia ſpeciali ire ad Capitulum Prouinciale, vt prædictum eſt. Sed de ſocio, & tempore eundi, ſtare debet ordinationi Prioris ſui, dummodò ſic ordinauerit, quòd ſperetur, quòd poſſit illuc commodè peruenire.

## Cap XLIV. De Officio Socij Prioris Conuentualis eũtis ad Capitulum Prouinciale.

### *Circa quedam ante Capitulum.*

**P**riori Conuentuali ituro ad Capitulum Prouinciale, eligendus eſt in Socium Frater, qui poſſit laborem viæ ſecundùm formam Ordinis ſuſtinere: qui commodè exercitium habeat, vel ſaltem aptitudinem ad ea, quæ in Capitulo agenda ſunt; quòd etiam fidelis reputetur ad agendum pro omnibus, ſiue pro Conuentu, ſiue Fratribus ſingulis, ſiue Prælatiſ, ſiue Lectore, quòd ſecundùm veritatem fuerit faciendum. Ad huiuſmodi verò officium pertinet accusationes Prioris, ſi quæ fuerint, petitiones, & litteras, & negotia quæcunque, ſiue Conuentus, ſiue Fratrum ſingulorum recipere, & portare ad Capitulum; & dare operam, quòd illa quæ ſigillanda ſunt, ſigillantur.



*Circa Capitulum.*

**C**Um autem fuerit in Capitulo, pertinet ad eum sicut ad membrum, cum sit de corpore, circa omnia quæ ad causam pertinent, sicut prædictum est de Prædicatore Generali. Specialiter verò negotia Conuentus, vel Fratrum suorum, debet procurare; videlicet litteras missas Priori Prouinciali, vel Diffinitoribus, vel alijs reddere tempore opportuno. Accusationes Prioris sui in Capitulo discretè, & simpliciter proponere, prout fuerint formatæ. Si autem aliquas alias de motu suo facere voluerit, eas sequestratim, & distinctè ab alijs opponere. Petitiones singulorum Fratrum ad Prouincialem, si quæ sibi commissæ fuerint, ostendere, & procurare. Si verò à Prouinciali, vel Diffinitoribus aliquid ab eo fuerit inquisitum, de statu Prioris, vel Conuentus, vel Fratrum aliquorum, sic simplicem veritatem dicere debet, quod pro aliquo, vel contrà aliquem nunquam inclinet se: nisi quantum requirit æquitas, & veritas, omni motu inordinato excluso. Cum autem aliquid dicit, debet huiusmodi distinguere discretè, quid dicit de motu suo, quid de aliorum & quorum; quid de voluntate Conuentus, vel totius, vel maioris partis; & quæ sit pars illa maior, si expedierit enarrare. Item pertinet ad ipsum ostendere Priori Prouinciali indigentias Domus, quas habet, aut in Lectore, aut in Prædicatoribus, aut in Fratribus expeditis in consilijs, aut in Confessoribus, aut in Cantoribus, aut in Conuersis, secundum varia exercitia, aut in paucitate Fratrum, & similibus: & grauamina, aut in infirmis, aut in discoloris, aut in nimia multitudine Fratrum, & similibus; & laborare debet per se, & per Fratres sibi notos, & amicos sui Conuentus, vt Domui suæ per Priorem Prouincialem, & Diffinitores vtiliter prouideatur. Cauendum etiam est ei, ne de motu suo, vel aliorum de suo Conuentu; qui ad partes locuti fuerint, sibi procuret aliquid,

quod ad turbationem Conuentus, vel Fratrum de Conuentu suo, qui meliores, & discretiores reputantur valeat prouenire.

*Circa quedam post diffinitionem.*

**V**erum si contingat Priorem suum absolui, vel post diffinitiones omitti aliquid eorum, quæ in suo Conuentu sunt necessaria, vt prouisio de Lectore, & huiusmodi: tunc cum illis qui fuerint in Capitulo de Domino sua, vel etiam aliorum Fratrum, de quibus Conuentus suus confidit, debet tractare quid possit fieri pro Domino sua; siue in postulando, quos possit eligere, siue in confirmationis commissione, siue in prouisione de Lectore, & similibus. Deinde in regressu non debet moram contrahere, sed sicut poterit bono modo ad Conuentum suum festinare. Et si aliqua negotia fuerint, quæ expediat eis tam citò scire, debet hoc, quam citò poterit per litteras intimare, si ante aduentum suum hoc præsciri expediat. Cum autem venerit, cauere debet ne rumores inutiles de Capitulo referat, vel infirma, vel aliquid, vnde Fratres turbet contrà Priorem Prouincialem, vel Diffinitores, vel aliquos Fratres, qui minùs fuerint fauorabiles, vel contrarij in suis negotijs, sed potiùs ea referat, quæ ad consolationem, & pacem Fratrum debeant prouenire; & det operam pacificare Fratres in communi, & singulariter, si aliquos eorum viderit turbatos super ijs, quæ acta sunt in aliquo, vel omissa, super his reddens, prout poterit excusationem rationabilem.

**Cap. XLV. De Officio Confessoris.**

**F**rater, qui confessiones auditurus est, necessarium est, vt sciat quantum potestatis habet. Item, vt sciat, quæ & qualiter à confitente inquirere debet. Item oportet eum esse cautum circa absolutiones, & circa Excommunicationes, dispensationes, & alias satisfactiones; &

circa

circa casus matrimoniales: & circa pœnitentiarum iniunctiones, & simoniarum resignationes, & circa modum habendi se ad confitentem, & specialiter circa secretum Confessionis.

### *Circa potestatem.*

**C**irca potestatem notandum est, quòd Frater, cui non est dictum à Prælato suo, vel ab alio, qui possit ei dare iurisdictionem, quòd audiat Confessiones, de nullo peccato mortali potest absoluerè. Ille autem, qui habet potestatem à Diœcesano, videre debet quain potestatem habeat, & ad maiorem certitudinem, bonum est, quòd de hoc litteras habeat, vel memoriàle aliquod.

### *Circa inquisitionem.*

**C**irca inquisitiones notandum est, quòd duo sunt genera interrogationum, quæ à peccatore confitente quærendæ sunt. Quædam enim pertinent ad ipsam personam confitentis: quædam verò ad facta personæ. Illæ verò quæ pertinent ad personam naturaliter sunt priores: vnde nisi Sacerdos sciat, potest inquirere à confitente vtrum sit Clericus, vel laicus: & si Clericus, vtrum Religiosus, vel non, & vtrum habeat beneficium Ecclesiasticum, vel non, præcipuè cum cura animarum. Si laicus, inquiri potest cuius officij sit, & vtrum in matrimonio sit, vel solutus: & vtrum paterfamilias, vel de familia alterius. Cognito verò qualis sit persona, secundum statum suum, vel personæ, possunt fieri aliquæ aliæ interrogationes. Mulieres verò præcipuè inquirendæ sunt de ijs, quæ ad eas pertinent. Milites inquirendi sunt præcipuè de rapinis, & iniurijs, de venditione iustitiæ, de profusione pecuniæ causa adulationis, vel histrionatus facta: de vana gloria, & laboribus, & doloribus, quos pro ea habent: & sumptibus, quos propter ea faciunt. Mercatores verò quærendi sunt de mendacijs, & periurijs, & venditione ad terminum in fraudem

vsurarum facta, & de alijs fraudibus. Burgenſes verò in-  
 quirendi ſunt de ſocietate, de modo, & cauſa congre-  
 gandi diuitias. Inquirendi ſunt etiam de inuidia: mos  
 enim ciuium eſt, alios alijs inuidere. Illi verò, qui ſunt  
 de familia alicuius potentis, inquirendi ſunt vtrum do-  
 mino ſuo fideles extiterint, de adulatione, de mendacijs,  
 de rapinis, de prauis conſilijs, de iniqua acceptione mu-  
 nerum, & vtrū domino præcipienti aliquod impium, obe-  
 dierunt. Clerici verò inquirendi ſunt de perceptione  
 ſimoniaca beneficiorum, & Ordinis: & ſi deſeruiunt,  
 prout beneficia ſua requirunt: & an dicant officium, ſe-  
 cundum quòd Ordo eorum requirit, & de modo diſpen-  
 ſandi redditus ſuos. Alij, qui habent curam animarum,  
 inquirendi ſunt, vtrum ſint ſolliciti, quomodo de cibo  
 ſpirituale filijs ſuis prouideatur: & alijs, quæ ad regimen  
 animarum pertinent. Inquirendi ſunt agricolæ de frau-  
 datione ſui laboris, & vtrum reddant, quæ ſunt Cæſaris  
 Cæſari, & quæ ſunt Dei Deo: de falſis teſtimonijs, & de  
 vſurpatione alienarum terrarum, & de inuidia, & de ac-  
 cuſatione proximorum apud Deum. De fide non eſt tu-  
 tum interrogationē facere, licet hoc aliqui magnificiāt,  
 niſi in caſu, in quo illa perſona ſuſpecta eſſet de fide. De  
 peccatis verò occultis, vt eſt de peccato contra naturam,  
 non eſt inquirendum, niſi cautè, ne aliquid manifeſtetur  
 ſimplicibus, quod ipſi neſciant, quod poſſit eis eſſe occa-  
 ſio peccandi. Modus autem inquirendi poterit eſſe ta-  
 lis: poterit quæri vtrum inſultus carnis aliquando patia-  
 tur: & ſi reſponderit, quòd ſic, poterit quæri, vtrum ti-  
 tillatio ducat eum ad aliquid faciendum: & ſi ſic, quòd  
 eſt illud, & ſic nihil ei manifeſtatur, ſed datur ei occaſio  
 manifeſtandi ſe. Aliqui tamen quærent vtrum vigilando  
 ſemen effuderit abſque naturali vſu mulierum: & ſi re-  
 ſponderit, quòd ſic; qua occaſione ei accidit. Sed inex-  
 perti opus carnale, non intelligerent quid eſſet effuſio  
 feminis.



*Circa absolutiones verò.*

**N**otandum est, quòd non est requirendum ab eo, qui confitetur iuramentum, vel votum, vel alia obligatio, quòd abstineat à mortali; sed sufficit, quòd habeat bonum propositum, & bonam voluntatem abstinendi, & specialiter à luxuria; & quòd remittat odium, si quod habet contrà aliquem: & quòd velit satisfacere pro posse de iniurijs, si quas fecit: & quòd pœniteat de omni peccato mortali, quod fecit, ad minus in generali. Si autem dicit se nolle, vel non posse abstinere ab aliquo mortali, non est iniungenda pœnitentia: sed significandum est ei, quòd si decederet in tali statu, damnaretur. Verùm dandum est ei aliquod consilium, quòd faciat, vt Deus illustret cor eius ad pœnitentiam, & dicendum est ei ne, in tali statu Communicet.

*Circa Excommunicationes.*

**N**otandum est, quòd ille, qui audit Confessiones, non debet se intromittere ad dandam alicui absolutionem ab Excommunicatione, nisi sciat se potestatem habere; & nisi sciat formam, secundum quam debet fieri absolutio. De qua forma breuiter notandum est, quòd minor Excommunicationis soluitur solo verbo: maior absoluitur ita: *Authoritate qua fungor, absoluo te ab omni vinculo Excommunicationis: vel specialiter ab Excommunicatione, qua ligatus es pro hoc facto, vel à tali iudice.* De potestate autem talium absolutionum breuiter notandum est, quòd ille, qui audit confessionem, non potest absolvere sua authoritate ab aliqua maiori Excommunicatione, quam alius iudex tulerit, qui sit maior, vel par ei. Item notandum, quòd absolutio Excommunicationis debet præcedere absolutionem peccatorum.

*Circa dispensationes.*

**N**otandum est, quòd circa dispensationes nullus debet intromittere se de aliqua dispensatione votorum, vel irregularitatum, nisi sciat se habere potestatem licentiandi, & dispensandi: necesse est etiam, vt sciat secundum quam formam debet fieri dispensatio votorum. Dicat ergo peccatori, vt quæ vòuit impleat, donec sibi consultum sit ab eo, qui cum eo possit dispensare.

*Circa verò restitutiones.*

**N**otandum est, quòd non est alicui danda pœnitentia, nisi voluntatem habeat restituendi proximo, quòd ei abstulit, nisi proximus voluerit ei remittere. Caueat verò ne det ei dilationem, nec iniungat, quòd inde faciat eleemosynas: spoliato enim debet illud restituere, vel heredi eius, quam citius potuerit, nisi spoliatus det ei dilationem, vel non possit inuenire, cui restituendum est. Tunc etiam debet erogari de consilio Ecclesię in pios vsus, & nisi peccator habeat voluntatem sic faciendi, non est ei iniungenda pœnitentia. Si verò occultum est factum, instruendus est peccator, quomodo occultè restituat, vel occultè dilationem petat, scilicet per aliquam honestam personam, præcipuè Sacerdotem, cui in confessione reueletur, quòd tacito nomine peccatoris negotium procuret.

*Circa iniunctiones pœnitentiarum.*

**S**imilitèr oportet esse cautum, vt paruas iniungat: melius est enim ponere homines in purgatorio, quàm in inferno, habet enim Deus, vbi purget filios suos, si non purgentur hic. Dicat etiam quando numerum orationum iniungit: quòd si aliquando non dixerit, non ei ad culpam imputetur, ad minùs mortalem. Item non iniungatur pœnitentia alicui, si habet officium, quòd secun-

cundum conscientiam suam sine peccato mortali facere non possit, nisi deferat id officium. Item si habeat aliquam aliam peccandi occasionem, ex qua verisimile est, quod non possit sibi cauere peccato mortali, nisi eam à se remouerit; (vt est cohabitatio mulieris suspectæ, cum qua peccare consuevit,) pœnitentia non detur ei, nisi occasionem illam à se remoueat.

*Circa verò simoniacos.*

**N**Otandum est, quod ille qui per simoniam adeptus est aliquod beneficium, non debet recipi ad pœnitentiam, nisi habeat propositum renunciandi illi beneficio purè, & simpliciter: quæ autem dispensatio possit postea fieri cum eo, inuenies in *Summis in Tractatu de Simonia*. Forma verò absoluedi à peccatis hæc est: Facta generali confessione in latino, vel in Romano à peccatore, & dicta illa oratione: *Mereatur &c. Absolutionem &c. Et ego absoluo te ab omnibus peccatis tuis. In nomine Patris &c.* Debet autem tunc esse fides tam Sacerdotis, quam eius qui confitetur, quod nisi per culpam confitentis steterit, remittentur peccatori peccata sua tunc, & gratia Dei infundatur, si prius non erant dimissa, & gratiam non habebat. Si verò prius peccata dimissa, & gratiam prius habebat, tunc augetur Dei gratia.

*Circa modum habendi se ad confitentem.*

**I**Tem ad officium Confessoris pertinet, omnes confiteri volentes benignè, & affabiliter recipere, & præcipuè illos, qui rarò confiteri consueuerunt. Omnes autem, qui nesciunt modum standi in confessione debet instruire, vt stent flexis genibus, inclinato capite, appodiando se ad dexteram, vel ad sinistram Sacerdotis. Antequam verò incipiat confiteri, potest illis, qui non sunt assueti confiteri frequenter, aliqua verba dicere de pertinentibus ad Confessionem; vt quærere de patria sua, vel huiusmodi,

di, vt confitens interim sumat audaciam ad confitendū. In pœnitentia verò iniungenda, debet reminisci, quòd præter ea, quæ iniungit specialiter, imponat ei etiam omnia bona, quæ fecerit in remissionem omnium peccatorum, & det ei potestatem cuicumque confiteri poterit, quòd laxare possit de pœnitentia sibi iniuncta ab eo, si fortè viderit expedire. Debet etiam diligentè obseruare Confessor, quòd semper libentiùs, & priùs audiat Confessiones illorum, qui magis indigere reputantur, vel qui rarò venire solent, vel qui sunt extranei, vel qui sunt in statu maiori, vel de quorum Confessione maior vtilitas secutura speratur.

Porrò circa mulieres cauere debet, ne vnquam audiat earum confessiones, nisi in publico, & vbi ab aliquo, vel ab aliquibus videatur. Illis verò quæ vocantur beghinæ, & frequentèr volunt confiteri, certum tempus assignet ad confitendum: præter quòd ipsas non audiat, nec in alijs colloctionibus frequentibus se eis exponat vnquam; & semper potiùs duris, & rigidis verbis vtatur ad eas, quàm mollibus.

Deindè circa secretum Confessionis sic debet esse cautus, ne vnquam directè, vel indirectè, de longe, vel de prope, in genere, vel in particulari, possit aliquid percipi de ore eius, quòd aliquam notam habeat de aliqua reuelatione quantumcumque leui. Nec etiam debet in speciali laudare aliquem, cuius Confessionem audiuit, de virginitate, vel innocentia, & huiusmodi, ne apud sapientes cum de alio orietur verbum, quem etiam audisset, & non ita laudaret, posset oriri suspicio, quòd idem non esset in illo.



## Cap. XLVI. De Officio Prædicatoris communis.

### *Qualis debeat esse in se?*

**P**Rædicator communis habet officium speculi quantum ad bonum exemplum, & habet officium lucernæ ardentis quantum ad prædicationis verbum. Vnde necesse est, vt concordet in ipso vita, & doctrina, ne quod per vnâ manum ædificat, per aliam destruat. Prætendat itaque Prædicator in habitu humilitatem, in moribus honestatem, in verbis discretionem, in zelo animarum charitatem, in cibo, & potu sobrietatem, in agendis maturitatem.

### *Qualiter ad socium?*

**P**Rædicator egrediens, difficultatem non faciat in socio, sed acceptet illum, quem sibi Prior assignauerit. Ad hæc etiam niti debet, vt quemlibet socium sustineat, vt possit quemlibet sustinere: in via, & in hospitij, non se notabiliter separet à socio. Item concordet sint ad inuicem, & pacifici, nec loquantur simul asperè, aut contentiosè, & præcipuè coram secularibus mutuò se honorent, ac supporteant. Si ad vnum mota fuerit quæstio, in qua alter non respondeat pro eo, dummodò ille sit sufficiens respondere: pro via non litigent, si quandoque errauerint non propter hæc se obiurgent. Iterum, si ambo sunt Prædicatores, & æqualem habent gratiam, maior in via non sibi solemniore stationes eligat, sed prædicationes suas diuidant, prout paci ipsorum, & salutis animarum viderint expedire, nisi Prælatus aliter cum ipsis ordinauerit. De nocte meliorem lectum maior notabiliter non eligat, nec in alijs se super socium extollat.

*Qualiter in hospitijis?*

**P**Rædicator non solum domi studeat, sed etiam in hospitijis, & in via ædificatoria verba libenter dicat. Non fatiget homines, alios cibos quam præparauerint postulando, aut etiam aliquos refutando. Item non habeat in consuetudine cibos mensæ diuersis mittere, vel diuidere, vel etiam eleemosynas dare pro arbitrio suæ voluntatis. Item in bonis consuetudinibus conformet se his cum quibus conuersatur. Sunt etiam alia, quæ apud homines sunt indecentia, sicut dormire in mensa, vel loqui dum quis cibum in ore tenet, & huiusmodi: hæc ubique sunt vitanda. Item quando Prædicator propter æstum, vel propter viæ laborem sitim patitur, potest in mensa, vel ante per haustum aquæ illam restringere, vel vinum cum aqua melius temperare. Committat socio verbum quandoque in mensa, nec ibi dicantur otiosa, sed seriosa; & de Passione Domini non debet fieri mentio, nisi cum omni reuerentia, & maturitate.

*Quid prædicandum?*

**C**Um Prædicator proponit verbum Dñi, attendat quid dicat, quia materia sermonis eius est, Deus, Angelus, Homo, Cælum, Diabolus, Mundus, Infernus, præcepta, consilia, Sacra Scriptura, virtutes, vitia. Item magis illa studeat semper prædicare, per quæ magis videtur posse fructificare.

*Quibus prædicandum?*

**A**t tendat etiam quibus dicat, ut secundum hoc sermonem suum formet. Quibusdam enim competent subtilia, quibusdam plana, & simplicia, quibusdam instructiua, quibusdam motiua, quibusdam terribilia, quibusdam gaudiosa. Consideret ergo quid Clericis conueniat, vel laicis, quid Religiosis, vel secularibus, quid

quid militibus, aut rusticis, quid sanis, aut infirmis, quid iuuenibus, aut senibus, quid obstinatis, vel humilibus, ac deuotis.

*Qualiter prædicandum?*

**S**Tudeat quandoque prædicare breuiter, feruenter, vtiliter, faciliter, & decenter: multum deniquè nitatur, quòd tractum prædicet, & distinctè. Item si Fratres Minores ante sermonis inchoationem superuenerint, verbum prædicationis eis exhibeat, nisi rationaliter quid obftet. Si verò quæstuarij superuenerint habentes litteras Apostolicas, vel Episcopi, studeat, vt in pace sit cum eis.

*Quæ sunt vitanda in prædicatione?*

**N**on prædicet sine præmeditatione; sciat aliàs quid dicere velit, vel debeat. Item vitet quando bono modo potest, prædicare immediatè post prandium: id enim tempus est tam audientibus, quàm loquentibus minùs aptum: sed si oportet fieri temperatiùs sumat cibum, & potum. Item non capiatur in iram contra impediètes prædicationem, vel contra pueros ibi flentes, aut etiam contra dormientes, sed benignè moneat eos. Item caueat in sermone derisiones præsentium, vel derogationes absentium: specialiter autem vitam Clericorum, & Religiosorum coram populo nunquam arguat: nec eos directè, vel indirectè quasi sub pallio notet; quia de talibus non sequitur ædificatio, sed frequenter scandalum, & turbatio plurimorum. Item videat diligentissimè Prædicator, ne quando de verbo Dei faciat sibi viam vindictæ, vt videlicet in sermone suas persequatur iniurias. Item dubia pro veris non prædicet, nec fabulas vanas, aut scurrilia, quæ possunt sermonem facere contemptibilem, vel minùs authenticum. Item non verecundetur idem prædicare sæpiùs, dummodò bonum sit, & vtile, nec etiam id omittat dicere, quòd.

alià.

aliàs prædicauit . Denique tam in sermonibus publicis,  
quàm in collationibus priuatis, aduertat Prædicator cir-  
cumstantias, quæ continentur in hoc versu :

*Respice quid , cur , ubi , quomodo , quando loquaris .*

Explicit Liber de Institutione Officialium Ordinis  
Fratrum Prædicatorum, Reuerendissimi Patris Fratris  
Humberti præfati Ordinis Generalis Magistri .





## T R A C T A T V S

## De Iudicijs in Ordine faciendis.



Prelati non damnent aliquem ad pœnam grauioris Culpæ, aut carceris, nisi in iudicio confessum, vel conuictū, & hoc in scriptis. Et si secus factum fuerit, totum sit irritum, & inane. *Prologus Constitutionum.*

2 Ad confessionem delicti à reo habendam, vel ad convincendum reum in iudicio, quamquam ex Bonifacij VIII. & IX. Constitutionibus non teneantur Prelati rimas, & apices sequi, sed in correctionibus Fratrum iuris ordine postposito, secundum consuetudines approbatas, & instituta Ordinis, simpliciter, & de plano, sine strepitu, & figura iudicij, solum facti veritate inspecta procedere: quædam tamen in huiusmodi correctionibus ita, necessario requiruntur; ut illis omissis, iudicia nullius sint roboris, aut iniqua. Scriptum namque est Deuter. 16. *Iuste, quod iustum est, persequeris.* Bonif. VIII. in 3. *Constit.* Bonif. IX. in 8. d. c. 17. *Const. Ord.* & Romæ 1601. *Ordinat.* 24.

3 Duo enim sunt in quolibet iudicio: vnum est, quod ad sollemnitatem, vel subtilitatem iuris, alterum, quod ad substantiam, & integritatem iudicij spectat. Quæ ad sollemnitatem, vel subtilitatem iuris pertinent, vocantur apices, & rimæ, pro prorogandis, vel abrogandis iudicijs adinuentæ: quales sunt, trina citatio in scriptis concepta, & non aliter, per intervalla cum testibus intimata, deinde iudicij dies non festus, locus non priuatus, contestatio litis cum sollemnitate inchoata; dilationes interlocutoria, exceptiones frustratoria, appellationes dilatorie, aduocatorum contentiones, & iurgia, sententia sedendo, vel stando prolata. Poterit ista Prelatus omig-

tere, neque trinam citationem facere, non in loco Capituli, sed in cubiculo suo tribunal erigere, quocumque die siue festo, siue profesto Iudicium instituere: hora quacumque, siue diurna, siue nocturna, siue ante ortum, siue post occasum Solis examinare; bandum, seu intimacionem dici, & loci iudicij intermittere, & alias quascumque accidentarias iuris solemnitates non seruare. Quæ ad essentiam, & integritatem iudicij pertinent, sunt illa, quæ ad ipsius veritatis realem perfectamque cognitionem, ac legitimam, vel defensionem, vel damnationem reorum necessaria esse videntur, aut Diuino, aut naturali iure introducta, aut eidentissima ratione ab omnibus stabilita *Pegn. can. 104. vers. fin. in 3. p. Direct. Inquisit. ex Clement. lib. 5. tit. de verb. signif.*

4 Ex his evidens est, quid ad essentiam, & integritatem iudicij necessario requiratur - Nimirum primò petitio, seu delatio criminis. 2. articuli, 3. probationes, 4. Iuramentum de nō calumniando, & de veritate nō malitiosè dicenda, 5. Citatio rei, & testium, siue realis, siue scripto recepta, 6. Examen rei, partium, & testium, 7. Defensiones reo concedendæ, 8. Confessio, vel conuictio rei, 9. Instrumentum actionis, seu processus, 10. Sententia definitiva. 11. Poena. 12. Appellatio.

## Cap. I. De petitione, seu delatione criminis.

**I**udex, cum personam publicam sustineat, non secundum priuatam notitiam, aut conscientiam, aut veritatem sibi priuatim cognitam procedat; sed secundum publicam scientiam ad iudicium exercendum accedat. *Nauar. cons. unico, de officio Iudicis num. 5.*

2 Publicam scientiam Iudex de crimine sibi comparat, vel ab accusatione, vel à denunciatione iuridica, vel à clamorosa insinuatione (quam infamiam vocant) vel à notorietate facti, vel demum ab iudicijs grauissimis facti,

cti, siue permanentis, siue transeuntis. Facti permanentis delicta sunt, quorum vestigiū aliquod post illa commissā sensibile manet : vt homicidium, stuprum, incendium, percussio si cicatrix, vel liuor, vel vulnus relinquatur, furtum cum fractura, &c. Facti transeuntis dicuntur illa esse delicta, quorum nulla post ipsa perpetrata sensibile, aut visibile manet vestigium, vt conuicium, blasphemia, iniuriæ verbales, fornicationes, percussio sine signo relicto, furtum sine fractura, &c.

3 Iudici itaque imprimis constare debet de corpore delicti, siue per accusationem, siue per denunciationem iuridicam, siue per inquisitionem; quæ oritur, vel à notorietate facti, vel ab infamia, vel ab indicijis violentis : adeo vt nullus possit processum indiciarium contra aliquem sibi subditum instituere, nisi contra accusatum, aut iuridicè denunciatum, aut legitimo modo infamatum, aut in flagranti crimine notorio deprehensum, aut denique indiciatum. *Commun. sent. Doct.*

## Cap. II. De modo procedendi per Inquisitionem.

1 **I**nquisitio fit, quando Iudex ex officio suo inquirat delicta subditorum, occasione visitationis, quam Prælati Regulares facere tenentur.

2 Inquisitio est duplex : Vna generalis, quando Prælati accedunt ad Conuentum, & præceptum formale in scriptis proponunt, vt si aliqua sint corrigenda in Conuentu, fratres reuelent. Altera specialis, quando præcessit notitia de aliquo singulari delicto, & persona delinquente, & Prælatus ad inuestigationem, punitionemque ex officio procedit.

3 Ex officio Iudex procedit ad inquisitionem tunc, cum crimen aliquod est perpetratum, & est omnino occultus criminofus; vel si non est omnino occultus, non

est tamen aliquis contrà eum acculator : sed tantum, vel in inquisitione criminis alicuius reuelator, vel infamiae delator; vel ipse eius in notorietate facti publicè deprehensus sui ipsius reuelator.

4 Inquisitionem itaque ex officio, debet præcedere, euidencia facti, & publica scientia; non autem priuata. Hæc autem oritur, vel ex notorietate facti, vel ex infamia publica, quæ est, aut de ipso facto, aut de iudicijs certis, & claris, vt docet S. Tho. cū Caieta. 2. 2. q. 67. ar. 2. & q. 69. 1. 2. & 2. & communiter omnes DD. Namq; & ipse Deus, cū processisset ad inquisitionem Cain, , motus est à notoria sanguinis effusione; & ad Pentapolitanos puniēdos ex publico clamore. Qui clamor cū non esset contrà Iudam Furantem, & proditorem, licet priuatim sciret, quòd esset fur, & proditor, non tamen processit contrà eum ex scientia priuata.

5 Inquisitio ex officio non se extendit, nisi ad crimina, de quibus aliquis laborat infamia, non autem ad aliqua alia occulta. Ita docet Caietanus 2. 2. q. 69. ex C. inquisit. habentur, inquit, hæc verba: *Inquisitio fieri debet solummodo super illis, de quibus aliqui clamores pracesse-  
runt.* Quæ decretalis (ait) ita exigit præcedentem infamiam super aliquo crimine, quòd etiam si duo, vel plures, etiam iurati affirmant, aliquem crimen aliquòd eisdem videntibus commississe; de quo aliqua non laborat infamia, non est propterea contrà eum procedendum, aut inquirendum. Omnia enim iudicia sicut ad publicam potestatem, sic etiam non ad priuatam, sed publicam scientiam spectant. Caueant ergo (ita monet idem Caietanus) suæ, & subditorum conscientie Prælati illorū Religiosorum, qui diffamato de vno, præcipiant accusari de alijs, de quibus non est infamatus: peccant enim præcipiendo, & subditi non tenentur obedire. Neque excusantur Prælati huiusmodi ex eo, quòd inquireunt de aliquo, de quo fuit suspicio aliquando; oportet enim infamiam, seu clamorosam infamiationem præcedere, & non simplicem su-



spicionem , aut præsumptionem . *Ita Doctores omnes , ut refert Rodericus to. 2. q. 5. ar. 7. & 9. & q. 113. ar. 3. & q. 19. a. 8.*

6 Inquirens ex officio debet habere summariam probationem , & quidem semiplenam , si contrà personam inferioris conditionis : omninò autem plenariam , si contrà insignem , antequam citet reum ad inquirendum , vel puniendum . *Concil. Trid. sess. 25. cap. 6. ex communi sententia Doctor.*

7 Porro quantum ad reuelationem occultorum , seu secretorum quorumcumque , hæc infra scriptæ regulæ , tam à iudicibus Prælatiis , quàm à subditis scientibus , vel committentibus aliquid in occulto obseruentur , & ante oculos habeantur .

Primò secretum in sacramentali confessione auditum nullus Sacerdos quomodocunque præcipienti Prælato , neque directè , neque indirectè , nec verbo , nec nutu , nec signo , nec scripto , neque quouis alio excogitabili modo audeat reuelare . Quod si fecerit , pœna sacrilegij puniatur .

Secundò , secretum ab aliquo sub fidem silentij receptum , si vergit in præiudicium , vel periculum Ordinis , aut personarum , vel ex eius retentione imminet periculum scandalum , vel ruinæ , vel graue damnum , aut incommodum alicuius Fratris , vel Communitatis , cui potest obuiari per reuelationem secreti : Prælato præcipienti in genere , tenetur subditus illud reuelare , quia sicut iuramentum non est vinculum iniquitatis , sic secretum promissum , vel commissum , non debet esse vinculum , aut velamen scandalum , & ruinæ , & maximi damni proximi , vel Communitatis . Non tamen tenetur de illo crimine sibi sub secreto commissio illum accusare , nisi possit hoc sufficienter probare , quia nullus tenetur ad id , quod nequit perficere .

8 Habita informatione de crimine , citet reum , vel per scripturam , si absens est , vel per realem ipsius ad suum tribunal , & ad locum iudicij vocationem . Locus

autem Iudicij est camera Prioris, vel aliquis alius locus, ubi iudicialiter agatur contra reum.

9. Citato, & comparenti reo informato, seu denunciato debet in primis iudex dare in scriptis, vel verbote nus significare causam propter quam sit citatus, seu vocatus, antequam illi præceptum de veritate dicenda faciat, & antequam ille respondere teneatur.

### *Forma procedendi per viam Inquisitionis.*

**Q**uando Prælatus, vel Visitator non habet accusationem, vel denunciationem, sed personæ graues, & zelantes notum faciunt Prælato delictum graue, sic proceditur. Die                      Mensis.                      Anno,

Cum peruenisset ad notitiam, vel ad aures R. P. Prioris, vel Visitatoris, publica quadam fama deferente, in Conuentu N. tam delictum scandalosum fuisse patratum, quod attendentes delictum vergere in Dei offensam, & in iacturam Religionis ex debito officij visum est iuridicas informationes capere à fide dignis, quæ possent veritatem patefacere. Et ideo vocatus R. P. N. coram R. P. existente in sua cella, vel Conuentu in propria habitatione, & facto sibi præcepto formali &c. & præiis debitis admonitionibus.

Interrogatus, an sciat, vel saltem imaginetur causam suæ vocationis, & præsentis examinis &c.? & scribatur latino, vel vernaculo sermone eius responsio: & si affirmat, addatur.

Et ei dicto, quòd seriatim dicat, vel narret quidquid scit de huiusmodi re, vel facto &c. Omnia notentur, & animaduertat, vt exprimantur omnia necessaria, & circumstantiæ, scilicet: delictum, delinquens, complices, locus delicti, tempus præcisum quando commissum, occasio, siue causa, toties & quoties, testes qui fuerunt præsentis, aut de visu, aut de auditu, & alia similia.

Si verò Testis dicat se ignorare causam suæ vocationis, & examinis.

Interrogatus, an sciat aliquod delictum fuisse patratum, vel verba dicta in eo Conuentu, vel Congregatione, quod vergat in dedecus Religionis &c?

Et si affirmet, dicatur vt referat omnia, & explicet circumstantias, prout supra.

Et si neget, monitus vt caueat à mendacijs, & veritatem dicat, quia datur insistens informatio &c.

Et si neget, dicatur impono tibi silentium &c. obtemperata eius subscriptione, & notetur. Tunc fuit dimissus &c.

### Cap. III. De modo procedendi per denunciationem.

1. **D**enunciatio est duplex: altera Euangelica: altera iudicialis: Euangelica est, quæ sequitur correctionem, in qua primò admonetur secretò Frater delinquens: deindè emendatione non sequeuta, adhibentur testes: postea hæc denunciatio Euangelica, quæ ad eum finem tendit, vt Prælatus, non vt Iudex, sed vt Pater, admoneat delinquentem. Iudicialis ea est, quæ sequitur Euangelicam, quando illa non prodest. Differuntur autem inter se valdè hæc duæ denunciationes: nam Euangelica fit ore tantùm sine scriptura, & figura iudicij: Iudicialis verò, si fit de graui crimine in scripta redigenda est. Finis Euangelicæ est sola emendatio delinquentis, qua habita desistit: iudicialis verò etiam si emendationem peccatoris intendat, adhuc tamen satisfactionem offensæ expostulat, siue publicam, siue priuatam, ad differentiationem accusatoris, qui (vt dictum est) publicam vindictam legis in suo rigore petit. Euangelica soli ininitur charitati: iudicialis verò, partim charitati, & partim iustitiæ. Vndè hæc media est inter denunciationem Euangelicam, & accusationem. Omisita igitur Euangelica, de iudiciali aliqua dicamus.

2 Peccata sunt duplicia, quædam publica, quædam occulta. In publicis non tenetur denunciator pramittere

correctionem fraternam, quia hæc tantum de occultis fieri præcipitur. Qui autem publicè aliquem offendit, non solum eum cum peccat, offendit, sed etiam alios videntes, quos turbat. Peccata autem occulta adhuc sunt subdiuidenda; nam quædam sunt in nocumentum corporale, vel spirituale proximi, vt proditio Ciuitatis, vel auersio hominis à fide, & in horum denunciatione non debet præmitti correctio, quia non solum in te peccat, sed etiam in alios: nisi forsan firmiter existimares, quod proditor, vel hereticus per correctionem à delicto auerteretur, quod difficile creditu est, & ideò talia delicta denuncianda sunt. Quædam verò peccata omninò occulta sunt, quæ malum inferunt tantum peccanti, vel ei etiam in quem peccatur, per offensam, vel notitiam solam: & in his denunciandis: secreta monitio debet præcedere. Sunt tamen aliqui casus à Theologis præscripti, in quibus non tenetur præmittere correctionem secretam denunciationi iudiciali: scilicet, quando nulla esset spes emendationis, quando sibi iuste timeret de malo inferendo, quando in delicto graui periculum esset in mora; quando ageretur de delicto in perniciem multitudinis; & quando punitio delicti esset ob scandalum maximè necessaria.

*Forma procedendi per viam denuncia-  
tionis.*

|   |        |      |
|---|--------|------|
| Die   | Mensis | Anni |
| Coram R.P. existente in Conuentu &c. spontè sese obtulit P. N. ætatis annorum tot, qui medio præcepto formali exposuit, &c. vt infra, & legatur præceptum in forma. |        |      |

Et per extensum notetur series facti, & contestes, & tempus, & locus: & si delictum est talis naturæ, vt aliqua vestigia relinquantur, ante omnia debet constare in processu scilicet vulnus in corpore, fracturæ scrinij, si fur-

tum



tum fuerit factum, & alia similia &c. & apponentur in processu dicta negatiua, vel dubia, videlicet non recordor, quo tempore, loco, vel occasione &c.

Non fiant interrogatoria suggestiua, videlicet, est ne verum, quod furatus est, vel vulnerauit fratrem? &c.

In fine examinis interrogetur, an ea quæ dixit, odio, vel amore deposuerit, an Dei gloria, & pro correctione Fratris? &c.

Et post hæc legatur eius depositio & notetur in processu: & si verbum voluerit addere, scribatur, &c. & scriba terminabit examen his verbis.

Quibus habitis dimissus fuit, imposito sibi silentio sub eodem præcepto, & subscribatur: Ego F. &c. affirmo, vt supra. Deinde scriba concludat: Acta sunt hæc per me F. N. scribam assumptum, præsentibus testibus F. & F. qui se subscribent.

Post hæc procedendum ad examen testium hac forma videlicet. Eodem die, vel &c. vocatus P. N. coram eodem Priore, vel Visitatore existente in eodem loco &c. & facto sibi præcepto &c.

Interrogatus, an sciat, vel imaginetur causam præsentis examinis? & si dicat scire, vel imaginari, dicat &c.

Si negat. Interrogatus, an sciat aliquod delictum patratum in Conuentu, quod vergat in offensam Dei, & in scandalum, vel dedecus Religionis? Et si persistat in negatiua, moneatur, vt dicat veritatem: & si recusabit &c. dimittatur, imposito silentio, & se subscribat &c.

Et si affirmabit, explicabit omnes circumstantias, temporis, loci, & contestium, & occasionis &c. prout in denunciatione.

Et examinentur testes, qui ex certa scientia erunt informati: & si resultabunt grauiora indicia contra reum, & sit periculum de fuga, poterit carcerari, vel arrestari in cella.

## Cap. IV. De modo procedendi per viam accusationis.

1 **N** Vllus potest aliquem accusare de crimine, quod nō potest probare, vt docet D. Thom. 2. 2. q. 65. & habetur in glossa *Constitut. de solemni celebratione Capituli*, vbi dicitur. Fratres ne aliquem accusent de crimine, nisi viderint ipsum delinquere: quod si de auditu eum tantum accusent, nouerint id sibi non licere, nisi probare possint, quod nedum ab alijs audierint, sed etiam quod in rei veritate accusatus illud crimen commisit.

2 Qui sciuerit aliquod crimen vergens in damnum spirituale, vel temporale Communitatis, (quod tamen probare potest, vt dictum est,) tenetur ex præcepto reum accusare: vnde accusandi sunt nedum illi, qui totius Religionis diuisionem moriuntur, sed etiam, qui Prouinciam, aut numerosum Conuentum conturbant, vel suis delictis infamiam notabiliter inurunt.

3 Accusationes semper debent fieri in scripto, quapropter in Constitutionibus dicitur, vt nullus condemnatur ad pœnam grauioris Culpæ, vel ad carceres, nisi confessus, aut conuictus in scriptis, vt dictum est.

4 Tenetur autem Iudex præsertim priuatus, accusationem sibi factam prosequi vsque in finem, quamuis possit etiam, vel accusationem in principio non admittere, aut inceptam dissimulare, aut suspendere quotiescumq; viderit id cedere in bonum commune, quod præferendum est particulari. Si verò ex abolitione, vel dissimulatione, aut suspensione accusationis, nullum auxilium bono communi additur, Iudex quilibet accusationem debet prosequi, & non debet, neque potest ab incepta accusatione cessare.

5 Quando Prælatus procedit per accusationem, debet ipsam accusationem ab accusante accipere in scriptis, sub hac forma: Coram vobis R. P. F. N. Prouinciali, vel

Priore, Ego F. N. propono accusando, & in scriptis proponendo accuso Fratrem N. quòd commisit furtum in Ecclesia N. vel quòd tale peccatum fecit: & quia hoc est grauissimum scelus, & enormis iniquitas, ideò, peto iustitiam desuper fieri, & offero me per præsentes ad probandum, faciens prædictam accusationem, & proponens tantum verbo, quàm scripto. Datum in nostro Conuentu N. die                      Mensis                      Anni                      Ita est. F. N. manu propria.

7. Vbi diligenter animaduertendum est, quòd Prælatus non tenetur, neque potest vocare Patres à consilijs, etiam si sint Patres Prouinciæ, vt assistant ipsi in actuali formatione processus, cum hoc debeat esse secretissimum, & ad solum Iudicem cum suo Notario pertineat. Deinde formato corpore delicti, de quo reus accusatur, & lecto infra scripto præcepto, debet examinare testes supra formatos, & ordinatos articulos, sub forma infra scripta.

In primis vocato altero ex testibus, qui producuntur ab accusatore, & accepto aliquo Religioso pro Notario, legat sequens præceptum ipsi testi.

Nos F. N. Prouincialis, vel Prior Prouinciæ, vel Conuentus N. autoritate officij, nostri, in virtute Spiritus Sancti, & sanctæ obedientiæ, sub formali præcepto, mandamus tibi F. N. vt nudam, & simplicem veritatem nobis dicas, ad interrogata: In nomine Patris, & Filij, & Spiritus Sancti, Amen. Potest etiam addi pœna Excommunicationis, si enormitas delicti illam expostulauerit.

Facto præcepto, sic potest inchoari examen. Die

Mensis

Anni

In Conuen-

tu N. vocatus fuit coram A. R. P. F. N. Prouinciali, vel Priore, F. N. de N. & factò illi in scriptis formali præcepto de veritate dicenda ad interrogata.

Interrogatus primò, an ipse sciat Fratrem N. habuisse aliquas pecunias, vel monile, vel gemmas? &c. Respondit: Ego vidi, vel audiui à F. N. quòd F. N. habebat decem aureos, vel vnum adamantem, vel auream catenam penes se &c.

In-

Interrogatus secundo, an alter esset cum ipso, quando hoc vidit, vel audiuit? Respondit. Erat mecum F.N. & F. P.

Interrogatus tertio, an ipse sciat, unde F. N. habuisset illas pecunias, gemmas &c? Respondit: Ipsemet F. N. dixit se habere à P. &c.

Interrogatus quarto, an sciat quid fecerit ex illis pecunijs F.N? Respondit: Aliquibus emit sibi pallium, aliquibus chirothecas, aliquibus pileum &c.

Interrogatus quinto, an aliàs viçisset, vel audisset ipsum Fratrem N. fecisse similia, vel circa ista habeat aliquid aliud dicendum? Respondit: Nihil scio, si fecit: audiui tamen aliqua, quorum non benè recordor, nec aliud habeo dicendum circa prædicta.

Acta sunt hæc per me Fratrem N. de N. loco scribæ, & Notarij in hac causa vocatum, & prædicto Fratri N. de verbo ad verbum lecta, ab eoque in confirmationem veritatis deposita, & fideliter scripta propria manu subscripta eadem die, & anno; sicque dimissus fuit, factò priùs illi eodem præcepto formali de non reuelandis his, siue directè, siue indirectè.

Ita est Frater N. manu propria.  
7 Sic examinatis testibus omnibus, vocatur reus, & quidem si absens fuerit, debet citari sub hac forma.

Nos Frater N. non valentes, nec volentes cuiquam petenti negare iustitiam, neque contrà inaudientem, aut absentem proferre sententiam: tibi P. F. N. notum facimus, quòd contrà te obijciuntur quædam, quæ formam accusationis sequuntur. Propterea ad requisitionem eius, qui te accusare intendit, primò, & secundo, ac tertio peremptoriè te vocamus, ac in virtute Spiritus sancti, & sanctæ obedientiæ sub præcepto formali, & sub pœna conuicti, vel carceris, vel &c. tibi præcipimus; vt intra sex dies, vel horas, quarum duas pro primo, duas pro secundo, & duas ultimas pro tertio, & peremptorio termino assignamus, coram nobis in Conuentu N. comparuisse.



ruisse, & te præsentasse debeas, responsurus his, quorum accusatus fueris: aliàs si contumax fueris, ad sententiam procedemus, & ad alia, quæ contumacibus inferri solent. de harum autem tibi facta præsentatione, latori præsentium fidem dabimus. Datum &c.

Postquam autem præsens fuerit reus, fiat illi tale præceptum.

Nos Frater N. Prouincialis, vel Prior Prouinciæ, vel Conuentus N. cum coram nostro officio accusatio officiosa præsentata sit contrà te Fratrem N. quòd contrà votum paupertatis, (vt supra) per occultam rerum, vel pecuniarum retentionem, vel acceptionem feceris; nec volentes cuiquam petenti negare iustitiam ad iudicium descendentes: te primò, secundò, & tertio admonemus, & hortamur ad veritatem dicendam, & in virtute Spiritus sancti, & sanctæ obedientiæ, sub formali præcepto, & poena conuicti (vel etiam Excommunicationis) præcipimus; vt sine tergiversatione meram, simplicem, & integram veritatem respondeas ad interrogata. In nomine Patris, & Filij, & Spiritus sancti. Amen.

8 Prædicta citatio, vel præceptum, vel vtrumque simul, ante rei examen scribendum erit, & immediatè sic prosequendum.

Eadem igitur die in Conuentu N. vocatus fuit ante officium eiusdem P. Prouincialis R.F.N. & factò, & lectò illi præfato præceptò de veritate dicenda.

Interrogatus primò, An ipse habeat, vel habuerit aliquas pecunias, monile, vel gemmas? Respondit. Ego non habeo, sed habui ante duos menses à Placido meo benefactore.

Interrogatus secundò. Quot florenos habuit? Respondit: Decem aureos.

Interrogatus tertio. Quid fecerit ex ipsis pecunijs? Respondit: Emi res mihi necessarias, videlicet pileum, chirothecas, & alia.

Interrogatus quarto. Quid ampliùs ex alijs pecunijs fecerit?

rit? Respondit: Emi mihi aliquoties vinum propter indispositionem stomachi.

Interrogatus quintò . An cum licentia Prælati acceperit , vel expenderit istas pecunias? Respondit: Non acceperit licentiam.

Acta sunt hæc per me Fratrem N. de N. & secundum formam præscriptam præfato Fratri N. lecta, ab eoque eadem die, & anno manu propria subscripta . Ita est Frater N. manu propria. Si nesciat scribere dicatur sic : Et cum nesciret scribere, coram Fratre N. & P. testibus vocatis fecit crucem.†

Ita est Frater N. manu propria .

Ita est Frater P. manu propria.

## Cap. V. De Testibus .

1. **I**N duobus casibus tenentur testes se spontè exhibere, scilicet, quando crimen esset in damnum Communitatis , & quando scirent aliquem iniuste condemnari: tunc enim debent facere, quòd in se est, ut eum liberent, propalando veritatem alicui, qui possit prodesse.

2. Requisitus testis tenetur dicere veritatem, quando delictum non est occultum , quia occulta soli Divino iudicio subsunt : & etiam si delictum fuisset manifestum, si tamen testis de illo habuit notitiam solum in confessione sacramentali, non potest illud prodere , quantumcumque esset contrà bonum commune.

3. Duo testes contestes omni exceptione maiores plenè possunt probare delictum, iuxta illud . *In ore duorum , vel trium stat omne verbum* , & ad maiorem certitudinem tres, qui tamen nec ullus illorum debet esse accusator, aut denunciator . Si autem testes deponant contrà suum Prælatum, exactiori diligentia utendum est, ut habetur in formulario nostrarum Constitutionum : nam Prælati , quos oportet alios arguere , & castigare , multorum captionibus obijciuntur.

4. Testimonium ex auditu debile est , & aliquando etiam si multiplicenter talia testimonia , vix unius testis

audoritatem habent. Nam centum possunt audiuisse ab vno, & quantum valet illius testimonium, tantum valet omnium simul. Rursus vnus potest audiuisse à centum, & illis abeuntibus, aut absentibus, solus relinquitur.

5. Testis falsum deponens peccat mortaliter, quia agit contrà duo praecepta: scilicet; *Non periurabis, & non dices falsum testimonium contrà fratrem tuum*. Et etiam peccat dicendo mendacium, non tamen mortaliter necessario, nisi sit perniciosum.

6. Testes contestes debent interrogari de causa scientiæ, per quem modum sciunt crimen illud fuisse commissum, vtrum scilicet per auditum, vel per visum, quando, vbi, quo præsente, quomodo, quoties factum videntur? Quamobrem interrogandi erunt de his circumstantijs: Quis, cui, cur, quomodo, quando, vbi, quibus videntibus, quibus socijs, quibus auxilijs? &c. Testes contestes si deponunt de auditu, probant infamiam, & sequitur inquisitio: si deponunt de facto, sequitur poena. Et quando aliquis de vno peccato iterabili actu per testes contestes conuincitur, potest de iteratis actibus eiusdem peccati in specie, & numero, cæteris paribus, concurrentibusque per testes singulares, si est factum iterabile, (vt carnis peccatum cum vna, vel vno, vt sunt etiam detractiones famosæ, blasphemix, furta, &c.) conuinci; & tunc possunt idonei reputari socij, siue sint eiusdem Ordinis, siue non, & contubernales, vbi factum esse dicitur, & iniuriam, vel contumeliam passi. Secus si de nullo primùm actu per contestes conuictus est, & post accusatur à pluribus non contestibus, ab vno de vno actu, à secundo de alio eiusdem speciei; tunc talis non est conuictus, nec potest sententialiter condemnari. Sed si alia concurrunt, potest inquiri, sicut fuit decretum Perpiniani 1327. & Ferrariæ 1362.

7. Testes contestes, vel singulares quoque deficientes in primo capitulo, non sunt admittendi ad sequentia, per C. 1. q. 10. Quod etiam à Concilio 7. Carthaginensi.

confirmatur, in quo sic statum legitur: *Placuit, ut quoscunque Clericis ab accusatoribus multa crimina obijciuntur, & unum ex his de quo prius egerint, probare non valuerint, ad cetera iam non admittantur.* Idem decretum est in Concilio 3. Arelatens. in quo sic habetur: *Eos qui falsa Fratribus capitula obieciſſe &c. & rationabiliter, qui enim semel impostor, semper impostor.*

8. Inter iudicia ponendum est, quod à Constitutionibus positum est, de mala familiaritate suspecto. Si quis autem de mala familiaritate notabiliter suspectus fuerit, & post admonitionem à Prelato de consilio discretorum Fratrum, coram eisdem sibi pluries factam, se non correxisse deprehensus fuerit: præcipiatur ei in virtute sanctæ obedientiæ per Prælatum coram illis, coram quibus monitus fuerat, si præſentes fuerint, vel coram alijs discretis de consilio eorundem, ut à tali familiaritate desistat. Quod si tale præceptum transgressus fuerit, postquam hoc legitimè constiterit, tamquam reus, & convictus de suspecto crimine habeatur.

## Cap. VI. De Reo.

1. **R**eus tenetur dicere veritatem ad interrogata, quando interrogatur secundum ordinem iuris: id est, quando interrogatur à Iudice competenti, & quando præcedit infamia contra reum, vel indicia manifesta, vel semiplena probatio: quo casu reus negans veritatem, peccat contra dilectionem Dei, cuius est iudicium, & contra dilectionem proximi, tum ex parte Iudicis, cum negat, quod debet fateri, tum ex parte accusatoris, quem reddit mendacem & dignum pœna.

2. Non est licitum reo dicere mendacium, etiam quando interrogatur contra ordinem iuris prædictum, quia hoc est intrinsecè malum: ac propterea nunquam est licitum; poterit ramen tacere veritatem, modo à Doctoribus præscripto.

3. Quando per præceptum veritas haberi non potest,



& vrgent indicia graua circa delictum enorme, tunc deueniendum est ad sequestrationem, quæ tria bona parit. Primò, quia cùm sit pœnalis, monet reum ad faciendum delictum. Secundò impedit, ne quærat, quid deposuerint testes, vel eos subuertat. Tertiò retinet, ne fugam arripiat: & hi sunt, qui dicuntur arrestati, ad differentiam destinatorum ad carceres per sententiam.

4. Postremum medium ad indagandam veritatem, quando prædicta non sufficiunt, est tortura, & tormenta corporalia: in Religione autem vlitatæ sunt abstinentiæ, disciplinæ, & huiusmodi.

5. Nunquam contrà absentem, vel inauditum debet sententia proferri: & si petierit tempus, debet illi competens tempus concedi ad respondendum: si petierit procuratorem aliquem ex Fratribus, qui pro ipso respondeat, præsertim quando fuerit ignarus, non debet renuere Prelatus illum concedere: & si reus adhuc negauerit modo supradicto, debet poni ad torturas, & tandem debet proferri sententia.

6. Reus patienter est interrogandus, & multis interrogationibus vrgendus super delictum, de quo contrà ipsum extant indicia, omni postposita passione, & respectu humani, Deum præ oculis habendo, & veritatem: nec vnquam promittenda est impunitas si confiteatur, nisi esset complex aliorum delinquentium, & aliter non posset veritas haberi.

7. De reo enim est nomen, progenies, ciuitas, conditio, qualiter se alias habuit in moribus, quomodo se habet in examine, an palleat, rubeat, timeat, titubet, vacillet, audacter proferat, omnia sunt scribenda.

8. Cauendum est ab interrogatorijs suggestiuis.

9. Improbandæ sunt responsiones datæ, quæ falsitatem, aut impossibilitatem, seu inuerisimilitudinem præferunt, exempli gratia: Et sibi dicto quomodo audeat negare, &c. quia in processu &c. ipse confessus est &c. vel etiam constat ex dictis plurium &c. Omnia verò

interrogata sunt extendenda, neque interrompendus est reus.

10. Reus interrogandus est, an habeat inimicos, & quos, & dicat causam inimiciæ per extensum.

11. Si reperiantur in camera rei inditia aliqua, vel scripturæ, aut similia, illi ostenda sunt pro recognitione, quæ est facienda per similia verba; Ad omne bonum, finem, & effectum &c. ostensa fuit illi scriptura talis &c. qua visa, inspecta, lecta, & diligenter considerata, dixit &c. hæc est mea scriptura, non viciata, non cancellata, non supposita, sed à me verè scripta, & principium, & finis scripturæ scribenda sunt in hunc modum. Quæ incipit &c. finis verò &c.

12. Denegatis defensionibus, nunquam potest procedi ad torturam. *Cathaldus de sindicatu num. 165.* Ibi, adde quod dicitur: Quamobrem offerendæ sunt defensiones completo processu, per decretum temporis præsentis. Tunc Iudex &c. volens venire ad expeditionem causæ, & causarum, obtulit N. suas defensiones, si quas facere intendit, ac decrevit copiam processus, habitis prius testibus pro ritè examinatis, & confrontatis. Salvo tamen iure officij, ac sine præiudicio vltioris processus, & examinis, assignato illi termino trium dierum, plus, & minus, pro arbitrio &c. omni meliori modo &c. potest enim, ac debet ex iusta causa prolongari terminus dierum &c. Itaque prius reus debet clarè habere testes pro ritè examinatis, tamen cum clausula, salvis sibi exceptionibus contra personas, & dicta testium, ac repetitione, quatenus opus fuerit &c. nec ante hanc approbationem danda est ei copia processus reo, vel procuratori suo. Si verò non habet illos pro repetitis, citandus est ad danda interrogatoria, & tunc hæc sunt, quando reus non est confessus delictum.

13. Audita rei confessione, si aliqua resultant, quæ habeant vim plenæ, aut semiplenæ probationis, iubeatur ire in arrestum: sed Prælati aduertat, quò id faciat cir-

cum spectè. Si enim aliquis est insignis auctoritatis, vel opinionis, ex cuius detentione maior esset infamia, damnum, vel scandalum Communitati, quàm ex delicto, de quo est infamatus, non tamen conuictus, neque plenarie confessus: si deindè non est periculum de fuga alicuius, qui nondum est plenè conuictus, aut confessus, non procedat inquirens ad realem detentionem ipsius. Nam hæc est iniuria irreparabilis, & infamia, quæ nunquam ex persona, & Communitate aboletur, etiam si postmodum sententialiter absolvatur reus. Secus si sit persona mediocris, vel inferioris conditionis, & est periculum evidens de fuga illius, & non oritur scandalum. *Ex mente Concilij Tridentini sess. 25. cap. 6. & ex communi sententia Doctorum.*

14. Reo in arresto detento debet inquirens dare locum, & tempus defensionis, porrectis illi articulis, de quibus in processu; deindè probationibus, nominibus testium, copijs indiciorum, insuper & nota propriæ confessionis, & inquirere, an scilicet velit aliquid opponere contrà deponentes, aut depositiones, & an velit suæ confessioni aliquid addere, vel explicare, vel corrigere: vt communiter hebent Doctores ex exceptione illa Act. 25. quæ dicit: *Non est Romanis consuetudo damnare hominem aliquem, priusquam is, qui accusatur, præsentibus habeat accusatores locumque defendendi accipiat, ad abluenda crimina.* Defensionem verò tam necessariam esse aiunt Doctores ex multis decisionibus Rotæ, vt neque ipsi diabolo, si adesset in iudicio, deneganda esset. Doctores etiam pluri apud Franciscum Pegna, atque Eymericum asserunt, neminem posse defensionem renunciare; præsertim, quæ est ex exceptionibus contrà testes, quibus inter alia potest obijci inimicitia, quæ oritur ex iurgiis, conuicijs, minis, verberibus, & alijs præuijs, tum etiam ex studijs factionis contrariæ.

15. Propositis articulis, interrogetur reus per præceptum, vel sub Excommunicationis sententia; An fecerit,

rit, scilicet, An acceperit pecuniam à tali, & an eam cælauerit animo proprietario? Si neget surgens compurgator dicat per conscientiam suam, quòd credit ipsum veritatem dixisse, & quòd credit ipsum ab impositis criminibus innocentem esse.

16. Si crimen est notorium, vel accusator offerat se ab probationem, non debet Prælatas recipere purgationem, etiam si infamatus offerat se daturum.

17. Recusans canonicam purgationem, quia præsumitur esse reus debet canonica animaduersione puniri.

18. Deficiens in canonica purgatione, Regularis non debet puniri pœna ordinaria *C. significasti de aduli.* nam tunc Iudex procedit ex præsumptione, quæ valdè ambigua est, & moderationem sententiæ extorquet, *C. assert. de præsumpt.* & Siluester *in verb. canonica purgatio*, & communiter Doctores. Vnde etiam tunc non exprimitur causa in sententia lata.

19. Inter pœnas extraordinarias numeratur correctio verbalis, quæ pro ratione criminis, & personæ usurpanda erit. *Satus de ratione tegendi secr. membr. 2. q. 4. conclus. 3.*

20. Inter pœnas ordinarias, est priuatio vocis, absolutio, & reliqua *in cap. de grauiori, & graueissima culpa.*

## Cap. VII. De Sententia.

**I**udex sententiam diffinitiuam prolaturus, debet in narratiua summarie articulos proponere, & causas, quæ ad sententiam ferendam mouent exprimere, sententiamque in scripto conceptam, sedens in loco iudicii pro tribunali ipse proferre, quæ poterit formari in hunc modum: Nos Frater N. &c. in causa contra te Fratrem N. &c. coram nobis pendente, & per processus in scripto formatos deducta, ad vltimam conclusionem per diffinitiuam sententiam procedere volentes, cum per publicam famam, scilicet potius infamiam, (vel cum per plurimum Religiosorum, & bonæ conscientiæ Fratrum denuncia-

tionem



tionem) ad nostram notitiam perlatum fuisset, te Fratrem N. supradictum, pecuniam à D. N. clam recepisse, neque ad depositum commune detulisse; certiùs informandi, vtrum clamorem opere compleueris ad examen descendimus. Adhibitis ergo, & sub iuramento examinatis testibus idoneis, in certam, & probatam facti cognitionem venimus, quam è vestigio confirmavit confessio tua, primum in arresto excussa, & demùm extrà illud repetita. Ideòque sedentes in camera nostra in sella, quam pro tribunali, & loco iudicij elegimus, Deum, & iustitiam præ oculis habentes, Christi nomine inuocato; pronunciamus, & sententiamus contrà te, videlicet: quia tu pecunias clam accepisti, easque in deposito communi non reposuisti; ideò te in pœnas in Constitutionibus nostris expressas, & huiusmodi Culpæ appositae damus: videlicet, te præfata pecunia priuamus, eamque Conuentui applicamus, teque carceri addicimus, & addictum esse declaramus per tres annos ibidem ieiunijs panis, & aquæ semel in qualibet hebdomada macerandum: reseruantes nobis, & discretioni Præsidentis facultatem moderandi, vel dispensandi in prædictis &c. Acta, lata, & lecta fuit hæc sententia in camera nostræ residentię per me Fratrem N. præfato Fratre N. præsentem, & audiente, & testibus infrascriptis, qui propria manu subscripserunt die                      Mensis                      Anni.

2. Si aliqui senserit se esse grauatum, poterit gradatim appellare, & Apostolos, seu dimissorias litteras ad superiorem iudicem petere, & Prælatus quandoque non debet eos illi denegare.

3. Iudex si aliquem deprehenderet in flagranti crimine, iudiciario ordine prætermisso, adeòque nullis datis reo defensionibus, potest sententiam in grauioribus proferre; quemadmodum S. Paulus notorium quendam Corinthium sathanæ per Excommunicationis sententiam nullo seruato iudiciario ordine tradidit. 1. Corimb. 5.

*Forma condemnandi conuictum per  
accusatorem.*

**N**OS F. N. &c. in causa, & causis contrà F. N. coram nobis pendente, ac per processus in scripto formatos deducta, cum per accusationem à F. N. coram nobis cum inscriptione propositam, accusatus fueris, quòd furtum T. commiseris, & per productos idoneos testes sub præcepto examinatos, Catis tibi defensionibus, idem furtum fecisse conuictus fueris: nos verò vt ad finem causæ per diffinitiuam sententiam procedere vellemus, instanter fuerimus requisiti; vt iustitiæ deferamus ad sententiam hoc modo deuenimus; videlicet, quòd sedentes in camera nostra in sella, quam pro tribunali, & loco iudicij elegimus, Deum, & iustitiam præ oculis habentes, accusatione, attestationibus, defensionibus, & dictis vtriusque partis auditis & visis, & omnibus diligenter inspectis, peritorum etiam consilio desuper habito: Christi nomine inuocato, dicimus, pronunciamus, & sententiamus te Fratrem B. quamuis non confessum, conuictum tamen esse criminis furti talis, & tanquàm conuictum, & reum damnamus, cumque aliter non sis soluendo, decernimus, vt per pœnas culpæ satisfacias: & misericorditer tecum agendo, arcto carceri per tres annos addicimus, ibidem tribus diebus qualibet hebdomada per annum integrum panis, & aquæ ieiunio, ac singulis mensibus vna feria sexta disciplina circulari in Capitulo, & prostrationibus ante ianuam Refectorij transeuntibus ante, & post prandium Fratribus flagellandū, affligendū, & humiliandū. Reseruantes tamen nobis facultatem remittendi, & moderandi pœnas prædictas, vel totaliter relaxandi, si confessus culpam, humiliter petieris veniam, & emendationem promiseris. Acta, lata, & lecta fuit hæc sententia in camera tali, per me Fratrem T. præsentem, & audiente præfato Fratrem B.

& testibus infraſcriptis , qui propria manu ſubſcripſe-  
runt die                      Menſe                      Anno.

*Forma ſententie contrà accuſatorem , qui in  
probatione defecit .*

**N**OS F. N. &c. Recolentes nos ex iuſtitia debitores  
eſſe æqualitatem conſtituendi , & attendentes c.  
Fratrem A. magna uſum iniquitate , cùm per accuſatio-  
tionem inſcriptione appoſita Venerandum Religioſum  
B. criminis proprietatis , & furti accuſaſſes , nec tamen in-  
tra tempus cõſtitutũ teſtes legitimos , & ſufficiētes ( prout  
te obligaueras ) produxiſſes : vel nec productis teſtibus , &  
ſub præcepto examinatis , ſufficiēter probaſſes , quòd pro-  
poſueras contrà eũ ; propter quod , ſi conuictus fuiſſet , præ-  
nam grauioris Culpæ , & carceris pati debuifſet ; ac pro-  
pterea incidiſſe te in talionē : idcirco vt in caput authoris  
recidat m. iſtitia eius , & cæteris exemplo ſis non perpe-  
trandi ſimilia , ſedētes in Cella noſtra in ſella quā pro tri-  
bunali , & loco iudicij elegimus , Deum , & iuſtitia præ ocu-  
lis habētes dicimus , pronūciamus , & ſentēciamus te Fra-  
trem N. præfatum , fuiſſe , & eſſe iniquum accuſatorem ,  
& malitioſum infamatorem , ac ſubinde pæna talionis  
damnamus ad arctum carcerem per tres annos , in quem  
ſtatim induci debeas , ibique &c. reſeruantes &c. non ta-  
men c. contrà noſtrarum Conſtitutionum tenorem . Acta,  
lata , &c.

**Cap. VIII. De Pœnis .**

1. **N**E crimina ſint impunita , debet Prælatus conui-  
cto , vel conſeſſo pœnam ordinariam in Conſtitu-  
tionibus expreſſam infligere .

2. Renuncianti ſuis deſenſionibus ex his , quæ reſul-  
tant in proceſſu , attenta perſonæ qualitate , & criminis  
grauitate , debet pœnam , vel extraordinariam , vel ſi  
ordinariam , non tanto tempore , neque cum tanta rigi-

ditate, quantam si admissis, petitisque defensionibus conuictus meruisset, imponere.

Reliqua de pœnis habentur in *Constit. D. 1. cap. 16. & sequentibus*.

## Cap. IX. De Appellationibus.

1. **D**Enunciamus Fratribus nostris, olim apud Carthagonam 1312. statutum fuisse, quod quicunque Frater repertus fuerit (iudicio eius ad quem spectat) sine causa rationabili à quocunque Superiore suo appellasse, carcerali custodiæ mancipetur.

2. Denunciamus etiam, Bonifacium Papam VIII. Pont. Max. statuisse huius qui sequitur tenoris Constitutionem: *Auctoritate Apostolica tenore presentium ex certa scientia indulgemus, quod predictus Magister, & alij Præsidentes in dicto Ordine, ad quos id pertinnerit pro tempore, in correctionibus Fratrum eiusdem Ordinis, iuris ordine proposito, secundum consuetudines approbatas, & instituta Ordinis antedicti procedere libere, & licite possint, & valeant: Quodque nullus ex Fratribus, & Sororibus Predicatorum Ordini subiectis, aliquem, vel aliquam ex Fratribus, ac Sororibus huiusmodi coram quocunque Iudice, qui non sit de dicto Ordine, ex quacunque causa conveniri, nec à correctione quacunque, seu aliàs ab aliquo Prelato, vel Fratre dicti Ordinis quavis occasione appellare, aut contra eos querelam proponere audeat: nisi prius coram Conventuali, seu Provinciali Priore, seu Magistro Ordinis, & successive in Capitulo Generali dicti Ordinis causam, & querelam suam proposuerit verbo, vel scripto. Vide plura de hac materia supra Distinct. 2. Cap. 8. pag. 249. & 259.*



# FORMVLARIVM

Principaliorum Actuum, ad officium  
Prioris Prouincialis, & Conuen-  
tūalis Ordinis Prædicato-  
rum spectantium.

*Reformatum iuxta nouam Constitutionum  
editionem, habens annexum modum  
faciendarum Electionum, tum &  
aliarum Ordinis functionum.*



**P**RTIMA totius Ordinis nostri dispositio  
confurgit, cum partes omnes in seip-  
sis benè dispositæ fuerint, & alteræ cum  
alteris congruo loco conuenerint. Idcir-  
cò supposita cura Reuerendissimi Magi-  
stri Ordinis, cui totum Ordinem mode-  
rari incumbit, in singulis Prouincijs, Priores Prouin-  
ciales summa ope niti oportet, vt singuli Conuentus op-  
timè & gubernentur. Quod profectò efficient, cum  
eorum capita, & membra præcipua, sana, & integra  
fuerint. Ijs enim rectè, decenterque dispositis, facile cæ-  
tera componentur; & velut in harmonico instrumento, ex  
disparibus vocibus concors, & suauis resonabit melodia.  
Debet igitur P. Prouincialis providere, primùm de Prio-  
ribus, ac Præfidentibus Conuentuum, de Inquisitoribus,  
& Visitatoribus, Lectoribus, quorum opera cæteri diri-  
gantur. Deinde singulorum Fratrum, vel benè facta  
gratijs, & fauoribus promouere, vel minùs bona, aut  
etiā mala, monitis, & correctionibus emendare, vel

( vt

( vt alij caueant ) castigare & punire : de quibus omnibus nonnihil in hoc libello agitur. Priores eliguntur, confirmantur, visitantur, deponuntur; quorum omnium formulas hic subiicimus.

### De Electionibus.

**E**cclesie nostræ, Priuilegio D. Gregorij Papæ IX. & Innocentij IV. ac aliorum Summorum Pontificum dicuntur Conuentuales, Conuentus autem iuxta declarationem Capit. Romani 1558. ( vt videre est supra *Distinct.* 2. *Cap.* 1. *pag.* 162. ) sex ad minus Fratribus vocem in Capitulo habentibus, constat; qui rectè dici potest collegium, quod iuxta leges *ff. de verb. signif. l. Neratius*, tribus perficitur: ergo ad illum iure communi sui capitis & Prioris electio pertinet.

Electio non potest fieri in aliquo Conuentu, nisi is qui tali officio præest, sit pænitus ab eodem amotus. Nec potest fieri sub conditione, videlicet, si eum ab officio amoueri contigerit. Nec potest ultra mensem à notitia mortis, vel amotionis differri. Si autem differatur, ita quòd nullus actus ab electoribus fiat, denoluitur ad Superiorem potestas eligendi. Et si cassatur non potest ab electoribus denuò fieri, nisi eis intimetur cassatio per verbum cassio, vel cassamus.

Item eligendus in Priorem 1. debet esse professus in ordine tacitè, vel expressè. 2. debet esse Sacerdos, quia curam gerit animarum, & fuisse in habitu 12. annis à professione. 3. Illegitimè natus non potest eligi sine dispensatione, quam potest dare Prior Prouincialis. 4. Qui semel electus, vel postulatus fuerit, confirmatore electionem eius, vel postulationem aliqua rationabili causa cassante, non poterit pro illa vice secundo eligi, vel postulari, sine licentia confirmatoris. Quòd si electores, cassata eius electione, vel postulatione, eundem sine licentia confirmatoris, vel ipsius superioris, denuò elegerint, vel postulauerint; electio nulla erit, & potestas pro-

uidendi

videndi de Priore , ad ipsum Prouincialem deuoluitur, ex Cap. apud Montempeulanum 1271. & Florentiam 1272. 5. Non potest eligi aut confirmari, nisi sciat grammaticè loqui absque falsa latinitate, & competenter proponere verbum Dei. 6. Qui non potest sequi Chorum, Dormitorium, Refectorium, & communia prout decez, ex Cap. Cenomanen. 1491.

Electior debet esse in sacris Ordinibus, non irregularis. Narbon. 1354. post sex annos à professione. Translatus autem de Habitu Conuerlorum ad Clericalem, post annos septem à susceptione Habitus Clericalis, Brugis 1369. Si verò de aliena Prouincia fuerit, admittitur postquam per annum continuum in illa Prouincia assignatus, moratus fuerit. Electores debent esse presentes in Conuentu, quamuis non intersint Capitulo, seu loco electionis. Et si fuerint infirmi, debent Scrutatores ad eorum cameras ire, & illorum vota scrutari & recipere: quoniam electio in Ordine nostro non potest fieri per procuratorem, licet secundum iura fieri possit. Quæ omnes Electorum, & eligendorum condiciones hic breuiter attactæ, clarius explicantur supra *Distinct.* 2. Cap. 2. pag. 179. & sequent. vbi de Electionibus ex professo tractatur.

### *Modus faciendi Electionem Prioris Conuentualis.*

**C**Um electio Prioris Conuentualis est facienda, primò debet Supprior, vel Vicarius per litteras vocare, & citare omnes vocales absentes, non tamen plusquam. per vnam dietam distantes, & eis terminum statuere, & dare conueniens temporis spatium, intra quod commodè conuenire possint. 2. Vocatis & expectatis absentibus, ad diem præfixam vocari debent vocales per sonum campanæ ad locum electionis; & præmissis tractatu saltem in communi de persona eligenda, debet interrogare vocales,

cales, si eis placet locus, & tempus pro electione. 3. Debet facere protestationem, quod non intendit excludere aliquem admittendum, nec admittere quemquam excludendum. 4. Ad cautelam facere absolutionem à Censuris. 5. Inuocetur Spiritus Sancti gratia per Hymnum, *Veni creator*. Antiph. *Veni Sancte*. *Kyrie eleison*, *Christe*, *Kyrie eleison*, *Pater noster*. *V. Emitte spiritum &c.* Oratio, *Deus, qui corda &c.* 6. Debet assumere secum duos, qui diutius Habitum post professionem portauerunt, & cum eis accedere ad bancum ante fores Capituli paratum: qui duo Scrutatores non debent esse cæci, neque surdi. Quod si aliquis præsentium in Conuentu, cuius interest sedere ad bancum, esset aliquo prædictorum, vel alio quocunque legitimo impedimento impeditus; debet non antiquior in Habitu illi succedens, sed alius per electionem Capituli loco illius subrogari: & ipsis Scrutatoribus potest (si maiori parti Capituli placuerit) quartus adiungi. Ille videlicet, qui per schedulas electorum, à tribus illis recipiendas, à pluribus, licet medietatem, votorum non excedant, nominatus fuerit: & si plures æqualia vota habere contingat, antiquior in Habitu Ordinis præferatur; ita quod primo suffragio semper scrutator habeatur, pro ea dumtaxat electione. 7. Scrutatores tres, vel quatuor (si quartus electus fuerit) ad bancum sedentes, in aliquod vas, singulas à singulis electoribus acceptas schedulas inferant, inuolutas, seu clausas; in quibus nomen eligendi tantum scriptum sit, absque nomine eligentis hoc modo. Eligo Fratrem N. 8. Schedulas effundant, & antequam ipsas aperiant numerent, & ad numerum Vocalium conferant: & si æquales numero non sint, statim eas comburant, & iterum alias schedulas modò consimili accipiant. Quas si cum Vocalium numero conuenire inuenerint, aperiant, & nomina eorum qui in eisdem nominati sunt, scribant; cum numero votorum, quem habet vnusquisque: & facta collatione numeri schedularum ad numerum,



& nomina scriptorum in schedulis, eas statim comburant. Deinde ad medium Capituli venientes, scrutinium publicent, vniuscuiusq; in schedulis nominati nomen, & numerum votorum, quem habet exprimentes. Et si nullus à pluribus vltra medietatem nominatus fuerit, iterum ad recipiendum schedulã procedant vt prius: donec aliquis à maiori parte, vltra medietatẽ fuerit nominatus; nisi fuerit de gremio eligentiũ: quia tunc oportet, vt habeat vnũ votũ suprà maiore partẽ vltra medietatẽ.

9. Inuẽto quòd aliquis est nominatus à maiori parte modo iam dicto, primus Scrutator (licet ipse in schedulis non nominauerit electum) formet decretum: nisi fortẽ ipse fuerit sic nominatus; quia tunc secundus Scrutator debet publicare vota, & formare decretum, quod his verbis formari debet: *Ego F. N. vice presentium electorum, eligo F. N. in Priorem huius Conuentus N. In Nomine Patris, & Filij, & Spiritus Sanctij, Amen.* 10. Habeantur litteræ paratæ, & in litteris scrutinij scribantur confirmatori ea tantum, quæ in Capitulo publicantur: iuxta formam inferius expressam, & sic à singulis Scrutatoribus ibidem subscriptæ, & sigillo coram omnibus clausæ, mittantur ad Confirmatorem, nisi sit præsens in Conuentu: quia tunc non oportet reclaudere aut subscribere litteras.

### *De Postulationibus Priorum.*

**P**ostulationes admissæ sunt in Ordine nostro ex concessione Apostolica, per litteras Alexandri Papæ IV. & Sixti similiter IV. quibus conceditur Confirmatori Prioris tam Prouincialis, quàm Conuentualis, vt possit confirmare aliquem de illis Fratribus, quos ipsi electores, vel maior pars eorum per litteras suas ab eo petierint, seu postulauerint, quando ad ipsum pro electi confirmatione mittunt: si ex aliqua causa electionem ab ipsis Fratribus eiusdem Ordinis quorum interest factam, non confirmari contingat. Et ideo non oportet esse sollicitum ad quærendum, & sciendum, quid secundum iura,

iura, vel sacros Canones seruandum sit in postulationibus, sed sufficit nosse practicam Ordinis, quæ tamen in verbis litterarum Apostolicarum supra positæ est expressa, & in Cap. Rom. 1553. declaratum, quod ly per suas litteras, intelliguntur littæ scrutinij electionis.

Cùm ergo ad electionem proceditur per scrutinium iuxta formam Cap. Bononiens. per schedulas, tacito seu omisso nomine eligentis, solum nomen eligendi scribatur cum nomine, vel nominibus postulatorum sic: Eli-go Fratrem A. & postulo Fratrem B. & F. C. & F. D. & quot quisque voluerit, & si plures vltra medietatem, fuerint præter electum postulati, debent coram omnibus legi cum electo, & in litteris scrutinij seu decreti ad confirmatorem mittendis scribi debent sic: F. A. in electione habuit tot vota, & F. B. in postulatione tot, & F. C. & F. D. &c. dummodò sint plura vltra medietatem.

*Forma litterarum scrutinij seu decreti electionis, mittendarum ad Confirmatorem.*

**R**euere[n]de Pater &c. Vacante Prioratu nostri Conuentus N. post expletum triennium Reuerendi Patris F. N. in officio Prioratus eiusdem (vel propter absolutionem R.P.F.N. vel propter assumptionem R.P.F.N. ad Prioratum N.) solliciti fuimus nobis de capite, & pastore providere, ne diutiùs absque legitimo capite permanentes, aliquod damnum pateremur. Ideoque citatis per me F. N. Suppriorem, vel Vicarium eiusdem Conuentus, & vocatis, ac expectatis omnibus, & singulis, quorum intererat, aut interesse putabatur ad electionem conuenire; die Mensis ad consuetum sonum campanulæ, Capitulum ingressi sumus; cùmque locus, & tempus eligendi cunctis placuisset, protestatus sum me nullum admittendum excludere velle, nec excludendum admittere, facta generali absolutione à Censuris, & omnibus Vocalibus Sacramento Eucharistiæ resectis, inuocata deinde gratia Spiritus Sancti, cuius nutu cuncti regun-

reguntur : omnibus denique , & singulis præmissis , quæ in huiusmodi electionibus præmitti debent , & solent : Ego cum duobus in Habitu Ordinis , à professione antiquioribus , ad mensam coram omnibus paratam accessimus , ibique vota omnium , & singulorum in schedulis accepimus . Quibus acceptis , enumeratis , atque apertis , & demum lectis , nominibusque eligendorum in scripta redactis , atque ad numerum collatis , inuentum est , quod F. A. à maiori parte vltra medietatem per dictas schedulas in electione nominatus fuit . Nam cum essemus octo vel nouem habuit quinque vota , & F. B. habuit tria vota , vel quatuor , & F. C. habuit quatuor , vel quinque vota . Item F. D. & F. E. fuerunt postulati ; cum enim essemus nouem F. D. habuit septem postulationes , & F. E. quinque . Tunc ego cum prædictis scrutatoribus ad medium Capituli veniens , & librum Constitutionum nostrarum tenens , formaui decretum hoc modo : *Ego F. N. Supprior , vel Vicarius huius Conuentus N. vice presentium electorum eligo R. P. F. A. in Priorem huius Conuentus N. & postulo F. D. & F. E. ad idem officium . In Nomine Patris , & Filij , & Spiritus Sancti , Amen .* Cum ergo electio nostra sit ritè facta , & de persona ; tam moribus , & religione , quam prudentia , & doctrina prædita ; rogamus Reueren. P. V. vt eam probare , & electum omninò , vel saltem vnum ex postulatis confirmare & nobis concedere dignetur ; cui nos , & Conuentum nostrum commendamus . Datum in Conuentu N. die                  Mensis                  Anno

Si autem aliqua contradictio , vel oppositio fiat ab aliquo , debet scribi in eisdem litteris , vel alijs separatim cum decreto tamen mittendis , puta : Duo Fratres , videlicet , F. N. & F. P. noluerunt huic nostræ electioni consentire , vel opposuerunt ei , quòd facta fuerat per practicas , & minas : quòd tamen non probauerunt . Deinde subscribantur hoc modo : Ego F. N. Supprior , vel Vicarius & primus Scrutator subscripsi manu propria . Ego F. P. 2. Scrutator ita esse confirmo . Ego F. M. 3.

Scrutator

Scrutator ita esse confirmo . Et sic claudantur litteræ, & transmittantur.

*Forma electionis Reuerendissimi Magistri Ordinis Fratrum Predicatorum .*

1. **I**N primis cantetur Missa de Spiritu Sancto, cum Orationibus de Beata Virgine, & de Beato Dominico.
  2. Disponatur locus electionis cum disco, atramento, papyro & pennis .
  3. Assignentur Constitutiones, & Rubricæ alicui, vel aliquibus postmodum lecturis .
  4. Inuestigetur ab electoribus, qui sunt tres antiquiores Prouinciales, & quis inter eos est antiquissimus.
  5. Congregentur Fratres ad Capitulum.
  6. Publicetur determinatio examinatorum vocum.
  7. Legatur Bulla, si quæ legenda est. 8. Legatur Rubrica, & Constitutio. 9. Moneantur Priores Prouinciæ, vt sint parati ad introducendum Patres Electores in conclaue, & ad ipsum custodiendum.
  10. Ordinentur custodes pro conclauibus.
  11. Imponantur Missæ, & Orationes.
  12. Fiat protestatio.
  13. Fiat generalis absolutio.
  14. Includantur electores in conclaui.
- Ante omnia ista, debet fieri tres Examinatores vocum, vnus de Hispania, vnus de Italia, & vnus de Gallia.

*In conclauibus fiant ista .*

1. **L**egatur Rubrica, & Constitutio de electione Magistri.
2. Deinde flexis genibus, & deuotè dicatur Hymnus, *Veni Creator &c.* cum Ps. & Oratione; & habeatur liber pro Hymno, & Oratione dicendis.
3. Inuestigetur si aliquis elector est absens.
4. Exponatur per Vicarium de tempore procedēdi, scilicet



licet an velint illo tempore ad electionem procedere.

5. Tres antiquiores Prouinciales vadant ad discum.

6. Recipiant in aliquod vas schedulas inuolutas iuxta formam in electione Prioris Conuentualis positam.

7. Redigant omnia in scriptis in conspectu omnium secretè, & in eadem domo, & loco.

8. Fiat collatio numeri ad numerum.

9. Formetur electio per antiquissimum Prouincialem si ipse non est electus; & si est electus, tunc alius antiquior immediatè sub eo formet decretum; iuxta ordinationem Capitulorum Generalium.

Deindè incipiatur in Conclauì *Te Deum laudamus*, & Fratres ab extra ipsum prosequantur. Et conueniant omnes Fratres ad locum Conclauis, & per Prouincialem antiquissimum recitetur processus electionis, breuiter, & succinctè, & formetur decretum, vt supra. Postea conueniant Fratres ad Ecclesiam, & duo Prouinciales antiquissimi dicant Magistrum Ordinis ante gradum Altaris, & Magister flexis genibus prostratus iaceat, & antiquissimus Prouincialis dicat Versum, & Orationem. *Ps. Saluum fac seruum tuum &c. V. Dominus vobiscum &c.*

*Oratio.*

**C**oncede quesumus omnipotens Deus: vt famulum tuum, quem ad regimen animarum nostrarum elegimus, dono tue gratia prosequaris; vt te largiente cum ipsa tibi nostra electione placemus. *Per Christum.*

Postea iidem antiquissimi Prouinciales Magistrum eleuent, & ipsum ponant in sede sua in Choro dextro.

Et interim pulsetur ad Capitulum, & Fratres sine processionis ordine intrent Capitulum, & Magister vltimò. Et positus in loco suo, Fratrum orationibus se commendet, & alia, quæ vult proponere proponat; & moneat Fratres circa spiritualia, & actus scholasticos, & bonos mores, & vt dent memorialia, & scrutinia.

Surgat Magister completo Capitulo, & dicat, *Adiuu-*  
*rium nostrum &c.*

*De Confirmatione Prioris Conuentualis.*

**C**onfirmator, in electionibus seu postulationibus per scrutinium, si hoc solum seruatum viderit, quod maior pars vltra medietatem consenserit ante publicationem scrutinijs, potest eas pro canonicis approbare. Et semper intelligitur supplere defectus electionis, qui eius sub sunt potestati, quando sine clausula diminutiua confirmat electionem. ex *Constitutionibus Distinct. 2. Cap. 2.*

*Forma Litterarum Confirmationis Prioris  
Conuentualis electi per scrutinium.*

**I**N Dei filio sibi dilecto Reuerendo Patri F.N.&c. Ordinis Predicatorum F.N. eiusdem Ordinis Prouincię B. Prior Prouincialis, salutem.

Cum Fratres Conuentus nostri N. suo legitimo Priore destituti conuenissent, vt sibi, & suo Conuentui provide-  
rent; diuino ( vt credimus ) numine inspirati, te cuius probitatem, religiosum zelum, in agendis prudentiam, atque doctrinam, apprimę nouerant, vnanimi voto ( vel si electio non sit vnanimis, canonicę ) elegerunt: nosque rogarunt, vt eorum electionem probare, teque illis concedere, p̄ficere, & confirmare vellemus. Quorum votis, & petitionibus facilę condescendimus; licet enim tibi tua tecum tractare, ac solitudines in corde edificare, & inibi, quā suauis est Dominus gustare cupienti, durum videri credamus post gregum vestigia detineri, eorum distrahi curis, infirmitatibus infirmari, passionibus angī, & concuti: confidimus tamen, quod solita prudentia, considerabis te non tibi soli esse natum, & charitate christiana fretus, alienos profectus proprijs commodis antepones; ac demum Christi, & Apostolorum eius exemplo, rem tuam omnem, & si opus fuerit, etiam vitam pro Fratrum salute contemnes. Ideoque his atque alijs animi tui dotibus, & virtutibus nobis ingentia promittentes, prudentumque Patrum confirmati

Consilio , dedimus , præfecimus , & confirmauimus , & autoritate Officij nostri , ac præsentium tenore , te R. P. F.N. damus , præficimus , & confirmamus Priorem , caput , & Pastorem præfati Conuentus N. datumque , præfectum , & confirmatum decernimus , & declaramus , In nomine Patris , & Filij , & Spiritus Sancti Amen . Damusque tibi in , & super dicto Conuentu , & Fratribus , ac personis etiam vtriusque sexus Tertij Ordinis nostri , ad ipsum quauis ratione spectantibus , omnem in spiritualibus , ac temporalibus authoritatem , & potestatem : quam ceteri Priores in nostro Ordine , & Prouincia , vel eodem Conuentu ritè confirmati , de iure , vel approbata consuetudine , seu etiam ex priuilegijs , habere consueuerunt . Insuper instituimus te Vicarium nostrum , super Monasteria A. & B. cum eadem authoritate , quorum curam per te , vel alium , seu alios gerere possis . Et quamquam de tua voluntate , & prompto animo confidamus , tamen vt meritum cûnulus per obedientiam tibi non desit ; in virtute sanctę obedientię tibi præcipimus , vt intra quatuor horas , dicta Prioratus , ac Vicariatus officia suscipias , & ad illorum executionem quantocyus te accingas . Eodem quoque præcepto præcipimus omnibus , & singulis ad dictum Conuentum , & Monasteria quomodolibet pertinentibus : vt te tanquam verum , & legitimum suum , & dicti Conuentus Priorem , & Vicarium respectiue suscipiant , habeant , ac venerentur . Non obstantibus quibuscumque . In quorum fidem his officij nostri sigillo munitis , manu propria subscripsimus . Datum in Conuentu nostro N. die      Mensis      Anno

*Alia introductio ad idem.*

**I**N Dei filio &c. Non te lateat , Conuentum nostrum N. suo Priore destitutum remansisse , ac subinde à Fratribus eius legitime adunatis , te , cuius sufficientiam probè nouerant , vnanimiter , ( vel canonicè ) fuisse electum ; ( vel postulatum ) prout plenissime constat , ex eo-

rum ad nos misso decreto : quo requisiti sumus, vt eorum electionem confirmare, teque illis concedere vellemus , Nos ergo tuam ad hoc sufficientiam exploratam , atque compertam habentes , eorum votis absque alio examine poteramus facere satis ; verumtamen vt res spectatio-  
prodiret, atque probatior , seniorum prudentumque Pa-  
trum consilium habere, iudiciumque , & sententiam ex-  
pectare maluimus: quæ tibi dura, & grauis propter onus  
fortasse videbitur . Si tamen ad brauium, & præmium,  
quæ ex eiusmodi cursu te manent , oculos mentis direxe-  
ris; si charitatem, qua Christi membra complecti debes ,  
tenere volueris, onus , aut omninò non senties , aut cum  
suauitate portabis; vel saltem cum patientia perferes, at-  
que in eandem sententiam manibus, ac pedibus ibis. Quæ  
quia de tua prudentia, religione, probitate , & charitate  
nobis promittimus , idcirco electionem prædictam tan-  
quam canonicam probauimus, & eorundem Fratrum vo-  
tis condescendentes , te eis concessimus , atque præfeci-  
mus: ac authoritate Officij nostri, & præsentium tenore,  
te &c. *vt supra.*

### *Alia ad idem.*

**I**N Dei filio &c. Summus Paterfamilias , qui contra-  
torem nostri Ordinis vineam, opera Beatissimi Pa-  
tris nostri Dominici plantauit, ad partes illius fructuo-  
sius excolendas, operarios continuè conducere non desi-  
stit . Id eum nunc fecisse credimus , cum in Conuentu  
nostro N. huius vineæ portione non contemnenda , per  
Fratrum illius canonicam, ( vel vnanimem ) electionem ,  
ad eius spiritualem culturam vocatus es: prout ex eorum  
Decreto, quod confirmari petierust, latissimè patet. Vi-  
de igitur, & considera , quòd ad opus peteris , ad labo-  
rem vocaris . Attamen ne viribus fatigeris, non despon-  
deas animum . Opus quidem arduum est , & humeros  
poscens plusquam Atlanticos . Tu Christi tantum vi-  
scera



scera, & amorem induere, illum solum in omnibus intueri, & cum Apostolo, in eo, qui te confortat omnia poteris. Quæ, quia te facturum confidimus, & prudentum consilio moniti, & impulsus sumus; ideò eorundem votis, & petitionibus satisfacere decreuimus. Quare auctoritate Officij nostri &c. *ut supra.*

*Forma Litterarum scrutinij Prioris Conuentualis ad Capitulum Prouinciale.*

**R**euere[n]di Patre, post humilem commendationem &c. Instante celebratione Capituli nostri Prouincialis hoc Anno in Conuentu N. nolimus debito, quo iuxta Constitutiones nostras tenemur, habere scrutinium super confirmatione, vel amotione Venerandi P. nostri Prioris ullo pacto deesse. Ideòque vocatis per me F. N. Supp[re]mum, vel Vicarium Conuentus N: & adunatis Fratribus dicti Conuentus, ad diem &c. ut moris est, intrauimus Capitulum: & cum duobus in Habitu Ordinis post professionem antiquioribus, ad bancum coram omnibus accessi, & primò quidem electo per schedulas socio Prioris, Venerando P. Fratre N. scrutinium deinde super confirmatione nostri Venerandi Prioris habuimus hoc modo: videlicet, Ego F. N. Supprior, vel Vicarius, & primus scrutator peto confirmationem.

Ego F. A. 2. scrutator peto confirmationem.

Ego F. B. 3. scrutator peto confirmationem.

Ego F. C. peto amotionem.

Ego F. D. renuncio voci meæ.

Quod scrutinium habitum, & per nos subscriptum coram omnibus, clausimus, & Conuentus nostri sigillo signatum dedimus socio prædicto, deferendum vestris RR. PP. quibus nos, & Conuentum nostrum commendamus. Datum N.N. &c.

Ego F. N. Supprior, manu propria.

Ego F. A. 2. scrutator manu propria.

Ego F. B. 3. scrutator manu propria. *A tergo Litterarum fiat*

*Superscriptio: Scrutinium Venerandi Prioris Conuentus N.  
 Forma Litterarum Socij Prioris Conuentualis,  
 ad Capitulum Prouinciale.*

**N**os infra scripti fidem facimus, & attestamus; quali-  
 ter Venerandus Pater F. N. electus fuit à maiori  
 parte vocalium nostri Capituli, & Conuentus N. in so-  
 cium nostri Reuerendi P. Prioris ad Capitulum Prouin-  
 ciale habendum in Conuentu N. hoc Anno. Nam in ele-  
 ctione eius, quæ (seruatis, quæ seruanda fuerant) habita-  
 est per schedulas, cum essemus octo, vel nouem, ipse ha-  
 buit sex vota. Cum ergo sit electus à maiori parte, &  
 socius factus: rogamus, vt tanquam socius admittatur.  
 In quorum fidem his manu propria subscripsimus. *Non  
 oportet has litteras claudere, aut munire sigillo, sed subscriptio  
 scrutatorum, sic fiat.*

Ego F. N. Supprior, vel Vicarius, ita esse attestor.

Ego F. A. 2. Scrutator, confirmo, vt supra.

Ego F. B. 3. Scrutator confirmo, vt supra.

*Forma Litterarum, quibus restituitur Vocali-  
 bus facultas procedendi iteratò ad nouam  
 Electionem Prioris Conuentualis.*

**E**lectores peccantes in forma eligendi, aut in materia  
 electi, sunt ea vice priuati iure, & voce ad eligendū:  
 potest tamen P. Prouincialis (si ei placuerit) illos habi-  
 litare, vt ad nouam electionem procedere possint, & vo-  
 ci restituere sic.

In Dei filio sibi dilectis, Venerandis Patribus Supprio-  
 ri, (vel Vicario) & Fratribus Vocalibus Conuentus N.  
 Ordinis Prædicatorum F. N. Prior Prouincialis &c. Exa-  
 minato diligenter Decreto Electionis vestræ, quam feci-  
 tis de Vener. Patre F. N. in Priorem vestri Conuentus N.  
 & iudicio peritorum benè discussio, percepimus vos com-  
 misisse talem defectum in forma, vel materia &c. ac pro-

pterea incidisse in penam priuationis vocis, ita quòd pro hac vice non potestis eligere Priorem. Et quia vestram electionem ( cum iure subsistere non posset ) cassauimus, & irritauimus, Conuentus vester adhuc remanet absque Priore. Nos ne hanc ob causam detrimentum patiatur, potestatem eligendi, quæ ad nos deuoluta erat, hac vice vobis restituimus, & conferimus; vosque, & vestrum, quemlibet ad eligendum habilitamus. Mandantes vobis, vt ad nouam electionem, ea discretione, & prudentia procedatis, quæ nullius vitij, vel intolerabilis defectus accusari possit: eumque vobis eligatis, quem vos habere, & nos confirmare possimus. Benè valete, & pro nobis Deum orate. Datum &c.

*Forma eligendi Priorem per R. P. Prouincialem, quando ad illum propter aliquem defectum potestas eligendi deuoluta est.*

**I**N Dei filio &c. Cum Fratres Vocales Conuentus N. in electione, quam fecerunt de Venerando Patre F. N. in Priorem Conuentus eorum, intolerabiliter defecerint, eligendo ille, itimè natum sine dispensatione, vel à nobis, vel à iure prohibitum, ( vel non formando Decretum electionis, vel excludendo talem admittendum ) & ob id non potuerunt illi à iure eligendi, quòd habebant ceciderint; sed etiam potestas eligendi ad nos deuenerit, ac translata fuerit: nec volentes Conuentum præfatum, diutius cum grauioris alicuius damni periculo sine Priore permanere; idcirco ad prouidendum de Priore procedentes, discretorum Patrum super hoc habito consilio, & iudicio; te Venerandum Patrem F. N. de cuius religione, prudentia, zelo, & doctrina confidimus, ad hoc munus designauimus: ac autoritate Officij nostri, & præsentium tenore, eligimus, damus, præficimus, & confirmamus Priorem, Caput, & Pastorem præfati Conuen-

bus N. & sic electum, datum, præfectum, & confirmatum declaramus. In nomine Patris, & Filij, & Spiritus sancti, Amen. Damusque tibi &c. *ut supra.*

*Corripiuntur Priores per Litteras priuatas clausas, quarum tenores arbitrio RR. Prouincialium dimittimus: suspenduntur autem ab Officio multis de causis, quas explicare potest in litteris sub hac forma.*

**N**Os F.N. Ordinis Prædicatorum Prouinciæ N. Prior Prouincialis. Certiores facti à fide dignis te Venerandum Patrem F. N. publicè iurgatum fuisse cum Domino N. & ipsum in iurgio percussisse, cum scandalo plurimum adstantium: & ex tua ipsius confessione de eodem confirmati, nec valentes modò causam diffinire, scientes tamen eam nonnullam satisfactionem apud scandalizatos exposcere; suspendimus te ab officio Prioratus, & tibi in virtute sanctæ obedienciæ præcipimus, vt nullum actum ad officium Prioratus spectantem exerceas, donec re iudicialiter cognita, per nostram diffinitiuam sententiam, vel tanquam reus damperis, vel vt innocens declareris. In quorum fidem &c. Datum &c.

*Forma excusatoria Prioris Prouincialis, nolentis confirmare electum, vel postulatum.*

**V**enerandi Patres. Accepi Decretum electionis vestræ, de Venerando Patre F. N. in Priorem Conuentus vestri N. cum postulatione pro F.N. ad idem officium, cui adiunxeratis preces pro illius confirmatione: quibus propter bonos respectus, & rationabiles causas, adherere, vel condescendere non potui, proat velletis; & propterea, tam electionem, quam postulationem cassauimus, & præsentium tenore, casto, & irritas esse declaro: adhortans.



tans vos, vt me excusatum habere velitis, & ad alterius electionem denuò procedatis, Valete. Datum &c.

*A tergo.* Venerandis Patribus Suppriori, vel Præsidentii, & Vocalibus Conuentus N. Ordinis Prædicatorum.

*Forma instituendi Suppriorum.*

**N**OS F. N. &c. Requisiti, vt Conuentui N. de Fratre, qui Supprioratus officium competenter exequi, & honestè gerere posset, prouidere vellemus: te Venerandum Patrem F. N. considerationis oculo respeximus, & in tuam sufficientiam direximus intuitum; sperantes tuæ industria, & prudentia prædicto Conuentui pro eodem officio sufficienter esse prouisum. Et propterea auctoritate officij nostri, & præsentium tenore, te in dicto Conuentu assignamus, remouentes assignationem tuam, à quocumque alio Conuentu, & loco, & sic assignatum instituimus, & facimus Suppriorum: cum omni auctoritate, & potestate, quam cæteri Supprieores in nostra Prouincia, iuxta Constitutiones, & approbatam consuetudinem habere solent. Mandantes tibi in virtute sanctæ obediætiæ, vt quānprimū (commodè tamen) potueris in dictum Conuentum te conferas, & præfatum Supprioratus officium diligenter exequaris. Datum N. sub nostro sigillo. &c.

*Forma instituendi Vicarium suprà totam Prouinciā.*

**I**N Dei filio &c. Cum ad celebrandum nostrum iam iamque instans Generale Capitulum proficisci debeamus, & esse extra Prouinciā; ne propterea detrimentum pariat, si absque capite, & directore permaneat: vices nostras in, & super eam tibi committere decreuimus. Ideoque auctoritate Officij nostri, & præsentium

tenore, te Venerandum Patrem F. N. præfatum damus, instituimus, & præficimus Vicarium nostrum Generalem in, & super tota nostra Prouincia N. atque ita datum, institutum, & præfectum declaramus, In nomine Patris, & Filij, & Spiritus sancti Amen. Damusque tibi in, & super ea, & omnibus, ac singulis Cēnobijs, Monasterijs, Conuentibus, locis, ac Domibus, necnon omnibus, & singulis Fratribus, Sororibus, ac vtriusque sexus personis, tam capitibus, quàm membris, etiã Tertij Ordinis, ad eam quomodolibet pertinentibus; omnem in spiritualibus, & temporibus authoritatem, quam nos habemus: & specialiter, confirmandi (si opus esset) non tamen absoluedi Priores, & generaliter omnia faciendi, quæ nos facere possumus, etiã si mandatum exigent speciale. Quę authoritas, potestas, & officium incipiat, duret, ac locum habeat, quãdiu fuerimus extra Prouinciã. Mandantes tam tibi, quàm omnibus, & singulis supranominatis in virtute sanctę obedientię: tibi quidem, vt dictum Vicariatus officium suspicias, & diligenter exequaris; illis verò, vt te tamquam Vicarium nostrum, suscipiant, habeant, ac venerentur. Non obstantibus quibuscumque &c. In quorum fidem &c. Datum. &c.

*Si verò instituatur Vicarius Nationis, vel partis Prouincię, formetur sic.*

**I**N Dei filio &c. Negotiorum multitudo, & grauitas; meique corpõs, & virium imbecillitas non permittunt me singulis quibusque partibus nostrę Prouincię, (prout vellem; & ipsis opus esset) intendere: & quia melius & diligentius singula prouidentur, cùm frequentius, & propius inspiciuntur, tibi R. Patri F. N. qui in Natione N. degis, & ex propinquo crebrius inuestigare, & penitus nosse, & religioso zelo, atque prudentia, male, vel minus benè facta corrigere, & bona promouere  
suffi

sufficis, in eadem Natione vices nostras committere decreuimus. Ideoque autoritate officij nostri, & presentium tenore, te R. Patrem F. N. præsum damus, instituimus, et præsum Vicarium nostrum in, & super Natione N. nostræ Prouinciæ, ac super omnibus, et singulis Conuentibus, Monasterijs, locis, ac Domibus, nec non omnibus, ac singulis Fratribus, Sororibus, ac vtriusque sexus personis etiam Tertij Ordinis tam capitibus, quam membris ad dictam Nationem quomodolibet pertinentibus, omnem in spiritualibus & temporalibus auctoritatem & potestatem, quam huiusmodi Nationum Vicarij, ex Constitutionibus nostris, vel approbata consuetudine habere solent. Mandantes &c. *vt supra.*

### *De Visitatoribus.*

**V**isitadores iuxta Constitutiones antiquas Distinct. 2. Cap. 11. Text. 1. in Capitulo Prouinciali, à P. Prouinciali, & Diffinitoribus instituebantur: sed in Cap. Bonon. 1275. in Constitutiones redactum fuit Cap. 3. vt R. P. Prouincialis totam Prouinciã suam per se (si poterit) vel Vicarios idoneos teneatur singulis annis visitare: quibus auctoritatem suam committat, prout sibi videbitur expedire. Potest igitur ex Constitutionibus ipse solus instituere Visitatorem.

### *Forma instituendi Visitatorem.*

**I**N Dei filio &c. Cum vultum pecoris nostri (iuxta sapientis præceptum) cognoscere teneamur, ex officio, diuersæ tamen, & graues occupationes, quibus nunc detinemur obfistunt, ne id per nos ipsos agere valeamus. Verumtamen tua nobis explorata, & comperta prudentia, & fides, tanti apud nos valet, vt quod per te gerimus, nos ipsos gessisse putemus. Quapropter cum Conuentus nostri N. & N. hoc anno visitati non fuerint, & nos de ipsorum dispositione certiores fieri cupiamus, eorundem

rumdem visitationem tibi committimus. Ideoque auctoritate officij nostri, & presentium tenore, te Venerandum Patrem F.N. instituimus, & facimus Visitatorem prefatorum Conuentuum: damusque tibi, in & super eis, & omnibus, & singulis personis ad eos pertinentibus, tam capitibus, quam membris, omnem in spiritualibus, & temporalibus auctoritatem, & potestatem, quam ceteri Visitatores ex Constitutionibus nostris, vel approbata consuetudine habere solent. Mandantes tam tibi &c.

Visitator taliter institutus, cum primum peruenierit ad Conuentum, accepta benedictione, & facta breui oratione, conuocari faciat Fratres ad Capitulum, ibique legi suas litteras, vt innotescat omnibus eius auctoritas. Inde exponat succincte, quę intendit à Fratribus audire tam circa essentialia Religionis, & tria vota, quam circa ceremonialia, & ceteras obseruantias Regulę, et Constitutionū, iuxta ea, quę in eis expressa sunt *Distinct. 2. Cap. 11.* Inde super his faciat præceptū in virtute sanctę obedientię, vt Fratres dicant sibi confidenter, et zelo Religionis absque vlla passione, quę dicere tenentur. Inde vadat ad sepulturas Fratrum comitatus à Conuentu, et dicto cum Fratribus *Psalmo, De profundis. Kyrie eleison, Christe eleison, Kyrie eleison, Pater noster. A porta &c. Oremus, Absoluere, quesumus &c.* Inde visitet infirmos, si qui sunt. Locum suę professionis, vel gradus vbique teneat, nisi in Capitulo dum actus visitationis exercet. In inquirendo, examinando, impendere potest quot dies iudicauerit necessarios, & opportunos: tres verò dies tantum iuxta Constitutiones expendat in corrigendis, et disponendis his, quę occurrunt, et per visitationem inuenit, & nihil præter victum accipiat.

### *Forma instituendi Inquisitorem.*

**I**N Dei filio &c. Quamquam cęlestis Paterfamilias, per Apostolos, et Apostolicos viros, in fertilissimo Ecclesię agro purissima credibilium fidei semina seminauerit; inf



iniqui tamen , et inimici homines ( iuxta parabolam ,  
 Euangelicam ) cessantibus , vel dormientibus agricolis ,  
 infelicia non cessant hæresum superfeminare zizania : &  
 nisi vulpibus illis per Inquisitores tanquam per Samsonem ,  
 ignis suæ censuræ , quo Philisthæorum cadentium ,  
 segetes cremantur , alligaretur ad caudas , breui tempore ,  
 dominicam messem à zizanijs præfocata plangeremus .  
 Nobis ergo quibus Apostolico priuilegio concessa est fa-  
 cultas huiusmodi Censores , et Inquisitores instituendi ,  
 operosius laborandum est , vt hoc munus illis committa-  
 tur , qui scientiæ lumine adulterina semina à veris discer-  
 nere norint , qui prudenter ijs , quæ discreuerint , remedia  
 adhibere sufficiant , qui demùm zelo fidei succensi , velint ,  
 & animi fortitudine valeant , quæ prudenter disposuerant  
 ad effectum perducere . Et quia de tuo feruenti zelo , con-  
 stanti fortitudinæ , efficaci prudentia , catholica doctrina ,  
 & vitæ integritate confidimus , eiusmodi munus tibi  
 iniungere decreuimus . Cum igitur in Ciuitate , Dioc-  
 cesi N. propter amotionem , vel obitum Reuerendi N.  
 Inquisitionis officium vacet , nobisque illi prouidere  
 incumbat , autoritate Apostolica nobis , & nostro offi-  
 cio commissa , & præsentium tenore , te Reuerendum P.  
 F.N. decernimus , instituimus , & facimus Inquisitorem  
 hæreticæ prauitatis in præfata Ciuitate , & Dioc. N. fa-  
 ctumque institutum , & decretum declaramus : cum om-  
 nibus gratijs , priuilegijs , immunitatibus , autoritate ,  
 & potestate , quibus cæteri Inquisitores ritè instituti , Sum-  
 morum Pontificum indultis , & priuilegijs , ac seculariũ  
 Principum , Regum , vel Imperatorum concessione , quo-  
 modolibet potiri , & gaudere consueuerunt . Vt autem  
 tam præclarum sanctumque munus & opus , non vacet  
 obedientiæ merito , in virtute sanctæ obedientiæ tibi præ-  
 cipimus , vt intra horam dictum Inquisitionis officium  
 suscipias , ac iuxta gratiam tibi à Domino præstitam , di-  
 ligentiùs exequaris . In quorum fidem his officij nostri  
 sigillo munitis manu propria subscripsi . Datum &c.

*Forma dandi facultatem alienandi bona immobilia, iuxta Breue Clementis Papę VII. concessum Prouinciali Romano, & Magistro Ordinis super sibi subditis in Italia, Conuentibus Monasterijs, & locis.*

**I**N Dei filio sibi dilectis, Venerandis Patribus Priori, & Fratribus nostri Conuentus N. Ordinis Prædicatorum. Exposuistis nobis, quod pro victu, sustentatione, et necessitatibus Fratrum vestri Conuentus coacti fuistis multa exponere, propter quod ære alieno, ac debitis obnoxij remansistis, & remanetis: ad quorum solutionem cum redditus annui, ac eleemosynæ quotidianæ minimè sufficiant, necesse est vendere aliquid immobile, vt creditoribus pro iustitia satisfiat: ideòque rogatis nos, vt agrum, seu fundum terre, quem Conuentus vester habet in loco N. inter alia bona ad ipsum spectantia minùs vtilem, vendendi licentiam vobis concedere vellemus. Nos igitur, qui iustitiam per debitorum solutionem seruari cupimus, & agrum, seu fundum illum in loco N. cuius valorem annum centum aureos non excedere, & vobis minùs vtilem esse credimus, autoritate Apostolica nobis per litteras in forma Breuis, à fel. record. Clemente VII. collata, & præsentium tenore, vobis dictum agrum, seu fundum sub suis finibus, & terminis latius in contractu exprimendis, vendendi, seu aliàs iusto contractu alienandi, licentiam, et facultatem concedimus; dispositione fel. record. Pauli Papę II. cui per easdem litteras derogatur, et alijs in contrarium facientibus, non obstantibus quibuscumque. Dummodò ad hoc accedat assensus duorum tertiorum vestri Capituli, et pretium in dictorum debitorum solutionem realiter, et cum effectu conuertatur. In quorum fidem &c. Datum &c.

*Alia pro eodem .*

**I**N Dei filio &c. Exposuistis nobis, habere vos præ manibus vnā Domum, vel possessionem vestro Conuentui accomodam, quam si emeretis non modica vobis proueniret utilitas: sed cum pretium pro eius emptione non possitis habere, nisi ex aliorum immobilium venditione; rogastis nos, vt arum, seu hortum, seu syluam, vel Domum &c. in loco N. positam, minus utilem, & incommodam, vedendi licentiam vobis dare vellemus. Nos igitur bonam spiritualium dispositionem, quæ ex temporalibus bene dispositis, et administratis seruatur, in Conuentu vestro teneri, et augeri cupientes, et de prudentia, atque conscientia vestra confidentes, quod non nisi utilitatem publicam, et commodum commune queretis, petitionibus vestris facile condescendimus. Ideoque auctoritate Apostolica &c. *vt supra* .

*Forma instituendi Lectorem principalem .*

**N**Os F. N. Ordinis Prædicatorum, et Prouinciæ N. Prior Prouincialis. Cum ex commissione Reuerendissimi Magistri Generalis nostri Ordinis, vel Capituli Generalis, Conuentui N. debeamus de Lectore principali prouidere, te Venerandum Patrem F. N. (cuius doctrinam, docendi facilitatem, & elegantiam differendi, necnon probitatem, & religiosos mores non paruo tempore sumus experti) delegimus, cui munus præfatum in aliorum profectum, & tuæ obedientiæ meritum demandemus. Ideoque auctoritate, vt suprâ nobis commissa, te F. N. præfatum damus, instituimus, & facimus, et sic datum, institutum, et factum assignamus Lectorem principalem in Conuentu N. cum omnibus gratijs, priuilegijs, et exemptionibus, quibus huiusmodi Lectores potiri, et gaudere consueuerunt. Mandamusque tibi in virtute san-

et obedientię, vt dictum Lectoratus officium statim suscipias, et ad illius executionem, et tuam pro eo assignationem, quantocyus ( commodè tamen ) potueris, te accingas. Datum &c.

### *Forma licentię ad Episcopatum.*

**I**N Dei filio &c. Æterna Dei sapientia Christus, sicut vnà cum Patre, et Spiritu sancto in humano corpore disparibus gradibus, et officijs membra distinxit, ita in mystico Ecclesię, quosdam pedum, aut manuum vicem gerere, quosdam verò quasi oculos esse decreuit: et licet illi quidem magis necessarij sint, et ampliori ( iuxta Apostolum ) honore circundati, hi tamen illorum sunt, facti rectores, qui ceteros dirigere, et illuminare sufficiant. Eiusmodi fuerunt primum Apostoli, nunc autem sunt Apostolici viri, plebium Præsules, quos mundi lumina, salem terrę, Ciuitates in sublimi positas Dominus appellauit. Ad horum consortium nuper te tuis egregijs meritis Summus Pontifex extulit, cum Ciuitati N. præsedit Antistitem: munus certè arduum, et humeris etiam Angelicis formidandum, quod tu ( quæ tua est modestia ) declinans, ad nostram, quam professus es obedientiam confugisti, vel hac saltem ratione, vt communia nostri Ordinis suffragia non amitteres: quin etiam vt ( si iugo collum dare necesse est ) ad illud sapienter, fortiterque ferendum, per illa inueris, Nos igitur prudentiam tuam, doctrinam, religiosque mores, et regiminis experientiam cognoscentes, quamquam modestiam tuam laudamus, magis tamen Summi Pontificis propositum efferimus, Ecclesięque N. de tua promotione gratulamur, ac tibi Episcopatum prædictum acceptandi licentiam, et facultatem ( quod ex nobis est ) præsentium tenore concedimus; suffragia quoque, merita, et beneficia nostri Ordinis, non solum illæsa, et integra tibi manere, sed etiam maiori cumulo ( si possibile est ) superaddi volumus, &c.

deceat



decernimus. In quorum fidem his officij nostri sigillo munitis manu propria subscripsimus. Dat. &c.

*Alia ad idem.*

**I**N Dei filio &c. Quoniam iuxta Constitutiones nostras quicumque sine licentia P. Prouincialis Præsulatum receperit, suffragijs, societate, & omnibus beneficijs Ordinis, in morte, & in vita priuatur: tu R. Pater qui ob egregias animi tui dotes, & præclara merita, Episcopus factus es, eiusmodi suffragia magnificiens, eorum communione & participatione priuari nollens, licentiam præfatam tibi dare desideras. Nos igitur commune bonum priuato præferentes, & fructum animarum, in eadem Ciuitate ex tua promotione sperantes, facultatem, & licentiam suscipiendi prædictum Episcopatum, præsentium tenore tibi concedimus: suffragijs verò, meritis, & beneficijs Ordinis, te non modò non priuari, sed eorum maiori cumulo te ditari, & munerari, volumus. Hortamur nihilominus præstantiam tuam, ut bonæ & religiosæ educationis reminiscens, talem te Episcopum præbeas, qualem Timotheo delineauit Apostolus. Dat. &c.

*Forma promouendi ad Magisterium  
sacrae Theologiae.*

**P**romotor habeat annulum, & birretum nigrum paratum, & sedens expectet promouendum, qui flexis genibus ad pedes promotoris, interrogetur ab eo: *Quid petis?* & respondeat humiliter: *Peto promoueri ad gradum Doctoratus, & Magisterij Sacrae Theologiae.* Promotor: *Pro-*  
*mittis tenere, seruare, docere, & defendere doctrinam sanam*  
*& Catholicam, iuxta determinationem sanctæ Matris Ecclesiæ*  
*Catholicæ Romanæ?* Promouendus: *Promitto, & spondeo in*  
*hac forma.*

*Professio fidei iuxta formam Bulle  
Pij Papę IV.*

**E**GO F. N. firma fide credo, & profiteor omnia & singula, quę continentur in Symbolo fidei, quo Sancta Romana Ecclesia utitur, videlicet: Credo in vnum Deum Patrem omnipotentem, factorem cęli, & terrę, visibilibus omnium, & inuisibilibus. Et in vnum Dominum Iesum Christum filium Dei unigenitum. Et ex Patre natum ante omnia sęcula, Deum de Deo, lumen de lumine, Deum verum de Deo vero. Genitum non factum, consubstantialem Patri, per quem omnia facta sunt. Qui propter nos homines, & propter nostram salutem descendit de cęlis. Et incarnatus est de Spiritu Sancto ex Maria Virgine, & homo factus est. Crucifixus etiam pro nobis sub Pontio Pilato, passus, & sepultus est. Et resurrexit tertia die secundum Scripturas. Et ascendit in cęlum, sedet ad dexteram Patris. Et iterum venturus est cum gloria iudicare vivos, & mortuos, cuius regni non erit finis. Et in Spiritum Sanctum Dominum, & viuificantem, qui ex Patre Filioque procedit. Qui cum Patre, & Filio simul adoratur, & conglorificatur, qui locutus est per Prophetas. Et vnā Sanctā Catholicā, & Apostolicā Ecclesiam. Confiteor vnum Baptisma in remissionem peccatorum. Et expecto resurrectionem mortuorum. Et vitam venturi sęculi, Amen. Apostolicas, & Ecclesiasticas traditiones, reliquasque eiusdem Ecclesię obseruationes, & Constitutiones firmissimę admitto, et amplector. Item Sacram Scripturam, iuxta eum sensum, quem tenuit, & tenet sancta Mater Ecclesia, cuius est iudicare de vero sensu, & interpretatione Sacrarum Scripturarum, admitto: nec eam vnquam nisi iuxta vnanimem consensum Patrum accipiam, & interpretabor. Profiteor quoque septem esse, verę, et proprię sacramenta nouę legis, a Iesu Christo

Domino instituta, atque ad salutem humani generis, licet non omnia singulis, necessaria; scilicet, Baptismum, Confirmationem, Eucharistiam, Pœnitentiam, Extremam unctionem, Ordinem, et Matrimonium: illaque gratiam conferre, et ex his Baptismum, Confirmationem, & Ordinem sine sacrilegio reiterari non posse. Receptos quoque, et approbatos Ecclesiæ Catholicæ ritus in supradictorum omnium Sacramentorum solemnè administratione recipio, et admitto. Omnia, et singula, quæ de peccato originali, & de iustificatione in sacrosancta Tridentina Synodo diffinita, & declarata fuerunt amplector, et recipio. Profiteor pariter in Missa offerri Deo verum, proprium, et propitiatorium sacrificium pro viuis, et defunctis, atque in sanctissimo Eucharistiæ Sacramento esse verè, realiter, & substantialiter Corpus, et Sanguinem unà cum anima, et Diuinitate Domini Nostri Iesu Christi, fierique conuersionem totius substantiæ panis in corpus, et totius substantiæ vini in sanguinem, quàm conuersionem Catholica Ecclesia Transubstantiationem appellat. Fateor etiam sub altera tantùm specie, totum, atque integrum Christum, verumque Sacramentum sumi. Constanter teneo Purgatorium esse, animasque ibi detentas fidelium suffragijs iuuari. Similiter et Sanctos unà cum Christo regnantes, venerandos, atque inuocandos esse, eosque orationes Deo pro nobis offerre, atque eorum reliquias esse venerandas. Firmiter assero, imagines Christi, ac Deiparæ semper Virginis, necnon aliorum Sanctorum habendas, & retinendas esse, atque eis debitum honorem, ac venerationem impartiendam. Indulgentiarum etiam potestatem à Christo in Ecclesia relictam fuisse, illarumque usum Christiano populo maximè salutarem esse affirmo. Sanctam Catholicam, & Apostolicam Romanam Ecclesiam omnium Ecclesiarum Matrem, et Magistrum agnosco, Romanoque Pontifici Beati Petri Apostolorum Principis successori, ac Iesu Christi Vicario, veram obedientiam spondeo, ac iuro.

Cætera item omnia à sacris Canonibus, & Æcumenicis Concilijs, ac præcipuè à sacrosancta Tridentina Synodo tradita, diffinita, & declarata, indubitanter recipio, atque profiteor, simulque contraria omnia, atque hæreses quascunque ab Ecclesiâ damnatas, et reiectas, et anathematizatas, ego pariter damno, reijcio, & anathematizo. Hanc veram Catholicam Fidem, extra quam nemo saluus esse potest, quam in præsentî spontè profiteor, & veraciter teneo, eandem integram, & immaculatam vsque ad extremum vitæ spiritum constantissimè, Deo adiuvante retinere, confiteri, atque à meis subditis, seu illis, quorum cura ad me in munere meo spectabit, teneri, doceri, et prædicari ( quantum in me erit ) curaturum. Ego idem F. N. spondeo, voueo, ac iuro. Sic me Deus adiuvet, & hæc sancta Dei Evangelia.

Promotor. Quoniam sapientiam vocasti amicam, et amator factus formæ illius, quæstisti eam tibi sponsam, asumere eccè Deus dat tibi eam sponsam, vñ semper tecum sit, & cor tuum possideat. In signum ergo: Accipe annulum in manu tua, & ego autoritate Apostolica per litteras &c. mihi commissa, Instituo, creo, & facio te Doctorem, et Magistrum in Sacra Theologia, doque tibi potestatem, & facultatem publicè legendi, docendi, interpretandi, exponendi, et declarandi Sacram Theologiam, In nomine Patris, et Filij, & Spiritus sancti. Amen.

*Deinde surgat, & faciat promouendum sedere in sua sella dicens.*

**P**romoueo te ad gradum Magistrerij Sacræ Theologiæ, annumerans te consortio Doctorum, et Magistrorum dictæ facultatis: ita collocet, et sedere te faciat Dominus cum principibus, vt solium gloriæ teneas.



*Deinde imponat birretum capiti eius ;  
dicens .*

**A**ccipe infulam, seu birretum nigrum, insigne Magisterij ; sic ornet te Deus corona gloriæ .

*Deinde eleuet eum , & dans ei osculum  
dicat .*

**E**cce odor filij mei , sicut odor agri pleni : crescere te faciat Dominus in millibus , et benedicat tibi in sæcula sæculorum, Amen .

*Forma Litterarum promotionis ad Ma-  
gisterium .*

**I**N Dei filio &c. Graues , et honesti labores illi , quos ab adolescentia , multis annis in diuersis gymnasijs , bonas litteras quasi fugientes persequendo tulisti , et deinde pluribus in locis legendo, disserendo, disputando, et humanam, Diuinamque Philosophiam alios docendo, multa cum laude, et fructu prosequutus fuisti;merito requirunt gloriosum fructum honoris , quo nullum maiorem possunt interim virtutibus exhibere mortales . Nos quoque decet excellentiæ , quæ in te est , vel naturalis ingenij , vel scientiæ tot laboribus , et incommodis acquisitæ illum præbere , præsertim cum ex obedientia pro Religione hæc omnia subieris . Cum igitur ad scholasticos gradus , etiam Magisterij fueris à Prouincia tua petitus , & iam quatuor annos in Vniuersitate N. non paruo fructu sententias legeris, aliosque actus omnes feceris, quos iuxta Constitutiones , aut Capitulorum Generalium Ordinationes facere debueras ; ac demum per Examinatores deputatos examinatus , idoneus ac sufficiens habitus , & indicatus fueris . Nos prædictorum

omnium rationem habentes, ac de eis plenius, & certius informati, auctoritate Apostolica nobis per litteras in forma Breuis commissa, Te R.P.F.N. ad gradum Magisterij promouemus, datisque annulo in digitum tuum, & insula, seu birreto nigro insigne Magisterij tuo capiti imposito, facimus, instituimus, & creamus, Magistrum & Doctorem Sacræ Theologiæ, ac numero & consortio Doctorum, et Magistrorum annectimus, inserimus, & incorporamus. Dantes tibi facultatem, & potestatem, publicè legendi, interpretandi, disputandi, exponendi, & declarandi sacras litteras, et Diuinam Scripturam, cū omnibus gratijs, priuilegijs, indultis, immunitatibus, exemptionibus, voce, et loco, quibus cæteri huiusmodi Magistri, et Doctores in Ordine nostro ritè promoti, de iure, vel approbata consuetudine potiri, & gaudere consueuerunt. Eadem Apostolica auctoritate dispensando supplentes, & supplendo dispensantes tecum in, & super omnibus, & singulis defectibus, & alijs quibuscumque, quæ huic promotioni, ex Apostolicis Decretis, aut ex Constitutionibus, vel Capitulorum Generalium, seu Provincialium statutis, ordinationibus, & consuetudinibus obijci possent. Mandantes omnibus, et singulis nostræ obedientiæ, vt te tanquam Magistrum, & Doctorem, (vt præfertur) habeant, suscipiant, & admittant; gratijsque, priuilegijs, indultis, fauoribus, &c. voce, et loco prædictis. vti, et potiri faciant, & permittant, non obstantibus quibuscumque. In quorum fidem &c. Datum &c.

*Forma licentiæ ad arctiorem vitam.*

**I**N Dei filio &c. Religiosa consuetudo tua, quam in nostro Ordine multis annis tenuisti, spem nobis faciebat, in eadem te perseueraturum, ac Apostolicum præceptum seruaturum, quo præcipit; vt quisque in qua vocatus est vocatione permaneat. Sed postquam tanta te vidimus instantia postulare facultatem ad arctiorem

vitam Æremitarum N. transeundi, Spiritum sanctum, cuius fortè duceris impulsu, nolumus impugnare: quin potius, vbi spiritum Domini vel credimus, vel suspicamur; ibi libertatem esse volentes, præsentium tenore, libertatem, et facultatem (quoad nostrum est) tibi concedimus, ad Ordinem, seu ad vitam solitariorum Eremitarum transeundi, ibique per solemnem professionem Deo te dedicandi. Reseruantes nobis quam nunc habemus super te iurisdictionem, donec eidem Ordini ad quem transferis, per solemnem professionem fueris obligatus. In quorum fidem &c.

*Alia ad idem.*

**N**OS F.N. Vniuersis, et singulis, ad quorum notitiam hæ nostræ peruenerint, fidem facimus, et attestamus; nos V. P. Fratri N. ad suę petitionis instantiam, dedisse, prout etiam tenore præsentium damus, et concedimus facultatem, & libertatem ab Ordine, Habitu, & institutis nostris transeundi ad Ordinem Camaldulensium Eremitarum, quem ipsemet sub ætioris vitæ specie, suæ complexionis magis accommodum, et opportunum delegit. Reseruantes nobis quam nunc habemus super eum iurisdictionem, donec in eo Ordine per solemnem professionem obligetur. In quorum &c.

*Forma dispensandi illegitimè natos Fratres professos.*

**N**OS F.N. &c. Cupientes, vt Fratres nostræ curæ crediti, Religioni cui addicti sunt in omnibus, ad quæ Spiritus sanctus eos vocare dignatus fuerit, liberè valeant deferuire; Te Venerandum Religiosum F. N. (quem religiosa vita, spectabiles mores, Catholica doctrina, & in agendis prudentia, et honesti labores commendabilem reddunt,) autoritate Apostolica nobis, & officio

nostro commissa, et præsentium tenore, ad omnia & singula officia, gradus, dignitates, & Ordines, etiam Sacerdotij, etiam Prioratus Conuentualis, & Prouincialis, etiam Prædicatoris Generalis, ac Magisterij in Sac. Theologia, & Diffinitoris tam Prouincialis, quam Generalis Capituli, & Electoris etiam Magistri Ordinis, à quorum susceptione, vel exequutione ob defectum natalium iuxta Constitutiones nostras esses impeditus, habilitamus, et habilem facimus, non obstantibus quibuscumque. In quorum fidem &c.

### *Forma mittendi Prædicatorem.*

**N**OS F. N. &c. Requisiti à Reuerendissimo D. Episcopo N. vel à Reuerendis DD. Canonicis Ecclesiæ N. (vel à præstantibus Officialibus Ciuitatis N. vel Oppidi N.) vt eorum Ecclesiæ de idoneo Prædicatore pro hac Quadragesima (vel vt eorum Ecclesiæ virum, qui conciones habere dignè possit hac proximè futura Quadragesima,) prouidere vellemus: Te Venerandum F. N. cuius doctrinæ copiam, & sinceritatem, in dicendo facundiam, & efficaciam, in moribus religionem, & grauitatem nouimus; designauimus, atque decreuimus cui præfatum munus demandemus. Mandamusque tibi in meritum obedientiæ, vt opportuno tempore ad dictam Ciuitatem te conferas, habiturus in eius Ecclesia conciones hac proximè futura Quadragesima; atque ita te geras, & habeas, vt qui nunc exiens vadis mittendo verbi semina, post Pascha rediens, manipulorum spiritualium fructus vberes referas &c.

### *Alia ad idem.*

**N**OS F. N. Recolentes Ordinem nostrum ad animarum salutem prædicatione quærendam specialiter institutum esse, & Te Venerandum Patrem F. N. zelo salutis earum accensum, tua Catholica doctrina, atque naturali  
faciunt.



facundia, arte, & gratia disserendi id posse præstare, religiosis moribus, quæ dixeris comprobare, & demùm verbis, & exemplis ad ædificandam Ecclesiam sufficere; Ecclesiæ N. ad quam pro hac proximè futura Quadragesima petitus fuisti Prædicator, (vel à tuis Patribus Concionator decretus fuisti) Concionatorem definimus, damus, & deppramus. Mandantes tibi in meritum Obedientiæ, vt opportuno tempore Ciuitatem N. adeas, & in eius Ecclesia N, conciones habeas hac Quadragesima: ac ea peracta ad Conuentum tuum reuertaris. Hortamur denique te, vt Concionatoris munus suscipiens, verbum Dei tanquam ex Deo, coram Deo, in Christo loquaris &c.

*Forma licentię peregrinandi in terram sanctam .*

**I**N Dei filio &c. Quoniam in hac vita peregrinum te (iuxta Apostolicam sententiam) esse cognoscis, ad terram, in qua Deus ipse factus homo peregrinum se fecit, religionis causa peregrinandi licentiam tibi à nobis dari petijsti Nos ergo eò facilius tuis petitionibus condescendimus, quò vehementius cupimus, vt eidem Domino nostro Iesu Christo, per spiritum (quę nostra perfectio est) renascaris, mundo moriaris, inque vitæ nouitate resurgas, & in cælestibus tota mente verferis; ac propterea ad Natiuitatis, Mortis, Resurrectionis, & Ascensionis eius loca videnda, ibique orandum vbi steterunt pedes eius, proficiscendi licentiam, & facultatem concedimus per præsentes. Commendamusque te omnibus, & singulis Conuentuum, & locorum nostrorum Præsidentibus, & Fratribus, ad quos eundo, vel redeundo ex itinere declinaueris, vt te recipiant, & hospitaliter cum charitate tractent. In quorum fidem &c.

*Alia communis, & testimonialis.*

**N**Os F. N. &c. Harum exhibitorum Venerandum P. F. N. Sacerdotem, vel studentem, vel &c. ad N. cū obedientia, & nostra benedictione excurrentem, commendamus omnibus, & singulis Conuentuum, & locorum nostri Ordinis Præsidentibus, ac Fratribus, ad quos &c. *ut supra.*

*Forma licentię recipiendi, & inscribendi in  
Confraternitatem Rosarij.*

**N**Os F. N. certiores facti, Te Venerandum Patrem, F. N. non vulgarem deuotionis affectum gerere ad Beatissimam Virginem Dei genitricem, ac propterea cupidum propagandi cultum eius, & deuotionem erga illam per Confraternitatem Rosarij pectoribus fidelium inferendi: presentium tenore tibi concedimus, vt vbi-que fuerint huiusmodi Confraternitates, nomina omniū in eis recipi volentium scribere, Rosaria benedicere, et quando ex obedientia ad prædicandum exieris, vbi non fuerit dicta Confraternitas, eam erigere, & instituere aliquem, qui eius curam habeat, & recipi volentes scribat, Rosaria benedicat, deputare; & omnia, & singula facere possis, & ille possit, quæ per Fratres nostros ad idem nostris Ecclesijs deputatos fieri solent, & possunt: dummodo pro huiusmodi scriptura benedictione &c. nihil recipiatur. In quorum fidem his nostro sigillo munitis manu propria subscripsimus. Datum &c.

*Alia forma ad Ecclesias extrà Ordinem.*

**N**Os F. N. &c. Attendentes ad vberes, odoratosque fructus, quos in Sanctæ Ecclesiæ horti conclusi roseto protulerunt, atque in dies magis proferunt rosea illa  
plan.

plantaria, quæ Rosarium Beatæ Mariæ Virginis appellantur, vbique illa plantari vellemus. Modus enim Deum orandi ijs inest adeò facilis, vt omnibus sit peruius: adeò numeri mysterio, & ordine, ac varietate distinctus, vt omnibus possit esse iucundus; adeò frugifer, vt ad Christianæ perfectionis apicem compendiosissimè ducat, Orationem quippe Dominicam, & Angelicam salutationem, quibus Rosarium constat, nullus Christianus ignorat. Psalterium proinde dicitur, quòd Angelica salutatione centies & quinquagies in eo repetita, Psalmorum Dauidici Psalterij numerum referat: vtque varietate delectet, ad quamque decimam, vnâ interfert orationem Dominicam. At verò si ritè persoluitur fructum reddit amplissimum: nam ( præter hoc, quod Christi vita, quæ in eo per multa mysteria recolitur meditando ) mens instruitur, reficitur, & spiritali consolatione pinguescit; heroicæ illæ virtutes in eadem, velut in firmamento sydera fulgentes, ad consimilia faciendum, meditantis animum trahere sufficiunt. Ad quæ præstanda si quid fortè ex nostra infirmitate deficeret, Beatissimæ Virginis intercessio, in eodem sæpius implorata facilè impetrabit. Cui rei sodalium Confraternitatumque toto orbe diffusarum, in meritorum participatione communio suffragatur. Indulgentiæ demùm, peccatorumque remissiones, à diuersis Summis Pontificibus huiusmodi sodalibus, & Confraternitatibus collatæ, ad hæc plurimùm conferunt. His forsan, aut alijs, bonis tamen rationibus moti Christi fideles oppidi N. vel Ecclesiæ N. cupientes tanto ditari thesauro, Confraternitatem huiusmodi in eadem habere, & Altare pro ea deputare, cupiunt: atque vt dictarum Indulgentiarum possint esse participes, nostram super his licentiam petierunt. Nos igitur gloriosissimæ Virginis Mariæ cultum augere, & fidelium animos ad veram pietatem, & deuotionem per hæc accendere cupientes; tibi Reuerendo N. (vel vobis in Christo dilectis fidelibus Oppidi N.) præsentium tenore, concedimus, vt in Ecclesia N. Confraternitatem Rosarij hu-

huiusmodi instituere, & habere, Altare pro ea deputare possitis: cui nunc primum Reuerendum D.N. Rectorem, & Directorem damus, & nominamus; & post eum successiue, qui per Confratres pro tempore deputabitur, cui nomina omnium in eadem recipi volentium scribendi, Rosaria, seu coronulas benedicendi, & omnia, ac singula faciendi, quæ per Fratres nostros ad id in nostris Ecclesijs deputatos fieri solent, & possunt, facultatem concedimus. Dummodò pro huiusmodi receptione, scriptura, benedictione, & alijs similibus nihil exigatur, aut recipiatur, ne pietas in quæstum, & deuotio degeneret in auaritiam. Volumus autem pro recognitione, quòd nomina eorum, qui nunc primum scribentur, ad Conuentum, nostri Ordinis, Ecclesiæ vestræ propinquiorem deferantur. In quorum &c. Datum &c.

*Forma recipiendi ad beneficia Ordinis.*

**I**N Dei Filio &c. Deuotus vestræ charitatis affectus, quem ad nostrum Ordinem vos habere multiplici, & grata Fratrum nostrorum relatione cognouimus, meritò requirit; vt beneficia Ordini nostro Dei benignitate collata, vobis gratis impertiamur. Quare de Omnipotentis Dei misericordia, & liberalitate confisi, omnium Misæ, Orationum, prædicationum, studiorum, vigiliarum, ieiuniorum, abstinentiarum, laborum, cæterorumque bonorum operum, ac meritorum, quæ per Fratres, & Sorores nostras Diuina bonitas (in nostra Prouincia) vel in orbe fieri dederit vniuerso, communionem, & participationem concedimus, & elargimur: vosque ad ipsius Ordinis (vel Prouinciæ) beneficia, & suffragia recipimus, & admittimus, in vita pariter, & in morte; vt multiplici sanctorum suffragiorum præsidio adiuti, hic augmentum gratiæ, & in futuro vitam percipiatis æternam. In quorum fidem &c.



*Forma ad induendum Nouitios.*

**C**VM aliquis recipi ad Ordinem petit, Prior de consensu Capituli eligat tres Examinatores, qui recipiendum examinent, an sit aptus Religioni nostræ, an sit boni ingenij & competentis litteraturæ, & quanto tempore ipse habuit hanc voluntatem, & qua ratione ingrediatur; si propter deuotionem, vel fugam laboris, vel necessitatem, vel parentum rigiditates: & si est, coniugatus, vel seruus, vel habeat reddere rationem de administratione, vel sit debitis obligatus, vel professus alterius Religionis, vel habeat occultam infirmitatem; an sit illegitimus, & cuius ætatis. Cùm igitur quilibet de his eum examinauerit, referant Priori & Capitulo quid sibi videatur de illo. Tunc Prior querat consensum Fratrum, & si maior pars consenserit, si in Clericum est recipiendus, poterit recipi: si verò fuerit Conuersus requiritur authoritas Prouincialis, & consensus duarum partium Vocalium. Vocales autem hic sunt omnes Clerici professi. Interim Magister Nouitiorum instruat eum quomodo se prosternat, & ad interrogationem Prioris petentis, *Quid petat?* quòd respondeat *Misericordiam Dei & vestram*. Cùm igitur ducendus est ad Capitulum, Magister Nouitiorum eum ducat vsque ad medium Capituli, & ostendat ei locum veniæ faciendæ. Qui toto corpore in terram prostratus, & manibus in modum crucis extensis, Priori petenti. *Quid querat?* repondeat: *Misericordiam Dei, & vestram*. Tunc Prior faciat eum surgere & dicat ei: Fili charissime in ista petitione tua duo petis, scilicet misericordiam Dei, & vestram: sed misericordiam Dei tibi dare non possumus, benè tamen credimus te fuisse eam consuetum, quia Dominus Deus te inspirauit ad ingressum huius Religionis. Nostram autem misericordiam tibi dare non possumus sine quibusdam conditionibus, quas si non haberes, aut non proponeres obseruare, non posses habere misericordiam nostram.

stram. Nam in primis, si esses coniugatus, & matrimonio consummasset cum vxore tua, non possemus te recipere, quia tu illi esses obligatus. Secundò, si esses seruus emptitijs, similiter non possemus te recipere, quia esses in potestate domini tui. Tertiò, si haberes debita magna, quæ soluere non posses, aut esses obligatus reddere rationem alicuius administrationis per te factæ de rebus alterius, donec de illa esses expeditus, non possemus te similiter recipere: quia Religio est pauperrima, & non potest soluere debita aliorum. Quartò, si esses professus alterius Religionis, quia illi esses obligatus, non possemus te recipere. Quintò, si haberes aliquam ocularam, & manifestam infirmitatem, similiter non possemus te recipere, quia Religio propter labores suos corpora consumit, & non restaurat: & Fratres multa habent agere, quæ si infirmis continuè seruire deberent, non possent peragere. Habes tu aliquam, vel aliquas istarum conditionum? Quo respondente, *Pater non*, dicat Prior. Ad consequendam misericordiam nostram non sufficit non habere prædicta, sed etiam oportet quòd intelligas, quæ habeas seruare in Religione, ne postea dicas te fuisse deceptum, vel non credidisse tot ardua esse in ea. Inprimis, oportet te seruare tria vota principalia Religionis, scilicet obedientiam, paupertatem, & castitatem. Quantum ad obedientiam, scias quòd eris obligatus seruare Regulam, & Constitutiones nostras, & obedientias maiorum tuorum, ita quòd non existimes te ullam habere libertatem, sed totaliter esse subiectum, & priuatum propria voluntate. Nam non poteris manducare, vel bibere sine licentia, nec ad aliquem locum accedere, nec tibi aliqua placita facere sine voluntate tui Prælati. Et si velles stare Barcinonæ, & tui Superiores voluerint quòd Romæ, aut Florentiæ, aut Mediolani, aut in Francia, vel in Hispania, teneberis obedire eis, & non tibi complacere. Quantum ad paupertatem, similiter non poteris habere aliquid quantumcum-

cumque modicum, quod possit dici tuum, vel quod tu  
 pcessis dicere, hoc meum est; sed ea quæ tibi erunt con-  
 cessa, erunt subiecta voluntati Prælati tui, qui ea tibi  
 auferre poterit quotiescunque voluerit, & tu non habe-  
 bis contrà eum ius aliquod. Nec poteris tenere pecu-  
 nias, & si tibi datæ fuerint non poteris eas expendere,  
 nec aliquid de tibi concessis donare, alienare, vel com-  
 mutare sine licentia Prælati tui, quantumcunque mini-  
 mum sit. Circa castitatem teneberis non solum serua-  
 re castitatem corporis, sed etiam mentis; id est, quod  
 non cogites de rebus inhonestis, nec delesteris in illis,  
 & vltra hoc non poteris loqui turpia, aut facere alios  
 actus turpes, & inhonestos & lubricos nutus, & fixio-  
 nem oculorum in mulieres; & ita te existimes in hoc  
 tanquam non esses homo, sed lapis vel lignum. Et ad  
 melius seruanda ista, Regula, & Constitutiones ordi-  
 nauerunt aliqua ad corporis inacerationem, scilicet vi-  
 gilijs, quia quando placebit tibi dormire, tunc oportebit  
 te surgere ad Matutinas, vel ad faciendas alias obe-  
 dientias. Item ieiunia, quia vltra omnia ieiunia Eccle-  
 siæ teneberis ieiunare à festo S. Crucis vsque ad Pascha,  
 exceptis diebus Dominicis, & etiam in omnibus ferijs  
 sextis totius anni. Et non poteris comedere carnes vn-  
 quam sine necessitate, infirmitate, vel licentia. Et quia  
 Religio est discreta, & non vult à Religioso nisi id quod  
 potest scias quod accedente aliqua necessitate, Prior,  
 vel Prælatus poterit dispensare tecum in huiusmodi au-  
 steritatibus aliquando, maximè in vigilijs & ieiunijs.  
 Item oportebit te ambulare longa itinera pedestrem,  
 & aliquando sine pecunijs quæstuando victum. Item  
 oportebit te ire per villas ad quætuandum grana,  
 vinum, & alia pro victu Fratrum, pro pane quæ-  
 rendo cum sacco, & necesse erit tibi etiam aliquan-  
 do portare vestes laceras & viles, & pati multa  
 incommoda & multos labores; & quando ista feceris,  
 adhuc habebis tribulationes, & reprehensiones, &  
 vilifica-

vilificationes, quas omnes oportet te ferre patienter: quæ si graues sint, habent tamen magnam mercedem, scilicet vitam æternam, quam tibi ex parte Dei firmiter promitto, si prædicta obseruaueris. Vis ergo obseruare omnia prædicta pro posse tuo? Quo respondente, *Quòd sic*, dicat Prior: *Dominus qui incepit ipse perficiat*. Et Conuentus respondeat, *Amen*. Tunc Magister Nouitiorum ducat eum ad Priorem, & faciat eum genuflectere coram eo, & Vestiarius similiter portans vestes præparatas, eas Priori porrigat: & Prior primò eum induat tunica, & postea cingat cingulo, postea ponat ei scapulare & caputium, & ultimò cappam. Quo induto, omnibus flectentibus genua, Cantor incipiat in cantu Hymnum: *Veni Creator Spiritus &c.* & Fratres bini & bini vadant cantando Hymnum ad Chorum. Post Priorem verò sequatur Magister Nouitiorum secum ducens Nouitium, vsque ad gradus Altaris maioris, & ibi faciat eum prosterni. Completo Hymno, & dicto *Kyrie eleison &c. Pater noster. V. Emitte spiritum, &c. V. Saluum fac, &c. & Orationibus. Deus, qui corda &c. & Pratende, &c.* à Priore dicendis; Magister Nouitiorum ducat Nouitium ante Priorem, & faciat eum genuflectere, & discooperire, & Prior aspergat ipsum aqua benedicta; postmodum verò recipiat eum ad osculum pacis, & post Priorem similiter omnes Fratres primo in Choro dextro, postea in sinistro, & interim cantetur: *Te Deum*. Quo facto Magister suus eum ad Priorem reducat; qui si vult, tunc potest ei nomen mutare. Postea dicat; *Eccè fili tu recepisti misericordiam nostram ex parte, quia tibi dedimus Habitum nostrum ad probationem: restat tibi facere professionem, ut ipsam misericordiam nostram possis habere completè. Et quia fortè mores Religionis non placebunt tibi, aut mores tui non placebunt nobis: ideò, autoritate Ecclesiæ, & Ordinis tibi concedo vnum annum, ut tu possis probare mores nostros, & nos mores tuos. Et si tibi placebit nobiscum*



biscum viuere, & nobis placebit conuersario tua, recipiemus te ad professionem : aliàs, & nos , & tu erimus in libertate. Conare ergo iugum hoc pro amore Dei libenter ferre, & Magistro tuo in omnibus obedire tanquam mihi. Tunc Prior dicat : *Adiutorium nostrum &c.*

*Forma, & modus faciendi Professionem.*

**C**irca finem anni post receptionem, Prior in Capitulo mandet Magistro Nouitiorum, quòd referat quomodo Nouitius ille se habuerit. Qui fideliter referens mores eius, & aptitudines ad Religionem nostram, dicat opinionem suam, an sit recipiendus ad professionem. Postea Prior requirat consensum Capituli, quo accedente, completo anno Magister Nouitiorum ducat Nouitiũ in Capitulum ante Priorem: & facta prostratione, & petita misericordia Dei, & Ordinis, & expositis ei per Priorem impedimentis, & austeritatibus, vt supra in receptione, Nouitij notatum est; & Nouitio promittente se illas seruare velle, Prior dicat: *Dominus, qui incepit ipse perficiat, & Conuentus respondeat, Amen.* Tunc accedens Nouitius genuflectat ante Priorem, & Prior accipiat manus Nouitij inter manus suas, & liber Constitutionũ super manus vtriusq; ponatur, & ille qui profitetur legat: *Ego Frater talis &c.* vt supra habetur pag. 101. Postea solus Prior recipit ipsũ ad osculũ pacis. Completa professione, Prior benedicat scapulare sicut in Constitutionibus scriptum est supra pag. 114. Si fuerint plures Nouitij recipiendi, mutetur in suprapositis numerus singularis in pluralem.

*Forma tenendi Capitulum quotidianum.*

**P**ostquam Prior ingressus fuerit Capitulum, dicat, *Benedicite*, & responso ab omnibus, *Dominus* : dicat Prior; *Recitentur beneficia quæ sunt recitanda.* Quibus recitatis, Prior dicat: *Multa sunt beneficia, Patres, & Fratres in Christo dilecti, quæ continuè nobis à Deo*

conferuntur, quibus viuimus & sustentamur. Vnde ne Domino Deo, & benefactoribus nostris inueniamur ingrati, recomitto Missis, & orationibus vestris bonum statum S. Romanæ Ecclesiæ, & Capitis eius Summi Pontificis, & Collegij Reuerendissimorum Dominorum Cardinalium, maximèque Reuerendissimi Domini Protectoris Ordinis nostri: statum omnium Prælatorum Ecclesiæ sanctæ Dei, maximè assumptorum de Ordine nostro: statum Reuerendissimi Domini Patriarchæ, vel Archiepiscopi, vel Episcopi huius Ciuitatis, cum toto Clero & Populo suo. Quoad Ordinem nostrum, recomendo statum totius Ordinis nostri in generali. In speciali autem statum Reuerendissimi Magistri Ordinis, & Reuerendissimi Procuratoris Ordinis cum Socijs eorundem: & omnium Prouincialium, & Priorum Ordinis, & permaximè Reuerendi Patris Prouincialis, & omnium Priorum nostræ Prouinciæ, & mei ipsius qui plurimum indigeo. Quoad statum temporalem recomendo Missis, & orationibus vestris in communi statum totius Christianitatis: in particulari verò statum Augustissimi Imperatoris, & omnium Regum, Ducum, Principum, Dominorum, & Communitatum totius Christianitatis, maximè autem huius domini, sub quo viuimus & sustentamur; & Serenissimi Regis, vel Principis, vel Magnificæ Communitatis ipsius; vt Dominus pacem, & tranquillitatem eis concedere dignetur ad regendum Populum sibi commissum. Recomendo etiam vobis statum benefactorum, parentum, consanguineorum, amicorum, beneuolorum, & affectorum nostrorum, & totius Ordinis nostri, & maximè huius Conuentus, & Ciuium huius Ciuitatis, & maximè talem. N. qui maximè nobis afficitur, & bonam eleemosynam contulit. Item N. qui graniter infirmatur, vel est in tali N. vel tali N. necessitate, tribulatione, vel angustia constitutus. Recomendo etiam omnes Christianos qui sunt in tribulatione, in captiuitate, in seruitute infidelium, & in quibus-

Cūque angustijs paupertatis, vel infirmitatis constituti. Multæ sunt etiam personæ, quæ in tribulationibus, & angustijs positæ sæpè rogant commendari orationibus vestris, habentes deuotionem in eis: illas igitur secundum fidem earum vobis recomendo. Quoad statum defunctorum in generali recomendo Missis, & orationibus vestris animas omnium fidelium defunctorum. In particulari verò animas parentum nostrorum, Fratrum, Sororum, Ordinis amicorum, & benefactorum, qui nobis annuales, siue quotidianas eleemosynas contulerunt: vel pro quibus à suis nobis collatæ sunt, & conferuntur, & maximè illarum pro quibus eleemosynæ præcedentes recitatæ fuerunt. Insuper recomendo animam talis Fratris N. vel talis personæ N. quæ his diebus ex hoc sæculo migravit. Et si quæ essent obligationes, vel eleemosynæ datæ pro aliquibus animabus, pro quibus non esset satisfactum; ego accepto animas illas ad participationem Missarum, & omnium bonorum nostrorum, donec fuerit pro eis satisfactum coram Domino Deo. Hos igitur nominatos, & alios merito nominandos tam viuos, quam defunctos, Missis, & orationibus vestris recomendo, pro quibus omnibus in præsentiarum dicemus ad Dominum. Prior surgens dicat Orationem *Retribuere &c.* Psal. *Ad te leuavi*, cum *Gloria Patri. De profundis*, cum *Requiem*. *Kyrie eleison, Christe eleison, Kyrie eleison. Pater noster V. Et ne nos &c. V. Oremus pro Domino Papa. R. Dominus conseruet eum, & viuificet eum, & beatum faciat eum in terra, & non tradat eum in animam inimicorum eius. V. Saluos fac seruos tuos, & ancillas tuas R. Deus meus sperantes in te. V. Requiescant in pace. R. Amen. Dominus vobiscum &c. Oremus. Omnipotens sempiternus Deus, qui facis mirabilia magna salus, præstende super famulum tuum Papam nostrum, & super cunctas congregationes illi commissas, spiritum gratiæ salutaris: & ut in veritate tibi complaceant, perpetuum eis rorem tuæ benedictionis infunde.*

*Præte de Domine famulis, & famulabus tuis dexteram cale-*  
*t 2 ris*

*His auxilij, ut te toto corde perquirant, & quæ dignè postulant, assequantur.*

*Fidelium Deus omnium conditor, & redemptor, animabus famulorum, famularumque tuarum, remissionem cunctorum tribue peccatorum: ut indulgentiam, quam semper optauerunt, pijs supplicationibus consequantur. Qui uiuis, & regnas per omnia secula seculorum. R. Amen.*

*Forma tenendi Capitulum pro scrutinio Prioris, & electione socij Prioris euntis ad Capitulum Prouinciale.*

**P**rimò, Supprior, vel Vicarius Conuentus, debet intrare Capitulum cum Fratribus vocalibus, & statuere diem electionis Socij, & scrutinijs Prioris.

Secundò, exhortetur Fratres ad eligendum pacificè, quiete, & concorditer socium Prioris.

Tertiò, obseruentur omnia, quæ canonicè obseruatur in electione Prioris.

Quartò, eligatur Socius à maiori parte.

Quintò, fiat scrutinium Prioris.

Sextò, scribantur accusationes Prioris in scrutinio.

Septimò, sigilletur scrutinium per Suppriorē, vel Vicarium Conuentus coram toto Conuentu sigillo Conuentus, & nullo modo publicetur ante sigillationem vel post, & sic sigillatum detur socio.

Octauò, scribantur in Charta petitiones, quæ sunt à Conuentu.

Nonò, scribantur in eadem charta nomina Fratrum, quos Conuentus petit amoueri, & nomina illorum, quos petit assignari.

Decimò scribantur in eadem charta obitus Fratrum, qui à tempore Capituli Prouincialis proximè præteriti in dicto Conuentu obierunt.

Item scribantur debita Conuentus in eadem charta. Hæc charta sigilletur sigillo Conuentus, & detur socio, ut eam



eam portet ad Capitulum Prouinciale.

Item socius debet deferre Capitulo nomina Fratrum sui Conuentus, cum expressione ordinum, & officiorum suorum, conscripta in vna charta particulari, hoc ordine. Isti sunt Fratres, qui assignati sunt in Conuentu, N. de N.

*Sacerdotes.*

**I**n primis Frater N. Prior.

Frater. N. de N. Supprior.

Frater N. Sacrista.

Frater N. Syndicus, & sic de singulis officialibus.

Frater N.

Et hanc chartam similiter presentare debet R. Prouinciali, & Diffinitoribus Capituli.

*Forma celebrandi Capitula Generalia, vel Prouincialia, secundum consuetudinem Fratrum Predicatorum.*

**I**n Hebdomada præcedente assignationem futuri Capituli, fiant quæ sequuntur.

1. Consilium de Examinatoribus vocum teneatur, per Patres Nationum simul cum Prouinciali.
2. Collatio in Capitulo fieri debet.
3. Statuantur custodes, ne sæculares impediant Capitulum: & pronuncientur in Capitulo, vel in mensa Examinatores vocum.
4. Statuatur vnus, qui scribat nomina Fratrum aduenientium.
5. Prouideatur de Fratribus vocandis Conuentuum propinquiorum ad Processionem.
6. Disponantur Predicatores per totum Capitulum.
7. Ordinentur circuli, & disputationes Cathedrales, & Fratres qui habent tenere Conclusiones.

*Tertia die ante inceptionem Capituli fiant hæc.  
Die Iouis, vel Veneris.*

1. **S** Cribantur nomina Patrum vocandorum ad consilium die sequenti pro electione Diffinitorum, & ponatur schedula, quòd manè, tempestiuè veniant ad consilium.
2. Mandetur Vocalibus, quòd in manè sequenti conueniant ad Capitulum.
3. Scribatur tabula Officialium Capituli.
4. Scribatur tabula Vocalium pro scrutinio Diffinitor.
5. Scribantur mandata necessaria.
6. Scribantur in vna tabula, vel quaterno nomina Conuentuum, & dimittatur spatium pro Fratribus assignandis: & ita fiat de alijs fiendis in Capitulo, puta de ordinationibus, pœnitentijs & pro cæteris Actis Capituli.

*Die sequenti fiant hæc. Die Sabbati.*

1. **M** Anè teneatur consilium de Diffinitoribus Capituli.
2. Habito consilio vadant ad Capitulum.
3. Fiant publica mandata necessaria.
4. Legatur tabula Officialium Capituli.
5. Audiantur Examinatores vocum.
6. Petantur voces Fratrum, si placet sententia.
7. Fiat protestatio.
8. Fiat generalis absolutio.
9. Prouincialis, Prior, & Supprior vadant ad discum, & audiant vota Fratrum, & sit ibi papyrus, atramentum & calami.
10. Acceptis schedulis à præsentibus Vocalibus, vadant ad infirmos, si qui sunt in Domo.
11. Publicetur per Superiorem Electio.
12. Vocentur electi ad medium, & imponatur eis officium

cium diffinitionis, & postea sedent in locis suis super omnes alios, quem locum teneant durante ipsorum auctoritate.

13. Post electionem Diffinitorum, fiat sermo litteralis.

14. Petatur assensus Diffinitorum ad omnia, quæ prius ordinata sunt, & eorum auctoritate confirmentur.

15. Dicatur Prioribus, & Socijs Conuentuum, & Fratribus, ut dent in scriptis Fratres iuuenes, quos nouerunt aptos ad scientiam.

16. Mandetur Socijs Conuentuum, quod portent scrutinia, memorialia, petitiones, & debita Conuentuum: & si quæ voluerint proponere Diffinitorio, ponant in scriptis.

17. Ordinentur sacculi pro Diffinitoribus.

18. Ordinetur capsula, campanula, & alia necessaria pro Diffinitorio, & de seruatoribus prouideatur.

19. Inuitentur per Priorem seculares, & Religiosi ad sermonem crastinum.

20. Statuatur dies Processionis, & qui debeant se præparare, et committatur alicui, vel aliquibus.

*In Diffinitorio fiant ista.*

1. **A**ccedat Prouincialis, et Diffinitores ad locum Diffinitorij, et aperiantur scrutinia Conuentuum.

2. Committatur alicui de Diffinitoribus dictamen ordinationum.

3. Audiantur Priores, et Socij, et mittatur pro eis.

4. Audiantur Visitatores, vel Vicarij Nationum si qui sunt, et mittatur pro eis.

5. Sit in Diffinitorio aliquod folium, in quo conscripta sint nomina omnium Priorum Prouinciæ de per se: et iuxta nomen cuiuslibet Prioris, ponatur nomen Socij Conuentus sui, et Visitatoris, et Vicarij Nationum: ut quando Diffinitorium mittit pro aliquo Priore, mittatur etiam pro Socio, et Visitatore, et Vicario Nationis, si fuerint præsentés.

6. Ponatur in mensa, quòd si Fratres volunt aliquid proponere in Diffinitorio, citò se expediant, & tales volentes proponere audiantur.
7. Videantur petitiones Conuentuum, memorialia Fratrum, & litteræ Dominorum, & Communitarum, si quæ sunt.
8. Videatur numerus Fratrum iuxta Conuentus Prouinciæ.
9. Examinetur qui Priores sint absoluendi.
10. Disponantur assignationes Fratrum pro Cõuentibus.
11. Fiant Prædicatores Generales.
12. Assignentur studentes.
13. Dentur pœnitentiæ.
14. Fiant Vicarij in Conuentibus, in quibus Priores sunt absoluti.
15. Assignentur suffraggia pro viuis, & mortuis.
16. Dentur Socij Prouinciali, vel Diffinitori euntibus ad Capitulum Generale.
17. Assignentur sequens Capitulum Prouinciale.
18. Instituantur Iudices ad causas.
19. Taxetur pœna in eorum litteris.
20. Audiantur Iudices.
21. Approbentur eorum sententiæ.
22. Prouincialis reddat computum de receptis, & expensis Prouinciæ.
23. Fiat ratiocinium de receptis, & expensis Capituli.
24. Prouideatur Prouinciali, & Diffinitoribus, & alijs qui laborauerunt pro Capitulo.
25. Fiant litteræ responsuæ Dominis, & Communitatibus.

*Die sequenti fiant ista. Die Dominico,  
vel die Lunæ.*

1. **D** eclarentur Iudices ad causas.
2. Exponantur Examinatores litterarum de beneficijs.



3. Videatur si quæ præter consuetâ sint dicenda in Capitulo.
4. Pulsetur ad Capitulum.
5. Post Benedicite, legitur Constitutio de solemnî celebratione Capituli, à principio vsque ad finem illius s. scilicet *Finito sermone.*
6. Dicatur *Veni Creator Spiritus*, cum *Ÿ.* & Collecta.
7. Detur benedictio sermocinanti, & fiat sermo.
8. Finito sermone, legatur Constitutio ab illo loco, *Finito sermone &c.*
9. Recitentur obitus Fratrum.
10. Fiat commendatio viuorum, & defunctorum, & dicatur Psalmus *Ad te leuani &c.* & *De profundis.* cum *ŸŸ.* & Collectis, vt dicitur in eodem Capitulo, vbi supra.

*Die sequenti fiant ista.*

*Die Martis.*

1. **E**grediantur qui non sunt de corpore Capituli.
2. Legantur qui deficiunt, & excusentur.
3. Culpæ audiantur singulorum de Capitulo.
4. Quando Priores dicunt, culpas suas, petantur Visitator, Vicarius illius Nationis, & Socius Conuentus.
5. Committatur audientia reliquarum culparum.

*Die sequenti.*

*Die Mercurij.*

1. **T**eneatur consilium de Diffinitore mittendo ad Capitulum Generale.
2. Pulsetur ad Capitulum.
3. Mandetur Fratribus, quòd non discedant.
4. Prouincialis, Prior, et Supprior vadant ad discum.
5. Scrutentur per schedulas vota Fratrum, et publicetur electio.
6. Vocetur electus ad medium, et imponatur sibi officium diffinitionis.

*Die*

*Die sequenti fiant ista.**Die Iouis.*

1. **P**rocedatur ad scrutinium Prouincialis per Diffinitores.
2. Sigilletur in conspectu omnium.
3. Requirantur petitiones.
4. Scribatur in scrutinio nomen Diffinitoris, & Socij.
5. Assignetur scrutinium Diffinitori, si præsens est in Capitulo.

*Die sequenti fiant ista.**Die Veneris.*

1. **P**rocedatur ad Capitulum.
2. Legatur Constitutio de Capitulo Generalissimo §. V. ibi. *De solutione autem questionum &c.*
3. Post *Benedicite*, recitentur beneficia.
4. Exhortentur Fratres, vt benignè, & humiliter suscipiant, quæ acta sunt.
5. Legantur Acta Capituli.
6. Priores absoluti veniant ad medium Capituli, & consignent sigilla Conuentuum suorum.
7. Fiat mandatum, quòd nullus Socius Conuentuum recedat de Capitulo sine Actis.
8. Significetur iter Prouincialis.
9. Fiat generalis absolutio.
10. Consignentur Diffinitoribus, aut Vicarijs Conuentuum, vel Socijs sigilla Conuentuum.
12. Terminetur Capitulum, per *Adiutorium nostrum*.

*Postea ista fiant.*

1. **V**ideatur de Contributionibus persoluendis.
2. Exhortentur Fratres ad benè exequenda officia sua, & Priores ad recipiendos Nouitios benè natos, & aptos pro Ordine.
3. Dentur Fratribus litteræ responsuæ Dominis, & Communitatibus, quas portent.

4. Sollicitentur Fratres , vt citò vadant ad Conuentus suos.

5. Ordinetur vnus quaternus , in quo ponantur puncta litterarum directarum aut Capitulo , aut Magistro Ordinis , vel Prouinciali , & scribatur datum , & dies quæ fuerunt receptæ .

6. Ordinetur de responsionibus litterarum receptarum.

*Circa Processionem generalem Capituli.*

1. **S**cribantur sigillatim omnes Fratres iuxta gradus suos.

2. Prouideatur de via Processionis.

3. Ordinetur vbi cantari debet Missa.

4. In quibus sit magis cantandum.

5. Si alicubi debet pausari Processio.

6. Fiant ordinatores Processionis, qui præuideant viam, & cum silentio corrigant Fratres.

7. Sint Fratres præparati cum reliquijs Sanctorum.

8. Prædicti Fratres, & Cantores sint rasi.

9. Fiant plures ordines de Cantoribus.

10. Scribantur xij. Fratres , qui sint primi parati in Processione.

11. Publicetur Processio in prædicatione .

12. Ante Processionem Prouincialis intret Capitulum , & declararet modum Processionis : & hortetur Fratres , vt discretè , & honestè incedant , & faciat aliqua mandata super hoc .

13. Inter Missarum solemnias fiat sermo.

14. Finita Missa omnes processionaliter redeant ad Conuentum .

15. Sint in Processione duæ Cruces cum quatuor Acolythis , vna in principio , alia in medio .

*Ista sunt mandata obseruanda in Capitulis  
Generalibus, & Prouincialibus.*

1. **N**ullus recedat à Capitulo absque licentia.
2. Fratres sint solliciti circa celebrationem Missarum, & sequelam Chori.
3. Fratres sint solliciti intrare Capitulum, quando pulsatur, & similiter circa Processiones fiendas post Completorium.
4. Omni die veniant ad Processionem, quæ fit post Missam Conuentus.
5. Officium Diuinum diurnum pariter & nocturnum in Ecclesia deuotè dicatur.
6. Nullus recedat, nisi prius consignauerit pannos, & clauem cellæ officiali dputato.
7. Nullus transmutet pannos de loco ad locum, nec deponat schedulas.
8. Nullus mittat extra Conuentum vtensilia Capituli, & Conuentus, nec etiam cibaria.
9. Nullus contrahat debita in Ciuitate.
10. Nullus accedat ad loca suspecta, & inhonesta.
11. Nullus dormiat extra Conuentum absque licentia Prouincialis.
12. Quilibet sit cautus in portando, & tenendo ignem in cella de nocte.
13. Nullus committat defectum in officio sibi commisso.
14. Fratres sint obedientes officialibus Capituli, secundum quod fuerint ab eis requisiti.
15. Nullus Frater vadat solus in Ciuitatem, aut sine cappa.
16. Nullus Frater accedat ad aliquod Monasterium Monialium, absque licentia Prouincialis.



*Forma generalis absolutionis, quæ fit in Capitulis, vel solemnitatibus magnis.*

**Q** Vando facienda est generalis absolutio in Capitulo, vel Choro. Fratres omnes se prosternant. Et dicto *Confiteor, & Miseratur.* Surgat Prior solus, & dicat? *Si tenemini aliquo vinculo, (vel aliquibus vinculis) Excommunicationis, suspensionis, aut interdicti, in quantum se extendunt gratiæ, & privilegia Ordini nostro indulta, mihi commissa, & vobis concessa, Ego absolvo vos, & restituo vos sacrosanctis Sacramentis Ecclesiæ, Communioni, & unitati fidelium, In nomine Patris, & Filij, & Spiritus sancti Amen.* Item eadem authoritate *Ego dispenso vobiscum super irregularitate, (vel irregularitatibus) si quã (vel si quas) cõtraxistis, & habilito vos executioni Ordinum, & officiorum vestrorum.* Item eadem authoritate, *Ego absolvo vos ab omni transgressionem Regulæ, & Constitutionum, Ordinationum, & admonitionum maiorum vestrorum, & ab omni pœnitentia oblita, & neglecta: & maxime à pœna, quæ debetur propter fractionem silentij inter duo Capitula, & ab omnibus alijs, de quibus consuevit fieri absolutio in consimilibus Capitulis, (vel solemnitatibus) ut sitis absoluti hic, & ante tribunal Domini nostri Iesu Christi, habeatisque vitam æternam, & viuatis in secula seculorum Amen.* Postea iniungat pœnitentiam ad arbitrium suum.

*F I N I S F O R M V L A R I I.*

1871  
The following is a list of the names of the persons who have been elected to the office of Justice of the Peace for the year 1871. The names are given in alphabetical order of their surnames.

1. J. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

2. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

3. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

4. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

5. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

6. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

7. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

8. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

9. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

10. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

W. A. B. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.







# COMPENDIOSA CHRONICA,

Reuerendissimorum Magistrorum Generalium  
Ordinis Fratrum Prædicatorum.



DOMINVS Noster & Saluator IESVS  
Christus, verus Samaritanus, infundens  
misericordiosissimè sauciato, vulneribus  
pleno vinum, & oleum, immò vt verus  
paterfamilias messem videns quàm plu-  
rimam, operarios autem paucos; no-  
uissimè diebus istis misit operarios in

messem suam. Posuit quoque mellores ad fructus vberes  
in agro Dominico colligendos, Fratres de Ordine Præ-  
dicatorum, qui prædicando verbo pariter & exemplo,  
confessione audiendo, ac per alia virtutum exercitia,  
hæreticorum propulsarent vitia & extirparent; mundum  
errabundum verbo doctrinæ illustrarent, tenebris profu-  
gatis. Qui supradicti Fratres cùm adhuc floruit chari-  
tas, affluit benignitas, viguit hominum compassio, in  
spiritus feruore, abiectis sarcinis mundanarum faculta-  
tum, calceati pedes in præparatione Euangelij, pro pro-  
ximorum salute multis laboribus, & vigilijs ac periculis,  
non solùm apud Christianorum nationes, verùm in di-  
uersarum regionum partes se disperferunt; morti se pro  
Christo exposuerunt, & quotidie perseverant reddere  
Domino populum acceptabilem: etiam in terris Infide-  
lium, Saracenorum, Paganorum, Græcorum, Bulga-  
rorum, Cumanorum, Æthyopum, Syrorum, Ibero-  
rum, Gazarorum, Gothorum, Ruthenorum, Iacobita-  
rum, Nubianorum, Nestorianorum, Georgianorum,  
Armenorum, Persarum, Indorum, Tartarorum, aliarum-  
que infidelium nationum, vt protestantur in suis pri-  
uilegijs Alexander IV. Innocentius IV. Clemens IV.

Bonifacius VIII. Ioannes XXII. & Gregorius XI. Hi enim diuina gratia cooperante, laudabilibus incrementis successiue sanctæ Ecclesiæ profuerunt, qui assidue flores proferentes copiosos honestatis, producunt vberes fructus vitæ. Hæc enim euidens vtilitas vniuersali Ecclesiæ proueniens, beatissimis Apostolicis, & Summis Pontificibus nota, promeruit, ipsum Ordinem Prædicatorum, & Fratres speciali fauore prosequi, defensare priuilegijs, ac communire specialibus Sedis ante dictæ multiplicibus gratijs: vt Apostolicæ gratiæ maioribus fauoribus quasi rore irrigati, semper tribuente Domino, confurgat & dilatetur ipsorum incrementum. Ne ergo tam gloriosorum virorum nostri Ordinis Fratrum laudabilia opera, ipsa negligentia, quæ est mater ingratitude, & gratiæ inimica aboleret, curauit post terga metentium cum humili Ruth hinc inde spicas per modum Chronicæ ab Ordinis nostri origine, gloriosorum Fratrum magis studiosorum sollicitudinem circa doctrinam, & scripta, plus quàm vitam, colligere: (quoniam multorum vitæ gloriosæ in vitas Fratrum sunt collectæ,) vt legentibus normam & formam cæterisque traderem imitandi; atque ea quæ oculi mei minimè reperire potuerunt, eisque nota secundùm discretionem patriarum, nationum, atque terrarum, ipsi ad hunc tractatum addere atque apponere curent, in laudem & gloriam nominis Domini nostri Iesu Christi. Quæ cum Patre, & Spiritu sancto viuât, & regnat Deus vnus in secula seculorum. Amen.

## SERIES MAGISTRORVM ORDINIS.

- |                                  |                                       |
|----------------------------------|---------------------------------------|
| <i>Primus, Beatissimus Pater</i> | <i>3. S. Raymundus de Penniafort,</i> |
| <i>DOMINICVS Institutor,</i>     | <i>Barcinonen.</i>                    |
| <i>ac Magister primus</i>        | <i>4. Fr. Ioannes Teutonicus.</i>     |
| <i>Ordinis Prædicatorum,</i>     | <i>5. Fr. Humbertus Burgundus.</i>    |
| <i>2. B. Iordanus Saxo.</i>      |                                       |

- |   |   |
|---|---|
| 6. Fr. Ioannes de Vercellis, Italus.    | 25. Fr. Leonardus de Datis, Italus.           |
| 7. Fr. Munio Zamorensis, Hispanus.      | 26. Fr. Bartholomaeus Texerius, Gallus.       |
| 8. Fr. Stephanus Bisuntinus, Burgundus. | 27. Fr. Petrus de Rochim, Gallus.             |
| 9. Fr. Nicolaus Tarnisinus, Italus.     | 28. Fr. Guido Flamochetti, Gallus.            |
| 10. Fr. Albertus Clauarus Genuensius.   | 29. Fr. Martialis Auribelli, Gallus.          |
| 11. Fr. Bernardus Gallicus, Vasco.      | 30. Fr. Conradus Astensis, Italus.            |
| 12. Fr. Aymericus Placentinus, Italus.  | 31. Fr. Leonardus de Mansuetis, Italus.       |
| 13. Fr. Berengarius de Landor, Gallus.  | 32. Fr. Salus Casseta, Siculus.               |
| 14. Fr. Herneus Natalis Brito.          | 33. Fr. Bartholomaeus de Comatijs, Italus.    |
| 15. Fr. Barnabas Vercellensis.          | 34. Fr. Barnabas Saxonus, Neapolitanus.       |
| 16. Fr. Hugo Campanus, Gallus.          | 35. Fr. Ioachimus Turrianus, Venetus.         |
| 17. Fr. Gerhardus de Domaro, Gallus.    | 36. Fr. Vincentius Bandellus, Italus.         |
| 18. Fr. Petrus de Palma, Burgundus.     | 37. Fr. Ioannes Clarèe, Normandus.            |
| 19. Fr. Guarinus de Giaco, Gallus.      | 38. Fr. Thomas de Vio Caietanus.              |
| 20. Fr. Ioannes de Morlandino, Gallus.  | 39. Fr. Garcias de Loaysa, Hispanus.          |
| 21. Fr. Simon Lingoniensis, Burgundus.  | 40. Fr. Franciscus Syluestrius, Ferrariensis. |
| 22. Fr. Elias Petragoricensis, Gallus.  | 41. Fr. Paulus Butigella, Papiensis.          |
| 23. Fr. Raymundus de Capua.             | 42. Fr. Ioannes de Fenario, Gallus.           |
| 24. Fr. Thomas Firmanus, Italus.        |   |

## 4 *Chronicon Magistror. General.*

- |  |  |
|--|--|
| 43. Fr. Augustinus Recuperratus, Italus.         | 52. Fr. Hieronymus Xauere, Hispanus.           |
| 44. Fr. Albertus Casaus, Hispanus.               | 53. Fr. Augustinus Galaminus, Italus.          |
| 45. Fr. Franciscus Romeus, Italus.               | 54. Fr. Seraphinus Siccus, Papiensis.          |
| 46. Fr. Stephanus Vfusmaris, Italus.             | 55. Fr. Nicolaus Rodulphus, Florentinus.       |
| 47. Fr. Vincentius Iustinianus, Chiensis.        | 56. Fr. Thomas Turcus, Cremonensis.            |
| 48. Fr. Seraphinus Caballus, Brixienfis.         | 57. Fr. Ioannes Baptista de Marinis, Ianuens.  |
| 49. Fr. Paulus Constabilis, Ferrariensis.        | 58. Fr. Ioannes Thomas de Rocaberti, Hispanus. |
| 50. Fr. Sixtus Fabri, Lucensis.                  | 59. Fr. Antonius de Monroy, Mexicanus.         |
| 51. Fr. Hippolytus Maria Beccaria, Pedemontanus. |  |

## CAPVT I.

### *De Origine Beatissimi Dominci Patris nostris, & institutione Ordinis Prædicatorum.*

**A**Nno igitur 1207. tempore Innocentij III. qui cæpit Anno Domini 1198. & sedit annis 3. Mensibus 4. diebus 23. & huius Innocentij Pontificatus Anno VI. Beatus Dominicus Ordinis Fratrum Prædicatorum Magister & Institutor primus, natione Hispanus, de Villa quæ dicitur Calaroga Oxomensis Diœcesis, vi sciencia Dei plenus, vita sincerus, religione conspicuus, incepit Ordinem Fratrum Prædicatorum mente concipere, & voto tractare: in partibus Tolosanis primordia computando, cum primùm Tolosam aduenit. Siquidem XII. Abbates Cisterciensis Ordinis, cum vno Apostolicæ Sedis Legato, mittuntur ab hoc Innocentio Papa in terram



ram Albigenſium, vt fidem Catholicam prædicarent, & hæretica venena pro viribus propulſarent. Quibus de Hispania D. Didacus Oxomenſis Episcopus habens in comitatu ſuo B. Dominicum, pro hæreticis conuertendis adiungitur. Poſt biennium autem redeuntibus ad propria Legato Sedis Apoſtolice, & XII. Abbatibus dictis, & D. Didaco Oxomenſi Episcopo, B. Dominicus cum paucis ſibi adhærentibus ſolus permanſit ibidem, in indefeſſa continuatione prædicationis, & in impugnatione hæreſis ferè per annos decem, uſque ad tempus Lateranenſis Concilij, quod celebratum fuit Anno Domini 1215. ſub eodem Innocentio, Menſe Nouembri.

Hoc tempore, ſeu vt Chronicon Guidonis ait, Anno 1206. vel 1207. videns B. Dominicus quòd aliqui nobiles in partibus Tolofanis egeſtate compulſi, tradebant filias ſuas hæreticis nutriendas & erudiendas, iminò potiùs peſtiferis erroribus imbuendas: earum miſeratus calamitatem, inſtituit Monasterium de Prulliano ad earum ſuſceptionem. Vbi ancillæ Dei virtutibus & numero plurimùm excreſcentes, deuotum Altiffimo exhibent famulatum. Et hoc fuit primum Monasterium Sororum Ordinis. Poſteà ſucceſſiuè circa Annum 1218. Beatiffimus Pater Dominicus poſt Ordinis confirmationem, inſtituit Monasterium ſancti Sixti de Vrbe, ad mandatum D. Papæ Honorij III. in quo centum & quinque Sorores incluſæ. Ab his ergo omnia alia Monasteria Sororum Ordinis originem habuerunt, & ſic Ordo iſte Sororum qui ſecundus Ordo appellari poteſt, originem habuit à B. Dominico.

Profeſtus eſt itaque B. Dominicus cum Fulcone Episcopo Tolofano ad dictum Concilium Generale, cum quo adiit Innocentium Papam, petens vt ſibi dignaretur confirmare Ordinem, qui Prædicatorum diceretur & eſſet. Qui cùm ſtatim non acquieſceret, nocte viſum eſt eidem Pontifici in ſomnis, quòd Lateranenſis Eccleſia grauem ſubitò minaretur ruinam: quod dum timens

aspiceret, ex aduerso vir Dei Dominicus occurrebat, humerisque totam illam casuram fabricam sustentabat. Euigilans autem, & visionem intelligens, petitionem viri Dei hilariter acceptauit, eum cohortans; vt ad Fratres suos rediens, Regulam aliquam approbatam vnus ex Sacris Ordinibus Ecclesiæ sibi eligeret, & ad ipsum rediens confirmationem ad libitum reportaret. Eodem tempore, cùm Innocentius Papa quædam scripta dirigere vellet pro negotijs fidei ad partes Tolosanas, deliberauit super his scribere B. Dominico, & nis qui cum eo erant. Accito autem Notario ait: *Sede, scribe super his Fratri Dominico, & socijs eius in hæc verba.* Et stans paululum ait: *Noli scribere sicut prædixi, sed sic: Fratri Dominico, & cum eo prædicantibus in partibus Tolosanjs &c.* Et aliquantulum plùs considerans dixit: *Scribe sic: Magistro Dominico, & Fratribus Prædicatoribus &c.* Et ex tunc cœperunt vocari nomine isto, quod os Domini nominauit, tam in Curia, quàm alibi.

Per illud tempus dum B. Dominicus Romæ in Ecclesia sancti Petri oraret, apparuerunt ei Beatissimi Apostoli Dei Petrus & Paulus, quorum primus B. Petrus baculum, B. verò Paulus librum porrigebat, dicentes: *Vade & prædica Euangelium, hoc enim tibi à Domino demandatum est ministerium.* Reuersus est igitur B. Dominicus ad Fratres suos Tolosæ consistentes. Erant autem Fratres numero xvj. Quos conuocans apud Prullianum, inuocato primùm Spiritu sancto, Regulam B. Augustini Doctoris, & Prædicatoris egregij, ipsi pariter re, & nomine Prædicatores futuri, vnanimiter elegerunt; quasdam arctioris vitæ consuetudines, quas sibi per formam Constitutionum obseruandas statuerunt, insuper assumentes. Electa autem Regula, B. Dominicus Romam rediens, inuenit Innocentium Papam apud Perusium defunctum, & Honorium III. electum, à quo Ordinis confirmationem impetrauit.

## CAPVT II.

*De Habitu Fratrum Prædicatorum dato per  
B. Virginem, & de Prophetia Abbatis  
Ioachim, & de Institutione Fratrum  
& Sororum Tertij Habitūs.*

**A**Nno itaque Domini 1216. xj kalendas Ianuarij, in  
crastino S. Thomæ Apostoli, Romæ apud S. Sabi-  
nam Ordo Fratrum Prædicatorum est confirmatus, Pon-  
tificatus Domini Honorij Papæ III. Anno primo. Nec  
est prætereundum, quod confirmatione Ordinis habita,  
B. Dominicus, & alij primitiui Fratres, Habitum quem  
nunc habemus non statim deferre cœperunt: sed super-  
pelliceis vti sunt ad modum Canoniorum Regularium,  
cuius Ordinis fuerat B. Dominicus; vsque ad ingressum  
Magistri Reginaldi Decani Aurelianensis ad Ordinem  
nostrium, qui ipso anno confirmationis ingressus est.  
Huic Magistro Reginaldo grauitèr decumbenti, & à  
medicis desperato, nocte quadam Beata Virgo apparens,  
salutari vñctione perunxit eum, atque sanauit; eique Ha-  
bitum Ordinis ostendens, ait; *En Habitus Ordinis tui.*  
Qua reuelatione facta Fratres Habitu Ordinis cælitus  
designato vti cœperunt.

Venerabilis autem Abbas Ioachim Floriacensis Ordi-  
nis Institutor, Fratribus suis Habitum, quem dictus Ma-  
gister Reginaldus à Beata Virgine acceperat prophetice  
demonstrans, in quodam Monasterio sui Ordinis, quod  
est in Calabria depingi fecit, dicens: *Cudò surrecturus est  
in Ecclesia Dei Ordo nouus docentium & prædicantium, cum  
tali Habitu: cui præerit vnus maior, & cum eo, ac sub eo  
erunt duodecem Ordinem prædictum regentes. Quia sicut Pa-  
triarcha Iacob cum xj filijs ingressus est Ægyptum, sic & ipse*

*cum illis duodecim ingreditur, & illuminabit vniuersum mundum.* Diuina præterea prouidentia B. Dominicum, secundum quod de beato Iob scriptum est, Cap. 5. *Scies quoque quoniam multiplex erit semen tuum, & progenies tua vt herba terræ,* nobili prole fecundauit. Dispergente namque B. Dominico Fratres suos tanquam quosdam radios, immò quædam luminaria, vbique terrarum cœperunt in brevi tempore copiosè multiplicari.

Eodem tempore dum per totam Italiam, & etiam per partes Tolosanas hæreticorum, & illis credentium perfidia in tantum diffusa esset, quod quasi nullus Catholicus eis posset resistere; adeò etiam iura Ecclesiæ à laicis fuerant occupata, quod Pontifices & Clerici mendicare cogebantur. Insuper & venenosa hæreticorum vesania, adeò multorum, & potentium animos subuerterat, quod sine magna fidelium multitudine non poterant coerceri quin suos errores publicè prædicarent, & in scholis docerent. Volens igitur feruentissimus fidei zelator Beatissimus Pater Dominicus, tam bona & iura Ecclesiæ defendere, quam hæreticorum venenosa figmenta detegere, aduocatis quibusdam viris fidelibus sibi deuotis, cœpit cum eis de Ecclesiæ defensione, & de hæretica perfidia extirpanda tractare. Et vt competentius talia perficere posset, instinctu Spiritus sancti cogitauit nouum Ordinem Catholicorum laicorum facere in pœnitentia viuentium: qui eum adinuarent ad hæreticorum perfidiam abolendam, & Ecclesiam ac fidem Catholicam defendendam. Et quos voluntarios inuenerat, faciebat iurare, quod omnia bona sua, & vitam corporalem pro his exponerent. Quapropter cum multos tales inuenisset, eos Fratres de *Militia Iesu Christi* appellauit. Et vt vxores eorum eos non impedirent, faciebat etiam eas iurare, quod in negotio Ecclesiæ, & fidei defensandæ, nullum maritis præstarent impedimentum. Vt autem tales manifestè ab alijs discernerentur, tam viris, quam eorum vxoribus, *Habitum album, & nigrum contulit,*  
& eis.



& eis certum numerum orationum indixit: eum quibusdam ieiunijs, & alijs abstinentijs, Fratresque & Sorores de *Militia Iesu Christi* appellauit. Igitur cum ministerio B. Dominici, & aliorum Fratrum Prædicatorum, auxilioque & armis militum *Militiæ Iesu Christi*, heretici fuissent quàm plurimùm debellati & destructi, in tantum, quòd in Canonizatione B. Dominici probatum fuit, quòd plusquam centum millia hæreticorum per doctrinam, merita, & miracula B. Dominici fuerant ad fidem conuersa: post obitum B. P. Dominici, & eius solemnem Canonizationem visum est tam Patribus Ordinis, quàm ipsis Confratribus *Militiæ Iesu Christi*, ad honorem B. Dominici sui Institutoris mutare nomen militiæ, in nomen pœnitentiæ; & appellari voluerunt *Fratres & Sorores de pœnitentia B. Dominici*. Qui sub utroque nomine & titulo diuersa priuilegia à Sede Apostolica habuerunt, & nouissimè per D. Innocentium Papam VII. iste Ordo fuit plenissimè confirmatus, & gaudet omnibus priuilegijs, quibus gaudent Fratres Ordinis Prædicat. Et sic Beatus P. Dominicus tres Ordines instituit & fundauit, ad laudem Dei Patris, & Filij, & Spiritus Sancti.

• C A P V T I I I .

*De receptione Conuentuum Bononiensis & Parisiensis, & primis Capitulis Generalibus: & de obitu B. Dominici, & Magistri Reginaldi.*

**A** Nno Domini 1218. Fratribus Prædicatoribus data est Domus S. Iacobi Parisijs, à Magistro Ioanne Decano S. Quintini, & Vniuersitate Parisiensi. Inde missus fuit Frater Petrus Cellani Lemouicam, vbi factus est primus Conuentus Franciæ. Et statim post missi sunt

Fratres Remis & Aurelianis, & eodem Anno Conuentus ibi receperunt. Hoc tempore multi magni, & literati viri Archidiaconi, Decani, Abbates, Priores, Doctores omnium facultatum, Ordinem intrauerunt. Inter quos fuit Magister Clarus Sextus Bononiensis qui Pœnitentiarius D. Gregorij Papæ existens, & Regens in Iure Canonico Ordinem intrauit. Anno Domini 1219. missi sunt Fratres Roma, Bononiam à B. Dominico, quos ipse postea subsecutus est: & misit inde Fratrem Reginaldum, Parisijs iam antea à Registra cæli perundum. Qui Parisios veniens, *Iesum Christum, & hunc Crucifixum* prædicabat verbo pariter & exemplo. Vbi paulò post obdormiens in Domino, in Ecclesia sanctæ Mariæ de Campis sepultus est, (quia Fratres ius sepulture nondum habebant) cuius corpus post 400. Annos incorruptum, illæsumq; inuentum est. Hic vir Beatissimus Fratrem Iordanum Teutonicum eo tempore ad Ordinem receperat, qui tunc temporis Parisijs erat Theologiæ Baccalaureus. Anno Domini 1220. fuit celebratum Bononiæ primum Capitulum Generale à B. Dominico: & Anno sequenti, scilicet 1221. B. Dominicus secundum Capitulum Generale celebravit Bononiæ, in quo Capitulo ordinatum est, ne possessiones, vel redditus Fratres nostri retinerent, sed & his quæ habuerunt, penitus renunciauerunt.

In eodem Capitulo Frater Iordanus prædictus, qui nondum in Ordine annum compleuerat, factus est Prouincialis Lombardiæ, fundatis iam per orbem circiter 60. Conuentibus, qui in octo Prouincijs erant distincti: scilicet Hispaniam, Prouinciã Prouinciæ, Franciam, Lombardiam, Romanam, Teutoniam, Hungariam, & Angliam. Post istud Capitulum Generale statim, à confirmatione Ordinis anno v. obiit B. Dominicus 6. die mensis Augusti, Pontificatus D. Honorij Papæ III. anno 6. & Bononiæ sepultus est. Contigit in diebus illis Reuerendissimum virum D. Hugolinum Cardinalem Ostiensem Apostolicæ Sedis Lega-

tum in Lombardia, (qui postea fuit Summus Pontifex & Gregorius IX. appellatus est,) Bononiam Domino ordinante aduenisse. Propter quod multi & magni viri, & Ecclesiarum Prælati aderant tunc præsentés. Hic cognita beati viri morte, aduenit, & officium Missæ persoluens, corpus eius sanctum cum digna deuotione sepulturæ mandauit. Nouerat quidem sanctam eius conuersionem in Domino, & spiritali eum dum uideret sibi adstrinxerat amoris amplexu. Qui etiam præsens extiterat, quando idem Pater Sanctus Romæ Neapoleonem D. Stephani Cardinalis nepotem, à mortuis orando suscitauit. Aderat etiam cum prædicto Legato Reuerendissimus Patriarcha Aquileiensis, pluresque Episcopi & Abbates, aliorumque Prælatorum multitudo non parua, qui omnes eius sacro funeri interfuerunt, & dictus Reuerendissimus Cardinalis eum proprijs manibus sepeliuit. Quo tempore quidam Frater Bernardus Bononienſis dæmoniacus, multum Fratres vexabat, cuius grauis vexatio, & quas Fratres patiebantur Parisijs, fuit vna de causis, quibus moti Fratres *Salue Regina* post Completorium decantari instituerunt apud Bononiam, & inde per totum orbem illa deuotio Gloriosissimæ Virginis est diffusa.

Eodem Anno Fr. Paulus Hungarus cum quatuor socijs missus fuit ad Hungariam ad prædicandum. Hic actu erat legens in Iure Canonico quando intrauit Ordinem. Hicigitur totam Prouinciã peragrantes, magnum fructum fecerunt in populo, & multiplicatis ibidem Fratribus, missi sunt aliqui à dicto Fratre Paulo in terram quæ Struthium dicitur, quam hæretici, & schismatici incolebant: ubi post multas tribulationes, tandem Domino largiente mirabiliter profecerunt. Deinde memores dicti Fratres deuotionis B. Dominici, qui ire volebat ad prædicandum Cumanis, qui nullam penitus Dei notitiã habebant, ordinauerunt mittere Fratres ad dictam terram. Quam ingressi, sed exire compulsi, & denuò regressi ad eam prædicare cœperunt: duobus ex ipsis ab infidelibus  
mar.

martyrio coronatis, alij in prædicationis officio perseverantes conuerterunt primò Ducem vñum ex ipsis, nomine Bruchi, qui in fidei Christianæ confessione decessit. Postcà verò alium Ducem maiorem nomine Bribrech, cum mille de familia sua, quem Rex Hungariæ Andreas de sacro fonte leuauit. Qui similiter susceptis sacramentis Ecclesiæ fideliter decessit. Fratres igitur perseverantes ibidem fructum maximum fecerunt, & Conuentus cœperunt. Cùm hæc agerentur & feruor Fratrum magis ad conuersionem paganorum accresceret, Dei occulto iudicio venerunt Tartarorum exercitus; qui non solum prædicationem prædictam impedierunt, verum etiam circiter nonaginta Fratres ad regnum caeleste per coronam martyrij transmiserunt. Post Tartarorum autem expulsionem missi sunt alij Fratres, qui indefessè Dei verbum prædicantes, multa millia ex eis conuerterunt; & baptizauerunt.

Item missi fuerunt à D. Honorio Papa in Bosnam & Dalmatiam Fratres ad hæreticos conuertendos: qui prædicationi & disputationibus insistentes, multos hæreticos ad fidem conuerterunt, licet aliqui Fratres ab eis martyrio coronati fuerint; & duo Conuentus Ordinis quos ibi habebamus igne cremati sunt. In partibus etiam transmarinis multi Fratres missi ad prædicandum, ibidem à Saracenis martyrio coronati sunt. Inter quos Christianus Patriarcha Antiochenus, Ordinis nostri, cum quatuor Fratribus in captione Antiochenæ Urbis coram Altari mactatus est, Frater etiam Guido de Longimello, vir deuotus & sanctus, in eisdem partibus cum vno socio passus est martyrium.



## CAPVT IV.

*De B. Iordano Teutonico II. Ordinis Generali, & de translatione, ac Canonizatione S. P. Dominici.*

**A**Nno Domini 1222. Frater Iordanus Teutonicus de Prouincia Saxoniz, & ipse natione Saxo, de villa quæ dicitur Borterrge, Diœcesis Moguntinæ, verus Israelita, electus est in secundum Magistrum Ordinis, in Capitulo Generali Parisijs celebrato. Erat enim tunc Prouincialis Lombardiæ. Sub hoc Magistro fuit Ordo merito, & numero dilatatus. Quem per annos ferè 15. optimè regens ac dirigens, mille Fratres & ampliùs manu sua ~~Micro~~ Religionis Habitu induit. Inter alios tunc Religioni nomen dederunt viri illustres: Frater Rolandus Cremonensis, Magister, & Summus Philotophus, qui primus Parisijs ex nostris Fratribus sacram Theologiam docuit, & summam eius gloriosam compilauit. Magister etiam Moneta Cremonensis, famolissimus in toto Orbe terrarum, qui *summam Theologiæ contra Hæreticos* congeffit. Magister quoque Ioannes de S. Ægidio, & multi alij excellentes viri, Humbertus, Guarinus, Gualla, & Rachonus, quorum scripta vsque in hodiernum diem, eorum sapientiam, & doctrinam demonstrant. Item Pater Hugo de S. Theodorico Burgundus, qui Purpuram Sacram in Ordinem Prædicatorum primus inuexit; vt infra plenius dicetur. Hos secutus est B. Albertus Magnus, S. Thomæ Aquinatis Magister, qui in singulare Catholicæ Ecclesiæ, atque nostræ Religionis decus, Dominicanam togam induit Patauij per manus B. Iordanis.

Anno Domini 1224. die 9. Augusti, in Vigilia B. Laurenti-

rentij, venerunt Fratres primò in Magdeburg Ciuitatem Saxonix, missi à Capitulo Parisiensi, & Magistro Iordano, ad petitionem Reuerendissimi Domini Archiepiscopi Magdeburgensis, & quorundam aliorum Episcoporum, & nobilium: & secundo anno introitus Fratrum, primum Prouinciale Capitulum est ibidem celebratum, superuenientibus tantum decem Fratribus extraneis; quia in Prouincia Teutoniæ tantum quatuor Conuentus erant, scilicet Frisacensis, Colonienfis, Argentinensis, & Magdeburgensis.

Anno Domini 1227. xv. Kalendas Aprilis, moruo Honorio Papa, D. Gregorius IX. qui antea Dominus Hugolinus Episcopus Cardinalis Ostiensis appellabatur (de quo supra dictum est) in Pontificali Cathedra sublimatus est, & sedit annis 14. mensibus 5. diebus x. Eodem anno in Generali Capitulo tertio, Parisijs celebrato sub Magistro Iordano, erant superadditæ Prouincijs iam erectis aliæ quatuor Prouinciæ, scilicet Poloniæ, Daciæ, Græciæ, & Terræ sanctæ. Et sic Ordo à sua confirmatione Anno xj. erat diuisus in xij. Prouincias; scilicet Hispaniam, Prouinciā Prouincię, Franciam, Lombardiam, Romanam, Teutoniam, Hungariam, Angliam, Poloniam, Daciam, Græciam, & Terram sanctam.

Anno Domini 1233. crebrescentibus per totam Italiam S. Dominici euidentibus miraculis, fidelium duxit deuotio, corpus sancti Patris humili loco repositum, ad altiorem locum debito cum honore transferre. Facta est ergo hæc translatio in Capitulo Generali Bononiæ ix. Kalend. Iunij post annos xij. à sepultura viri sancti. Ad quam translationem conuenerunt de mandato D. Papæ Gregorij, viri Reuerendissimi: videlicet Archiepiscopus Rauennas, & Episcopus Mutinensis, postmodum Sabinensis, Brixienfis, & Tornacensis; necnon & Magister Ordinis, communi elogio *Dulcis* appellatus, Pater Iordanus cum Diffinitoribus Capituli. Potestas quoque Bononiensis cum Ciuibus multis Ro-

nonienſibus , aliarumque Ciuitatum non paucis Ciuibus honoratis , cum Fratribus & Clericis , laicisque adfuerunt . Ex cuius ſacris oſſibus tanta prodijt odoris fragrantia , quòd non defuncti cadaueris ſepulchrum , ſed pigmentorum , & odoramentorum omnium apotheca , patuiſſe videretur . Oſtendit etiam Dominus multa miracula in eadem translatione , ad laudem & honorem Sancti ſui , Anno Domini quo ſuprà , Pontificatus verò Domini Gregorij IX. Anno vj. à Confirmatione autem Ordinis Anno xvij. à tranſitu verò B. Dominici xij. Sit ergò per omnia benedictus Deus . Anno ſequenti 1234. conſtitutus Reatæ præfatus D. Gregorius Papa, præſentibus Archiepiſcopis & Episcopis , aliarumque Eccleſiarum Prælatiſ multis , fidelem Chriſti famulum B. Dominicum Sanctorum cathalogo ſolemniter canonizando adſcripſit , perhibens tale de eo teſtimonium : *Quòd ità dubitabat de ſanctitate eius , ſicut de ſanctitate beatiffimorum Apoſtolorum Petri & Pauli : quia vt prædictum eſt , magnam familiaritatem adinuicem habuerant .* Conſummatum eſt ergo totum Canonizationis officium Reatæ ſolemniter , Anno , & temporibus præſcriptis , ſub Reuerendiſſimo & ſanctiſſimo Patre Magiſtro Iordano Generali Ordinis Magiſtro Il. & directæ ſunt literæ Apoſtolicæ per omnia regna Eccleſiæ hoc atteſtantes , in quibus ipſius vitæ ſinceritas , & gloriæ ſublimitas , Chriſti fidelibus declaratur .

Sub iſto Magiſtro Iordano Fratres primò fuerunt licentiati Pariſijs ad legendum , & ipſe primus fuit , qui literas Encyclicas à Capitulo Generali ad Prouincias Ordinis mittere cœpit . Scripſit idem Pater *ſuper Apocalypſim* Poſtillam gratioſam . Item *ſuper Piſcianum minorem* . Item *quedam Grammaticalia delicata* . Scripſit prætereà *Libellum de Ordinis initio* , qui incipit : *Filij gratiæ* &c.

Coronulam B. Virginis compoſuit , & in omnibus Conuentibus , & Monasterijs Ordinis recitari fecit pro ſuſ.

fuffragijs, ante Altare in Dormitorio erectum. Cuius recitationi quicunque interuenerint, lucrantur Indulgentias centum dierum à Gregorio XIII. concessas, per Bullam quæ incipit. *Quæ Christi* &c. Datam Romæ die xj. Decembr. 1584. Cum verò pius hic Pater in Terram sanctam pro visitandis ibi Conuentibus, & Saracenorum Conuersione nauigaret, sæua tempestate exorta, naufragio periit, vna cum socijs. Contigit autem eius mors Anno 1236. die 13. Februarij. De hoc glorioso Patre, & dulcissimo, vide librum qui *Vita Fratrum* dicitur, in tota tertia parte.

## C A P V T V.

### *De S. Raymundo de Penniafort III. Ordinis Generali.*

**S**Ecuta morte B. Iordanis, vno Anno, & dimidio Magisterium Ordinis vacauit, B. Alberto Magno Vicario Ordinis existente. Indictio tandem Generali Capitulo, Bononiæ Anno 1238. absens eligitur in Magistrum Ordinis tertium, Frater Raymundus, natione Cathalanus, Barcinonensis. Hic antequam Ordinem nostrum, ingrederetur, fuit excellentissimus Doctor in Iure Canonico, in quo multis annis rexit Bononiæ. Traiectante autem Berengario Episcopo Barcinonensi per Bononiam, ab eo cum magnis precibus ad patriam reductus, & Canonicus, ac Præpositus Ecclesiæ Cathedralis factus: vbi postmodum Anno Salutis 1222. Feria 6. in Parasceue Ordinem Prædicatorum est ingressus. Disuaserat enim Raymundus cuidam in nostram Religionem ingressum, vnde pungente scrupulo, iacturam hanc, persona sua, & quidem meliori cum fenore compensauit. Audita autem fama sanctitatis, & doctrinæ eius Dominus Sabinensis Cardinalis, Apostolicæ Sedis legatus, eum



eum licet renitentem in socium legationis assumpsit, & diu secum tenuit. Cumque eum vellet Romam secum ducere, nullo modo acquieuit. Qui tamen Romam reuersus, multa de eo D. Papæ bona narrauit. Summus vero Pontifex Gregorius IX. literas præceptorias direxit, mandans ei vt ad se veniret. Qui obediens Apostolicis literis, Romam veniens, ab eodem Pontifice factus est Pœnitentiarius & Confessor Papæ, & Aduocatus ac expeditor causarum pauperum. Nec multò post mandauit ei, quatenus Decretales in vno volumine compilaret, quo in iudicijs & Scholis nunc omnes vtuntur. Tandem propter vigilias & labores quos in Curia contraxerat, maximè quia nunquam carnes comedere voluit, nec cibaria Ordinis mutare, in grauem incidit ægitudinem & magnam: à qua cum Romæ minimè liberari potuisset, habitæ cum magna difficultate licentia, ad Conuentum Barcinonensem redijt; in quo & permansit, vsquedum in Magistrum Ordinis vt dictum est eligeretur. Facta autem hac illius electione, adhuc Electores dubitabant ne Magisterium recusaret: ac proinde quatuor Patres ex præstantioribus à Diffinitorio ad eum Barcinonam missi sunt, qui ei persuaderent, quòd Ordinis curam acceptaret: inter quos fuit Frater Hugo, qui postea fuit primus Cardinalis Ordinis nostri. Qui timens Ordinis scandalum, ad preces illorum Patrum electionem multum multas lachrymis acceptauit.

Hic sanctus Pater multis clauit miraculis in vita & in morte, & Ordinem per biennium sapientissimè gubernauit. Hic etiam Constitutiones Ordinis in duas partes diuisit sicut sunt nunc, cum antea satis essent confusæ. *Summam* etiam de *Casibus Conscientiæ* omnium primam, ac valde utilem, quam à nomine vocauit Raymundinam, publicauit. Cum autem per biennium Ordinem rexisset, & duo Generalia Capitula habuisset, alterum Parisijs, alterum Bononiæ, in hoc secundo Anno 1240. allegans debilitatem suam Generalatui cessit. Quapropter

magna turbatio in Ordine exorta est, propter eius cessionem. Hincque statutum fuit in Constitutionibus, quòd Magistri cessio nullo modo admitteretur de cetero, nisi propter perpetua impedimenta. Vixit autem in Conuentu Barcinonensi per annos 35. post hanc Generalatus renunciationem: illeque Ordinem Beatæ Mariæ de Mercede Redemptionis Captiuorum, (vixit cum S. Petro Nolasco, & Iacobo Aragonum Rege, cuius Confessarius erat) fundauit; eique Regulam viuendi præscripsit. Obijt tandem Anno 1275. in Festo Epiphaniæ Domini multis clarus miraculis: quem Clemens Octauus Sanctorum Cathalogo adscripsit, Anno 1601.

## C A P V T V I.

*De Fratre Ioanne Teutonico IV. Ordinis Generali, virisque sub eo clarissimis.*

**A**Nno Domini 1241. post renunciationem Magistri Raymundi, electus fuit in quartum Magistrum Ordinis nostri, in Capitulo Generali Parisijs, Frater Ioannes Teutonicus, quondam Episcopus Bosinensis in Hungaria, natione Vuestphalus Bremensis Diœcesis. Hic Prouincialis in Hungaria existens, factus Episcopus Bosinensis, impetrauit ab Episcopatu cessionem, nulla sibi prouisione retenta. Postmodum effectus Prouincialis Lombardiæ, eligitur in Magistrum Ordinis. Cumque renueret, nec vellet acceptare, allegans exceptiones Pontificiæ dignitatis antea habitæ; è contrariò porrecta fuit litera D. Papæ Gregorij IX. quam propter ipsum Fratres impetrauerant, quæ ipsum totaliter Ordinis obedientiæ subponebat. Igitur compulsus Ordinis Magisterium suscepit, & tanquam vir Deo plenus, ac in omni virtute conspicuus, xij. annis cum dimidio Ordini præfuit, virtutibus, & miraculis, tam in vîta, quam

quàm in morte clarissimus. Duodecim Capitula Generalia celebrauit, quinque in diuersis Regionibus, scilicet Coloniz, apud Montem Pefulanum, Treueris, Metis, & Londini: cætera verò Bononiæ, & Parisijs. Argentinam deinde profectus, vt Fratres ad Cumanorum conuersionem mitteret, in eadem Ciuitate diem clausit extremum, -Pridie Nonas Nouemb. Anno 1252.

Sub eius Generalatu Anno Domini 1242. apud Auinionetum Tolosanæ Diœcesis, in Camera Comitum Tolosani, martyrizati fuerunt pro fide Christi Frater Guilhelmus Arnaldi de Monte Pefulano, Inquisitor hæreticæ prauitatis, & Frater Bernardus de Rupe forti, ac Frater Gasias de Aura, omnes de Ordine Prædicatorum, qui postmodum multis clauerunt miraculis.

Anno Domini 1243. post vacationem Sedis Apostolicæ per vnum annum, menses 8. dies 5. per mortem Cælestini IV. Pontificis, electus est in Papam Innocentius IV. natione lanuensis: & sedit annis xj. mensibus v. diebus 14.

Hic secundo anno sui Pontificatus, fecit primum Cardinalem Ordinis FF. Prædicatorum Fratrem Hugonem de S. Charo, de Barchinonetta, sub ditione Ducum Sabaudiz, primum Prouincialem Franciæ, exinde Vicarium Generalem Ordinis, ac demùm Archiepiscopum Lugdunensem: & hic primus fuit *Postillator totius Biblia*, & eam tam excellenter postillauit, quòd hucusque parem non habuit. Scripsit etiam *super quatuor Sententiarum Libros*. Item librum, quem *Speculum Ecclesiæ* appellauit. Et sicut primis temporibus cum solus Origenes cæteros omnes Doctores, & scriptores vinceret in scribendo, ipse in Canticis scribens seipsum vicit; sic temporibus his, solus Hugo cum Postillatores omnes vinceret, & excelleret suis postillis, ipse seipsum in Psalterio, & in Isaia, & in Euangelijs superauit: non tantùm extensiuè in quatuor sensibus quemlibet latiùs, & diffusiuè prosequendo; sed etiam intensiuè de quolibet gratiosius, &

impermixtiis differendo. Legis enim verba per  
 explanauit, nec Physica, nec alia quælibet intermisit  
 nec Musas Poëticas interponens, sed legem per legem  
 posuit gratiôsè. Ab eodem Innocentio Pontifice  
 semper probum, ac fidelem Consiliarium se præst  
 factus est Legatus à Latere in Germaniam, quo  
 laudatissimè perfunctus est. In Patria Consuetum  
 Ecclesiâ sui instituti, propria pecunia erexit, &  
 uit. Multis igitur pro Ecclesiâ Dei exantlatis la  
 bus, curisque perfunctus, pluribus virtutum insign  
 clarus, vita functus est Vrbeueteri Anno 1264. xiv  
 lend. Aprilis, ibique in Templo Prædicatorum tum  
 tus. Deinde post aliquot annos aperto eius sepul  
 integer, & incorruptus inuentus, Lugdunum ad  
 siam Fratrum sui Ordinis translatus fuit: ibique  
 cum solemnitate conditus est, adiecto infra  
 Elogio.

*In hoc Sepulchro iacet vir Venerabilis Hugo  
 De S. Theodorico, Deo & hominibus gratiôsus,  
 Tituli S. Sabine quondam Presbyter Cardinalis.  
 Hic habetur ut luminare magnum Ecclesiæ,  
 Ordinis Fratrum Prædicatorum lucerna,  
 Theologiæ Parisius Doctor egregius,  
 Famossus Diuinarum Scripturarum tractator,  
 Et expositor prælucidus:  
 Verbi Dei prædicator eximius,  
 Oliua pietatis, Palma iustitiæ:  
 Speculum honestatis, Religiosorum patronus,  
 Veritatis præco, Pater pauperum,  
 Et solacium miserorum.  
 Qui obiit apud Vrbem Veterem  
 Anno Domini. M.CC. LXII.  
 xiv. Kalend. Aprilis.*



Fuerunt ab initio nascentis Ecclesiæ in Terra sancta , & maximè in Carmelo Eremitæ multi , sicut patet ex Chronicis , & ex multis Sanctorum vitis . Horum conuersationem videns felicitis recordationis D. Albertus Patriarcha Hierosolymitanus, multum eos spiritualiter in Domino nutriebat : & in scripta modum vitæ eorum edicens , separatim in cellulis per totum montem Carli antea habitantes, sub cura vnus eorum ipsos aduocauit; & per professionis vinculum pariter colligauit, & per Sedem Apostolicam confirmari curauit. Qui post multos annos ad Papam Innocentium IV. venientes Lugdunum, pro eo quod Regula grauis erat , nec eis in Ciuitatibus, & Villis habitare licebat: obtinuerunt quòd negotium totum committeretur Venerabilibus Patribus , videlicet D. Hugoni de S. Charo Presbytero Cardinali , & Fratri Guilhelmo Episcopo Anteradensi , qui ambò erant de Ordine Prædicatorum . Qui eis specialem Regulam scripserunt , quam ex tunc profitentur & tenent: prima per tantos viros sepulta , & secunda per Innocentium Papam IV. bullata, & confirmata.

Per idem tempus passus est pro fide Christi , & ab hæreticis veneno extinctus, Frater Pontius Hispanus Inquisitor hæreticæ prauitatis apud Vrgellum Cathalonie Ciuitatem, & ibidem in Ecclesia Cathedrali multis clarens miraculis honorificè sepultus .

Anno Domini 1252. Fr. Petrus Veronensis Ordinis Prædicatorum, hæreticæ priuatis Inquisitor, ab Innocentio IV. institutus, ab hæreticis Nonis Aprilis Sabbato in Albis , dum Prior Comensis existens pro exequenda Inquisitione contrà eos properaret; martyrio coronatus est . Hic vir beatissimus à teneris annis fidem Catholicam defendens, Ordinem Prædicatorum ingressus , virtutibusque ac miraculis decoratus , Euangelicam prædicationem per totam Italiam cum mirabili gratia & fructu disseminans , ac virgo permanens , nulliusque mortalium peccati macula vnquam fœdatus , martyrioque

coronatus, tribus decoratus coronis, cœlum conscendit. Hunc dum infinita miracula ad eius tumulum, & per multas mundi partes fierent, D. Innocentius Papa prædictus, nondum anno elapso à passione eius, sanctorum Martyrum Cathalogo adscripsit: statuitque Festum eius iij. Kalendas Maij ab vniuersali Ecclesia celebrari; quia dies passionis eius frequenter inter Paschalia Festa occurrat. Passus est cum eo Frater Dominicus socius eius, qui ab eodem lictore quatuor ictibus lethaliter vulneratus, quinta post die obiit.

## C A P V T VII.

*De B. Humberto V. Ordinis Generali, virisque  
sub eo Sanctitate, ac doctrina  
clarissimis.*

**A**Nno Domini 1254. mortuo Magistro Ioanne Teutonico, electus fuit apud Budam Prouinciæ Hungariæ in Capitulo Generali in Magistrum Ordinis quintum, Magister Humbertus natione Burgundus ex Prouinciali Franciæ, cunctis existens Religionis exemplar, & imago. Hoc tempore quidam Canonicus Matiscornensis videlicet Guilielmus de sancto amore, qui Parisijs legebat, ex quibusdam authoritatibus sacre scripturæ, & Doctorum per eum malè intellectis, vel potiùs malignè ad suum propositum adductis, magnum libellum D. Innocentio Papæ IV. porrexit: in quo probare nitebatur, quòd Fratres non poterant de eleemosynis viuere, nec mendicare, nisi cum damnatione animarum suarum. Multa insuper alia hæretica, & falsa conflans, Ordines Mendicantium valdè vexauit.

Eodem etiam tempore idem Innocentius fulminauit Bullam terribilem contra Mendicantes, præcipiens in  
viri

virtute Spiritus sancti, & sanctæ obedientiæ, & sub pœna Excommunicationis latæ sententiæ, quòd nullo modo diebus Dominicis & Festiuis Parochianos alienos in suis Ecclesijs reciperent ad Diuina, nec eorum confessiones audirent, sine speciali licentia sacerdotum Parochialium, nec in Ecclesijs suis ante Missarum solemniam prædicarent: sed in prima parte diei omnes Parochiani ad Parochias suas ad audiendas Missas accederent, nec in Ecclesijs Parochialibus, vel quando Episcopus prædicaret, vel faceret solemniter coram se prædicare, minime prædicare possent; & quòd de funeralibus portionem canonicam (etiam non requisiti) infra octo dies dare, tenerentur Sacerdotibus Parochialibus, de quorum Parochia essent defuncti. Istis angustijs, & tribulationibus sic Fratres nimium vexantibus, ordinatum fuit, quòd Fratres dicerent post Matutinas septem Psalmos, & Litanias cum Orationibus B. Mariæ, & B. Dominici. Quæ dum in quodam Conuentu dicerentur, quidam Frater deuotus, vidit B. Virginem rogantem dulcissimum Filium suum, atque dicentem: *Fili exaudi eos, Fili exaudi eos.* Nec mora, & ecce exaudiuit eam Dominus: nam Guilielmus de sancto Amore prædictus, ad instantiam Magistri Humberti citatus, Romæ in publico Consistorio coram D. Alexandro Papa IV. dicti Innocentij Successore à B. Alberto Magno disputando confusus, priuatus beneficijs, quæ possidebat, combustoque libro eiusdem in publico Consistorio, quem contrà Mendicantes dictauerat, è Clero expulsus fuit. Contrà hunc etiam ad mandatum Magistri Ordinis scripsit libellum vnum S. Thomas de Aquino, qui prænotatur, *Contrà impugnantes Religionem.*

Innocentius autem in sua sententia permanens, dum esset Neapoli graui infirmitate percussus, aduertens, quòd malè egerat Religiosos molestando, ad cor rediens, dixit: *Propter iniquitatem corripuisti hominem, & talis scire fecisti animam meam.* Et his dictis expirauit.

Ex quo tempore Cardinales, & Prælati dicere solebant in quodam solatio : *Cauete à Litanij Fratrum Prædicatorum, quia mirabilia faciunt.*

Anno Domini 1254. viij. Kalen. Ianuarij, mortuo eodem Papa Innocentio, successit ei Alexander IV. natione Campanus, & sedit annis vi. mensibus 5. & diebus 5. Hic Alexander anno Pontificatus sui primo, Bullam Innocentij, contrà Mendicantes reuocauit, & nullius roboris esse voluit; aliamque amplissimè is fauoribus referatam Ordini gratiosissimè concessit. Hic etiam magnus amicus Religiosorum fuit, & plura. & insignia eis priuilegia concessit. Hoc tempore claruit Frater Guillelmus de Peyranta, seu Peraldus. Diœcesis Viennensis, vir deuotus & verax, qui *Summam de virtutibus & vitij, & Sermones de Tempore, & de Sanctis*, ac *Expositionem professionis, quæ est in Regula S. Benedicti*, & librum *De institutione Religiosorum*, & *de regimine Principum*, & alia multa composuit.

Hoc etiam tempore diuina prouidente clementia, duo magna luminaria ex Ordine Prædicatorum mundo splendebant, scilicet luminare maius, id est D. Thomas de Aquino vt præffet diei, & luminare minus, id est B. Albertus Magnus, vt præffet nocti. De quibus posset dici illud Propheticum Zachariæ 4. *Isti sunt duæ oliuæ, videlicet fundentes oleum, duo filij splendoris.* Et Apoc. 11. *Hi sunt duæ oliuæ, & duo candelabra lucentia ante Domum, ut luceant omnibus, qui in domo Domini, id est in sancta Ecclesia sunt.* Verùm quia B. Albertus Magnus D. Thomam de Aquino præcessit, primò de eo agetur.

Albertus cognomento Magnus, Philosophorum omnium totius Christianitatis sol præclarissimus, & generalis, natione Sueuus de Oppido Laumbigenfi, propè Augustanam Ciuitatem ad quatuor miliaria, ex genealogia militarium natus, xxviij. ætatis anno Ordinem nostrum propter deuotionem, & studium ingressus; cùm studio intenderet diligenter, (fortè ad maiorem Beatissimæ



simæ Virginis gloriam, cui Albertus maxima deuotione afficiebatur, & deuota mente seruiebat) adeò labilis memoriæ & hebetis ingenij erat, quòd nihil proficere poterat. Proficientibus autem socijs. cum nihil ipso proficeret, deliberauit omninò Ordinem relinquere. Cùmque in isto proposito insisteret, in visione raptus, sibi videbatur, quòd apponebat scalam ad murum Conuentus, vt extrà Conuentum, & Ordinem recederet. Cùmque scalam ascendisset, vidit in summitate eius quatuor venerandas Matronas, quarum vna repulit eum, & ad terram deiecit. Cùmque iteratò scalam ascendere velleret, à secunda veneranda persona secundò repulsus fuit, & ad terram deiectus. Cùm autem tertio idem attentaret, à tertia veneranda persona interrogatus fuit de causa ascensus sui per illam scalam. Cui verecundo vultu respondit: Domina video, quòd socij mei in Philosophia proficiunt, & ego nihil addiscere possum: propter hanc igitur ruborem, discedere ab hoc Ordine propono. Cui illa: *Illa Domina, quam vides hic, est Mater Dei, Regina cali, & Mater Misericordiæ, & nos sumus eius ancillæ. Recommitte te ei, & nos te adiuuabimus, vt ipsa intercedat pro te ad Filium suum, pro uocili ingenio tibi concedendo.* Quo audito, lætatus in his quæ audiebat, dixit: Valde libenter; vnde rogo vos vt sitis mihi adiutrices. Cùmque vna cum ipsis Reginam gloriæ rogaret, dixit illi Beatissima Virgo: *In qua scientia vis docilis fieri, in Theologia, an in scientia naturali?* Cui cùm responderet, quòd in naturali Philosophia, & annexis ei scientijs libenter vellet proficere: & talis fieri, qualis nunquam fuit aliquis, vel futurus est in ea. Respondit Beatissima Virgo Maria: *Habebis, quòd rogasti: sed quia non quasiuisti scientiam Filij mei, in ultimo vitæ tuæ omnem scientiam tuam amittes, & eris obtusi ingenij sicut modò existis.* Annuente ergo gloriosa Virgine vt orationi, deuotioni, & studio vacaret, sic facere promisit.

• Recedente visione ad se rediens, mandatum Virginis  
exe-

exequi satagens, quidquid legebat plenissimè intelligebat. Et si aliquando aliquam difficultatem habebat, orationibus apud B. Virginem instabat; & quod proprio ingenio non poterat, preeibus impetrabat. Frequenter autem rogabat ipsam B. Virginem, ne permitteret eum Philosophorum rationibus à veritate fidei auerti: sed in fidei soliditate eius animam firmaret. Quæ apparuit ei, & consolans eum ait: *Esse fidelis, & in studio perseverans, quia Deus te tanta copia sapientiæ ditabit, quòd per libros doctrinæ tuæ tota Ecclesia illuminabitur. Tamen ante mortem tuam à te omnis syllogistica ars auferetur, ne in fide vacillare possis, & ut in sinceritate fidei perseveres.* Hanc visionem de seipso narrauit B. Albertus Magnus prædictus in vltima lectione quam legit, in qua ipsa visio completa est, & verificata.

Igitur vir iste sanctus, & præclarissimus, post adeptam diuinitus scientiam (vt prædictum est) primò legit sententias in Conuentu Hildensemensi Prouinciæ Saxonix: ex cuius Conuentus Refectorio naturali arte muscarum multitudinem taliter abegit, quòd de cætero vsque in præsens nulla musca potuit ibi vna consistere. Postea legit in Ratispona duobus annis, deinde Parisijs post sententias gloriosæ lectas, Magister factus, ibidem tribus annis resedit: Deinde Coloniam reuersus, legere cæpit gloriosissimè: quo tempore S. Thomas de Aquino ipsum audiuit, & eius discipulus fuit. Post hæc Magister Albertus fuit Prouincialis Teutoniæ, & illo tempore Monasterium sororum de Sufato, Coloniensis Diœcesis, quòd dicitur Paradisus, instituit; & sorores in eo introducens sua benedictione stabiliiuit. Exinde à Papa Urbano IV. propter quosdam errores eliminandos ad Curiam vocatus, ad eius petitionem, & DD. Cardinalium, B. Ioannis Euangelium, & Epistolas Canonicas, inaudito modo exponendo legit: de quo aduersarij veritatis obstupescences confusi sunt.

Fr. Thomas Cantipratanus, Author libri de Apibus refert

refert in eodem libro, quòd quidam Canonicus Regularis de Bauaria vir sanctus, & bonus; qui pro suis negotijs ad Curiam venerat, vna dierum existens in Ecclesia S. Petri, orans, ad excessum mentis raptus; vidit ipsam Ecclesiam serpentibus totam plenam, quorum horribili sibilo tota Roma replebatur. Cùmque ille miraretur; vnus Frater Prædicatorum Ordinis sibi incognitus Ecclesiam intrauit. Qui licet à serpentibus multipliciter impediretur, violenter tamen resistit, & eos à se repellens ascendit ambonam, in qua diebus solemnibus solet legi Euangelium. Et perlecto S. Ioannis Euangelio, vsque ad *Verbum caro factum est*, omnis illa multitudo serpentium à sibilo cessauit, & de dicta Ecclesia effugata est. Reuelatumque est illi diuino responso, quòd ille erat Fr. Albertus Teutonicus. Post hæresum igitur expugnationem, Vrbanus Papa fecit eum Episcopum Ratisponensem: quam dignitatem cùm tribus annis administrasset, videns vir sanctus quod magnis tumultibus se implicabat, reservatis sibi quibusdam redditibus, Episcopali curæ renunciavit, & Colonia ad Ordinem redijt, ac continuè per annos 18. legit gratiosissimè.

Construi autem fecit in Conuentu Coloniensi Chorum in quo Diuinæ laudes persoluuntur suis expensis; normamque ædificandi secundum veram Geometriam ædificantibus dedit. Totus deniq; studio inuentus, & bonis operibus sicut oliua fructifera deditus, feruenter Clero, & populo prædicabat: consilia petentibus saluberrima dulciter, & affectuosè dabat, deuotione præcipua vigeat, locum sepulchri sui quotidie visitabat, & officia ibidem pro se, ac si esset defunctus dicebat. Quotidie post lectiones factas totum Psalterium dicebat. Hic Doctor clarissimus infinita propemodum scripsit, quæ vulgatissima sunt, & in fine vitæ suæ libellum de *Sacramento Altaris* compilauit. Et infinita penè alia opuscula composuit ad laudem Iesu Christi, quæ hic non enumerantur.

Tandem per triennium ante mortem suam, dum semel Coloniae légeret, omnem memoratiuam amisit. Et recordatus visionis B. Virginis, prædictam visionem quam adolescens habuit omnibus narrauit, & ait: Ego filij de cætero non legam, sed confiteor publicè coram vobis, me omnes articulos fidei veraciter credere, & de eis nil penitus dubitare; supplicans mihi exhiberi Ecclesiastica sacramenta tempore opportuno. Et si quid dixi, vel scripsi fidei, vel bonis moribus incongruum, ex nunc ipsum reuoco, omnem doctrinam meam sanctæ matris Ecclesiæ Romanæ correctioni subdens. Et sic de Cathedra Magistrali descendens, omnibus lacrymantibus, ac eum osculantibus, vsque ad mortem in magna simplicitate permansit, nihil de his quæ Religionis sunt prætermittens. De eius autem mirabili doctrina, sequens metrum compositum fuit.

*Cunctis luxisti scriptis, præclarè legisti,*

*Mundo luxisti, quia totum scibile scisti.*

Anno igitur Domini 1280. annis sex, & octo mensibus post obitum D. Thomæ de Aquino, die xv. Nouembris anima illa sanctissima carne soluta est: & per Reuerendissimum D. Siffridum Coloniensem Archiepiscopum, accedentibus omnibus Congregationibus Collegiorum Coloniensis Ciuitatis, necnon & Dominorum omnium in circuitu, & totius Ciuitatis concursu, in Choro Conuentus Coloniensis Ordinis Prædicatorum ante maius Altare sepultus fuit. Cuius sepulchro tale fuit Epitaphium insculptum.

*Phenix Doctorum, parvis expertus, Philosophorum*

*Princeps Doctorum, vas fundens dogma sacrorum:*

*Hic iacet Albertus præclarus in orbe disertus,*

*Præ cunctis certus assertor arte repertus.*

*Maior Platone, vix inferior Salomone,*

*Quem tu Christe bone Doctorum iunge corona.*

*Annis bis denis minus actis, ac mille tricenis,*

*Christi*



*Christi nascentis de corporis exit habenis .*

*Quinta post festum Martini luce, molestum*

*Omne petendo Deum transiuit, agens iubilum*

*Qui legit hos versus, mox ad tumultum retrouersus,*

*Inclina dicat Collectam, cum Requiescant.*

Cum autem post aliquot tempus corpus eius in tum-  
ba positum, fuisset requisitum, cum positum fuisset su-  
pinum ut moris est, repertum fuit genuflexum, ac in fa-  
ciem incuruatum, prout orare solebat dum viueret.  
Non cessauit autem Deus eius gloriam reuelare post  
mortem, quam felix in patria possidebat. Magistro si-  
quidem Theodorico Lectori Treuerensi, in cella sua stu-  
denti, quædam sancta, & nobilis mulier, quæ ei in vita  
sua confiteri consueuerat, xv. diebus post mortem suam  
apparuit; dicens se fuisse à Deo missam, ut eum de tri-  
bus certificaret, quorum veritatem scire volebat. Et  
cum quæssisset ab ea, quomodo se haberet? respondit:  
In conspectu sum sanctissimæ Trinitatis, & quæta gloriæ  
beatitudine fruor. Cumq; ab ea quæssisset, quæ scire desi-  
derabat, & illa respondisset optimè ad omnia, ait illi:  
Cognoscisne, Fratrem Albertum Teutonicum, qui nuper  
in Colonia defunctus est, qui fuit Frater Ordinis nostri?  
Cui illa: Optimè. Ad quam Magister; Vbi est inquit?  
Et illa: Gaudet lætitia inenarrabili longè super nos.  
Fratres etiam Conrado de Dosborgh, eiusdem B. Al-  
berti socio & ministro, pro eius anima oranti, post Ma-  
tutinas in Ecclesia Fratrum in Colonia vigilantibus, post re-  
cessum aliorum Fratrum, apparuit B. Albertus Magnus  
corporaliter, pretiosissimis vestibus Pontificalibus indu-  
tus, habens in infula super frontem gemmam speciosissi-  
mam, quæ solares radios emittens, totam Ecclesiam illu-  
minabat. Qui ab eo requisitus qualiter sibi esset, re-  
spondit: *Humani sensus non sunt capaces gloriæ meæ: clari-  
tas autem, quæ ex gemma frontis meæ procedit, significat in-  
explicabilem gloriam in claritate scientiæ, quam tradidit mihi*  
Domi-

*Dominus*, qua totam Ecclesiam suam dignatus est illustrare meo ministerio, & labore. Et euauit ex oculis eius, ad fruitionem Sanctæ Trinitatis, nunc, & in perpetuum, mansurus accedens. Hæc breuissimè de vita B. Alberti Magni dicta sufficiant. Floruit etiam hoc tempore Frater Vincentius Bellouacensis Ordinis Prædicatorum, qui scripsit *quatuor magna specula*, scilicet *naturale, doctrinale, morale, & historicale*, B. Ludouico Francorum Rege ei libros ministrante. Scripsit etiam *Librum gratia*, & *epistolam consolatoriam* ad eundem S. Ludouicum super morte sui primogeniti. Scripsit etiam libellum *De laudibus Beatissimæ Virginis* ex dictis sanctorum concatenatum, & multa alia.

Anno Domini 1261. obiit D. Alexander Papa iv. ex Comitibus Signiæ specialis Patronus FF. Prædicatorum quos quàm tenerrime dilexerit, vltro deducitur ex Bullis 130. quas inauditis gratijs refertas, Ordini lubens impertiuit. Sedit annis 6. mensibus 5. diebus 9. Postquam vacasset Sedes Romana mensibus tribus, & diebus tribus; electus postmodum fuit D. Urbanus ix. natione Campanus, & Pridie Nonas Septembris Viterbij in Ecclesia FF. Prædicatorum coronatus, sedit annis tribus, mense vno, diebus 4.

Anno sequenti 1263. Magister Humbertus, Ordinis exemplar, & ceremoniarum Pater, totum Officium quo Ordo vtitur ordinauit: quam ordinationem D. Clemens Papa iv. postea approbavit, & confirmavit. Scripsit etiam hic Pater sanctus super *Regulam S. Augustini* egregium volumen. Item libellum *De vij. gradibus contemplationis*. Item *De tribus votis religionis essentialibus*: librum præterea *De omnibus officijs Ordinis* miro ordine dictauit; vt quilibet Frater sciret, quid sua interesset, cum ei aliquod officium imponeretur. Scripsit etiam super *Constitutiones*, sed non perfecit morte præuentus.

Sub Generalatu B. Humberti circa Annum 1257. S. Hyacinthus Odrouansius Polonus, postquam multis annis

annis bonum certamen certasset, cursum consumasset, repositam sibi coronam percepturus, perexit ad Christum: quem postmodum Clemens Papa VIII. Sanctorum Cathalogo adscripsit. S. Hyacinthum secutus est ad gloriam B. Gundisalvus de Amarantha, innumerum, miraculorum patrator. Circa Annum etiam 1260. proprio sanguine candidati cælum conscenderunt, B. Jadochus cum triginta & octo Patribus, qui Sandomiriæ in Polonia, dum Antiphonam *Salve Regina*, publicè in Ecclesia decantarent, ab irruentibus Scythis omnes trucidati sunt.

Tandem gloriosus Pater Humbertus præclarum S. Raymundi exemplum imitari gestiens, cum annis novem Ordinem laudabiliter rexisset, Magisterio cessit Anno 1263. in Capitulo Londonensi, & superuixit annis xj. obiitque plenus bonis operibus, Anno Domini 1274. in Conuentu Valentino. Eius sanctitatem tanti fecit S. Ludovicus Rex Francorum, ut dederit ei Robertum filium suum sextum Anno 1256. Parisijs in Capitulo Generali è sacro Fonte suscipiendum; ex quo Roberto processit Borboniorum stirps, quæ hodie regnat.

Hic etiam ordinari fecit librum *De vitis Fratrum Prædicatorum*, per Fratrem Gerhardum de Fracheto Lemouicensẽ, stylo quidem simplici, sed tam pio, ut librum exornet, qui ornare tentauerit.

## C A P V T V I I I.

*De Fratre Ioanne Vercelensi, VI. Ordinis Generali, virisque sub eo clarissimis.*

**A**Nno Domini 1264. in Capitulo Parisiensi electus est in Magistrum Ordinis vj. Fr. Ioannes de Vercellis Prouincialis Lombardiæ, magnæ prudentiæ, & sapientiæ vir. Hic transferri fecit Corpus B. Dominici in arcam

arcam de alabaſtro valdè pulchram, in qua etiam nunc requieſcit, quam ipſe fieri procurauit, hoc Anno Domini 1267. Quæ translatio cum ageretur, apparuit cometa ſuper templum noſtrum Bononiènſe, ibidemque permanſit, donec cæremonia finita eſſet.

Hic etiam totum Ordinem viſitauit cum baculo ſuo pedeſter ſemper incedendo. Qui vt meliùs oculata fide, mores Fratrum exploratos haberet, ſuperueniebat Conuentibus incognitus, & diligenter obſeruabat qualiter Religio ſeruaretur. Vnde cum ſemel ad quendam Conuentum valdè famoſum Teutoniæ debuiffet accedere, diſmiſſis ſocijs extra Ciuitatem, ipſe cum vno Fratre hora prandij Conuentum ingreſſus eſt. Cumque quæreretur ab eis qui eſſent? reſponderunt, quod erant Fratres Lombardi. Quod Prior qui in Refectorio prandeſcit audiens, hoſpitium minimè eis præparari iuſſit, ſed ſeruitori dixit: Vade & præpara illis Lombardis in vltimo loco illius menſæ. Quod cum factum fuiſſet, & magi fuiſſent procurati, videns Magiſter Ordinis quòd Prior, & Fratres alij haberent bonos piſces, & eis ſolum ferculum datum fuiſſet; vocato ſeruitore, dixit: Bone Frater, dicatis Patri Priori, quòd placeat ei dare nobis etiam modicum de piſcibus, quia laſſi ſumus, & ieiuamus. Quòd cum Priori à ſeruitore dictum fuiſſet, Prior alta voce clamauit: Non habemus piſces pro Lombardis. Magiſter Ordinis hoc audito patienter ſuſtinuit. Finiſto prandio ſicut Magiſter ordinauerat, dum Fratres gratiarum actiones peragerent, ſocij Magiſtri ad portam Conuentus pulſauerunt. Et intromiſſi, dum peteretur ab eis qui eſſent? reſponderunt: Socij ſumus Reuerendiſſimi Magiſtri Ordinis. Et illi: Vbi eſt, inquiunt, Magiſter Ordinis? Quibus ſocij Magiſtri dixerunt. Nunquid non venit ad vos iam diu Pater vnus antiquus cum baculo, & vno ſocio? Conſternati illi, & verecundia, ac confuſione repleti, quid agerent nesciebant. Tunc Magiſter Ordinis mandauit pulſari ad Capitulum, & ingreſſus



Capitulum assumpsit pro themate, *Non habemus pisces pro Lombardis*: & increpata durissimè inhumanitate Prioris & Fratrum, facta visitatione Priorem absoluit, & Fratres ac Conuentum in melius reformauit. Hic beatissimus Pater Ordinem rexit annis ferè. 20. & ob eius singularem sapientiam, & prudentiam, aliquibus legationibus D. Papæ laudabiliter functus est. Et dum esset ultra montes, & celebrasset, Capitulum Generale apud Montem Pesulanum, ibidem Pridie Kalendas Decembris sanctissimè diem clausit extremum Anno Domini 1283.

Horum præcedentium Magistrorum, Humberti videlicet, & Ioannis tempore, claruit etiam aliud luminare maius, scilicet S. Thomas de Aquino, qui genere nobilissimus, vtpote in linea paterna natus ex genere Comitum Aquinorum, qui dicuntur Comites de Loreto, & de Belcastro, & antiquitùs dicebantur de Frangipanis Romanis: quæ fuit progenies sanctissimi Gregorij Papæ primi huius nominis, & progenies est antiquissima. Retulit D. Bernardus Comes de Loreto, se habere vnum instrumentum apud se pertinens ad progeniem suam, in quo Boetius Senator, summus Philosophus, & Theologus, qui aliàs S. Seuerinus appellatur, pro teste inducitur, in quo ipsa domus de Loreto, & de Belcastro vocatur de Frangipanis: vt reperitur in quadam Chronica antiqua in Conuentu SS. Ioannis & Pauli de Venetijs. In linea verò materna habuit matrem Neapolitanam, Theodoram nomine, etiam nobilissimam. Ex hac ergo clarissima progenie ortus beatissimus Thomas, Ordinem Prædicatorum infra annos pubertatis ingressus est Anno 1232. à quo nullis parentum blanditijs, vel tribulationibus potuit amoueri: sed post plures eorum persecutiones, missus fuit Coloniam, non Parisios, (vt aliqui absque vlllo monumento authentico insigniter fabulantur) ad studendum sub Magistro Alberto Magno. Quo in loco existens dum esset deuotus, studiosus, & taciturnus, nec die, nec nocte Chorum neglexit, Refectorium,

rium, & alia communia frequentans, nihil in eis fastidiebat. Quo effectum est, ut præclarissimæ scientiæ apicem apprehenderit: unde missus Parisios pro Baccalaureo, cursum suum laudabiliter exercuit, cum tanta omnium admiratione, & præclaro nouoque agendi modo, quod schola eius quotidie replebatur. Quo tempore scripsit *Super quatuor Sententiarum libros*. Viginti autem & quinque annorum existens, factus est sacre Theologiæ Magister: in quo Magisterio annis fere 20. permanens, multa præclara & magna conscripsit volumina, quæ per manus doctiorum versantur. Et quia Officium Corporis Christi edidit, congruè causa tanti Festi. instituendi hic ponitur:

Cum S. Thomas ad mandatum D. Urbani Papæ IV. dictasset *Opus continuum super quatuor Euangelistas*, pro præmio laboris D. Papa ei Episcopatum obtulit, quem tamen ipse noluit acceptare. Vnde rogauit eundem, ut pro reuerentia eiusdem Sacramenti, Festum institueret particulare de eo, ad laudem Saluatoris, & in recompensationem sui laboris. Quod Papa libentissimè fecit, concurrentibus maximè ad hoc quibusdam reuelationibus factis, ac miraculis, circa huius sacratissimi Sacramenti venerationem. Ad preces igitur S. Thomæ prædictum Festum instituens, ordinauit Officium per eundem dictari, quod per vniuersalem Ecclesiam tali celebritate dici posset. Quod & factum est: nam Officium quod per totam Ecclesiam solemniter cantatur in tali celebritate, est illud, quod S. Thomas dictauit; omninò diuersum ab eo, quod S. Iuliana virgo Leodiensis edi curauerat. Et ita Festum Corporis Christi est, quasi Festum S. Thomæ & Fratrum Prædicatorum, quia ad eius instantiam, & remunerationem laboris eius, institutum fuit.

Eodem tempore floruit Frater Guillelmus Morbea Brabantinus, Sacre Theologiæ Baccalaureus, ac demum Archiepiscopus Corinthiensis; qui ad instantiam S. Thomæ, omnes libros *naturalis, & moralis Philosophiæ, & Me-*

*aphysicæ Aristotelis*, de Græco in Latinum transtulit, & librum de *Apibus*, & *naturis rerum* composuit. Hic Urbanus Papa IV. secundum Cardinalem ex Ordine nostro fecit, Fratrem Anibaldum Hannibaldensem de Molaria, Romanum, virum apprimè doctum, & pium, ac ingenio subtilem: quem tanti fecit Angelicus Doctor S. Thomas, ut doctas in 4. Sententiarum libros lucubrationes illi dicandas iudicauerit. Scripsit dictus Cardinalis, *Comentaria in 4. Libros Sententiarum*, & *Librum Quodlibetorum*; Cum autem decem annorum spatio Cardinalis dignitatem ingenti cum laude sustinuisset, tandem è vita excessit Vrbeneteri Anno 1272. ibidem apud FF. Prædicatores sepultus.

Anno Domini 1262. Urbano IV. migrante Perusij, electus est in Papam D. Clemens IV. natione Prouincialis, & sedit annis tribus, mensibus 9. & diebus 24. Hic Pontifex multum Ordinem nostrum dilexit, ac varijs priuilegijs decorauit. Qui moriens Viterbij, in Ecclesia Fratrum Prædicatorum, quorum tunicam albam detulerat, vitam, & abstinenciam dudum imitatus fuerat, corpus suum sepeliri iussit. Quod & factum est. Ab hoc sanctissimo Pontifice cum quidam miles peteret, quem Ordinem melius sibi esset ingredi, scilicet an Ordinem Prædicatorum, vel Minorum? eidem literas infra scriptas direxit, videlicet. *Clemens Episcopus, seruus seruorum Dei Dilecto filio P. militi salutem, & Apostolicam benedictionem. Quæris à nobis consilium, quod apud te rectius poteris inuenire. Si enim tibi Dominus inspirauit, relicto saculo, vitæ frugem appetere melioris, Dei Spiritum sicut nec possumus, sic nec volumus prohibere; præsertim cum filium habeo bene disciplinatum (ut credimus) qui tuæ domui sciet providere. Quod si proposito non mutato sciscitaris ulterius, quem tibi ex Fratrum Prædicatorum, & Minorum Ordinibus præeligendum credimus, id præcipuè conscientia tuæ relinquimus. Magis enim tu scire poteris utriusque Ordinis obseruantias, quæ non sunt pares in omnibus, & in diuersis articulis excedentes,*

& excessu. Alterius quidem istorum Ordinum lectus est durior, nuditas grauior, & (ut nonnulli iudicant) paupertas profundior: & alterius cibus parcior, longiora ieiunia, & (ut quam plures autumant) sanctior disciplina. Neutrum ergo neutri præferimus; sed in una, & arctissima paupertate fundatos, ad unum tendere credimus, salutem scilicet animarum. Et ideo sine hunc, sine illum elegeris, arctam viam aggredieris, & per portam intrabis angustam, ad terram mellisfluam, & præ cæteris spatiosam. Vnde hoc apud te pondera, hoc diligenter aduerte, quis magis animo tuo placeat, quemque speres te melius portaturum. Et sic uni conuersatione adhareas, ut amore ab altero non discedas. Frater enim Prædicator est reprobus, qui Minores non diligit; & execrabilis Frater Minor, qui vel odit Prædicatorum Ordinem, vel contemnit. Datum Perusij xij. Kalendas Maij, Pontificatus nostri Anno 2. Intrauit autem prædictus miles Ordinem Prædicatorum, & etiam filius eius post eum.

Anno Domini 1271. x. Kalendas Septembriæ, electus fuit in Pontificem D. Gregorius X. vir sanctus, & iustus, postquam per triennium ferè Cardinales in contentione fuissent: & sedit 4. annis, mensibus 4. & diebus 10. à die electionis. Prima Creatione hic fecit Cardinalem Fratrem Petrum de Tharantasia Magistrum in Theologia, virum doctissimum, qui postea fuit Summus Pontifex. Hoc tempore in Ordine Prædicatorum plurimæ fulserunt præclarissimæ stellæ, tam in sanctitate vitæ, quam doctrinæ amplitudine, ultra eos qui supra nominati sunt. Quorum primus fuit Fr. Petrus de Tharantasia prædictus, qui scripsit.

|  |  |
|--|--|
| <i>Postillas super Genesim.</i>        | <i>De intellectu, &amp; voluntate.</i> |
| <i>Super Leuiticum.</i>                | <i>Super Exodum.</i>                   |
| <i>Super Deuteronomium.</i>            | <i>Super Numeros.</i>                  |
| <i>Super omnes Epistolas D. Pauli.</i> | <i>In Lucam.</i>                       |
|  | <i>Super Psalmos.</i>                  |
| <i>Super 4. Sententiarum Libros.</i>   | <i>De Vnitate formarum.</i>            |
| <i>De materia Celi.</i>                | <i>De aternitate mundi.</i>            |



Huius contemporaneus fuit Fr. Ægidius de Liscinijs, Baccalaureus in Theologia, qui scripsit duos Libellos *De Unitate formarum*, & *De immediata visione Diuina essentie*.

Fr. etiam Vlricus Teutonicus, Baccalaureus in Theologia, scripsit *super librum Metheororum*. *Super sententias, & summam Theologia* magnam & subtilem.

Fr. Gerardus Midenfis, Baccalaureus in Theologia, scripsit *super Metaphysicam*, & *super Ecclesiasten*.

Fr. Theodoricus de Friburgo, Magister in Theologia, scripsit *De origine Prædicamentorum*. *De tempore*. *De Iride*. *De mensuris rerum*. *De defensione priuilegiorum Ordinis*. *De tribus difficilibus*. *De quidditatibus rerum*. *De generatione lucis*. *De visione beatifica*.

Fr. Ioannes Parisiensis Magister in Theologia, scripsit *super 4. libros Sententiarum*. Item *librum de Iride*, & *contra correctorium S. Thomæ*. Item *in libros Metheororum*. *De unitate esse & essentie*. *De aduentu Christi*, & *Apologeticum*.

Fr. Iacobus de Voragine, Archiepiscopus Ianuensis, scripsit *Legendam Sanctorum abbreviatam*. Item *Sermones Dominicales*, *Quadragesimales*; & *de Sanctis per totum annum*, valde bonos & utiles, & *Mariale B. Virginis*.

Fr. Ioannes de Friburgo Lector, scripsit *Summam Confessorum in Casibus* valde notabilem. Item *Confessionale pro audiendis confessionibus*.

Fr. Hermanus de Minda, Prouincialis Teutoniæ, scripsit, *De interdicto*, & *inquisitionibus criminum*, & *epistolas singulares*.

Fr. Ioannes Christophori de Minda, scripsit *super quatuor Euangelia*, *super Apostolum totum*, *super Canonicas Epistolas*, *super librum Elenchorum*, & *super librum de Anima*.

Fr. Guilhelmus de Anona Anglicus, Magister in Theologia. Hic scripsit *Postillam super Matthæum*. Item *de decem Virginibus*. Item *super Ecclesiasten*. Fr. Thomas de Suetonia Anglicus, qui scripsit *super Prædicamenta*, & *scæptincipia*. Item *compleuit scriptum S. Thomæ super*

*librum Perihermenias . Item scripsit super librum Priorum . Item de Unitate formæ . Item duo Quodlibeta . Item De revelatione . Item Summam Theologiæ . Item Super Psalterium . Item quæstiones difficiles pro declaratione dictorum S. Thomæ . Fr. Ricardus Clapoel Anglicus, Magister in Theologia, scripsit Super quatuor libros Sententiarum . Item contra correctorium S. Thomæ . Item de unitate formarum . Item de immediata visione Diuinæ essentia .*

Eodem tempore Gregorius X. congregavit Concilium Lugdunense , ad quod dum properaret , Vicarium Papalem in Vrbe , atque in tota Italia esse voluit nostrum P. Aldobrandinum de Caualcantibus pro tunc Episcopum Vrbeuetanum . Ad idem Concilium dictus Pontifex , paulò ante hæc tempora vocauit S. Thomam propter eius eminentem scientiam . Qui dum de Neapoli Romam accederet , in itinere infirmatus deuotissimè apud Monasterium Fossæ nouæ Cisterciensis Ordinis Terracinen- sis Diœcesis , ad Dominum migravit , ætatis 6æ anno 50. inchoante, 10. Kal. Februarij , & sepultus fuit in illa Abbatia sub deposito tamen , cuius Abbatia consanguinei eius erant patroni, multis miraculis clarissimus.

In eo Concilio vidit omnis Ecclesia Dei , gloriam Ordinis nostri , dum inter tot diuersos Insulatos , 33. Præsules ex Prædicatoribus numerabantur . Eadem ætate floruerunt inelytæ Virgines Ordinis nostri B. Helena de Hungaria , quæ habuit quinque stigmata Christi, & magnæ perfectionis in Hungaria sanctimonialis Ordinis Prædicatorum fuit : & eius discipula B. Margarita Regis Hungariæ filia , similiter sanctimonialis mirabilibus virtutibus refulsit .

Mortuo Gregorio X. creatus est Põtifex cum summa Ordinis nostri gloria , Anno 1276. xiji. Kal. Februar. D. Innocentius Papa V. natione Burgundus, antea Fr. Petrus Cardinalis de Tharantasia vocatus, Archiepis. Lugdunen. postea Cardinalis Episcopus Ostiensis , & Veliternus , ac S. R. E. Maior Pœnitentiarius , de quo supra dictum est .

Hic sedit tantum mensibus 5. & diebus 2. Sepultus Romæ in Ecclesia Lateranenſi.

Eodem Anno x. Kal. Iunij, electus fuit in Papā Adrianus V. patria Ianuensis, qui nonnisi mense 1. & diebus 7. in Pontificatu superuixit: obiit Viterbij non consecratus, nec coronatus. Illi successit D. Ioannes Papa, XXI. Lusitanus, qui sedit mensibus 8. & diebus 8. Contigit postmodum Pontificatus D. Nicolaum III. patria Romanum, de familia Ursini: hic electus Anno 1277. vij. Kal. Decembr. sedit annis 2. mensibus 8. diebus 29. Idem Pontifex prima Creatione, ex Ordine Prædicatorum 2. Cardinales creauit. Primus fuit, Nepos Pontificis; vocatus Fr. Latinus de Frangipanis, vel Malabranca, Magister in Theol. ac Generalis Inquisitor, demum Episcopus Cardinalis Ostiensis, & Veliternus. Vir maxima pollens facundia, ac Concionator eximius, qui Apostolicæ Sedis Legatus missus fuit in Tusciam ad Florentinos pro pace stabilienda. Cumque in Cardinalatu annis 17. superuixisset, obiit anno 1394. jv. Idus August. sepultus Romæ ad Minernam.

Alter Cardinalis à D. Nicolao Papa III. eodem tēpore creatus fuit, F. Robertus Kilunarbuius natione Anglus, Doctor Parisien. Archiepisc. Cantuarien. & Angliæ Primas, ac tandem Cardinalis S. Rufinæ, & Episc. Portuen. Vir Theologicis, ac Philophicis studijs clarus, qui scripsit.

|  |   |
|--|---|
| <i>Opuscula de Sacramento Altaris.</i>                     | <i>Quodlibeta plurima.</i>                |
| <i>De Unitate Formarum.</i>                                | <i>De principio Scientiarum.</i>          |
| <i>Super Philosophiam, &amp; Metaphysicam Aristotelis.</i> | <i>Super quatuor Libros Sententiarum.</i> |
| <i>Sophisticam Logicalem, &amp; Grammaticalem.</i>         | <i>Super Boetium.</i>                     |
| <i>Super Ezechielem.</i>                                   | <i>Super Priscianum minorem.</i>          |
| <i>De Conscientia, &amp; Synderesi.</i>                    | <i>De modo significandi.</i>              |
| <i>De Anima, &amp; causis Animæ.</i>                       | <i>Super Confessiones S. Augustini.</i>   |
| <i>Distinctiones Doctorum.</i>                             | <i>Super Epistolas D. Pauli.</i>          |
|  | <i>De differentia spiritus, &amp;</i>     |

*anime, ac Commentaria Theologia.*

Obtulerat etiam idem Pontifex Ioanni Vercellenſi Ordinis Magiſtro Patriarchatum Hieroſolymitanum, cui dignitati cum ille ſpontè, & vltro renunciasset, coactus est in Generalatu perſeuerare, vsque ad annum 1283. quo & obiit apud Montem Peſulanum in Galijs, 3. Kal. Decembris, poſt inſumptos in regimine Ordinis annos 20. cum dimidio, multosque pro Eccleſia Dei exantlatos labores.

## C A P V T I X.

*De Fratre Munione Zamoreniſi, VII. Ordinis Generali; alijsque quatuor Magiſtris, in Officio Generalatus illis ſuccedentibus.*

**D**Efuncto Nicolao Pontifice, poſt ſemeſtram Sedis Apoſtolice vacationem, electus eſt in Papam Martinus IV. natione Gallus, Anno 1281. viij. Kal. Martij: qui cum ſediſſet annis 4, menſ. 1. diebus 7. obiit Peruſij.

Quatriduo poſt Martini IV. obitum, denunciatus eſt Pontifex Max. Anno 1285. Nonis Aprilis D. Honorius IV. natione Romanus, gente Sabella, ſeditque annis 2. & 2. diebus. Eodem etiam Anno electus eſt in Magiſtrum Ordinis vij. in Capitulo Generali Bononiæ, Fr. Munio Zamoreniſis, Prouincialis Hiſpaniæ, Vir magni animi, & patientiæ ſingularis in aduerſis. Hic Magiſter Regulam Fratrum, & Sororum *de Penitentia B. Dominici* dictauit, quam nunc habent, & quam Honorius IV. confirmauit: cum prius ſub quibuſdam conſuetudinibus à S. P. Dominico eis traditis viuerent; & Ordinem illum plurimum auxit, & gratijs communiuit. Circa idem tempus felici fine quieuit, B. Ambroſius Sanſedonius Senenſis, ſanctitate, prædicationibus, miraculisque conſpicuus.

Anno Domini 1288. viij. Kal. Martij renunciatus eſt

Sum.



Summus Pontifex, Nicolaus IV. ex Ordine Minorum, (postquam Cathedra Petri vacauit mensibus 10. & diebus 18.) Seditque annis 4. mense 1. diebus 14. Hic Pontifex Magistrum Munionem, iam per sex annos in Generalatu existentem absoluit, toto Ordine reclamante. Hanc tamen irrogatam Ordini iniuriam compensauit, tum varijs honoribus, gratijs, & privilegijs, tum promouendo ad Purpuram Fr. Hugonem Seguin natione Gallum de Billiomo Archiepiscopum Lugdunensem, quem fecit Cardinalem tituli S. Sabine, Anno 1288. eumque postea Cælestinus V. Nicolai Successor Episcopis Ostiensibus, & Veliternis adscripsit. Virum in Theologicis versatissimum, qui in lucem edidit.

*In 4. Libros Sententiarum.*      *Commentaria in Threnos Ieremias.*  
*De immediata visione Diuine essentie.*      *Contrà Corruptorium S. Thomæ.*  
*Sermones plures.*

Eodem tempore Henricus de Gandauo, qui Doctor sollemnis appellatur Parisius, & Fr. Iacobus de Viterbio Ordinis Eremitarum, & Magister Godifridus de Fontibus, multa conscripserunt, quibus lucidissimam ac veridicam S. Thomæ doctrinam impugnare nisi sunt. Contrà quos suscitauit Dominus spiritum gloriosorum Doctorum Ordinis Prædicatorum, qui doctrinam impugnatam gloriosius defensarent, fundarent, & declararent. Quorum primus fuit Robertus Oxford Anglicus, qui contrà Henricum de Gandauo scripsit in his, in quibus vult impugnare S. Thomam. Item contrà primum Ægydij, vbi aduersatur doctrinæ S. Thomæ. Fr. Bernardus Baccalaureus in Theologia, scripsit contrà Henricum. Item contrà Godifridum de Fontibus, & contrà Iacobum Viterbiensem Augustinianum, in his quibus impugnant S. Thomam. Idem scripsit *super quatuor Libros Sententiarum*. Fr. Guilhelmus de Masset Anglicus Magister in Theologia, scripsit contrà Henricum de Gandauo, vbi S. Thomam impugnare conatur. Item *contrà correctorium*.

*corruptorij . Item quaestiones de Angelis .*

Depositione facta Magistri Munionis , celebratum est Capitulum Generale Romæ Anno 1292. quo electus fuit in Magistrum Ordinis octauum Fr. Stephanus Bisuntinus Burgundus, Doctor Parisiensis . Hic Ordinem rexit in virga ferrea , in obseruantia Regularis disciplinæ per-  
vigil , à licentijs , & dispensationibus omninò abstinens . Præfuit Ordini annis 2. cum dimidio , obiit deinde in Conuentu Lucensi Anno 1295. Scripsit autem *super Ecclesiasten* . Item libellum *De authoritatibus Sanctorum , & Philosophorum* . Item librum *exemplorum per alphabetum narrationum* . Item *Postillam super Apocalypsim* . Huius temporibus fuerunt Viri literati multi in Ordine Prædicatorum : inter quos fuit Fr. Bernardus de Trilia Gal-  
lus Nemausensis, Magister S. Theologiæ , qui scripsit .

*Postillas super Ecclesiasten* .

*Super librum Sapientiæ* .

*Tria Quodlibeta* .

*Quaestiones de anima coniun-*

*Quaestiones de Spiritualibus*  
*creaturis* .

*cta* .

*Quaestiones de anima sepa-*  
*rata* .

*Quaestiones de differentia esse,*  
*& essentia* .

*Quaestiones super totam A-*  
*strologiam* .

*Quaestiones de potentia Dei* .

Fr. Oliuerius Brito, Magister S. Theologiæ scripsit *Super quatuor libros Sententiarum , & super librum Elenchorum* .

Fr. Nicolaus de Gorram Prouincialis Franciæ , & Confessarius Regis Philippi , scripsit *Postillas super Ecclesiasticum* . *Super canonicas Epistolas* . *Super Mattheum , & Lucam* . *Super totum Apostolum* . *Super Psalterium* . *Super Apocalypsim* . Item *distinctiones , & themata* .

Hoc anno obiit Fr. Robertus Domus Auinionen. genere nobilis , sed sanctitate nobilior , qui prædixit pestilentiam futuram ante annos triginta , quam cœperit : quæ secuta est infallibiliter sicut prædixit . Prædixit etiam propheticè multa alia , quæ completa sunt ex magna parte ; clauit autem multis miraculis in vita , & in morte . Inter cetera autem , cum sacrum eius Corpus ad sepul-

pul-

pulchrum deferretur, Diuina virtute ita in altum eleuatum est, quòd Subdiaconus cum Cruce non potuit ipsum tangere, & sic eleuatum diuinitus delatum est vsque ad sepulchrum.

Anno Domini 1293. mortuo Nicolao Papa IV. post diuturnum Apostolicæ Sedis interregnum, procurante Fr. Larino, Cardinali nostri Ordinis, electus est ex Eremito S. Cælestinus V. in Pontificem Max. qui solus sine exemplo post menses 5. dies 7. Papatui renunciavit. In huius locum successit Benedictus Caietanus, qui sibi Bonifacii VIII. nomen accepit: seditque annis 8. mensibus 9. diebus 28.

Hic obiter tantum insinuare sufficiat, quod Anno 1296. in Capitulo Generali Argentinensi electus fuit in Magistrum Ordinis ix. Frater Nicolaus Boccafinus de Taruifio, Prouincialis Lombardiæ: cuius præclara gesta, vitæ sanctimonia, honoresque quibus tam intra, quam extra Religionem cumulatus resplenduit, ad Summum vsque Pontificiæ dignitatis apicem euectus; oblongiori narratione toto Capitulo sequenti recensentur. Post Nicolaum Taruifinum, electus fuit in Magistrum Ordinis x. Frater Albertus Clauaro Ianuensis Anno Iubilæi 1300. in Capitulo Generali Massiliæ congregato. Hic fuit Baccalaureus Parisiensis in Theologia, vir doctissimus, ac Regularis Observantiæ sectator feruidus. Præfuit Ordini mensibus tribus, & tandem 28. Augusti mortuus est in Conuentu Anagninæ. Illo defuncto electus est in Magistrum Ordinis xi. Frater Bernardus de Iuzico Conuentus Burdigalensis, pro tunc Prouincialis Prouinciæ Prouinciæ, Anno 1301. in Capitulo Generali Colonienfi: qui cum Ordini præfuisset duobus annis, & mensibus 4, & celebrasset duo Capitula Generalia, alterum Bononiæ, Bisuntij alterum, completo hoc secundo mortuus est in Conuentu Treuerensi, xv. Kalend. Octobr.

## CAPVT X.

*De Domino Benedicto XI. Pontifice Maxim.  
aliàs P. Nicolao Boccasino de Tarui-  
sio, Ordinis Prædicatorum.*

**A**nnus Domini 1303. felix faustusque illuxit Prædicatorum Ordini, dum Orbi atque Ecclesiæ dedit secundum Pontificem Max. P. Nicolaum Boccasinum, de Taruisio, olim Ordinis Generalem, & post Cardinalatem Ostiensem: qui post mortem Bonifacij Papæ VIII. electus est in Pontificem Max. xii. Kalend. Nouemb. & appellatus Benedictus XI. De eo ex Chronico Ordinis Fr. Guidonis sic habetur.

Eadem Romana Ecclesia geminata lætitia gratulatur se habuisse Præsulem, & Pastorem D. Benedictum XI. qui prius dictus est Fr. Nicolaus de Taruisio. Hic 14. ætatis suæ anno Prædicatorum Ordinem est ingressus, in quo 14. annis primis studuit, & laudabiliter profecit, & in alijs 14. annis sequentibus, exercuit officium Lectoris, & 14. annis alijs in Prælationis officio in Ordine laborauit. Hic Prior Prouincialis Lombardiæ existens, factus fuit Magister Ordinis in Capitulo Generali Argentinæ Anno Domini 1296. vt iam supra insinuatum est. Hic præfuit in Magisterio annis duobus cum dimidio in pace, & humilitate, & æquitate magna, magnus amator communitatis.

Celebrauit duo Generalia Capitula, creuitque sub illo Prouinciarum numerus: ita vt cum prius nonnisi 12. fuissent, multiplicatæ tunc fuerunt ad 18. Deindè crescentibus eius meritis, & præconijs claræ famæ, vocatus est de Magisterio ad Cardinalatus titulum, & honorem, per Dominum Bonifacium Papam VIII. dum esset ipse in Prouincia Prouinciæ. Cui per nuncios



D. Bonifacius Papa infrascriptas direxit litteras Apostolicas videlicet: *Bonifacius Episcopus servus servorum Dei. Dilecto filio Fratri Nicclao de Tarnisio, quondam Magistro Ordinis Fratrum Predicatorum, in Sacrosancta Romana Ecclesia Presbyterum Cardinalem assumpto, salutem. & Apostolicam benedictionem. Inter ceteros Ordines in agro plantatos Dominico sacrum FF. Predicatorum Ordinem dileximus hactenus, & diligere non cessamus; ad ea quae prosperum statum eius suique honoris incrementa respiciunt, paternis studijs intendentes. Volentes itaque personam tuam, quam laudabilis fama refert, ac fide digna clamat assertio, claris virtutum insignijs decoratam, & in te praefatum Ordinem multipliciter honorare; te nuper de Fratrum nostrorum consilio, in Presbyterum Cardinalem Sanctae Romanae Ecclesiae duximus assumendum. Quocirca discretioni tuae per Apostolica scripta mandamus, quatenus impositum tibi onus à Domino prompta deuotione suscipiens, te submoto dilationis obstaculo preparare, ad nostram praesentiam quantocyus accessurus. Datum Reatae Nonis Decembris, Pontificatus nostri anno 4. 1.*

Praefatam litteram cum Bulla recepit ipse D. Nicolaus in Lesinhano propè Narbonam, & sequenti manè intrauit Narbonam. Et in Capitulo Fratrum praesentibus Fratribus, & DD. Ciuitatis, & multis solemnibus viris, fecit legi litteras Apostolicas, & renunciavit Magisterio Ordinis lacrymabiliter, & Cardinalatum accepit.

Hic igitur primò Cardinalis Presbyter fuit tituli S. Sabinae, & postmodum translatus fuit ad Episcopatum Hostiensem, in quibus dignitatibus mansit quasi annis 5. Tandem mortuo Bonifacio VIII. factus est Summus Pontifex, & Benedictus XI. fuit appellatus. In quo Pontificatu vixit mensibus 8 diebus 6. & migravit è vita Perusij 1304. Nonis Iulij, die Martis, hora quasi nona, omnibus Ecclesiasticis sacramentis deuotè susceptis: & sepultus fuit in Ecclesia Fratrum Predicatorum ibidem ante Altare sub terra, sicut ipse mandauit dum adhuc

viueret, ne in alto poneretur, sed sub terra, ex magna humilitate quam habebat. Et licet modico tempore vixerit, multa tamen bona fecit, & meliora sperabantur. Nam Constitutionem Bonifacij de sepulturis reuocauit tanquam nimis rigidam, & aliam fecit, quæ incipit: *Inter cunctas, ad fauorem Religiosorum &c.* Præterea duos Cardinales ex Columnensibus reconciliauit, quos Bonifacius acriter fuerat persecutus. Hic etiam fecit successinè tres Cardinales de Ordine Prædicatorum videlicet, Fratrem Nicolaum de Albertinis ex Comitibus de Prato, virum insignis literaturæ, ac vitæ sanctissimæ. Item Fratrem Guillelmum Maresfeldium natione Anglicum, Baccalaureum Parisiensem, egregium Philosophum & Theologum; sed eo ante promotionem in scio Pontifice mortuo, alium suffecit, nimirum Fr. Gualterum Vuinkerburnum etiam Anglum natione, Eduardi primi Anglorum Regis Confessarium. Horum Cardinalium primus videlicet Fr. Nicolaus Pratenſis antequàm assumeretur ad Purpuram, fuit primò Prouincialis Romanus, mox totius Ordinis Procurator, tandem Spoletanus Episcopus, ac Romanæ Urbis Vicarius. Clauit etiam Legationibus ad Philippum Galliarum, & Odoardum Britanniarum Reges, ut illos bello certantes, eloquentia sua qua plurimum pollebat, paccaret, quod & effecit. Superuixit in Cardinalatu annis 19. erexitque in Patria Cœnobia duo, vnum FF. Prædicatoribus, aliud & Nicolai Monialibus. Restaurauit quoque Cœnobium Pistoriense S. Dominico Sacrum, & aliud Auenione construxit, in quo & vitam finiuit, Anno nostræ salutis 1321. ibidem sepultus. Scripsit doctissimè *De Paradiso, & De Pontificalium Comitiorum habendarum ratione.* Cardinalis etiam Gualterus supranominatus Orator ac Poeta insignis, nec non Philosophus, ac Theologus, scripsit *Libros tres Summæ Theologiæ. Librum vnum de peccato Originali. Librum Questionum Theologicarum. Librum Sermonum,* quos habuerat coram Odoardo Anglorum Rege.

ge. *Super Libros Sententiarum* : & nonnulla alia . Obijt  
Ianuæ octuagenario maior Anno 1305. die 24. Septem-  
bris , ibidem sepultus apud FF. Prædicatores.

Circa hæc tempora Ordo FF. Seruorum B. Mariæ ,  
qui dicitur ortum habuisse à Beatissimo Petro Martyre  
Ordinis nostri ( licet alij dicant quòd non originem ha-  
buit ab eo, sed magnum incrementum receperit, ) à D.  
Benedicto Papa XI. Ordinis Fratrum Prædicatorum, fuit  
confirmatus , ob magnam deuotionem quam ad ipsum  
Martyrem gloriosum habebat . Ipse quoque primus  
iussit fieri Festum Impressionis Stigmatum in corpore  
S. Francisci . Et quia sicuti scriptum est, *Qui se humiliat  
exaltabitur* , quia iste sanctus Pontifex se valde humilia-  
uerat, adeò post mortem eius adiecit Dominus eum,  
magnificare super terram, conuulsatione miraculorum ;  
vt per hoc ostenderet , quòd felix viueret in excelsis .  
Quædam hic inferius annotauì , prout accepi ex litteris  
fide dignorum in Curia existentium , qui visu vel audi-  
tu de eis certius potuerunt informari, & quædam ex eis  
postmodum audiui relatione plurium confirmari ; Quæ  
quidem breuiter , & summatim ponam , dimissa omni  
historiæ longitudine .

Ipsa die obitus B. Benedicti Papæ , qua sancta illa  
anima cælum conscendisse credita est , tantus fuit con-  
cursus populorum circa corpus eius in palatio adhuc  
positum , venientium ad pedum oscula beatorum , & in  
crastinum in Ecclesia Fratrum Prædicatorum dum offi-  
cium cantaretur ; & super sepulchrum , ipso etiam tu-  
mulato , quòd pressura gentium à nemine potuit cohi-  
beri . Cœperuntque varijs languoribus laborantes , B.  
Benedicti Papæ suffragium implorare, moxque Diuinam  
adesse virtutem percipere , & sentire . Mater cuiusdam  
Fratris Ordinis Prædicatorum, quæ per 14. annos con-  
tinuos dolorem capitis continuum sustinuerat , deopotè  
se illi deuouens , protinus est curata . Homo quidam  
filium habens paruulum , qui tribus diebus sine cibo , &  
potu

potu fuerat, de vita ipsius pueri quasi desperatus, ad sepulchrum B. Benedicti eundem attulit. Et quia tulit cum Reguli ac Centurionis fide & deuotione, quærens salutem filij, statim B. Benedicti meritis sanitatem recepit: & per se in Ecclesia deambulare cœpit, qui prius fuerat deportatus. Mulier quædam brachium alterum curuum, & quasi aridum habebat, cum quo nihil agere poterat: quæ benedictionis & salutis ibidem petens auxilium, à Benedicto Domini protinus est curata: ita quod sic cum eo, sicut cum altero omnia poterat operari. Quædam etiam mulier, & quidam puer penitus nil videntes, ad Benedicti sepulchrum perducti, statim fuerunt eius meritis ad lumen pristinum restituti. Quidam Domicellus Vicecancellarij impotens factus in vno brachio, audiens tanta miracula B. Benedicti Papæ meritis diuinitus perpetrari, cum fide & deuotione ad eius sepulchrum veniens, fuit ibidem continuo liberatus. Quandam mulierem à fluxu sanguinis, quem per annum passa fuerat, liberauit. Puerum vnum ad ambulandum penitus impotentem in pedibus & tibijs, & retrò, iam multis annis, ibidem suis meritis instaurauit, & gressum reddidit, præsentem populo & testimonium perhibente. Quædam mulier dæmoniaca ad sepulchrum Benedicti Papæ adducta fuit, iisdem diebus paulò post ipsius tumulationem, quam diabolus multum vexabat & torquebat, & vociferare præ angustia miserabiliter compellebat. In qua diabolus mulieris vtens labijs latinum congruè, admirantibus audientibus, loquebatur. Muliere igitur iuxta sepulchrum posita, vnus Frater Prædicator, præsentibus omnibus, qui aderant Clericis, & laicis in multitudine copiosa, & duobus Fratribus Minoribus, incepit dæmonem adiurare dicens: Adiuro te ex parte Dei, & serui sui Papæ Benedicti, vt ex eas inde, & dimittas istam mulierem. Tunc respondit dæmon verbis latinis: Quomodo credis, quod Benedictus me hinc expellet, cum Franciscus me non potuerit expellere?



Prædicta namque mulier prius adducta fuerat Assisium ad B. Francisci tumulum. Tunc Frater dixit: Scio quod vterque habet potestatem à Deo expellendi te, sed Deus potest istam gratiam reservare S. Papæ Benedicto, quam non fecit S. Francisco hac vice. Tum dixit dæmon; Rogo te vt non vexes me amplius, nec infelles, quia per 16. annos in hac muliere mansi: & iterato cæpit Frater cum adiurare ex parte B. Papæ Benedicti, vt prius, & dicere Euangelium secundum Ioannem, *In principio erat Verbum*. Cùmque peruenisset ad finem, & dixisset: *Et Verbum caro factum est*: continuò exiit diabolus & dimisit mulierem ita conquassatam, & vexatam, quòd multo tempore nihil potuerit loqui. Postquam autem respirauit, viribus aliquantulum iam resumptis, deuotè laudes, & gratias egit Deo & S. Benedicto: nec vterius locuta est latinum, quòd non didicerat, nec sciebat, nec recordata est, quòd vnquam taliter fuisse locuta, sed cùm sibi dicebatur de hoc plurimum mirabatur.

Oratio. *Deus qui beatum Benedictum Pontificem tuum benedictionis tue gratia subleuasti ad cælum: populum tuum quesumus noua benedictione gratiæ tuæ sanctifica; & à cunctis malis immipientibus eius meritis & precibus, tua nos virtute defende. Per Christum.*

## C A P V T XI.

*De Fratre Aymerico Placentino XII. Ordinis Generali: alijsque duobus Magistris, in Officio Generalatus eidem succedentibus.*

**A** Nno Domini 1304. electus est in Magistrum Ordinis xii. in Capitulo Generali Tolosano Fr. Aymericus.

mericus Placentinus, Lombardus, Prouincialis Græciæ, vir doctus, qui & Bononiæ, & alibi 23. annorum spatio docuit. Hic studiorum, & literatorum amantiſſimus, ordinauit inter alia, vt in ſingulis Prouincijs ſpecialis Conuentus designaretur, in quo tres Lingux, Latina, videlicet, Græca, & Hebraica docerentur. Completo demum Magiſterij ſui ſeptennio, ſpontè officio ceſſit; pluriuſque poſt annis ſuperuiuens, tandem Bononiæ Anno 1327. die 12. Aprilis diem clauſit extremum, ibidem ſepultus.

Anno 1305. poſt mortem Benediſti Papæ XI. & longam Cardinalium per meſes xi. contentionem, eligitur in Papam Clemens V. noſtri Cardinalis Nicolai Præſentis opera, & ſagacitate. Sedit annos 8. meſes 10. dies 16. Hic tranſtulit Curiam vltra montes, in Galliam ſcilicet; quæ ibidem remanſit annis 70. uſque ad Pontificatum Gregorij XI. qui Diuina reuelatione per S. Catharinam Senenſem ſibi facta, Curiam in Urbem reduxit. Sub hoc Pontifice celebrata eſt Synodus Generalis Viennæ Allobrogū, in eaque damnati ſunt Templarij, Prædicatorū opera, in ſeſſ. 2. xi. Kalend. Aprilis.

Idem Pontifex ex Ordine Prædicatorum tres Cardinales creauit ſucceſſiue, nimirum prima Creatione Anno 1305. Pontificatus ſui anno primo, creauit Cardinalem tituli S. Sabinæ Fr. Thomam Ioſſium Anglum, olim B. Alberti Magni vnā cum S. Thoma de Aquino diſcipulum, Prouincialem Angliæ, ac Odoardi Anglorum Regis Confeſſarium. Item tituli S. Eusebij fecit Cardinalem Fr. Nicolaum de Farinula natione Gallum, Philippi Pulchri Galliarum Regis Conſiliarium, ac Cōfeſſarium. Horum duorum Cardinalium primus, vti erat vir eruditionis eminentia planè admirādus, ſcripſit.

*Super 4. Libros Sententiarum. De Conceptione B.M.V.*

*Poſillam in Pſalterium. In Geſenim Commentaria.*

*Sermones in annum. Super Boetij de Conſolatione.*

*De Doctrina Scholæ. Contra Ioannem Scotum.*

|                                       |                                |
|---------------------------------------|--------------------------------|
| <i>De Concordantia Librorum</i>       | <i>Aduersus Iconoclastas.</i>  |
| <i>S. Thomæ Aquinat.</i>              | <i>Quodlibeta.</i>             |
| <i>Postillas in Prouerb. Salomon.</i> | <i>Quæstiones Theologicas.</i> |
| <i>In Cantica Canticorum.</i>         | <i>De Statu Animarum post</i>  |
| <i>In Libros S. Augustini de Ci-</i>  | <i>mortem.</i>                 |
| <i>uitate Dei.</i>                    |                                |

E vita excessit apud Allobroges in Legatione ad Henricum Imperatorem die 13. Decemb. Anno 1310. sepultus in Cœnobio Oxomenfi FF. Prædicatorum. Cardinalis autem Farinula decessit Lugduni, ibique apud suos Prædicatores sepultus Anno 1323. Cardinalatus 18. Reliquit compositos, ac conscriptos *Sermones plurimos, & Rituales libros*. Tertia deindè Creatione idem Pontifex Clemens V. euexit ad Cardinalatum tituli S. Cæcilie Fr. Guilhelmum Godin, natione Gallum, Doctorem Parisiensem. Virum ingenij admirandi, qui postmodum, à Ioanne Papa XXII. renunciatus fuit Episcopus Sabiniensis. Hic ab omnibus habebatur magnus Ordinis Prædicatorum parens, vtpotè de illo optimè meritus. Cœnobia quinque D. Dominico sacra ædificauit, & tres Ecclesias Fratribus sui Ordinis erexit, vnâ Auenione, alteram Tolosæ, tertiâ Baionæ. Scripsit *de Nuptijs Christi Domini, & Ecclesia*. Item *Concessiones, & Priuilegia Romanæ Ecclesiæ*. *Sermones quoque permultos*, iura naturæ persoluit Auenione, ibidemque apud FF. Prædicatores sepultus. Anno 1336. Pridiè Idus Iunij, Cardinalatus anno 24.

Anno Domini 1312. in Capitulo Generali Carcassonensi, electus est in Magistrum Ordinis XII. Fr. Berengarius de Rodex, Prouincialis Tolosanus, ac Vicarius Ordinis. Hic præfuit Ordini annis quinque, ac totidem Generalia Capitula celebrauit. Missus fuit à Ioanne XXII. Pontifice (de quo mox infra dicemus) Apostolicus Legatus ad Regem Gallie, ac paulò post ab eodem Pontifice ad Archiepiscopatum Compostellanum assumptus; quem acceptans, onus Magisterij deposuit. Post Gene-

ralatum superuixit Berengarius aliquot annos, ac tandem dum præsens adesset in exercitu Christiano, contra Saracenos dimicante, lethali vulnere confossus, in Conuentu Cordubensi spiritum Deo reddidit Anno 1325.

Claruerunt his temporibus Doctores insignes in Ordine, Fr. Albertus de Brixia Doctor præcipuus, cui reuelata fuit à D. Augustino gloria S. Thomæ illis verbis: *Thomas mihi par est in gloria, virginali præstans munditia*. Hic cum esset apprimè doctus, *Summam de Officio Sacerdotis* valdè vtilem & bonam compilauit, & dies suos in sanctitate vitæ, & commendatione S. Thomæ compleuit. Item Fr. Robertus Holckot Anglicus, qui scripsit.

*Super Librum Sapientie.*

*Super 7. prima Capitula Ec-*

*Item Moralitates pulchras.*

*clesiastici.*

Floruit quoque Fr. Ioannes de S. Geminiano, qui Sermones pulcherrimos conscripsit *de Tempore, tam pro Dominicis, & Ferys Quadragesimæ, quàm etiam de Sanctis, & pro defunctis ad omnem statum*. Item scripsit *Librum de similitudinibus*. Fr. Hugo de Prato composuit *Sermones Dominicales, & Quadragesimales, ac communes pro diuersis solemnitatibus*. Fr. Henricus de Arimino, compilauit egregiè *Summam de quatuor Virtutibus*. Fr. Gratianus de Asculo, qui in *Logica, & Philosophiâ* multa composuit. Fr. etiam Dominicus Gronier de Conuentu Tolosano, Doctor Parisiensis, qui ex Magistro Sacri Palatii creatus fuit Episcopus Appamiensis, in *Diuinæ Scripturæ Commentaria magna* distauit. Circa hæc quoque tempora floruerunt Fr. Bartholomæus, & Fr. Raynerius uterque Pisanus, quorū primus *Summam Pisanam*, & nonnulla alia volumina, alter verò *Summam magnam Theologiæ*, compilauerunt.

Tempore dicti Berengarij Magistri Ordinis, obiit Florentini Anno 1314. B. Iacobus Salomonius Venetus annum ætatis agens 83. Hic dum viueret, multis virtutibus, & gratijs adornatus, omnibus exemplar sanctitatis fuit: post mortem verò magnificis continuè miraculis.



coruscavit, & coruscat. Hunc secuta est ad gloriam. Anno 1317. B. Agnes de Monte Politiano, Virgo Deo dilectissima, miraculis innumeris effulgens. Cuius corpus Venerabile aliquando liquorem sudat, valentem ad multorum salutem, qui denotè ad eam accedunt. Corpus eius nunquam sepultum fuit, sed nec humanitè perunctum: sed solo liquore ex se defluente, ita est conseruatum; vt integrum adhuc per omnia perseveret. Huius sanctæ Virginis admirabilem vitam Magister Raymundus de Capua diligenter conscripsit.

Clementis V. Papæ corpore Carpentorati sepulto, postquam Apostolica Sedes annis duobus, & ultra suo viduata Pastore mansisset, tandem Anno 1316. eligitur, & consecratur in Conuentu Lugdunensi Fratrum Prædicatorum Ioannes Papa XXII. seditque annis 18. mensibus tribus, diebus 28.

Bienno post hanc Pontificis electionem, secuta est electio Frægis Heruei Nalalis Armorici Britanni, in XIV. Magistrum Generalem Ordinis, in Capitulo Lugdunensi Anno 1318. Fuit Herueus dum assumeretur ad Generalatum Vicarius Generalis Ordinis, Prouincialisq; Franciæ: eratque præstantissimi ingenij vir, Doctor Parisiensis, communique voce omnium sui temporis sapientissimus habebatur. Multa subtiliter scripsit tam in Physicis, quàm in Theologicis, doctrinam D. Thomæ accerimè propugnando contrà Henricum Gandauensem, & Durandum. Scripsit proinde.

|  |                                       |
|--|---------------------------------------|
| <i>Super 4. libros Sententiarum.</i>             | <i>De aternitate Mundi.</i>           |
| <i>Super 8. Quodlibeta.</i>                      | <i>De cognitione primi principij.</i> |
| <i>De Verbo.</i>                                 | <i>De Virtutibus Moralibus.</i>       |
| <i>De peccato Originali.</i>                     | <i>De secundis intentionibus.</i>     |
| <i>De Beatitudine.</i>                           | <i>De Sacramentis.</i>                |
| <i>De ordine secundæ intentionis ad primam.</i>  | <i>De Potestate Papæ.</i>             |
| <i>De paupertate Christi, &amp; Apostolorum.</i> |                                       |

& plura alia Opuscula . Eodem tempore scripsit etiam Fr. Durandus senior Tractatus diuersos . Duos *Super Sententias* , & duo *Quodlibeta* . Item Tractatum contra Ioannem XXII. Papam , de *Visione Diuinæ essentie* . Aderant quoque his temporibus , & alij Scriptores , videlicet : Fr. Nicolaus Triuet Anglus , qui scripsit *super Boetium de Consolatione* . *Super Declamationes Senecæ* . & *super Augustinum de Ciuitate Dei* . Fr. Paganus scripsit .

*Posillas super Pentatheu-*      *Super Parabolas, Ecclesiasten,*  
*cum .*      *& Cantica .*

*Super Ruth .*

*Super 4. Prophetas maiores.*

*Super Regum .*

*Super Nebemiam .*

*Super Iosue .*

*Super Iob .*

*Super Iudicum .*

*Super Librum Sapientie .*

*Super Paralipomenon .*

*Super Psalterium .*

*Super Esdram .*

*Super Euangelia .*

*Super Tobiam .*

*Super Apocalypsim .*

Circa hæc tempora , felicissimè in cælum euolauit B. Margarita de Castello Virgo Tertiaria Ordinis nostri : quæ innumeris à Deo affecta beneficijs , miraculisque clarissima , migravit è vita Anno 1320. die xiiij. April. ætatis suæ anno 33. Cuius corpus adhuc integrum , & incorruptum in eadem Ciuitate apud FF. Prædicatores , cunctis visendum patentèr ostenditur .

Contigit autem Anno 1323. die 29. Iulij , vt S. Thomas Aquinas procurante idipsum Magistro Generali Herueo , à Ioanne XXII. Pontifice inter Sanctos repone-  
retur , annis 50. à suo obitu : peracto solempni Canoniza-  
tionis ritu in Ecclesia Cathedrali Auenionensi . Assisten-  
tibus huic functioni Rege & Regina Franciæ , & Rege Si-  
ciliæ . Quamprimum enim prædictus Pontifex famam ,  
miraculorum , vitæ , & doctrinæ S. Thomæ subaudiuit ,  
deputauit solemnes Inquisitores , qui inquirerent de præ-  
dictorum veritate : omnibusque canonicè probatis , de  
Prælatorum omnium tunc in Curia existentium consilio  
& assensu , cum Sanctorum Confessorum Cathalogoad-

scripsit. In die Canonizationis ipsius prædicauit primò D. Papa Ioannes XXII. in Palatio suo, assumpto Themate: *Scitote quoniam mirificauit Dominus Sanctum suum*; & in eo mirabiles commendationes dixit, tam de Ordine, quàm de ipso S. Doctore. Inter alia propalauit hoc, quòd S. Thomas, in Ordine nostro gesserat vitam Apostolorum, quòs Ordo nihil habet in proprio, licet habeat, & uiuat in communi: subiunxitque, quòd credebatur istam esse vitam Apostolorum; & quòd nullus haberet pro malo, quod iste S. Doctor post Apostolos, & Doctores primos, plus illuminauit Ecclesiam Dei.

Postmodum prædicauit Fr. Petrus Grateri. Tertio loco Rex Siciliæ. Quarto loco prædicauit Archiepiscopus Capuanus vir excellentissimus. Quinto loco alius quidam Episcopus. Sexto prædicauit Archiepiscopus Arelatensis. Septimo Episcopus Vintoniensis. Octauo loco prædicauit Episcopus Londonensis de Ordine Minorum. Hi Sermones facti fuerunt Idibus Iulij: Postea dictus Pontifex xiv. Kalend. Augusti; in Festo S. Alexij, Missa cantata, eloquenti Panegyri S. Thomam laudauit, ab hoc Themate exorsus. *Magnus es tu, & faciens mirabilia*: Et tunc ultro per Reges, Reginam, Comitumque S. Seuerini festa sunt celebrata, apparatu permagnifico, confluentibus velut agmine facto Religiosis, Prælati, Principibus ad Conuentum Prædicatorum.

Interea Magister Generalis Herueus disfluebat præ gaudio, videns lucernam positam super candelabrum Ecclesiæ: illudque Simeonis sæpius ingeminabat. *Nunc dimittis Domine seruum tuum in pace, quia uiderent oculi mei salutare tuum*. Compleuitque Deus desideria eius, nam post paucos dies, nempe 10. Augusti eiusdem anni fatis cessit Narbonæ, florenti adhuc ætate, postquam præfuisset Religioni annis quinque, & mensibus tribus.

Anno sequenti Canonizationem S. Thomæ Aquinatis, D. Stephanus Episcopus Parisiensis, de consilio Episcoporum, & Archiepiscoporum, ac 23. Magistrorum in

Theologia, & 29. Baccalaureorum, quosdam Articulos, qui videbantur tangere doctrinam S. Thomæ condemnatos per Vniuersitatem Parisiensem, per litteras publicas retractauit. Immò in Indice Librorum prohibitorum Concilij Tridentini, reperitur Littera L. *Liber continens errores damnatos à facultate Parisiensi, contra doctrinam D. Thomæ.* Hæ autem litteræ Episcopales reuocatorię, in Festo S. Thomæ coram Vniuersitate per sermonem publicatæ fuerunt, cum omnium gaudio, & lætitia, ad laudem saluatoris.

## C A P V T XII.

*De Fratre Barnaba Vercellensi XV. Ordinis  
Generali: alijsque septem Magistris, in  
Officio Generalatus eidem  
succedentibus.*

**A**Nno Domini 1324. in Capitulo Generali Burdigalensi, electus est in Magistrum Ordinis XV. Frater Barnabas de Vercellis, Prouincialis Lombardiæ superioris. Qui Doctor famosus existens in Iure Canonico Ordinem intrauit, in eoque multis annis docuit. Erat vir aspectu venerandus, affabilis auditu, gestu humilis, in obseruantia assiduus, in gratijs concedendis sat liberalis. Annis septem, totidem mensibus Ordinem rexit laudabiliter, minùs tamen feliciter: nam sub eo persecutiones multas, & malas passus est Ordo à Ludouico Bauaro, hoste Ecclesiæ. Sed & ipse Barnabas Generalis, pati debuit indignationem Pontificis Ioannis XXII. qui eidem reditum ex Hispania in Italiam omninò interdixit. Quo exilio dum summo perè affligeretur, reuersus in Gallias, Parisijs quicuit in pace Anno 1333. ibidem sepultus. Celebratis tempore sui Generalatus septem Capitulis Generalibus.



Accessit Ordini nostro sub Generalatu Barnabæ Vercellensis vnus Cardinalis , à præfato Pontifice Ioanne XXII. creatus Fr. Matthæus Vrsinus Romanus S. Theologiæ Magister: qui cùm priùs fuisset Prouincialis Romanus , factus fuit postea Episcopus Agrigentinus, tandem Archiepiscopus Sipontinus , ac vltimò Presbyter Cardinalis tituli SS. Ioannis , & Pauli , ac Episcopus Sabinenſis renunciatus fuit, Anno 1327. die 18. Septembris. Obijt Auenione Anno 1340. xv. Kalend. Septembris Corpus Romam relatum, in Ecclesia S. Mariæ super Mineruam conditum est.

Anno 1333. sedente adhuc Ioanne XXII. Pontifice , in Capitulo Generali apud Diuinionem in Gallia congregato , assumptus est in Magistrum Ordinis XVI. Frater Hugo de Vansleman Campanus , natione Gallus , Doctor Parisiensis , Prouincialis Franciæ , ac Ordinis Vicarius . Gubernauit Ordinem annis octo , & vltra , difficillimis sanè temporibus , totidemque Generalia Capitula celebrauit . Obijt Auenione Anno 1341. post Festum S. Dominici, dum apud Curiam moraretur pro sedandis grauiſſimis procellis, quibus Ordo noster agitabatur . Interea Ioannes Pontifex breui se moriturum sentiens , suam doctrinam de animabus separatis non videntibus clarè Diuinam essentiam ante expectationem nouissimi Iudicii, retraſtauit : totumque correctioni S. Romanæ Ecclesiæ subiecit . Mortuus Anno 1334. nonagenario maior.

Defuncto Ioanne Pontifice , successit in locum illius Benedictus XII. ex Ordine Cisterciensium, electus Auenione in Conuentu Prædicatorum Anno 1334. xiiij. Kal. Ianuarij. Seditque annis septem, mensibus 4. diebus 6. Viuebat hac ætate Fr. Venturinus de Bergamo Prædicator excellentissimus , qui fructum mirabilem per totam Italiam fecit : adeò , vt innumeras paces fecerit inter capitales inimicos . Et licet iniuste multas tribulationes patienter sustinuerit , ex suspitionibus Benedicti

Papæ; consolatus tamen ab eius successore Clemente VI. sanctissimè obiit in Nigroponte, seu Euboea Insula, in Ecclesiastico exercitu contra Turcas. Eius quoque præcipuè meritis, exemplis, prædicationibus, & miraculis motus creditur ad renunciandum mundo, & Religionem nostram amplectendam Princeps Delphinatus Imbertus: qui ea conditione inter ceteras Principatum suum cessit Regi Franciæ, vt deinceps Regni primogenitus Delphinus diceretur.

Sub Generalatu Hugonis Anno 1340. translatum est Corpus S. Petri Martyris in arcam pretiosiorè, sumptus exhibente Rege Cypri: præsentibus Archiepiscopo Mediolanensi, Ioanne de Vicecomitibus, ac tota nobilitate: nec defuere miracula ad inuocationè gloriosi Martyris.

Paulò ante hæc tempora Anno videlicet 1339. ex hoc sæculo migravit B. Maria de Veneris Terciana, virtutibus ac bonis operibus locupletissima.

Benedicto XII. Pontifice ex hac vita migrante, paucis mortem eius desilentibus, iterum Cardinales in nostro Auenionensi Conuentu pro Conclauis reclusi, ad Pontificatus gloriam deportauere Anno 1342. ix. Maij, Fratrem Petrum Rogerij, Monachum Benedictinum, qui nomen Clementis VI. sibi assumpsit. Sedijt annis 10. mensibus 7.

Eodem anno, & mense electus est in Magistrum Ordinis XVII. in Capitulo Generali apud Carcassonam Frater Gerardus de Adaumario, Prouinciæ Tolosanæ, Magister in Theologia, & Clementis VI. Pontificis ex sorore nepos, vir non minùs doctus, quàm Religiosus. Vix tribus mensibus præfuit Ordini, nam mense Septembri eiusdem anni assumptus est à dicto Pontifice suo Auunculo ad Cardinalatum tituli S. Sabinæ: in qua dignitate duobus tantùm annis superuixit, sepultus Auenione apud Fratres suos, vbi & è viuis abiit.

Anno sequenti 1343. in Capitulo Generali Parisijs congregato, electus fuit in Magistrum Ordinis XVIII.

Frater Petrus de Palma, natione Gallus, Patria Bisuntinus, Magister Theologiæ, Prouincialis Franciæ, atque Ordinis Vicarius; vir Religionis zelo, prudentiæque virtute præditus. Biennio suscepti muneris necdum peracto, moritur Parisijs Kalend. Martij 1345.

Frater Guarinus de Giaco Campanus, Doctor Parisiensis, Prouincialis Franciæ, atq; Ordinis Vicarius, eligitur in Magistrum Ordinis XIX. in Capitulo Generali apud Briuam Anno 1346. celebrato. Hic vix biennio, & duobus mensibus Ordinem rexit, nam anno 1348. in Conuentu Montis Pefulani decessit, peste percussus, quæ per totam Europam sæuissimè grassabatur, prout 30. annis ante prædixerat P. Robertus Dominus Auenionensis vti supra dictum est, ad finem Capitis 9.

Anno 1349. electus est in Capitulo Generali Barcinonensi, in Magistrum Ordinis XX. Frater Ioannes de Molendinis Lemonicensis, Sac. Palatij Apostolici Magister, vir doctrinæ, dono prædicationis, aliisque virtutibus ornatissimus. Hic biennio in Generalatus Officio necdum exaeto, renunciatus est Presbyter Cardinalis tituli S. Sabinæ, ab eodem Clemente VI. in qua dignitate vixit vsque ad annum 1353. quo mortuus est Auenione die 23. Februarij, sepultus apud Fratres suos. Edidit complures *de Tempore, Sanctisque* sermones; & Librum *de Reparatione hominis lapsi*.

Vicarius Ordinis à Clemente VI. Pont. Max. institutus interea fuit, Frater Simon Lingonienfis Doctor Parisiensis, ac Prouincialis Franciæ, quo munere defungebatur, vsque ad annum 1352. Quo anno, dum Capitulum Generale apud Castras congregaretur, idem ipse, Simon Lingonienfis vnanimiter in Magistrum Ordinis XXI. acclamatus est. Erat etenim vir doctissimus, tantum eloquentia, rerumque experientia præstans; vt communi elogio *Piscator hominum*, seu alter Simon Petrus diceretur. Hic annis 13. cum dimidio Magistrum tenuit, singulis annis Capitula Generalia in diuersis Pro-

uincijs intimando. Factus deinde Ecclesiæ Nannatensis Episcopus, illamque annis duodecim prudentissime gubernans, meritis tandem cumulatus superos adiit, Anno 1375. in nostro Templo Nanneti tumulatus.

Tempore sui Generalatus dictus Simon Magister, duorum Summorum Pontificum electionem aspexit. Prima fuit Anno 1352. xv. Kal. Ianuarij, qua die post mortem Clementis VI. euectus est ad Summum Pontificatum Innocentius VI. Seditque annis 9. mensibus 8. diebus 26. Altera electio peracta est in Anno Domini 1362. v. Kal. Octobr. vbi electus est in Pontificem Maximum Urbanus V. Monachus Cluniacensis, absens, & extra Collegium Cardinalium. Seditque annis 7. mensibus 2. & 24. diebus.

Vterque hic Pontifex, Ordinis nostri amantissimus fuit. Primus S. Thomam Aquinatem Salomoni prætulit, hoc addens in commendationem doctrinæ illius, *ut nunquam qui eam tenuit, inueniatur à Veritatis tramite deuiasse: & qui eam impugnauerit, semper fuerit de veritate suspectus.* Alter Pontifex Urbanus V. mandauit corpus S. Thomæ Aquinatis, quod 75. annis sub deposito in Monasterio Fossæ nouæ iacuerat, ad Conuentum Tolosanum Ordinis Prædicatorum transferri: quod quidem magnis, & multiplicibus corruscans miraculis, cum magna solemnitate translatum est Anno 1369. Innocentius VI. Pontifex in signum suæ in nos propensionis, in secunda Creatione Anno 1356. Purpura Cardinalitia superuestitiuit F. Nicolaum Roselli Hispanum, olim Prouincialem Aragoniæ, eiusdemque Regni Inquisitorem. In qua dignitate annis 5. superuixit, sepultus Maioricis in Ecclesia Prædicatorum. Urbanus quoque Papa V. Prædecessoris sui erga nos amorem imitatus, prima Creatione creauit Cardinalem Anno 1366. die 18. Septembris Fr. Guilhelmu[m] Sudre Gallum Lemouicentem, prius S. Palatii Apostolici Magistrum, deinde Episcopum Massiliensem; qui in Cardinalatu, & insuper Episcopatu Ostiensi, & Veliterno, superuixit vsque ad annum



1373. sepultus Auinione inter suos Fratres. Scripsit nonnulla de *Mysterijs S. Crucis*. *Epistolas plures in Causa Fidei*, & *quedam pertinentia ad Logica subtilitatem*.

Sub Generalatu Simonis Lingonienfis floruerunt plures viri sanctitate, ac doctrina præstantes. Quorum primus B. Hêricus Suso, cuius corpus quiescit in Ecclesia Vlmensi in Germania. Fr. Ioannes Thaulerus Teutonicus, cuius opera spirant diuinitatem. Alter Henricus de Erfordia Mindensis, Prouinciæ Saxonix, qui scripsit *Chronicon gloriosum* ab origine mundi, vsque ad annum 1352. in quatuor magnis voluminibus. Item scripsit *Catenam Auream* in pulchro volumine. Item *Traëtatum de Conceptione Virginis gloriosa*, & alia multa.

Floruit etiam hac ætate Sacratissima, & admirabilis Virgo Catharina de Senis, Tertij Ordinis *de Pænitentia S. P. Dominici*. Cuius excellentissima vita, & doctrina profundissima, eam multipliciter commendant. Hæc obiit Anno 1380. ætatis suæ tertio circiter, & trigesimo: quam Pius II. Pont. Max. Sanctarum Virginum Cathalogo adscripsit. Vitâ verò illius virtutibus admirandam, B. Raymūdus de Capua Magister Generalis Ordinis descripsit.

Eiusdem instituti cuius erat S. Catharina Senensis, fuisse quàm plurimæ Sorores Deo deuotissimæ, diuersis temporibus, quæ miraculis clauere. Et inprimis in Ciuitate Vrbeuetana, fuisse duæ Virgines gloriosæ, & innocentes: videlicet B. Vanna, & B. Daniela, quæ in vita, & in morte miraculis clauere. In Ciuitate Florentiæ fuit Soror Ioanna nuncupata, vitæ continentix, & miraculis celeberrima. In Ciuitate Pisana fuit Soror Pina, eximix pietatis, & conuersationis sanctissimæ. In Ciuitate Senarum est alia Soror Catharina, magne virtutis adolescentula, quæ iacet in Ecclesia Campi Regy in Capella S. Dominici.

Anno Domini 1367. in Capitulo Generali Auenionensi electus est in Magistrum Ordinis XXII. Fr. Elias Tolosanus Petragoricensis, Magister in Theologia, qui primus  
fuit

fuit Romanæ Curia Pœnitentiarius, deinde Procurator ac Vicarius Generalis Ordinis. Vir doctrinæ pariter, ac solertiæ singularis, zelo ardens Religionis, cum non modico vtilitatis, & gloriæ obuentu. Hic Religioni iura dedit annis 13. si autem etiam numeretur tempus, quo in Schismate aliquas Prouincias Elias sustinuit, præfuit Ordini annis 23.

Mortuo Vrbanò Papa V. post reditum in Gallias ex Italia, electus est Auenione in Pontif. Max. Gregorius XI. natione Prouincialis, Anno 1370. iij. Kal. Ianuarij, Sedit annis 7. mensibus 2. diebus 29. Hic Diuina reuelatione, per B. Virginem Catharinam Senensem sibi facta (vt iam supra insinuauimus) Curiam à tempore Clementis V. ad illam vsque diem, spatio 70. annorum ultra montes detentam, Romam reduxit. Hoc tempore Florentini suis machinationibus pessimis, fecerunt rebelare omnes terras Ecclesiæ ab obedientia Pontificis, & bona omnium Ecclesiarum sui potentatus immobilia abstulerunt, & vendiderunt; vt contrà Ecclesiam dimicaret. Propter quod graui anathemate à Papa Gregorio fuerunt innodati, & diuinis interdicti.

Huic pientissimo Pontifici è viuis sublato Anno 1378. Eodem anno successit in Pontificatum Urbanus VI. Seditque annis ij. mensibus 6. diebus 7. Hic Pontifex cum Cardinales Gallos, & Ultramontanos malis moribus asuetos corriperet, ab eis derelictus est: vnde elegerunt alium Antipapam, quem Clementem VII. appellauerunt. Et sic factum fuit schisma in Ecclesia Dei omnium pessimum, quod durauit annis 52. sub quatuor Summis Pontificibus. Hoc schisma tunc desæuiens, scissa Ecclesiæ pulchra vnitatem, fuit occasio, vt & Ordo Prædicatorum, (aliorum Ordinum exemplo) bifariam diuideretur: cuius vna pars Fr. Raymundum Capuanum Magistrum Generalem sibi delegerat, cum eoque Urbano Pontifici adhærebat; vtpotè Italia, Germania, Anglia, Portugalia, Hybernica, Dacia, Polonia, Bohemia, & Vngaria; sola

ſola Hispania , & Gallia cum Magiſtro Elia Tolofano ,  
Clementis VII. partium erat .

Et tunc Vrbanus Papa VI. prima Creatione Anno 1378.  
duos Cardinales ex Ordine noſtro creauit . Primum ,  
tituli S. Cyriaci in Thermis , Fr. Nicolaum Miſquinum  
è Caracciola nobiliſſima Neapolitani Regni familia. Qui  
ab ineunte ætate Sacrum Prædicatorum Ordinem pro-  
feſſus , in pietate , & eruditione mirum in modum profe-  
cit . Sacræ Theologiæ Magiſter , Inquiſitor Generalis  
Regni Neapolitani ſenunciatus , ſtrenuam nauauit ope-  
ram pro Romana Eccleſia , vt illam à ſchiſmate libera-  
ret . Meſſanenſis Archiepiſcopus , Presbyter Cardinalis  
tituli S. Cyriaci factus , multas geſſit Legationes . Romę  
è vita exceſſit iv. Kal. Auguſti, Anno 1389. ſepultus in  
æde S. Mariæ ſuper Mineruam . A nonnullis beatus poſt  
mortem nuncupatus fuit . Scripſit *Summam de Pæniten-  
tia* . eumque Sacrarum Litterarum Interpretem nominat  
Leandes Albertus , de Viris illuſtribus Ordinis noſtri .

Alterum ex Ordine Prædicatorum Cardinalium Col-  
legio , ſub titulo Sſ. Gabini , & Suſannæ , Vrbanus Papa  
VI. adſcripſit , Fr. Philippum Gezza de Ruſinis ( non de  
Vrſinis ) . Hic dum eſſet Legatus Urbani Papæ VI. di-  
fertiffimè concionando , populos in Italia in fide Ponti-  
ficis nutantes , retinuit . Scripſit in *Libros Phyſicorum Ari-  
ſtotelis* . Ad Superos euolauit Anno 1384. ſepultus humi-  
li loco ad S. Sabinam in Eccleſia FF. Prædicatorum , abſ-  
que vlla ſepulchrali inſcriptione .

## C A P V T XIII.

*De B. Raymundo de Capua, XXIII. Ordinis  
Generali ; alijsque tribus Magiſtris ; in Of-  
ficio Generalatus eidem ſuccedentibus .*

**C**vm defeciſſet Magiſter Elias Tolofanus ( vt dictum  
eſt ) ab obedientia Urbani Pontificis , conuenienti-  
bus

bus ad Capitulum Bononiense PP. illarum Prouinciarum  
quæ à Generali Elia defecerant: electus fuit in Magistrum  
Ordinis XXIII. Anno 1380. Fr. Raymundus de Vineis  
Capuanus, Magister in Theologia; vir sanctus, & eru-  
ditus, qui fuit S. Catharinæ Senensis Confessarius celsus  
designatus. Hic statim facta sui electione manum misit  
ad lapsi Ordinis reformationem: cepitque reformare  
Consentum S. Dominici Venetiarum, & consequenter  
eodem modo Lombardiam, Tusciam, Siciliam, Trina-  
criam, Holandiam, Vngariam, Clemaniam, Hispa-  
niam, & Franciam ipse reformauit. Rexit Ordinem  
annis 19. Capitula tamen Generalia non nisi quinque ce-  
lebrauit: tandem totus senio contractus, migravit in  
cælum in Conuentu Nuringensi, in Germania  
Anno 1399.

Post Vrbanum Papā VI. electus est in Pont. Max. Anno  
Domini 1389. iv. Nonas Nouembris, Bonifacius IX. Se-  
ditque annis 14. mensibus 2. Huius anno Pontificatus  
xi. Domini verò 1401. electus fuit vnanimiter in Capi-  
tulo Generali Vtini, in Magistrū Ordinis XXIV. F. Tho-  
mas de Firmo, S. Theologiæ Doctor; vir summæ pruden-  
tiæ, & in regulari obseruantia enutritus. Moderatus est  
Ordinem annis 13. aliquibus Generalibus Capitulis in-  
timatis. Multa præterea Priuilegia Ordini à Bonifacio  
Papa IX. obtinuit, voluitque, quod Prouincia Lombar-  
diæ inferioris nominaretur Prouincia S. Dominici, supe-  
rioris verò S. Petri Martyris; & hoc fuit per tria Capitu-  
la approbatum. Denique Magister Thomas absoluto  
Ianuæ Capitulo, ibidem perpetuò quieuit Anno 1413.  
fluctuante adhuc Ecclesia.

Hoc tempore claruit Sanctissimus Pater B. Vincentius  
Ferrerius Valentinus, Ordinis nostri, vir eximie scien-  
tiæ, vitæ sincerissimæ, Apostolico spiritu plenus, à Deo-  
que pro Gentium, ac peccatorum conuersione in mun-  
dum missus. Hic per annos 40. quotidie prædicauit,  
celebrauit, & alia præclarissima opera fecit. Ex cunis  
prædi-



prædicatione, quòd 25. millia Iudæorum, & 8. millia Saracenorum, ad Fidem Catholicam fuerint conuersa; verissimè comprobatum fuit. Insuper vltra 100. millia hominum peruersorum, & desperatorum, ac publicorum peccatorum, ad vitam bonam venerunt. Inter cætera Apostolorum dona quæ habuit, linguarum gratiam habere promeruit: nam prædicans in suo idiomate Cathalano, ab omnibus quarumcunque linguarum intelligebatur. Migravit ad Christum, quem futurum Iudicem prædicauit, Venetijs In Britania Anno 1419.

Anno Domini 1404. xvi. Kalend. Nouembris, electus est in Papam Innocentius VII. non minori, quàm Prædecessor suus charitate in Fratres Prædicatores exestuans: qui Tertium Ordinem Fratrum, & Sororum de *Panitentia S. Dominici*, necnon eorum Regulam, seu viuendi Formulam, quam prius Generalis Munio præscripserat, denuò confirmauit: instante Fratre Thoma Senensi, qui magna sanctitatis opinione obiit Venetijs. Sedit hic Pontifex annis duobus, & diebus 21. Eius tempore claruit Foroliuy D. Marcolinus, vir eximie sanctitatis, & miraculorum gratia insignis.

Anno 1406. electus fuit in Papam Gregorius XII. natione Venetus, vir eximie sanctitatis. Sed postea Papatui spontè renunciavit in Concilio Constantiensi, propter vnionem Ecclesiæ faciendam. Hic Pontifex in prima Cregatione fecit Cardinalem, tituli S. Xisti Fr. Ioannem Dominici de Florentia, Archiepiscopum Ragusinum, Ordinis nostri, qui peracta Legatione tùm ad Sigismundum Imperatorem, tùm ad Constantiense Concilium, in quo in persona Gregorij Papæ, cessionem Pontificatus coram Patribus executus est; obiit Budæ in Conuentu nostro S. Pauli primi Eremitæ Anno 1420. scripsit.

*Commentarios in Ecclesiasticum.*

*In Cantica Canticorum.*

*In Euangelium S. Matthæi.*

*Notationes super Magnificat.*

*In Epistolam D. Pauli ad Librum de Possessionibus.  
Romanos. Itinerarium deuotionis.  
De Amore Charitatis. Et Sermones de Sanctis.,  
Sermones Quadragesimales.*

Anno Domini 1409. conuenerunt Cardinales duorum Pontificum Gregorij scilicet, & Benedicti XII. & facto Consilio Pisius, elegerunt in Papam Alexandrum V. qui Ordinem Minorum professus, prius Magister in Theologia famosissimus, deinde Cardinalis, & Archiepiscopus Mediolanensis fuit. Sed & Mensibus 10. diebus octo, obiitque ætatis suæ Anno 71. sepultus Bononiæ in Conuentu S. Francisci. Hic gloriosum Priuilegium Fratribus Mendicantibus concessit, quod incipit: *Regnans in excelsis &c.* quale nimio zelo Parisienses, & alij in Concilio Constantiensi impugnare voluerunt, sed minimè potuerunt: cæpitque hoc Pontifice cooperante Schisma in Ordine diminui, dum non solum Generalem Thomam de Firmino in Magistrum Ordinis confirmavit, sed etiam datis Apostolicis litteris, & in Capitulo Bononiensi publicatis, demandauit; ut illi soli omnes obediant, & subijciantur.

Successit Alexandro V. in Pontificatû Ioannes XXIII. antea vocatus Balthasar Cossa. Hic electus Bononiæ Anno 1410. xvj. Kalend. Iunij, sedit annis quinque, diebus 15. Concilium Constantiense ille indixit, in Ciuitate Constantiæ apud Rhenum, in Moguntina Germaniæ Prouincia: in eoque Concilio è Pontificatu depositus, & primo in Castro Cellis, deindè in Gellobes per triennium reclusus, ac sequestratus fuit.

Sub tempus triennalis Sedis Apostolicæ vacationis, post depositionem iam dicti Ioannis XXIII. electus fuit in Magistrum Ordinis XXV. in Capitulo Generali Florentino, celebrato Anno 1414. Fr. Leonardus de Datis Florentinus, primò Bononiæ Inquisitor, dein Prouincialis Romanus, Procurator Generalis, S. Palatii Apostolici Magister, insuper Ordinis Vicarius. Hic adfuit:

Con-

Concilio Constantiensi, fuitque vnus ex Electoribus constitutus; & suffragium tulit pro Martino III. Pontifice (de quo mox dicetur) ab eoque incomparabilia pro Ordine Præuilegia suscepit. Præfuit Ordini annis 10. & ultra, celebratisque sui regiminis tempore quatuor Generalibus Capitulis, obiit Florentiæ Anno 1426. xviij. Kalend. April. Nondum accepta eius obitus relatione Martinus III. Papa, eodem anno quo obiit, die 23. Iunij, eum Presbyterum Cardinalem declarauit: verum Nuntij à Summo Pontifice Florentiam missi, hominem quem de sua promotione ad Cardinalatum certiore reddere voluerunt, fatis cessisse inuenerunt.

Eius tempore claruit Doctissimus Fr. Ioannes Capreolus Tolosanus, qui scripsit super 4. *Libros Sententiarum* egregiè in defensionem doctrinæ S. Thomæ, contra eam impugnantes. Item Franciscus de Rethia, in Vniuersitate Viennensi suprâ annos 12. Sacræ Scripturæ Lector: de Beatissima Virgine plurima volumina congestit, reiterando, & semper applicando illud thema: *Primi, & purissimi fructus eius*. Scripsit etiam super *Salue Regina* integrum volumen, & multa alia.

Claruit etiam hoc tempore Fr. Iacobus de Sufato Magister, Conuentus Coloniensis, ibidem Inquisitor contra hæreticos, qui scripsit.

|  |  |
|--|--|
| <i>Quatuor Libros Sententiarum ad litteram.</i>    | <i>Super Librum Sapientiæ.</i>             |
| <i>Super Epistolâ ad Hebræos.</i>                  | <i>Super Matthæum tria volumina.</i>       |
| <i>Super Epistolam ad Titum.</i>                   | <i>Super Missam vnum volumen.</i>          |
| <i>De Veritate Conceptionis B. Mariæ Virginis.</i> | <i>De origine, &amp; unitate Ecclesiæ.</i> |
| <i>De hora mortis Christi.</i>                     | <i>Item Chronicam vnâ.</i>                 |
| <i>Mappam Mundi.</i>                               | <i>Distinctiones pro arte colligendi.</i>  |
| <i>Collationes breues, &amp; Latinos sermones.</i> |  |

Coordinauit etiam *Præuilegia Ordinis, cum defensione eorundem*: combinauitque *Chronicon breue Ordinis, ex quo*

pro maiori parte illa, quæ hic habentur excerpta sunt.  
 Hoc eodem tempore facta est diuifio Prouinciarum al-  
 quarum Ordinis, ſcilicet, ampla Prouincia Hispania  
 diuifa fuit in Prouinciam Hispaniæ, & S. Iacobi Portu-  
 galix: assignatis cuilibet illarum proprijs Conuentibus  
 contentis in Bulla diuifionis Prouinciæ Hispaniæ, data  
 in Concilio Constantienſi, anno primo Pontificatus  
 Martini III.

Qui præfatus Pontifex Martinus, natione Romanus,  
 ex nobiliſſima Columnenſium familia Anno 1417. ter-  
 tio Idus Nouembris vnanimiter in Pontificem accla-  
 matus fuit; renunciante Pontificatui Gregorio III. a  
 pro Legato Marchiæ declarato: abſolutiſque per Con-  
 cilium Ioanne XXIII. (vt iam ſupra diximus) & Bene-  
 dicto XII. tamquam ſcandalizantibus Dei Eccleſiam.  
 Hic ſedit annis 13. menſibus tribus, diebus 10. Creauit  
 Cardinalem ex Ordine Prædicatorum Fratrem Ioannem  
 Caſanoua Aragonenſem, Theologum famoſiſſimum, qui  
 primò S. Palatii Magiſter, deindè Epifcopus Boſanus  
 & Eluenſis, ac tandem in Purpatorum cætum translatus  
 fuit cum titulo S. Xyſti: quanquam pileum rubrum non  
 receperit, niſi ab Eugenio IV. Martini Papæ ſucceſſore.  
 Scripſit, *de Poteſtate Papæ ſuprà Concilium.* & alia multa  
 in S. Theologia. Exceſſit è viuſ. Anno 1434. Barce-  
 nonæ ſepultus.

Anno Domini 1426. in Capitulo Generali Bononi-  
 ſi, abſens per compromiſſum aſſumptus fuit in Magi-  
 ſtrum Ordinis XXVI. Frater Bartholomæus Texerius  
 natione Gallus, Prouincialis Prouinciæ, Pariſinæ Uni-  
 uerſitatis Doctör, & egregius Concionator. Hic guber-  
 nauit Ordinem annis 24. cum fama ſanctitatis. Conuen-  
 tum Bononiſem alioſque multos in Italia reformauit  
 obtentis multis pro Ordine Priuilegijs; præſertim impe-  
 trauit diſpenſationem à Martino Papa III. quod Fratres  
 habere poſſent poſſeſſiones. Octo Capitula Generalia  
 celebrauit, ac demum in ſenectute bona migrauit ad Do-



minum in Conventu Lugdunensi, Anno 1449.

Defuncto Martino Pontifice; quem luxit totus Christianus Orbis, statim Anno 1434. v. Nonas Martij, eligitur in Pontificem Maximum, Romæ in Sacrario S. Mariæ super Mineruam Ordinis nostri; Eugenius IV. natione Venetus, homo singularis prudentiæ, & religiosissimæ vitæ: sedit annis 15. mensibus 11. diebus 27. Hic Pontifex Ordinem nostrum plurimū dilexit, ac proinde tertia Creatione; Fr. Ioannem de Turrecremata Hispanum S. Theol. Doctorem, ac S. Palatii Magistrum, Presbyterum Cardinalem tituli S. Xisti renunciauit. Erat autem Ioannes infracti semper animi; ita, vt nec precibus, nec minis ab ijs, quæ fidei, quæ veritatis, ac Religionis erant, vnquàm auerti, vel deterreri potuisset. Egrege in Concilio Basiliensi auctoritatem Pontificiam defendit, aliaquæ plura in Ecclesiæ vtilitatem in Concilio Florentino præstitit. Quapropter *Fidei defensor* est appellatus. Templum S. Mariæ super Mineruam testudine, Clastrumque à fundamentis erexit, ac picturis exornauit. In eadem Ecclesia S. Mariæ super Mineruam Societatem Sanctimæ Virginis Annunciatae fundauit, cum copiosissimis redditibus pro Virginibus quotannis sponso terrestri, vel cælesti copulandis: quos ipsimet Pontifices eodem die, in dicta Ecclesia post solemnem Cappellam Pontificiam, in schedula proprijs manibus distribuere non dedignantur. Fuit dictus Ioannes vir doctissimus, scripsit.

*In Gratiani Decreta, volumina 4.*

*De Conceptione Domini, Libros tres.*

*De Corpore Christi contra Bohemorum errores.*

*Contra Ismaelitas.*

*De Animæ Salute.*

*De Pœnitentia.*

*De Consecratione.*

*De Concilijs.*

*De aqua lustrali.*

*Meditationes in vitâ Christi.*

*De Vnitate Græcorum.*

*De Sacramentis Librū vnum.*

*Summam Ecclesiæ libris sex.*

*De authoritate Romane Ec-*

*clesiæ.*

*In Regulam Sancti. Bene-* *Sermones de Tempore, & de*  
*dicti. Sanctis.*

*Pessillam in totius Anni. De Conceptione Deiparæ Li-*  
*Euangelia. bros 13.*

Præterea *Commentaria*, seu *Phrasim breuissimam*, locupletissimam, lucidissimamque; simplici, & aperto sermone ad Pium II. dictatam in omnes *Dauidicos Psalmos*, & alia quedam. Tostati Theologicas quasdam Theses impugnavit. Laudabiliter, ac sanctissime vixit, de Ecclesia bene meritus. Anno ætatis suæ 79. seu octogenario maior, multis gloriosissime functus Legationibus, die 26. Septembris Anno 1468. Romæ in Conuentu S. Mariæ super Mineruam spiritum Deo reddidit; & in Sacello à se constructo sepultus est. Cum in Concilio Florentino egregie disputasset, à Græco Scriptore *Phylosophus Latinorum*, & *Dialectica peritissimus* appellatur. Nemini unquam obrectare visus est: alijs plurimum tribuens, sibi autem nihil arrogans.

Hac etiam ætate floruerunt & alij viri sanctitate, & doctrina clarissimi. Inter quos Magister Ioannes de Monte Nigro, qui publicè in Concilio Florentino disputavit contra Græcos, & eos superavit. Hic multa composuit, & præcipuè *Tractatum de Conceptione B. M. V.* Magister quoque Leonardus de Utino, vir excellentis doctrinæ hoc tempore claruit. Hic composuit *Sermones Dominicales*, & *Quadragesimales* valdè notabiles; & *Sermones aureos de Sanctis*. Fecit etiam alia quamplurima Opuscula tam in Philosophia, quàm in Logica, quæ in suo Conuentu habentur.

Item Frater Ieremias Siculus, qui Bononiæ ad Ordinem receptus est: postmodum ad Siciliam profectus, magnam partem illorum Conuentuum reformauit. Hic pijsissimus Pater, multos doctos, & pulchros Sermones compilauit, & sanctè in Domino obdormiuit. Frater Manfredus excellentissimus, & fructuosissimus Prædicator, & Hæreticæ prauitatis in Germania Inquisitor, vir

Bonus, & sanctus, qui magnum fructum prædicando fecit, & postmodum Romæ sancto sine quieuit. Hoc tempore etiam floruit S. Antoninus Archiepiscopus Florentinus, vir doctus, & Sanctus: qui *Summam* in quatuor partes distinctam compilauit. Insuper *Confessionalia tria*, vnum latinum, & duo vulgaria. Item *Sermones plurimos*, & præcipuè *Chronicon ab initio mundi, usque ad tempora sua*. Miraculis viuens, & post mortem conspicuus, Sanctorum numero adscriptus est ab Adriano Papa VI. Anno Domini 1523.

## C A P V T XIV.

*De Fratre Petro Roschini XXVII. Ordinis Generali: alijsque octo Magistris, in Officio Generalatus eidem succedentibus.*

**A**Nno Iubilæi 1450. in Capitulo Generali Lugdunensi, electus est in Magistrum Ordinis XXVII. Fr. Petrus Roschinus Gallus Narbonensis, Prouincialis Prouinciæ Prouinciæ, & Vicarius Ordinis. Vir doctrina clarus, sed morte præmatura correptus, nonnisi quindecim dies in Magisterio superuixit.

Illo mortuo electus est Romæ Anno immediate sequenti 1451. in Magistrum Ordinis XXVIII. Fr. Guido Flamocheus Gallus, cum esset Ordinis Procurator & Vicarius. Certè vir singulari prudentia, solertia, & morum elegantia ornatus. Sed & hic infra primum annum suæ promotionis obiit Neapoli in Conuentu S. Dominici, ibique est reconditus.

His duobus Ordinis Magistris, modico tempore in Officio suo viuentibus, successit Fr. Martialis Auribelli Auenionensis, Prouincialis Prouinciæ, & Vicarius Ordinis: electus in Magistrum Ordinis XXIX. in Capitulo Generali Nannetis in Britania Anno 1453. celebrato.

brato. Hic fuit Magister in Theologia doctissimus, ac prudentissimus, & quod maius est, felicissimæ memoriæ. Præfuit Ordini annis octo, multosque Conuentus in Italia, Flandria, & alijs Prouincijs reformat. Tandem à Pio II. Pontifice à Generalatu fuit absolutus, studio quorundam, eius depositionem querentium.

Tempore eius Generalatus, S. Vincentius Ferrerius in SS. Confessorum numerum à Calixto III. Anno 1455. die 29. Iunij relatus est; magno Cleri, ac populi Romani apparatu. Claruit enim S. Vincentius virtutum multitudine, & in vita, & post mortem tanta miraculorum gloria, vt prolatum fuerit, post mortem 28. mortuos suscitasse.

Anno Domini 1447. Pridie Nonas Martij, electus est in Pontificem Maximum Nicolaus V. vir doctissimus, & Ordinis nostri amicus, qui Bononiæ apud nostros Philosophiam, & Theologiam dicerat. Sedit annis 8. diebus 19. Illo mortuo successit in Pontificatu Calixtus III. electus Anno 1455. vj. Idus Aprilis: & cum sedisset annis tribus, mensibus 4. obiit Romæ anno 1458. Eodem anno, xiv. Kalend. Septembr. electus est in Pontificem Pius II. Senensis, qui contra Turcas multa facere tentauit, sed morte præuentus non perfect. Idem Pontifex post diligentem Inquisitionem (vt moris est) factam, B. Catharinam Senensem Sanctorum Cathalog. adscripsit, magna cum solemnitate. Sedit annis sex, minus tribus diebus.

Quarto anno Pontificatus Pij Papæ II. Domini verò 1462. in Capitulo Generali Senis celebrato, electus est in Magistrum Ordinis XXX. Fr. Conradus Astensis Lombardus, S. Theol. Magister, Procurator, & Vicarius Ordinis, vir obseruantia regulari præpollens. Præfuit Ordini annis tribus, postea officio spontè cessit: totusque orationibus, ac studijs deditus, mortuus est in suo Astensi Conuentu Anno 1470.

Hoc tempore orta est Prædicatores inter & Minores  
non



non levis controuersia, de sanguine Christi: nūm videlicet Diuinitas fuerit separata à Christi sanguine in Cruce effuso? Affirmabant Minores innixi authoritati Francisci Mayronij; Prædicatores negabant, adducen-tes rationes, & authoritates SS. Doctorum, & etiam contrariæ opinionis condemnationem, factam in Ecclesia Cathedrali Barcinonensi, de mandato Clementis Papæ VI. Post longum tandem certamen, conclusum est in fauorem Prædicatorum; sed ob euitanda scandala vtrique parti silentium impositum.

Hoc tempore claruit doctissimus vir Fr. Gabriel Casafages Barcinonensis, Bononiæ Regens; qui in dicta controuersia publicè coram Summo Pontifice disputans, maximè inclaruit. Eius coætanei fuerunt Frater Iacobus Brixienfis, S. Theol. Magister, Inquisitor Hæreticæ prauitatis, & Fr. Vercellinus de Vercellis, vir apprime doctus, & eruditus: & hi erant missi à Conuentu Bononiensi, ad faciendam disputationem iam insinuatam. Floruerunt etiam eo tempore Fr. Ioannes de Neapoli Magister, & Fr. Ioannes de Pistoria vterque saniosissimi Prædicatores: quorum prior S. Catharinæ Senensis præconia, posterior verò S. Vincentij miracula prædicando, magnum fructum fecerunt in populis.

Anno Domini 1464. electus est in Pontificem Paulus II. Venetus, seditque annis 6. mensibus 10. diebus 26. Eius Pontificatus anno primo, reassumptus est iterum, ad Generalatum Fr. Martialis Auribelli (de quo supra egimus) in Capitulo Generali Nouariæ 1465. celebrato. Qui post reassumptionem rexit Ordinem annis circiter octo, triaque Capitula Generalia celebrauit. Demum senio & laboribus fractus, obiit Auenione Anno 1473. Circa hæc tempora felici fine quieuit B. Alanus de Rupe, qui collapsum Sanctissimi Rosarij institutum, reparauit, auxit, dilatauit.

Anno Domini 1471. v. Idus Augusti, electus est in Pontificem Sixtus IV. ex Ordine Minorum, seditque  
annis

annis 13. Hic priuilegia Ordinis nostri ampliauit, & gratias multas concessit. Inter alia hic Pontifex *Mare magnum* effudit, & *Bullam Auream*, in qua liberam facultatem concessit, recipiendi, conseruandi, possidendi bona immobilia. Eius Pontificatus anno tertio, electus fuit in Magistrum Ordinis XXXI. in Capitulo Generali Romę celebrato Anno 1474. Fr. Leonardus de Mansuetis Perusinus, S. Palatij Magister, & Vicarius tunc Ordinis; qui cum sexennio exercuisset suam administrationem, Romę obiit. Hic dicitur valde fuisse remissus, maxime in causa Stigmatum S. Catharinę Senensis: quam verē habuisse Stigmata Christi, tam disertē, tamque authenticē declarat, qui eam SS. fastis adscripsit Pius II. Pont. Max. in Hymno Vesperarum Officij à se in honorem ipsius S. Virginis editi.

Anno 1481. electus est in Magistrum Ordinis XXXII. Fr. Saluus Cassetta Panormitanus, S. Palatij Magister, procurante hanc ipsam eius electionem Sixto IV. Pontifice. Hic biennio tantum, & mensibus 4. Ordinem gubernauit: nam iussu Pontificis Legatione in Teutoniā suscepta, omnibusque pro voto Pontificis peractis, Romam reuersus, Purpura donandus, obiit Anno 1483. Dum in Germania Legatione fungeretur, corpus B. Alberti Magni repperit integerrimum post 200. ab eius obitu annos, in loco pulchriori collocauit, Brachiumque ad Pontificem detulit, quod nunc extat in Conuentu Bononiensi.

Saluo ē vita migrante, factus est Magister Ordinis XXXIII. Anno 1484. Fr. Bartholomeus Comatius Bononiensis, Sac. Theol. Magister, & Vicarius tunc Ordinis. Hic mense decimo sui Generalatus Perusij peste sublatus est. Eodem Anno 1484. iv. Kalend. Septembr. electus est in Summum Pontificem Innocentius VIII. seditque annis 7. mensibus 10. diebus 27.

Hoc tempore in Ordine Prædicatorum claruit Magister Iacobus Sprenger, Prouincialis Teutonię, qui post

B. Alanum Britonem Rolarij Instauratorem, incredibili cum vtilitate, idem institutum plurimum dilatauit. Item floruit Fr. Dominicus de Flandria, vir doctissimus, qui super *Metaphysicam Aristotelis* magnum volumen composuit. Scripsit etiam super *Libros Posteriorum, Libros de Anima*, & multa alia. Claruerunt pariter & alij viri doctissimi, videlicet Magister Petrus de Bergamo, vir inter omnes sui temporis doctissimus, qui primus *Tabulam Auream in omnia opera D. Thomae Aquinatis* miro ingenio, & labore contexuit. Dum fuisset multis annis Bononiæ Regens, multos præclaros discipulos reliquit: vtpotè Fr. Bartholomæum Comacium, (de quo supra egimus) Fr. Vincentium Bandellum Generales Ordinis, Fr. Paschasium Hispanum Episcopum Burgensem, Fr. Thomam Brixiensem, Fr. Ambrosium de Alemania, Fr. Paulum Soncinatem, qui quæstiones acutissimas in *Libros Metaphysicæ* composuit, ac plura alia elegantèr dictauit.

Item Magister Franciscus de Neritono, vir sapientissimus ac doctissimus, qui Paduæ plurimis annis docuit, multosque insignes discipulos reliquit: vt D. Cardinalem Dominicum Grimanum Venetum, omnium doctrinarum genere eruditissimum, & D. Antonium Pizamannum Feltrensem Episcopum, aliosque Archiepiscopos, Episcopos, ac Doctores plurimos. Magister etiam Valentinus Camers magnæ scientiæ vir, hoc tempore floruit.

Anno Domini 1486. in Capitulo Generali Veneto, electus est in Magistrum Ordinis XXXIV. Fr. Barnabas Saxonus de Neapoli, Procurator ac Vicarius Ordinis, sed hic vix vnum mensem in officio supervixit. Vnde sequenti Anno 1487. ibidem Venerijs electus mansit in Magistrum Ordinis XXXV. Fr. Ioachimus Turianus Venetus, Prouincialis Lombardiæ, & Ordinis Vicarius, vir Linguæ Græcæ, & Latinæ peritissimus, insignisque Theologus.

Hic pater dulcissimus & humanissimus, in benignitate, & charitate Ordinem gubernauit, annis 13. mensibus duobus, nulli molestus nisi malis, omnibus bonis bonus. Tempore huius Patris, multa officio Diuino sunt addita; & quatuor Octauæ Solemnes institutæ, & memoriæ sanctorum, quæ erant in Calendario, in Festa 3. Lectionum sunt permutatæ. Hic etiam multa bona reliquit officio Generalatus, & Conuentui suo multos libros Græcos, & Latinos magni pretij, ac in ornatum Ecclesiæ perpulchros, annos & precesos. Obijt anno Iubilæi 1500. Romæ, cum magna Ordinis maestitia, qui Patrem Fratrum se amisisse dolebat, & ibidem sepultus quiescit. Huius tempore floruit Magister Vincentius Merlinus Venetus, præclaræ scientiæ vir, qui annis pluribus in Vniuersitate Patauina, summa cum laude Metaphysicam docuit.

Anno Domini 1492. Alexander VI. electus fuit in Papam, & sedit annis 11. Hoc etiam tempore floruit Fr. Thomas Donatus, Venetus origine, & eiusdem Ciuitatis Patriarcha: qui laudabiliter in Ordine annos 44. percurrens, in officio prædicationum, & Prioratum, ac multorum aliorum laborum exercitijs; tandem per annos 12. Patriarchatu non sine magnis curis, & corporis languoribus, ac diuturna cæcitare laudabiliter administrato, migravit à sæculo septuagenarius, toti Clero, ac Ciuitati optimam suæ administrationis famam relinquens.

Claruit quoque hoc tempore R. Pater Fr. Antonius de Brixia, Brixienfis Inquisitor, magnæ prudentiæ vir, qui præclaros sermones à se editos posteritati reliquit. Hic pater prædicationis tuba, per totam Italiam per multos annos gratiosè intonuit, & multorum Conuentuum Prior extitit. Floruit hoc tempore etiam vir præclarissimus, & doctissimus Magister Paulus de Monelia Iannensis: qui cum post Prouincialatum Lombardiæ superioris, S. Palatij Magister effectus, plures annos in



dicto officio cum magna gloria, & omnium Prælatorum Curia gratia peregrisset, per D. Alexandrum VI. Episcopus Chij effectus, in legatione eiusdem Pontificis Budæ in Hungaria ad Dominum deuotissimè migravit.

Hoc etiam tempore floruit sanctissima Virgo Columba, apud Perusium, Tertij Ord. *de Penitentia B. Dominici*, cuius miracula leguntur. Anno 1498. non minori sanctitatis apud multos, & doctrinæ apud omnes opinione floruit Fr. Hieronymus Sauonarola Ferrariensis, qui è Congregatione Lombardiæ, Congregationem Tusciæ, seu S. Marci de Florentia erexerat, ac regularem obseruantiam promouerat. Hic post reformatos mores, & regimen Ciuitatis Florentiæ, facinorosorum rabie, cum duobus, Dominico videlicet & Syluestro, nostri Ordinis Fratribus, in publica platea (sicut ipse prædixerat) crematur, sparsis postea in Arnun amnem eorum cineribus. Multa prædixit futura, complura ad Catholicæ fidei confirmationem, & morum reformationem doctissimè, ac religiosè scripsit. Conciones eius, quæ vel ex ore prædicantis exceptæ, vel ex annotatis ab ipso summatim, & per capita, per alios extensæ fuerunt, apud multos adhuc habentur in pretio; quod contra tepidos quendam ad amorem Dei, & sui contemptum, vitalem spiritum spirare videantur. *Rationalem, Moralem, ac Naturalem Philosophiam* ad compendium exactè, clarissimèque reduxit. Huius opus est, *Liber de Triumpho Crucis*, seu Christianæ fidei. Item *de simplicitate Christiana*, & alia complura. Cuius opera, cum à quibusdam æmulis examinanda ad Pontificem delata fuissent, S. Philippus Neri Ordinis nostri amantissimus, dum pro felici illius negotij in Ecclesia nostra S. Mariæ super Mineruam successu oraret, in extasim raptus, vidit Christum manu sua omnes, qui pro eadem re preces fundebant benedicientem: vnde præ cordis iubilo exclamauit, *Victoria, victoria, exaudita est oratio nostra*. Apud Ferrariam celebris habita est Soror Lucia Narniensis, cuius obtentu Illu-

strissimus Dux Ferrariæ Monasterium solemnissimum  
construxit.

## C A P V T X V.

*De Fratre Vincentio Bandello XXXVI. Or-  
dinis Generali; alijsque tribus Magistris,  
in Officio Generalatus eidem  
succeedentibus.*

**A**Nno Domini 1501. in Capitulo Generali Romæ celebrato, electus fuit vnanimiter & concorditer, nemine discrepante Fr. Vincentius Bändellus de Castro nouo Terdonensis Diœcesis, Lombardus, in Magistrum, Ordinis XXXVI. & Ordinem rexit annis 5. & mensibus duobus. Hic in adolescentia sua Prædicatorum Ordinem ingressus, religiosissimè vixit; ac literis intentus, magnum sapientiæ, & doctrinæ culmen conscendit. Quam cum per 20. annos legendo, disputando, & scribendo, charitatiuè, & sine inuidia communicasset, Cathedram Magistralem summa cum laude Rononiæ est consecutus, ibidem per plures annos Regens existens: quo tempore multos discipulos apprimè eruditos reliquit. Inter quos fuit Ordinis nostri monile præcipuum Fr. Paschasius Hispanus, Episcopus Burgenfis Hispaniæ, vir doctus, sanctus, eleemosynarius, & omni virtute adornatus. Scripsit autem prædictus Pater Generalis, de *Conceptione Beatissima Virginis* tria volumina successi- uè, & *Tractatum de potestate Pape*, & quædam alia, quæ quidem omnia sapientiam eius ostendunt. Item fecit declarationem *super Constitutiones Ordinis*, ex Actis Capitulorum Generalium excerptam, quæ per Capitulum Mediolanense 1505. fuit acceptata, & approbata. Distauit quoque, vt B. Virginis deuotissimus, Officia  
cuius-

eiusdem de Feste Sanctificationis, & de Visitatione eiusdem. Dehinc Prior Bononiæ bis, & totidem vicibus Generalis Vicarius Congregationis Lombardiæ, Prior Mediolani factus, ac Principi, & omnibus curialibus gratissimus, talia non requirens, Diuino nutu Generalis Ordinis, omnibus vnanimitè consentientibus electoribus, electus est. Quo in Magistratu iustitia, rectitudine, & humanitate, subditis mirum in modum satisfecit.

Hic igitur piissimus Pater, post labores diuturnos in Ordine, tam in studendo, quam in legendo, & gubernando toleratos, post visitationem Prouinciarum Romanæ Lombardiæ, Sabaudiæ, Franciæ, Holandiæ, Flandriæ, Hispaniæ, Prouinciæ Prouinciæ, & nouissimè Regni Siciliæ: tandem in Vigilia S. Augustini Anno 1506. in Conuentu Montis alti Calabriæ, septuagenarius migravit ad Dominum, corpus suum Neapoli in Conuentu S. Dominici mandans tumulari.

Fecit duo Capitula Generalia, quibus sanctissimas ordinationes pro vtili Ordinis reformatione statuit: Conuentum Parisiensem, & alios multos, præcipuè autem in Prouincijs Ultramontanis, reformauit. Sub eius etiam Generalatu emanauit Bulla à D. Iulio Papa II. *De temporalitate Prælatorum Ordinis*. Floruit hoc tempore vir doctissimus, Magister Dominicus de Mortario eiusdem Generalis socius, qui posteaquàm per 15. annos, & ultra in Ordine legisset, & multos excellentes discipulos instituisset, Bononiæ plenus virtutibus, & bonis operibus beato fine quieuit.

Anno 1503. Alexandro VI. ex hac luce subtrahito, Pius III. Senen. Pij II. Nepos, electus Summus Pontifex, vixit tantum dies 27. Cui Iulianus de Ruere Cardinalis S. Petri ad Vincula, Sixti IV. ex fratre Nepos successus est, ac Iulius II. vocatus, seditque annis 9. mensibus 3. diebus 21. *Bullam de temporalitate Prælatorum Ordinis* edidit, suggerente Illustris. Cardinali Oliuero Caraffa, nostri Ordinis Protectore. Qui vt magnificus, & Ordinis

dinis amator erat , ita omnem affectum , & operam ad eius impendebat profectum , & Romæ Conuentum . S. Mariæ super Mineruam , ædificijs , & annuis redditibus ornavit .

Anno 1506. die S. Augustini, defuncto Magistro Vincentio Bandello, opera eiusdem Illustrissimi Protectoris Institutus est Vicarius Ordinis F. Ioannes Cloreus Nortmannus, Doctor Parisiensis, qui Christianissimo Francorum Regi Ludouico XII. à confessionibus erat : vir vitæ regularis zelantissimus , & Anno 1507. apud Ticinum , seu Papiam 6. Iunij, Sabbato videlicet post Festum Trinitatis, secundis suffragijs, Magister Ord. XXXVII. electus fuit; magna bonorum expectatione, quòd reformationem Ordinis , quam Parisijs Fratribus , & Pissiaci Monialibus induxerat , in cæteris Conuentibus , ac domibus prosecuturus esset . Quod quidem fecit in Ciuitate Parmensi , Conuentum , ac Monasterium ad regularia instituta reuocando , itidem facturus in reliquis , nisi eodẽ anno in Vigilia Diui Laurentij, ex vrbe à Summo Pontifice reuersum Papiam , mors rapuisset . Tristitiam porrò quam de illius obitu boni conceperant , solata est præstantissimi tam scientia, & prudentia , quàm religione , & charitate præditi viri Fratris Thomæ de Vio, Caietani promotio .

Qui Anno 1508. in Festo Pentecostes, in Generali Capitulo Romæ habito , summo omnium consensu, & gratulatione in Magistrum Ordinis XXXVIII. electus est . Huius viri acutissimum ingenium , ac doctrinæ profunditatem probant , & manifestissimè contestantur scripta per eum doctissimè, tam in humana , quàm in Diuina Philosophia . In librum quippè S. Thomæ , *de Ente, & Essentia* subtilissima Commentaria edidit , adhuc adolescens . Iuuenis verò *Libros Predicabilium, Prædicamentorum, ac Posteriorum, & Libros Aristotelis de Anima* , Commentarijs, & quæstionibus illustrauit . *Summam* deinde *S. Thomæ*, iam vir, & Magister Theologiæ commentatus est .



est. Cùmque in prima partem doctissimus, & admirabilis in speculabilibus haberetur, tam acutè deinde in secundam partem Moralia tractauit, tam copiosè, exactèque Martini de Magistris argutias, & ratiocinationes enucleat, refellit, elidit; vt nescias in qua parte eum magis admireris. Iam grandior natu, & à Leone X. inter Cardinales renunciatus, Sacras literas & Sacramenta adorsus, in tertiam partem profecutus est Commentaria. *Librum Psalmorum, & Nouum testamentum præter Apocalypsim, Pentatheucum, Historiales, ac Sapientiales libros explanauit ad litteram. Prophetas expositurus, tria tantum Isaia capita explicuit; reliqua præpeditus expectata morte, absolueri non potuit. Opusculorum quatuor Tomos: Summam quoque de Casibus de suo cognomine Caietanam nuncupatam, compendiosam, ac resolutam, tanquam memoriale quoddam pro doctis edidit.*

Eius porrò prudentiam, ac religiosum zelum videre, licet ex his, quæ Magisterium Ordinis per annos 10. gerens, tam prudenter, quàm sanctè disposuit. In singulis Prouincijs habere studebat viros probos, communis boni, regularisque vitæ zelatores, quorum opera, & consilij vteretur ad cognoscendum & disponendum, quæ authoritatem eius exposcerent. Nihil negligebat, minima quæque curabat, sed tanta dexteritate, vt ordinarijs Prælatis non esset oneri, neque molestiæ: cùmque ipse omnia faceret, nihil tamen facere videretur. Illud idem probant Constitutiones, ipsius sollicitudine in Cap. Ianuen. 1511. inchoatæ, quæ Neapoli Anno 1515. confirmatæ, in Capit. demùm Romæ 1518. inter alias relatæ fuerunt. Quamquam ipse eo Capitulo non præfuerit Ordini, quippe qui anno præcedente, scilicet 1517. Kal. Iulij à Leone X. Presbyter Cardinalis tituli S. Xisti, & postea Episcopus Caietanus, ac post Archiepiscopus Panormitanus creatus fuerat. Perfunctus est etiam officio Legati à Latere ad Maximilianum Imperatorem, ibique perfidum Lutherum, (de quo plènius infra) vt causam co-

ram se diceret die ille præfixo coegit. Pedibus suis pro-  
uolutum benignè suscepit, & ad errores execrandos ef-  
ficacissimis induxit argumentis. Conuictus ille pœni-  
tentiam sponndit, at noctu aufugiens, oppignoratam  
fidem elusit non respiscens. Cuius rei causa, instante  
Caietano Romæ damnatus est.

Superuixit Cardinalis Caietanus, vsq; ad annum 1534.  
quo die 9. Septembris, Romæ laneis interulis, vt sem-  
per antea more Ordinis vestitus, defunctus est: atque ad  
Mineruam præ foribus Ecclesiæ, in tumulo quem sibi  
uiuens sub terra parauerat, conditus.

Interea Concilium Lateranen. quod sub Leone X. con-  
firmatum est, Iulius II. inchoauerat, & si non ob aliud,  
hac saltem ratione, vt Conciliabulum Pisanum labefa-  
cteret, supprimeretque. Iurauerat namque Summus Pon-  
tifex Concilium Generale, pro reformatione Ecclesiæ, &  
pace inter Christianos Principes componeuda, se habi-  
turum; dumque cunctatur, & rem trahit in longum,  
quidam Cardinales, contra eius voluntatem & autho-  
ritatem, Episcopos, & Christianos Principes ad Gene-  
rale (quod dicebant) Concilium Pisas conuocarunt. Vbi  
Fratrum nostri Ordinis fides, & erga Sedem Apostoli-  
cam obseruantia emicuit. Requirentibus namque illius  
sathanicæ Congregationis Prælati, Clericos, Parochos,  
ac Religiosos eiusdem Ciuitatis, vt secum sentirent, &  
communicarent: Faciemus, respondebant illi, quod  
Fratres S. Catherinæ (id enim nostræ ibidem Ecclesiæ  
nomen est) facere videbimus.

Incolebant eo tempore Cœnobium illud Fratres Con-  
gregationis Tusciæ, seu S. Marci, caputque eiusdem Con-  
gregationis, (quem Vicarium Generalem nuncupabant,) vir per omnia laudabilis, Theologiæ, Canonique Iuris  
doctissimus Fr. Bartholomæus Rondininus Fauentinus il-  
lò se cum pluribus doctis viris contulerat, contra prædi-  
ctos tuturus, & Fratres suos confirmaturus. Hunc illi  
blandis, & mollibus verbis tentant, promissis ingenti-  
bus

bus pulsant, asperis demum, ac minis vrgent, vt in suam sententiam trahant. Sed ille fundatus, & in Apostolicæ confessionis petra solidatus, ratiocinationum iacula in auctores retorfit, conuicit, & confudit aduersarios: erectosque in expectationem animos Clericorum confirmavit, summum quoque Pontificem, diuersis vijs clam per litteras, certiore de omnibus fecit. Intercipiuntur quædam litteræ ab his, qui Ciuitati Pisarum præerant, indeque de patria, & vita Fratres periclitari cœperunt: sed inualeſcente lumine fidei, & vincente veritate expulsi illi, qui Conciliabulum agebant, Mediolanum se contulerunt, sicque laqueus contritus, & Fratres liberati sunt.

At non minori virtute, fideique constantia paulò ante se gesserant Fratres nostri in Ciuitate Bononiæ, cum idem Summus Pontifex contrà Bentiuolos, qui sibi tyrannidem in ea vsurpauerant, anathemati, ac interdicto eam subiecisset: paratos enim se exhibuerunt, inde exules, & extorres potius fieri, quàm rem Diuinam publicè facere, aut Ecclesiastica censura notatos ad Diuina recipere.

Floruerunt hoc tempore viri litteris, vitæ sanctitate, & regiminis prudentia insignes, inter quos F. Matthias de Pace in studio Salamantino. F. Didacus de Astudillo in Hispanijs. In Galijs F. Guilhelmus Pepinus Ebroicen. Guilhelmus alter Parui, quem Christianissimus Francorū Rex Franciscus, ob vitæ integritatem, & rectitudinem, prudentiamq; in consulendo, & cōcionando facundiam, & efficaciam, suæ iuuentutis adsciuit moderatorem. In Italia F. Chrysostomus lauellus, cuius laboribus, & scriptis in *Logica*, & *Philosophia* etiam nunc fruuntur studiosi. F. Syluester Prierias, qui S. Thomæ doctrinam ex diuersis eius libris & locis, in duo conſlauit volumina, conflatamque vocauit *Summam de Casibus* de suo nomine *Syluestrinam*. Composuit *Auream rosam* in Euangelia totius anni cum casibus, & quæstionibus nonnullis. Ser-

*mones Quadragesimales. Opus de strigibus, & alia quædam, quæ manifestè docent, quanta sit hauserit ille copiam, è fonte Thomistica doctrinæ. Claruit in Teutonia Fr. Conradus Koëllinus, qui totam secundam partem Summæ S. Thomæ, in clarissimam formam digessit magnis Commentarijs, sed maximè probatur in Prima secunda. Fecit etiam & resoluit doctissime nonnullas Quodlibetales quæstiones.*

His heroibus anneſtere non verebor Virginein in Hispanijs, opinione sanctitatis admirabilem, Sororem Mariam de S. Dominico, tantæ apud suos æstimationis, tantæque famæ; ut nemo se putaret illo tempore nobilem, qui filiam, aut aliam quampiam sibi necessitudine iunctam, regularibus institutis erudiendam illi non commendasset. Quo factum est, ut in solitudine propè Oppidum Petræfixæ Monasterium erexerit, in quod ultra trecentas, & circiter quadringentas virgines, easdemque nobis adduxit: sub tanta religionis obseruantia, tantoque spiritus fernore, victusque, & vestitus austeritate, & simplicitate; ut priscum illum nascentis Ecclesiæ feruorem referre viderentur. Mirabile prorsus erat, ibi videre tot nobiles tenerè ac molliter educatas puellas, cibi, potusque horrere delicias: panis, & aquæ prandia, cinere prælibato, in delicijs habere: potum compunctionis lachrymis temperare. Vestium suarum ipsasmet, linum ac lanam deſtere, ipsas nere, ipsas texere, ac proprijs manibus suo vsui coaptare.

Huius Magistri tempore Anno videlicet 1513. defuncto Julio II. Leo X. Medices, patria Florentinus, Cathedrali Petri tenuit annis octo. Hic inchoatum sub Julio Lateranen. Concilium prosequutus est & clausit, in quo Mendicantium Priuilegia, nonnihil perstricta fuerunt, & quædam adempta: sed paulò post idem ipse Pontifex (ut erat facilis ingenij) eadem per partes restituit, & alia superaddidit. At quies & unio Christiani populi, ex Concilij celebratione sperata & parta, paruis, sed prauis ini-



rijs interturbata est, authore (cuius supra meminimus) Martino Luthero, ab Ordine Eremitarum S. Augustini primum apostata, deinde hæresiarcha. Hic primò circa Indulgentiarios, & Indulgentias, & (quod hæreticis familiare est) cōtrà Summi Pontificis potestatem dogmatizare cœpit: deindè tantum fidei, seu fiduciæ, seu veriùs præsumptiōni humanę in Christum iuniti concessit, vt bonis operibus, & libero hominis arbitrio detraheret. Inde processu temporis, hæresum & dogmatum tanta lues, hæreticorum, & dogmatizantium tanta colluies, & in tot scissa capita subsecuta est; ac in tot partes vnica Christi tunica scissa & lacerata, tantumque profecit impietas, vt in quibusdam partibus elisa, funditusque sic eversa Religio.

Ex Ordine nostro coniecturamur cæteros. Nam in Anglia, Dacia, Scotia, Hungaria, Saxonia penitus interiit, vix conseruatur in Bohemia, Polonia, Teutonia in Prouincia, & inferiore Germania, laborabat in Tolosana, & Francia, interiit in Græcia, & Terra Sancta: in Prouincijs Italiæ, & Hispaniarum necdum plenè restituta sanctioris vitæ disciplina. In Tridentino Concilio (quod Anno 1564. clausum fuit) Ordo noster præ alijs pollere visus est, vt suo loco fusiùs. Verumenimverò, quemadmodum in naturalibus euenit, vt vnus corruptio, sit alterius generatio, & (iuxta Paulum) fractis per infidelitatem Iudaicis ramis, insertæ sunt Gentes, radicisque, & pinguedinis olearum sociæ factæ: ita casus quarundam Prouinciarum, Nouarum fuit natiuitas. Nauigatio siquidem Hispanorum duce Christophoro Columbo Ianuensi, nouum per Oceani vastitatem aperuit orbem ad polum Antàrcticum, & Antipodas, vbi tam magnæ ad messem repertæ sunt segetes, vt in Capitulo Generali Salmanticensi 1551. in quinque Prouincias distributa sit illius amplitudo regionis, vt ibi acnotatur.

Anno 1518. Fr. Thomas de Vio Caietanus, qui Ma-

gisterium cum Cardinalatu Summi Pontificis iussu tenuerat, Capitulum Generale Romæ habendum indixit: ubi Magisterio se abdicaturum declarans, Vocales ut ad electionem liberè procederent hortatus est. Quorum communibus suffragijs, electus est Magister Ordinis XXXIX. Fr. Garzias à Loaysa Prouincialis Hispaniæ, qui reformationi per prædecessorem in quibusdam Pro-  
*Archis* inchoatæ, in quibusdam promotæ, animum adijciens; nonnihil profecit in Hispanijs, quorum ingenia callebat Hispanus. At minùs feliciter successit in Italia, ubi Congregationes minùs in Regularis vitæ rigore confirmatæ, alijs vitæ laxioris admixtæ, eas non modò non prouexerunt ad optimum, sed ne quidem in bono confirmare potuerunt: quin potius in suo ipsæ ortu con-  
 siderunt, & in partu extinctæ sunt.

Habuit dictus Magister Ordinis, Capitulum Generale Vallisoleti in Hispania Anno 1523. & paulò post à Carolo V. Augustissimo Romanorum Imperatore, & Hispaniarum Rege in Confessorem adscitus, Oxomensem Episcopatum in Hispanijs accepit, & Ordinis Magisterium deposuit, quem gestauit annis 6. & amplius. Demum à Summo Pontifice Clemente VII. Anno 1530. inter Cardinales ad titulum S. Susannæ renunciatus, deinde ex Episcopatu Oxomen. ad Saguntinum, è Saguntino demum ad Hispalen. promotus, Regij, Consiliarij, Præfectus, obiit in Hispanijs Anno 1546.

Huius Magistri tempore Anno videlicet 1522. v. Idus Ianuarij, Adrianus V. Elandrus, Petri Cachedram vir eruditus, & pius moderatus est, anno vno, mensibus 8. diebus 3. Cui, Anno 1523. successus est Clemens VII. Medicus Florentinus, atque annos 10. mensesque totidem, ac dies 7. sedit: si tamen sedisse dici potuit, qui tot agitionibus affectus, & afflicus fuit. Primò quidem seditione quorundam spoliato Palatio Vatican, vix euasit in Adriani molem, quam dicunt Arcem S. Angeli: deinde ab exercitu Cæsareo capta Roma, atque direpta, in-

eadem Arte, quò cum multis absque comiteatu confugerat, sese dedere, ac è militum manibus pecunia se redimere coactus fuit Christi Vicarius. Sed hæc alijs relinquamus, nos nostri Ordinis & æui incidentia percurramus.

Hoc tempore Fr. Franciscus de Victoria, eximie doctrinæ vir, Cathedram Salmanticensem claram fecit, Hispanorum ingenia ad Theologica studia prouocauit, excitauitque ad veram Philosophiam: cuius studium æmulatus est Fr. Didacus ipsi carne germanus, sed concionibus aptior, & magis intentus, qui Confraternitatem Sanctissimi Nominis Dei instituit. Quorum religionem sectatus est Fr. Dominicus à Montemaiori, qui dum restitutioni vitæ Regularis impensius incumbit, à facinorosis occisus fuit.

Bonorum quoque studiorum æmula Gallia, dedit nobis Fr. Raymundum Iolinum Tolosanum; reformationis parentem, & fidei zelantissimum defensorem: qui mundi censuræ hæreticorum, siue Inquisitionis fideliter exequens apud Tolosates, coactus est exulare, & patria, domesticis, & amicis relictis, mori. Dedit & Fr. Ioannem de Fenario, testimonio Caietani doctissimum. Fr. Carolum quoque Pinellum Britonem, cuius doctrinæ fluidam ybertatem, Roma mirata est. Nec defuit Italia mater ingeniorum proferre F. Martinum Iustinianum Ianuen. Fr. Gasparum Perusinum, Gymnasij Patauini Metaphisicum, cui collegas adiunxerunt se Fr. Nicolaus Columbus, & F. Sebastianus ambo Perusini, sed ille Philosophus, iste Astrologus.

## C A P V T XVI.

*De Fratre Francisco Syluestro Ferrariensi XL.  
Ordinis Generali; alijsque quatuor Ma-  
gistris, in Officio Generalatus ei-  
dem succedentibus.*

**A**NNO Iubilæi 1525. in Capitulo Generali Romano electus est vnanimiter in Magistrum Ordinis XLI. Fr. Franciscus Syluester Ferrariensis, tunc Vicarius Ordinis. Vir egregia forma, Principibusque, ac Magnatibus summè gratus. Hic plures annos Bononiense Studium rexit, & solemnissimis disputationibus clarum se fecit. Illustrauit clarissimis Comentarjjs Libros S. Thomæ contra Gentes, Libros quoque *Physicorum, & Posteriorum Aristotelis*. Præfuit Ordini toto triennio, & licet corpore grauis, Prouincias tamen Ordinis visitando lustrauit ex officio, restituendæ vitæ regularis, quam in Congregatione Lombardiæ à teneris imbiberat, pro viribus intendens. Et cum ex Gallijs in Hispaniam pertransire meditaretur, in Conuentu Rhedonensi mortuus est Anno 1528. Adstitit morienti D. Iuo. Mayeux eiusdem Urbis Episcopus, ex Ordine nostro, (cuius Beatificationis causa in Sac. Rit. Congregatione hoc tempore agitur) eidemque suis manibus Sacramenta vltima ministravit.

Secuta morte Magistri Syluestri, vacauit Magisterium per totum Interregnum, vsque ad Annum 1530. quo anno, in Festo Pentecostes, in Capitulo Generali Romano, factus est omnium suffragijs Magister Ordinis XLI. Fr. Paulus Butigella Papiensis, ex Congregatione Lombardiæ, tunc Procurator, & Vicarius Ordinis existens. Vir in regendis ac moderandis Cœnobijs famosus: Ordinis tamen gubernio parum intendere potuit, infirmi-



tate & celeri morte prædeditus; quippè qui anno sequenti die 9. Octobris obiit Neapoli.

Eo tempore duæ Congregationes in Italia, Religionis opinione celebres, & vitæ regularis obseruantia conspicuæ, in Prouincias erectæ sunt; suppressio nomine, & titulo Congregationis. Huius præcipua causa hæc afferitur. Clemens VII. in suis quas passus erat tribulationibus, inter cætera vouisse fertur, si Deus illi quietem præstitisset, ac libertatem, daturum se operam, vt Ordines Mendicantium ad antiquam viuendi formam renocarentur. Persuasumque illi fuerat, id facile se consecuturum, si capita Ordinum, ex reformatis, seu (quod dicebant) ex Obseruantibus assumerentur; caput verò, & Magistrum in Ordine Prædicatorum semper eiusmodi futurum, si Electores illius ex reformatis fuissent: quod tunc futurum sperabatur si titulus Prouinciæ illis Congregationibus datus fuisset. Propterea Summus Pontifex Congregationem vtriusque Lombardiæ in duas Prouincias partitus est: Prouinciæ S. Dominici, seu Lombardiæ inferioris, & Prouinciæ S. Petri Martyris, seu Lombardiæ Superioris titulum conferens. Congregationem verò Tusciæ, seu S. Marci, in Prouinciam Romanam reformatam erexit, atque his tribus Prouincijs tunc primùm Priores Prouinciales, Apostolica potestate præfecit: hac lege, vt suos Conuentus, id est Fratrum Obseruantium per se immediatè regerent, Conuentus verò cæteros per Vicarios moderarentur, quòd reformationem, quam Pontifex intendebat ipsi etiam apprehenderent. Alij aliam huius Apostolicæ dispositionis causam assignabant, sed mihi hæc maximè probatur vera.

Congregationis Lombardiæ Proceres & Patres, præfatam diuisionem regularis vitæ detractiuam, & destructiuam arbitantes, egerunt cum Summo Pontifice, vt Congregatio integra remaneret, Prouinciæ tamen titulo gauderet: sicque duæ præfatæ Prouinciæ in vnâ  
vtrius-

vtriusque Lombardiæ Prouinciã coierunt, sub vno Priore Prouinciali; quem ex suis tantum eligerent, exclusis Fratribus Conuentuum non reformatorum, qui olim gaudebant, & titulo, & priuilegijs Prouincialium. Idem etiam factum est in Romana Prouincia; indeque secutum est, quod Fratres Conuentuum non Reformatorum; tam in dictis duabus Prouincijs Lombardiæ, quam in Romana, vbi senserunt se exclusos, subiectionem à Prouincialibus declinauerint: & caput cuius cura dirigerentur, sibi ex suis præci petierint, & obtinuerint, quem Vicarium nuncuparunt. Qui ex illis, & ab illis electus, instar Prioris Prouincialis suis Conuentibus præesset, omnibusque priuilegijs gauderet, quibus Priores Prouinciales; præter vocem in electione Magistri Ordinis, & in Capitulo Generali. Ita nouum nomen Vicariarum inuectum est in Ordinem: erantque tres in Italia, videlicet S. Dominici, Romana, & S. Petri Martyris.

Anno 1532. in Generali Capitulo Romæ habitò ad Festum Pentecostes, Fr. Ioannes de Fenario Gallus, Conuentus Morlanen. Prouinciæ Tolosanz, communi voto, ex Procuratore & Vicario Ordinis, in Ordinis Magistrum XLII. electione peruenit. Hic reformationi quam Summus Pontifex intendebat vehementer fauit, habuitque Generale Capitulum Lugduni. 1536. Deinde Francisco Christianissimo Regi Francorum, vel propter verbum (vt dicebatur) liberiùs prolatum, & repetitum suspensus, vel propter depositionem Priorissæ Prulliani contra quorundam Procerum Regni voluntatem infensus, vel ob aliam quæ nos latuit causam, iussus est non exire septa Conuentus Tolosani. Sicque sextum à sua promotione annum complens, die 6. Iulij Anno 1538. Tolosæ, paulò ante libertate donatus, diem clausit extremum.

Interea Clemente VII. ad Patres relato Anno 1534. Alexander Farnesius, Patria Romanus, ad Summum

Pon-

Pontificatum euectus, Paulus hoc nomine III. dictus est: seditque annis 15. diebus 29. Vir certè suo sæculo omnium prudentissimus, qui rem Ecclesiasticam, & Pontificiam dignitatem magna semper maiestate seruauit. Concilium Tridentinum primò Mantuæ, postea Vincentiæ, tertio Tridenti indixit, ac celebritate magna inchoari fecit Anno 1545. Quod tandem Anno 1563. 4. Decembris absolutum, & clausum est, sub Pio IV. Hic Paulus Ordinem nostrum præcipua dilectione complexus est, & fouis semper: illeque Fr. Nicolaum à Scomberg. quem Leo X. Anno 1520. Archiepiscopum Capuanum instituerat, Cardinalitio galero donauit Anno 1535. virum summæ virtutis, qui liberales artes sub disciplina Fratris Hieronymi Sauonerollæ didicit. Multas obiuit legationes, à Clemente VII. Pontifice commissas, quas summa prudentia in Ecclesiæ honorem expleuit. Clemente Papa mortuo, necdum Cardinalis, parum absuit, quin in Comitij Adriani Papæ VI. Summus Pontifex sit renunciatus. Scripsit plures Epistolas, & quinque edidit Orationes, *De Christi pugna cum diabolo.* Virtutibus & doctrina, clarus v. Idus Septembr. Anni 1537. defunctus, in humili loco quem elegerat, Romæ ante fores Ecclesiæ Conuentus S. Mariæ super Mineruam tumulatus est.

Idem Pontifex Paulus III. Anno 1538. die 20. Decembris, retulit inter Cardinales Fratrem Ioannem Alnarez Hispanum, ex nobilissima Tolerana familia, Albæ Ducis filium, Ordinis nostri Alumnus: qui primò Cordubensis Episcopus, deinde Burgensis, ac tandem Archiepiscopus Compostellanus factus, à dicto Pontifice, primò S. Xisti, deinde S. Clementis, tandem S. Pancratij Presbyteri Cardinalis titulo decoratus; inde Episcopus Albanus, & demùm Tusculanus factus, mortuus est Anno 1557. & sub deposito ad Mineruam commendatus. Idemmet Fr. Thomam Badia Mutinensem qui multis annis Magister S. Palatij multos, & graues labo-



res pro fidei Catholicæ defensione pertulerat, honorare volens, non semel tantum, sed etiam secundo, duobus diuersis Generalibus Capitulis pro electione Magistri habitis proposuit; vt ad Magistratum Ordinis eligeretur. Cumque Capitulum suis petitionibus parum morigerum in hac parte fuisset expertus, vim inferre noluit Ordinis libertati, sed aliunde remunerationem honestissimam viro parauit, eumque fecit Presbyterum Cardinalem tituli S. Siluestri, Anno 1542. Qui suæ professionis non immemor, simplicitatem victus, vestitusque, & morum, quam in Ordine semel imbiberat, etiam Cardinalis retinuit. Obijt autem 1547. viij. Idus Septembris. Scripsit, *Commentaria in octo Libros Physic. In Libros de Anima. In Libros Metaphysic. De Prouidentia Dei. & Librum Quæst. Physic. & Metaphysic.* Sed dum Pauli III. dilectionem, & affectum erga Ordinem prosequor, aliquantisper enagatus ordinem historix prætergressus sum, ad ipsam ergo regredior.

Anno 1539. in Capitulo Generali Romæ in Festo Pentecostes habito, Fr. Augustinus Recuperatus Fauentinus, Procurator, & Vicarius Ordinis factus est Magister Ordinis XLIII. Vir sagax, & acris ingenij, qui reformationem in Conuentu S. Dominici Neapoli tentauit, & quamdiu ipse ibidem fuit profecit non nihil: sed eo discedente, post non multum temporis, res in deterius lapsa est, & defecit. In Urbem reuersus, & in febrem prolapsus in vigilia S. Thomæ Apostoli Anno 1540. Magisterium cum vita deposuit. Indictum fuerat Generale Capitulum Barcinonæ in Prouincia Aragoniæ, ac propterea Pater Prouincialis eiusdem Prouinciæ, tamquam Ordinis Vicarius, Ordinis regimen iuxta Constitutiones assumpsit: sed Summi Pontificis autoritate, translatum fuit Capitulum ad Conuentum Mineruæ, Romanæ Prouinciæ; atque hanc ob causam Fr. Angelus Cataneus Diacetus Florentinus, illius Prouinciæ Prouincialis, & iure Constitutionum, & litteris Summi Pontificis, fa-

ctus



Quis est Vicarius Ordinis: iteritque toto interregno, ad Annum 1542. quo anno in Festo Pentecostes Romæ in Generali Capitulo, concordi obedientia, & communi subiectione Fr. Albertus Casaus Hispalen. Prouinciæ Bethicæ, egregius apud Hispanos Concionator, ex Procuratore Ordinis electus est XLIV. Ordinis Generalis. Ispaulò post ex Vrbe in Hispanias, visitando reuerfus est. Cùmque Ianuam prætergreditur, S. Dominici Ianuense famosum Cœnobium, Fratribus vitæ regularis Prouinciæ vtriusque Lombardiæ nostri Ordinis, tradidit incolendum. Ipse verò languens, Vallisoleti substitit, vbi 16. Nouembris 1544. migravit ad Christum. Eius corpus illo defuncto delatum Hispalim, honestissimo conditum est loco ad S. Paulum. Vacauit Magisterium Ordinis postmodum ad Annum 1546.

Hoc interregno celeberrimus Conuentus noster Sancti Marci Florentiæ, datus fuit Fratribus Congregationis Lombardiæ, Ordinis Eremitarum S. Augustini, expulsis ex eo Fratribus nostri Ordinis, absq; beneplacito, aut consensu, immò etiam sine scitu Sedis Apostolicæ. Quam rem egerimè tulit Paulus. Papa III. suspicatusque est, (vel quòd suspicatus fuisset videri voluit,) negotium illud Religionis, & fidei causa factum esse, quòd in oculis eius, in portis Urbis, Fratres nostri Ordinis, qui fidei propugnatores, & acerrimi Sedis Apostolicæ potestatis assertores habiri semper fuerunt, nulla ipsorum (quæ allegaretur) culpa, è domo propria, & domo tam insigni pulsi essent, ac Fratres illi, alienam domum occupassent. Nec dissimulauit, quin etiam minis, & censuris Eremitanos abire iussit; nostris verò domum, & Conuentum suum restitui, omnibus scilicet, qui inde eiekti fuerant: vt videlicet, qui contumelia, aut ignominia affecti fuerant, ijdem ipsi honore afficerentur. Quod magno Dei beneficio factum est, sexagesima quinta die, postquam inde extrusi fuerant: expertusque est Ordo noster, in quanta apud Prælatos Ecclesiæ, & Principes sæculi esset

esset opinione, quantoque coleretur affectu, & reuerentia. Favit huic causæ præsentia Fr. Bartholomæi Spina Pisani, religiosissimi viri, & rerum fidei ardentissimi zelatoris, tunc Magistri S. Palatij: cuius sinceritate, zelo, & eruditione delectatus Paulus Pontifex, familiarissimè illo utebatur, & libentissimè quidquid hac in causa suggerisset, audiebat.

Noua autem cæpit hac ætate Dominicana Religio in Romana Curia dignitate splendescere. Cum enim Paulus Papa III. S. Romanæ, & Vniuersalis Inquisitionis Congregationem Anno 1542. crexisset, illique Petrum Cardinalem Caraffam præcipuum, vnà cum nostro Cardinali de Toletio iam supra memorato arbitrum præfecisset; primus eiusdè Inquisitionis Commissarius promulgatus fuit Fr. Theophilus de Tropeia Calaber: quo vita sancto, suffectus fuit in idem officium Fr. Michael Gislerius ex Prouincia Lombardiæ S. Theol. Magister, (de quo infra redibit sermo.) Sed cum & hic paulò post, propter officium Generalis Commissarij Inquisitionis probè administratum, à Paulo Papa IV. ad Episcopatum Nepesinum eueheretur; successit in eius locum Fr. Thomas Scotus ex eadem Prouincia Lombardiæ vir doctissimus: sicque ex tunc vsus inualuit, & consuetudo in legem transisse videtur, fauente Romana Sede; vt Fratres Prædicatores ex Prouincia Lombardiæ, Commissarij S. Officij denominarentur. Et quamquam aliorum Ordinum quidam hoc officium ambiuerint, petierint, & fortè meriti fuerint; non tamen illud vnquam obtinere potuerunt.

His etiam temporibus floruerunt in Ordine doctissimi viri, F. Ioannes Benedicti, Parisiensis Academiae lumen & decus: cui indiuiduus comes, ex eodem Conuentu Ebroycensi Gallicanæ Congregationis adiunctus est, F. Thomas Laurentij. Sed quantum iste in regimine valuit, tantum ille Ioannes doctrina præcelluit. Hunc Henricus Francorum Rex Ordini Vallis scholarium Generalem præfecit. Cæpit hic Ordo cum nostro

sub eadem Augustini Regula, eodemque Habitu: sed ille intra unam vallem sese in duodecim Cœnobijs, aut Monasterijs coercuit, noster verò in orbis latitudinem se diffudit. Floruit & Fr. Stephanus Paris Aurelianensis, qui postquam Prouinciã Franciæ multis annis religiosè rexerat, vir in dicendo facundissimus & efficax, ad Episcopatum Abelonensem assumptus est, Rothomagen-  
tique Ecclesiæ Suffraganeus datus: quam Ciuitatem, quamdiu vixit, in Catholicæ fidei communione continuit; sed eo per mortem sublato, Rothomagum, vi hæreticorum cessit & armis. Duos adhuc ex eadem Congregatione recensebo, doctrina præcellentes viros, F. Matthæum Ori Inquisitorem Generalem Franciæ, qui S. Ignatium Fundatorem Societatis Iesu tum Parisijs, vbi apud nostros in Conuentu S. Iacobi Theologiæ operam dedit, tum Romæ ab aduersarijs egregiè defendit: & aureæ linguæ F. Petrum Deaurati.

Protulit & Hispania viros doctrina, & religione insignes, F. Petrum Soto, sed præ eo tamquam luminare maius F. Dominicum Soto, vtrumque Carolo V. Romanorum Imperatori successiue à Confessionibus, vtrumque doctrinam suam Concilio Tridentino, scriptis quoque toti orbi declarantem. Nec desijt Italia dare nobis F. Vitum à Mathera, sydusque alterum longè clarior, F. Vincentium Vincentinum, studij Bononiensis moderatorem: cui adde collegam nominis, & officij, F. Vincentium Placentinum. Sed & in Romana Prouincia, obiit F. Iacobus Siculus, sanctissimæ vir existimationis.

## C A P V T X V I I.

*De Fr. Francisco Romeo XLV. Ordinis Generali; alijsque duobus Magistris in Officio Generalatus eidem succedentibus.*

**A**Nno Domini 1546. in Capitulo Generali Romano, electus est in Magistrum Ordinis XLV. Frater Franciscus Romeus Reatinus Castilionensis, ex Procuratore, & Vicario Ordinis. Hic existens Prouincialis Terræ Sanctæ, & Ioannis de Fenario olim Magistri Ordinis in peregrinationes comes apud Gymnasia Galliarum & Hispaniarum quæ cum dicto Magistro Ordinis visitando attigit, doctrinæ profunditate, & elegantia facilitate differendi, literatissimi hominis famam sibi comparauit. Sed & rigor austerioris vitæ, illum non minus commendabilem faciebat. Sex annis integris Ordinem gubernauit, aliquando Concilio Tridentino detentus, aliàs autem iustrandis Prouincijs semper intentus. Celebrauit Capitulum Generale apud Salmanticam Anno 1551. vbi autoritate Summi Pontificis decreta est reformatio Breniarij, in quo aliqua expuncta, addita multa, castigata sunt omnia præsertim in lectionibus Sanctorum, in quibus incerta, dubia, & apocripha quædam dicebantur inesse. Hocque onus iniunctum est R. P. F. Angelo Bettino Florentino in Magistri Generalis societate, Prouinciali Angliæ: qui vt vir erat ingentis industriæ, præstitit egregiè, quod ab vno homine in hac re poterat expectari. Eadem autoritate additum est Commune vnius sanctæ nec Virginis nec Martyris, & dies Dominica, quæ prius sub Simplici officio celebratur, iussa est pro solemnitate sub Duplicis officio celebrari. In Capitulo verò immediatè sequenti hoc idem confirmatum est, & decretum, vt Officium

Beatæ



Beate Virginis à Matutinis Dominicæ per totam diem intermitteretur. Multa quoque alia circa Diuinum Officiū mutata sunt ibidem, quorum qui cupit habere notitiam, videat Acta eiusdem Capituli Salmantini. In eodem quoque Capitulo decretæ sunt Vniuersitates pro exercitatione & cursu graduandorum, extrâ quas non liceat ad gradus promoneri.

Ibi etiam discretæ, & suis limitibus determinatæ sunt quinque Prouinciæ Indiarum Maris Oceani: quarum quædam prius erectæ, quædam tunc designatæ, & institutæ fuerunt. Harum omnium prima est S. Crucis, cui data est Insula Hispaniola, cum adiacentibus: videlicet, de Cuba S. Ioannis, Portus diuitis, & Iamaica. Secunda S. Iacobi de Mexico, quæ habet nouam Hispaniam à terra Tequantepeque exclusiue, vsque ad Floridam. Tertia S. Ioannis Baptistæ del Peru, à Portu Nominis Dei inclusiue, & vltra, quousque terminatur. Quarta S. Vincentij de Chiappa, à Tequantepeque inclusiue, vsque ad Oppidum de Nata Hispanorum per littus antarcticum, & à littore Arctico, ad Oppidum de Guazaqualco inclusiue. Quinta S. Antonij de nouo Regno Granatæ, cum Regno Popayan, vsq; ad Prouinciā de Quito exclusiue, & per terram interiorem quousque terminatur: per littus verò maris, ab Oppido de Acla quousque terminatur.

Nec prætereundum silentio est, quòd huic Magistro Generali, per Gallias iter facienti, & Conuentus ex officio visitanti, Rex Francorum Henricus per litteras inhibuit; ne vltèrius progredèretur. Persuasus namq; fuerat (licet falsò) Generalem Romeum, cum pompa & familia multa grauare Conuentus, qui in veritate sunt paupèrès. Ceterum eam calumniam confinxerant illi, qui iustissimè formidabant visitationis examen: cum reuera Magister Ordinis præfatus, maxima cum simplicitate, & exigua famjlia comitante procederet. Hanc tamen veritatem aperuit & suggessit Regi, D. Michael à Turre Ceneden-

sis Episcopus, tunc in Regno Galliarum Nuncius Apostolicus: cui cum propter affectum, & beneuolentiam multum debeat Ordo noster, vel ex hoc maxime debet; quod eius opera, & instantia Rex ipse certior factus, suis literis amplissimam facultatem, & potestatem in toto Regno fecit Magistro Ordinis super Conuentus & personas. Post hæc Generalis Romanus ex Tridentina Synodo (cui post Salmanticense Capitulum interfuit,) reuersus; Romæ obiit Anno 1552. die 20. Iulij, graui tactus apoplexia, estque conditus ad Minervam sub marmoreo lapide, ante Aram maiorem.

Tempore eius Generalatus, Sedem Petri conscendit Iulius III. Pontif. Max. electus Anno 1550. vj. Idus Februarij, antea vocatus Ioannes Maria de Monte, Episcopus Cardinalis Prænестinus. Hic pro Iubileo magno portas de more aperuit, & facultatem exeundi Italia, (quam Paulus III. Magistro Ordinis propter Concilium noluerat impertiri,) facile concessit. Sedit annis quinque, mense vno, diebus sexdecem. Hic Pontifex, anno sui Pontificatus secundo, tertia Creatione, promouit ad Cardinalatum tituli SS. Petri & Marcelliui, Fr. Petrum Bertanum Mutinensem, ex Ordine Prædicatorum: virum magnis in Ecclesiam meritis, & laboribus perhonorificum, qui à Paulo Papa III. Episcopatu Tanensi donatus, ab eoque ad Concilium Tridentinum missus, mox à Iulio Pauli successore, ad Carolum V. Imperatorem Nuntius destinatus fuerat. Immo parum absuit, quin à Cardinalibus Conclauis ingressis, in Iulij III. successorem omnium consensu nominaretur. Obijt anno ætatis 57. Domini verò 1558. viij. Idus Martij; sepultus in Ecclesia sui Ordinis Romæ apud S. Sabinam, in Monte Auentino.

Anno 1553. ad Festum Pentecostes indictum fuerat Capitulum Generale, celebrandum Romæ per Fr. Stephanum Vfusinatis Ianuensem, tunc Procuratorem Ordinis, & Vicarium autoritate Apostolica factum: in quo.

quo idem ipse, maxima pace, summo omnium consensu & gratulatione, assumptus est ad Magisterium Ordinis, factusque Generalis XLVI. Vir profecto eo munere dignus, quippe qui ad regendum fratres videretur natus; tanta illi comitas, tanta facilitas, tanta erga omnes beneuolentia; ut omnes tanquam pater filios admitteret; tantus deinde zelus, & legum obseruantia; & grauitas, ut ab omnibus reuereretur, sicque & timeretur à malis; & coleretur à bonis. Ecclesiasticarum caeremoniarum callentissimus, Chorum continuò frequentabat. Apud doctos eruditus, simplicioribus verò non morosus, apud magnates honorabilis, apud minores humilis. Delicta rationibus, non contumelijs, aut conuitijs arguebat: efficax in dicendo, promptus & argutus in respondendo, in decernendo solidus, omnibusque numeris adeò absolutus fuit; ut in eo nihil, quod ad regimen Fratrum spectat, desiderari posset. Tantum autem commodum inuidit Ordini mors præpropere, quæ illum die 3. Martij 1557. iustulit. Corpus eius solenni pompa sub marmoreo lapide ad Mineruam, præ gradibus Presbyterij conditum est. Non desijt autem hoc breui tempore regularem vitam promouere, visitatis ex officio Italiæ Prouincijs, & Florentino S. Mariæ Nouellæ illustri Cœnobio regulari vitæ restituto. Quin etiam suæ disciplinæ, & instituti reliquit alumnus, & successorem Fr. Vincen-  
tium Iustinianum, qui sibi sex annis, quibus Procuratorem, vel etiam Vicarium Ordinis egit, & quatuor quibus Magisterium gessit, amanuens, & à secretis, comesque indiuiduus fuit, de quo mox infra.

Interea verò Iulio III. per mortem subtracto, successit Marcellus Papa II. electus Anno 1555. v. Idus Aprilis, & nonnisi 22. diebus Cathedram Petri tenuit: ad quam post eius mortem eodem anno, x. Kalend. Iunij assumptus est Paulus Papa IV. Ioannes Petrus Caraffa, antea nominatus, vnus ex Neapolitanis Proceribus. Sedique annis 4. mensibus duobus, diebus 27. Hic Pon-

ritex in adolescentia sua, animo accipiendi Habitum Ordinis nostri, Conuentum S. Dominici de Neapoli ingressus est: sed antequam eo indueretur, vi inde abreptus fuit. Deinde Caroli V. Hispaniarum Regis, & Romanorum Imperatoris Curiam; inde Romanam coluit, ingenio & memoria pollens: non frustrâ literis Græcis, & Latinis operam dedit, ita vt Græcè, ac Latine, Hispanicè quoque, atque Italicè ex tempore dicere posset, at perorare. Humanam Philosophiam, sed longè magis Theologiam calluit, Iuris vtriusque non ignarus. Episcopatum Theatinum aliquandiu tenuit, cui tempore Clementis Papæ VII. sub specie sanctitatis, & quietioris vitæ vale fecit: alijs quibusdam se comitantibus, qui simili studio, beneficijs Ecclesiasticis, & non tenuibus redditibus renunciauerant. Ex his Clericorum in communi ex oblati viuentium conflata est Congregatio Theatinorum; è qua primus ipse Institutor prodijt, à Paulo III. inter Cardinales relatus. Tum verò Theatinum Præsulatum, non iam Episcopali, sed à Clémente VII. Archiepiscopali titulo cohonestatum reasumpsit, & Marcello defuncto, Summi Pontificatus munus adeptus est.

Regebat interea Ordinem nostrum post obitum Magistri Stephani Vfusmaris, Fr. Petrus Martyr de Lugano, quem idem Summus Pontifex Paulus IV. ob eximiam de illius prudentia, religione, & sanctitate opinionem, Ordini Vicarium præfecerat, sibi que in Confessarium delegerat; & in Palatio Apostolico commorantem, de suo penu alebat. Vtque vtrique operi posset sufficere, Fr. Vincentium Iustinianum Prouincialem Angliæ, rerum, personarum, & status Ordinis apprime gnarum, ei dedit adiutorem. Sed hic Vincentius in Capitulo Generali Romano, ad Festum Pentecostes Anno 1558. celebrato, omnium consensu, primo suffragio Magister Ordinis XLVII. electus est, & à Summo Pontifice comprobatus. Erat ille natione Græcus, è Regu-



Is Chio, in Conuentu de Castello Ianuæ professus, ingentis vir animi, summæ prudentiæ, totusque ad regendum natura comparatus: dignus denique sui in Magisterio Prædecessoris Alumnus, & hæres. Hic suo Officio, & muneri intentus, Prævincias Franciæ, Hispaniæ, & aliquas in Italia inuisit, ac pro posse Ordinem antiquæ candori restituere curauit. Celebrauit in diuersis locis Capitula Generalia, & primum quidem Auenioni Anno 1561. Inde reuersus œcumenicum, ac Generale Concilium Tridentinum adiit, vbi magnum sibi doctrinæ prudentiæque nomen comparuit, omniumque ibidem præsentium Religiosorum, ac Prælatorum animos sibi conciliauit. Magna constantia, sed & modesta libertate stabat, & loquebatur pro Religiosis, Religiosorumque Ordinibus, ac eorum Priuilegijs, & exemptionibus; quas ex toto quidam moliebantur auferre. Contrà quos (despondentibus animos cæteris) ille fermè solus acriter sese opposuit. Si tamen solus reputandus erat, qui tot, tantorumque ex Ordine suo virorum multitudine, & dignitate tulciebatur. Erant quippè illi præstò ex Prædicatorum familia, octodecem Antistites, illique doctissimi: vltra hos viginti septem Theologi insignes, è quorum numero vnus fuit ille Fr. Franciscus Forerius Lusitanus, qui deputationi ad Censuram Librorum Secretarius in eodem Concilio datus, Indicis Librorum ordinandi, & in eam formam qua legitur edendi auctor fuit. Hincque consuetudo inualuit, vt officium Secretarij Indicis, ad hæc vsque tempora; nonnisi FF. ex Ordine Prædicatorum conferatur. Eidem etiam Fr. Francisco Lusitano Pius Papa IV. iam post Concilium Tridentinum commisserat, vt cum duobus alijs ex Ordine nostro assumptis Antistitibus, Breuiarium & Missale Romanum reformarent, Cathechismumque selectissimum conficerent.

Concilio Tridentino (quod per annos 27. ab indictione protrahebatur) cum Pius Papa IV. finem impos-

fuiſſet, ſtatim è veſtigio celebravit Capitulum Generale Bononiæ, Magiſter Ordinis ſupranominatus: vbi abolita quædam Priuilegia intimauit, promptaque obedientia obſeruantiam Statutorum eiſdem Concilij præcepit. Et hoc deſeruiuit pro norma, & exemplo alijs etiam Religioſorum Ordinibus: qui dum in Curia Romana, in contrâ reclamare aliquantùm attentarent, eiſ ſtatuta, & deſceta Capituli noſtri Bononiienſis à Iudicibus obijciebantur; vt nimirum obtemperarent Concilio, ad exemplum FF. Prædicatorum. Aliud Capitulum Generale Romæ celebravit Magiſter Iuſtinianus, Anno 1569. in quo Congregatio Franciæ erecta eſt in Prouinciam, cum titulo Prouinciæ Occitanæ. Peraſta tandem honorifica Legatione ad Philippum II. Hiſpaniarum Regem: pro negotijs Eccleſiæ Mediolanenſis, conſumptiſq; in gubernio Ordinis annis duodecem, aſſumptus eſt Magiſter Generalis Iuſtinianus à B. Pio Papa V. (de quo mox dicemus) ad Cardinalatum, primò tituli S. Nicolai inter Imagines, & poſtmodum tituli S. Sabinæ Anno 1570. xij. Kalend. Iulij. In qua dignitate cum annos xj. laudabiliter exegiſſet, fractus iannitis pro Eccleſia Dei ſuſceptis laboribus, migravit ad Dominum Romæ 1582. v. Kalend. Nouembr. Sepultus in Eccleſia S. Mariæ ſuper Mineruam, in qua & Sacellum in honorem S. Thomæ Aquinatis, & Bibliothecam in proximo Cœnobio, ac vicinas ædes extruxit.

Tempore huius Magiſtri Generalis, protulit Ordo noſter viros doctrina claros, & Eccleſiæ pugiles. Hæreſum namque ac Hæreticorum occasione, quorum ſolent feruere præcordia, & pacem turbare Sanctorum; (iuxta D. Auguſtini ſententiam) proficit Eccleſia: nam multa ad fidem Catholicam pertinentia, dum Hæreticorum callida inquietudine exagitantur, vt aduerſus eos defendi poſſint; & conſiderantur diligentius, & intelliguntur clariùs, & instantiùs prædicantur: & ab aduerſario mota quæſtio, diſcendi exiſtit occaſio. Hinc ergo

Ordi-

Ordini nostro, duæ datæ sunt occasiones claritatis, una scilicet literario stylo cum Hæreticis congregiendi, altera Censuram in Hæreticos propter S. Officij Congregationem institutam, Commissariosque in ea ex Oraine nostro designandos (vt supra ad finem Capituli 16. retulimus) exercendo. Qui ad Magisterium S. Palatii vocati sunt, nervos omnes intenderunt contra hæreses: & vires expenderunt Hæreticis impugnandis, expugnandisque. Quorum labores etiam temporaliter remuneraturi, vel industria eorum ad commune Ecclesiæ bonum, & altiore gradum vsuri Summi Pontifices, ad Præsulatus, & Infulas promouerunt complures. Hinc Fr. Hieronymus Mozzarellus Bononientis, à S. Palatii Magisterio ad Archiepiscopatum Compsanum promotus est. Inde etiam Fr. Ægidius Foscararius Nobilis Bononiensis Episcopatum Mutinensem iussus est gubernare, fidemque Catholicam in eo statuere, & confirmare. Quod sanctissimis exemplis, & Catholica prædicatione præstitit, vir pius, & doctus. Nec eo minus fecit Fr. Iacobus Nacclantus in Episcopatu Clugiensis; nisi quod etiam scriptis Ecclesiam ædificauit, in quasdam *Apostolicas Epistolas* editis *Commentarijs*. Item *super Psalmum 90.* Dedit etiam *S. Scripturæ Medullam*: ita enim opus ab ipso editum inscribitur. Alia etiam meditatus non minus sanctè, quàm doctè. Promotus est ad Præsulatum Canariensem Fr. Melchior Canus vir doctissimus, & paulò ante quàm fuisset sacratus, Episcopatu liberè cessit: & inter Fratres tamquam vnus è Fratribus degens, Prouinciæ suæ Hispaniæ factus est Prior Prouincialis, in quo munere mortuus est. Si omnes qui hac occasione promoti sunt recensere voluissent, in immensum cresceret volumen.

Nec tamen laborum suorum glorioso fructu fraudandi sunt, qui non promoti ad altiore gradum, in laboribus perstiterunt. Quales fuerunt Fr. Petrus Paulus Aretinus, gracili quidem, & exigua corporis habitudine, sed magna scientia, & ardenti zelo: & Fr. Daniel Cremen-  
quem

quem secutus est Fr. Thomas Manrique, auito genere illustis, ingenio solers, doctrina clarus, iudicio solidus, & propositi prudenter admissi tenacissimus: qui primò Procurator Ordinis ad Urbem vocatus, inde Magister S. Palatii factus, in opere, & officio decessit.

## C A P V T XVIII.

*De Fr. Seraphino Caballo XLVIII. Ordinis Generali: & simul reliquis omnibus Magistris Ordinis, quotquot ad hæc usque tempora fuerunt.*

**I** Neunte Anno Domini 1560. vij. Kalend. Ianuarij, electus est Summus totius Ecclesiæ Pontifex Pius IV. ex Medicea familia. Seditque annis 5. mensibus 2. diebus 15. Successorem illius in Sede Petri læta aspexit, & in hanc usque diem deuotissima colit, ac supplex innocat Dominicanæ Religio: Summum Pontificem, filium suum inclytum, vitæ sanctitate, & miraculis clarissimum B. Pium Papam V. ex familia Ghisleria, Michaellem Cardinalem Alexandrinum antea vocitatum. Qui post obitum Pij Papæ IV. Anno salutis 1566. vij. Idus Ianuarij, Diuino potius quam humano nutu, præter suam & omnium expectationem, Ecclesiæ Dei gubernaculis admotus fuit: hoc ipso tempore, quo Religiosorum Ordines pessundati, deiecti, & semisepulti videbantur:

Iam B. hic Pontifex antequam eligeretur, annos ferè xj. in Cardinalatu exegerat, ad quem à Paulo Papa IV. post triennem, & amplius Ecclesiæ Nepesinæ, & Sutrinenfis administrationem assumptus fuerat: renunciatusque Anno 1557. Idib. Martij. Presbyter Cardinalis, primò tituli S. Mariæ super Mineruam, & postea tituli S. Sabinæ, ac demùm ad pristinum S. Mariæ super Mi-



neruam titulum translatus: quem & retinuit, vsque dum in Pontificem Max. acclamaretur. Michael igitur qui *quasi Deus* (iuxta nominis interpretationem) vel *humilitas Dei*, quæ celsior est hominibus, admouit manum, Petri nauiculæ, tot hæresum fluctibus agitata; infidelium armis tam dirè vexata; tot malis Christianorum moribus labefactata; iam, iamque mergenda; vt pristina libertati restitui, & in optatum tranquillitatem potum reduci possit. In huius rei certissimam spem erigebantur, qui eius inculpatores mores, vitæ integritatem, rectitudinem, simplicitatem, & pietatem quam semper coluit, contuebantur. Sedit in Pontificatu annis 6. mensibus 3. diebus 23.

Hic B. Pontifex duos Cardinales ex Ordine Prædicatorum successinè creauit; (vltrà promotionem Cardinalis Iustiniani, prout superiori Capite retulimus.) Prima quidem creatione habita Anno 1566. Pridie nonas Martij, fecit Cardinalem tituli S. Mariæ super Mineruam, Fr. Michaellem Bonellum Pronepotem suum, quem etiam Cardinalem Alexandrinum cognominari voluit. Sed vel in ipsa hac noui Cardinalis creatione, summa B. Pij V. iustitia, & integritas conspiciebatur; quòd nimirum carni, & sanguini nihil concederet, sed totum virtuti ac probitati. Cum etenim complures Proceres, & Cardinales, apud Pontificem instarent, vt dictum Fr. Michaellem Bonellum suo Cardinalitio pileo donaret, & ornaret; Episcopumque, ac Legatum crearet: vt sibi esset in quo confidentèr arcana deponeret, & ad quem (vt illi allegabant) alijs facilius pateret accessus. Huiusmodi petitiones non exaudiuit, nec eum ad Episcopatum ob defectum legitimæ ætatis promouit, (primò enim tunc Michael Bonellus 25. annum agebat) nec priùs Cardinalem fecit; donec de illius moribus, religione, scientia, & ingenio ab his qui eius familiarem consuetudinem habebant, eumque penitiùs nouerant, certior fieret. Tunc demùm illis assensit, fecitque eum Ecclesiastici regiminis quasi

quasi consortem, & in agendis executorem, ac suæ baculum senectutis: ut quæ ipse Pontitex sanctè prudenterque meditatus esset, Cardinalis Pronepos indultriè, ac fortiter exequeretur: data illi in spiritualibus, temporalibus, ac mixtis amplissima potestate. Ac ne vel errore, vel ob rerum magnitudinem, ac nouitatem terrore deficeret, aut deflenderet, sed haberet semper ad quem in arduis & dubijs confidenter recurreret, quemuè consulere; graues, & peritissimos viros illi adiunxit: præsertim R. P. Fr. Eustachium Locatellum, doctrina, industria, & rerum agendarum experientia præstantissimum, sui-que instituti Religiosum, tunc in Romana Curia totius Ordinis Procuratorem. Superuixit Michael Bonellus in Cardinalitia dignitate annis ferè 32. religionis, prudentiæ, integritatis, eximæque virtutis laude præstantissimus. Legationibus Sacri Fœderis ineundi causa ad Reges, in Galliam, Hispaniam, & Lusitaniam perfunctus, multisque pro Ecclesiâ susceptis laboribus, obiit Romæ Anno salutis 1598. ætatis 57. sepultus in Ecclesiâ S. Mariæ super Mineruam.

Alterum ex Ordine FF. Prædicatorum Cardinalium Collegio idem B. Pius Papa V. adscripsit Fr. Archangelum de Blanchis, S. Theol. Magistrum, qui prius S. Inquisitionis Commissarius fuit. Assumptus postea ad Episcopatum Theanensem, annis nouem illam Ecclesiam, rexit: ac tandem in tertia Creatione Anno 1570. habita, Presbyter Cardinalis tituli S. Cæsary in Palatio renunciatus; dum magna de illo apud multos expectatio esset, inopinata febre affectus, Romæ Anno 1580. è vita abiit, sepultus in Ecclesiâ S. Sabinæ.

Anno Domini 1571. in Capitulo Generali Romano, electus est in Magistrum Ordinis XLVIII. Fr. Seraphinus Caballus Brixienfis, Sac. Theol. Magister, prius Terræ S. Proinciâlis, ac Socius, fidusque Comes Prædecessoris sui Magistri Vincentij Iustiniani, Hispaniarum Pro-  
uincias visitantis, ac postmodum Procurator Generalis  
Ordi-

Ordinis. Vir sanè integerrimus, & de Romana Ecclesia optimè meritus. Præfuit Ordini annis septem, & vnum Capitulum Generale Barcinonæ celebrauit. Prouincias Italiæ, Hispaniæ, Galliæ, Flandriæ visitauit, in eisq; Religiosam disciplinam stabiliiuit. Cùmque iam secundo in Hispaniam regrederetur, Hispali in Conuentu S. Pauli cum magna Sanctitatis opinione defunctus est. Anno 1578. in ipso Festo Præsentationis B. M. V. cuius Rosarij deuotissimus Promotor fuerat.

Anno sequenti 1572. post mortem B. Pij Papæ V. (quem post decursam integram 100. annorum periodum, Clemens Papa X. in Beatorum Album solemniter retulit) renunciatus est Summus Pontifex Gregorius XIII. Hugo Boncompagnus antea vacatus. Seditque annis 12. mensibus 10. diebus 28.

In Capitulo etiam Romano Anno 1580. celebrato, electus est in Magistrum Ordinis XLIX. Fr. Paulus Constabilis Ferrariensis, S. Palatii Magister, natalibus, atque doctrina illustris. Cuius electioni Gregorius Papa XIII. benignè annuit: illum etenim Vocalibus Capituli primum inter Candidatos proposuerat, cuius insignes virtutes, & religionis zelum optimè nouerat. Hic visitatis Prouincijs, Regni, & Siciliæ, cum Venetias peruenisset, cursum suum iubente Domino consumauit, ibidem migrans ad Christum die 17. Septembris Anno 1582.

Hoc tempore floruerunt Sanctissimi viri: in Aragonia Fr. Ludouicus Bertrandus, cuius habentur multa præclara opera, (ob quæ Sanctorum Fastis, à Clemente X. Summo Pontifice, adscriptus est) eiusq; Festum celebratur, die 10. Octobris. Item, Fr. Ludouicus Granatensis, multorum Librorum Scriptor illustris: nō solum in Prouincia Bethicæ, & Portugaliæ, sed & in toto terrarum orbe clarissimus. Fr. etiam Bartholomæus de Martyribus, Archiepiscopus Bracarensis in Portugalia, qui cùm annis 33. concreditum sibi gregem pauidet, spontè cedens dignitati quam inuitus susceperat, in pauperem Cellulam

se abdidit in Vianensi Cenobio, à fundamentis per se constructo. Etiam Fr. Alexander Capocius Florentinus aliq; complures: quorum gesta non possunt tam breui compendio enarrari, sed in maioribus Chronicis requirenda erunt Lectori.

Anno Domini 1583. in Capitulo Generali Romano, electus est in Magistrum Ordinis L. Fr. Sixtus Fabri Lucensis, S. Palatij Magister. Rexit Ordinem annis sex, visitationi Prouinciarum intentus. Interea dum in Hispania visitatione Ordinis detineretur, electus fuit in Pontificem Max. Sixtus V. Picenus, ex Ordine Conuentualium S. Francisci. Anno 1585. die 12. Aprilis. Seditque annis 5. mensibus 4. diebus 3. Hic Pontifex Magistrum Generalem præfatum, ex Hispania Romam ad se accersiuit, ibique futurum Generale Capitulum celebrandum indixit. Reuersus Romam Magister Sixtus, à Generalatu per Pontificem deponitur. Causa depositionis credebatur infirma Sixti valetudo, multis enim corporis infirmitatibus, & potissimum Pogadra diuexabatur. Depositione facta in Conuentum S. Sabinæ de Vrbe se recepit, in quo quadriennium post superuixit. Quieuit in pace Anno 1594. die 16. Iunij: ibidem sepultus propè Fr. Munionem Zamorensen, etiam à Generalatu depositum per Nicolaum Papam IV. Franciscanum pariter.

Idem Pontifex Sixtus V. tertia Creatione Anno 1586. habita, ex Ordine Prædicatorum creauit Cardinalem tituli S. Thomæ in Parione, Fr. Hieronymum Bernerium de Corrigio S. Theol. Magistrum: virum doctrina celebrem, vitæque exemplo admirabilem. Hic dum iussu Sixti Pontificis in Conuentu S. Sabinæ de Vrbe Priorem ageret, ad Episcopatum Asculanum assumptus fuit: demum eius exigentibus meritis, & in gratiam Alexandrini Cardinalis, in Purpuratorum numerum cooptatus exitit. A diuersis Summis Pontificibus, diuersos Episcopatus successiuè sibi oblatos habuit, utpotè Albanum, Prænestinum, ac Portuensensem, illosque summa laude ad-

mini-



ministrauit. Superuixit in Cardinalatu, vsque ad annum 1611. quo & mortuus est. Tumulatus in Æde S. Sabinae, in Sacello S. Hyacinthi.

Anno 1589. facta depositione Sixti Fabri à Generalatu, in eius locum in Capitulo Generali Romano Salutat<sup>us</sup> est Magister Ordinis LI. Fr. Hippolytus Maria Beccaria Pedemontanus, nobilibus in Monte Regali parentibus ortus, vir doctrina, ac deuotione insignis; cum pro tunc Commissarius S. Officij, & Prouinciæ Lombardiæ Distinguitor fuisset. Hic terminato Capitulo vniuersum fere Ordinem percurrere statuit: quod & præstitit, visitando non solum Prouincias Italiæ, Galliæ, Hispaniæ, sed in totam Germaniam Hungariam, Bohemiam, Morauiam, Silesiam, Poloniam, Russiam, & Prussiam excurrere non neglexit. Annis 11. multa charitate sollicitudine, & iustitia Ordinem gubernaui. Celebrauit tria Capitula Generalia in diuersis Regnis, vltimum Neapoli habuit Anno 1600. vbi eodem anno è viuis excessit, in Ecclesiâ S. Dominici tumulatus. Ante, & post obitum, miraculis falsitate traditur.

Eius tempore excitata percrebuit magna illa, & celebris *de Auxilijs* controuersia, in qua Ordo noster efficaciam Diuinæ gratiæ, sine læsione liberi arbitrij inuictissime propugnauit. Hinc deduci potest, quot viri doctissimi tunc emerferint, concertationibus apti. Inter quos primus, fuit, omniumque aliorum velut Antesignanus, F. Thomas de Lemos Hispanus ex Gallecia, vir doctrinæ singularis, & in lectione SS. PP. Augustini, & Thomæ versatissimus: qui coram Summis Pontificibus Clemente VIII. & Paulo V. totoque Cardinalium Senatu felicissimè disputauit; non permittens etiam minimam vnius syllabæ mutationem ab aduersarijs fieri, in referendis SS. Patrum Sententijs. Nec suffecit viro doctissimo voce defendere infallibilitatem Diuinarum, Prædestinationum, salua rerum contingentia, & arbitrij libertate, etiam scriptis *Panopliam gratiæ*. Tomis 4. com-  
pre-

prehensam, futuris sæculis reliquit: vbi de rationalis Creaturæ in finem supernaturalem, gratuita Diuina suauipotentis ordinatione, ductu, medijs, liberoq; progressu Theologicè differit. E viuis excessit magna cum Ordinis iactura Anno 1629. octogenario maior: in tanta Senectutis opinione habitus; vt ad illius funus tota concurrente Roma, aliquam eius vestium particulam, excindere quisque conaretur, prostante per triduum insepulto eius cadauere.

Floruit etiam hoc tempore Valentia in Aragonia Fr. Dominicus Anadon, eximia charitatis erga pauperes, cuius habentur insignia opera typis excussa. Floruit, & Fr. Melchior Mosticensis Polonus, Conuentus Cracouiensis filius, ibidemque hæreticæ prauitatis Inquisitor, hæreticorum omnium malleus fortissimus: vir nunquam satis commendatus Scriptorum calamo, qui aliquot millia hæresi infectorum, Catholicæ Religioni reconciliauit.

Anno Domini 1590. xviij. Kalend. Octobr. electus est in Summum Pontificem Urbanus VII. Romanus, Ioannes Castanea prius dictus: qui post duodecimum à suae electione diem, antequam coronaretur, obiit. Illi successit Gregorius Papa XIV. Mediolanensis, cui antea Nicolai Sfrondati nomen erat: sed & hic non nisi menses 10. & dies totidem Ecclesiæ præfuit. Deuoluta tandem est Sedes Petri ad Innocentium Papam IX. Bononiensem, prius Antonium Facchinettum vocatum, sed & ille non plus, quam duos menses in Pontificatu superuixit. Clementi igitur VIII. Petri nauicula gubernanda traditur, Anno 1592. iij. Kalend. Februarij, quam tenuit annis 13. mense 1. diebus 4.

Anno Domini 1601. congregatum est Romæ Generale Capitulum pro nouo Magistro Ordinis eligendo, in quo assumptus est in LII. Generalem Fr. Hieronymus Xauierre Cæsaraugustanus, ex Prouinciali Aragoniæ: vir doctus, & pius, ac verè ad magna natus. Hic visitatis Etruriæ, & Lombardiæ Conuentibus, transijt in Hi-

Spaniam; ibique Anno 1605. Generale Capitulum celebrauit Vallisoleti, ipsius Regis Hispaniæ Philippi III. & Reginæ, multorumque Principum præsentia illustratum. Exinde factus est eidem Regi à sacris Confessionibus, illiusque opera renunciatus est inter Cardinales S. R. E. à Paulo Papa V. ad titulum S. Xisti Anno 1607.

Sed in hac dignitate exiguo tempore superuixit, sequenti etenim Anno 1608. die 12. Septemb. deuotè susceptis Ecclesiæ Sacramentis, Vallisoleti migravit ad Christum, depositis omnibus bonis quæ temporaliter eidem arridere videbantur: quæ tamen à tam ingentis animi viro, semper fuisse contempta, satis ostendit eiusdem epistola, quæ ipsius Actis Capituli Generalis præposita est. Cadauer eius delatum est ad Conuentum S. Domini Cæsaraugustanum, & ibidem in Capitulo marmoreo sepulchro honorificè conditum, opera Illustrissimi D. Fr. Ludouici de Aliaga olim eius socij, postea Archiepiscopi Valentini, ac Generalis Hispaniarum Inquisitoris, & Regij Confessoris, atque de Consilio Status Philippi III. Hispaniarum Monarchæ.

Sub hoc Generali Vicaria S. Petri Martyris erecta creuit in Prouinciam, pariter Congregatio Apretina, S. Catharinæ Senensis. Plures etiam hoc tempore floruerunt viri sanctitate insignes: inter quos Fr. Antonius Vincentius Domenech Cathalanus, ex Cōuentu Barcinonensi, qui in Monasterio S. Dominici Gerundæ miraculorum gloria niter. Alter Fr. Petrus Ioannes Guasch, Magister in Theologia, obseruantia Religionis præclarus, qui in Conuentu S. Raymundi de Penniafort, à se fundato sepultus manet. Horum virorum magnalia, in maioribus Chronicis Ordinis requirenda erunt.

Mortuo Clemente Papa VIII. prouectus est ad Apostolicæ Sedis apicem Leo XI. ex Medicorum familia Anno Domini 1605. sed hic ne vnum quidem in Pontificatu mensem expleuit: creatus enim Pontifex die 1. Aprilis, esse desijt 27. eiusdem. Post illum Paulus V. Burghesius.

Summi Pontificatus thronum conscendit, electus die 16. Maij eiusdem anni. Seditque annis 14. mensibus ferè 8.

Sub hoc Pontifice, Magistri S. Palatij munere fungebatur, Fr. Augustinus Galaminius Brixichelensis, Prouinciæ Lombardiæ, vir multiplici litterarum doctrinâ, vitæque integritate commendatissimus. Hunc PP. ad Capitulum Generale Romanum Anno 1608. congregati, vnanimiter in LIII. Ordinis Magistrum elegerunt. Electus ad lustrandum Ordinem sese contulit, visitatisq; Italiæ, & Galliæ Prouincijs, in eis collapsam Religionem reformauit, ac regularem obseruantiam excitauit. Celebrato deinde Capitulo Generali Parisijs, Anno 1611. dum maiora molirètur, & professionem ad alias Prouincias pararet; Romam reuocatus est à Paulo Papa V. ab eoque factus Presbyter Cardinalis tituli S. Mariæ de Ara Cæli, & postmodum Episcopatu primò Lauretano, deinde Auximensi donatus. Fuit sui Ordinis decus, Episcoporum speculum, lumen Senatus & Purpuræ. Cumque Cardinalis vixisset annos octo supra 20. moritur Auximi 1639. ibique in Ecclesia Cathedrali sepultus.

De successore illius in officium Generalatus, tractatum est in Capitulo Generali Romano, Anno 1612. congregato, placuitque Vocalibus acclamare vnanimiter in Magistrum Ordinis LIV. Fr. Seraphinum Siccum Papiensem, Vicarium Generalem Ordinis: virum regularis obseruantia amatorem, sed quodammodo austum, & in gratijs concedendis restrictum. Annis 16. Ordinem moderatus est, pluresque Prouincias Italiæ, Galliæ, Hispaniæ perlustrando visitauit. In 4. Capitulis Generalibus quæ celebrauit, multa ad regularem obseruantiam promouendam vtilia, piè prudenterque ordinauit. Præsertim verò in Capitulo Vlyssiponensi Anno 1618. celebrato, curauit diligentissimè, vt Constitutiones Ordinis nostri, cum suis glossis denuò Typis ederentur; expunctis pluribus nō necessarijs, etiam reuocatis, & adiectis declarationibus ex Capitulis Generalibus per annos retrò 50.

cele-



celebratis , vt pleraque clariora haberentur . Ipse etiam corpus D. Thomæ proprijs manibus transtulit, in arcam ex auro argentoque conflatam , gemmis quæ quauersus contextam ex irradiantem . His peractis, cum ex Gallijs Romam reuerteretur , è viuis excessit propè Auenionem Anno 1628. die 24. Septembris .

Sub hoc Generali Anno 1617. S. Rosa de S. Maria, Tertij Ordinis, primus flosculus sanctimonie in Indijs occidentalibus, inseritur amœnis cœli viridarijs . Floruit etiam Soror Hippolyta è nobili Domo de Rocaberti , cœlesti sapientia plena , multorumque auctrix librorum . Etiam Soror Theodora de Rosatis Romanæ Prouinciæ, miraculis clara, quæ S. Hyacinthi apparitione ab insana- bili morbo conualuit . Floruerunt etiam his temporibus Antistites ex Ordine nostro assumpti , in sola Aragoniæ Prouinciæ superstites ( omissis alijs Viris Illustribus, ne opus in immensum excrescat ) numero quinque: videlicet Illustrissimus D. Fr. Isidorus Aliaga Archiepiscopus Valentinus . Reuerendiss. DD. Fr. Simon Baucæ Episcopus Maioricensis , Fr. Andreas Balaguer Episcopus Oriolæ . Fr. Ioannes Baptista de la Nuza Episcopus Barbastrensis , & Fr. Raphael Riphos Episcopus Helmenfis .

Sed & Gallia non caruit viris doctissimis, qui elequentia, & eruditione insignes, scriptis tam vernacula, quàm Latina lingua editis, in defensionem Ecclesiæ, aduersus Hæreticos decertarunt . Vnum meminisse sufficiat , Fr. Nicolaum Coeffetæum multorum Librorum authorem: qui à Ludouico XIII. primò ad Lombatiensem , & Santonensem Ecclesias nominatus , easq; acceptare renuens, postmodum ad Dardaniensem Episcopatum , & successiue ad Massiliensem promotus fuit , de quo plura in *Gallia Christiana* .

Nec omittenda memoria Fr. Desiderij Scalix Cremonensis , qui ex Generalis Romanæ Inquisitionis Commissario à Paulo-Papa V. Presbyter Cardinalis (absque titulo)

titulo) renunciatus fuit; simulque Episcopus Melphidensis designatus Anno 1621. Quem postmodum Gregorius XIV. ad Comensem Ecclesiam transtulit, assignato illi titulo primùm S. Clementis, postea XII. Apostolorum, ac deinde S. Caroli in via Curfus. Erat vir in consultationibus acer, viuudique ingenij, & rectæ mentis: in benefactores gratus, in amicos officiosus. Decessit Romæ septuagenarius, Anno salutis 1639. sepultus in Ecclesia S. Caroli de Cursu.

Interea dum Paulus Papa V. satis cessisset, à Cardinalibus Conclauē ingressis Anno 1621. v. Idus Februarij renunciatus est Romanus Pontifex Gregorius XV. Alexander Cardinalis Ludouisus antea appellatus. Vixitque in Pontificatu vsque ad annum 1623. Quo mortuo, electus fuit in Papam Urbanus VIII. Barberinus, die 6. Augusti, eiusdem anni 1623. Seditque vnum, & 20. annos, octo diebus exceptis.

Hic Pontifex Anno 1641. in octaua Cardinalium Creatione, inter Purpuratos reposuit ex Ordine Prædicatorum Fr. Vincentium Maculanum de Fiorenzuola, diuersis prius officijs in Ordine summa cum laude perfunctum: utpotè qui & Inquisitoris, & Procuratoris, ac Vicarij Generalis, & S. Officij Commissarij, & Magistri S. Palatij munus exercuit. Nec suffecit dicto Pontifici facere eum Cardinalem tituli S. Clementis, etiam Archiepiscopatu Beneuentano eundem exornauit. Supernixit Maculanus in Cardinalatu vsque ad annum 1667. expletoque ætatis suæ anno 89. felici fine quieuit, die 15. Februarij, sepultus in Ecclesia S. Sabinæ in Auentino.

Anno 1629. in Capitulo Generali Romano, electus est in Magistrum Ordinis LV. Fr. Nicolaus Rodolphius Florentinus. Leonis Papæ XI. ex Sorore Pronepos: qui tunc Magistri S. Palatij, & Vicarij Ordinis munereungebatur. Vir summis animi dotibus exornatus, ac verus parens Ordinis: quem cum zelo singulari moderaretur, & Encyclicis siue circularibus Epistolis, vñctione deuoti-

tissima delinitis, tūm Prouincias, tūm Congregationes ad Professionis scopum efficaciter excitaret; ipsemet in persona Galliam, Siciliam, Regnumque Neapolitanum visitando, inuidorum quorundam calumnijs exagitatus, post 15. annos Magisterij, ab Urbano Papa VIII. à Generalatu depositus est. Sed deinceps eius causa iussu Innocētiij X. reuisa, innocens declaratus, cūm quinquennio post, extincto eius in officio successore Fr. Thoma Turco, instantibusque Capituli Generalis initijs Anno 1650. ad Generalatum reuocaretur, morte pretiosa Ordini creptus est, sepultusque in Ecclesia Mineruæ.

Floruit hoc tempore Fr. Dominicus Graulina Neapolitanus, ex Congregatione Sanitatis, S. Theol. Magister, Prouinciæ Regni Prouincialis, & in Vniuersitate Neapolitana publicus Theologiæ Professor, qui scripsit.

*Tomos 4. Controuersiarum  
aduersus omnes veteres, &  
nouos Hæreticos.*

*unanimi Euangelij predi-  
catione.*

*Apologeticum pro deposito fi-  
dei Catholice, & Aposto-  
lice.*

*Vindicias Orthodoxas pro Sa-  
cramento Ordinis.*

*Lapidem Lytium visionum,  
& reuelationum.*

*Opusculum de indinisa, &*

*Et Librum in commendationem doctrinæ S. Thomæ Aquinatis; cui titulus Cherubin Paradisi.*

Post abdicationem Magistri Rodulphij, Vocales ad Capitulum Anno 1644. Romam congregati, elegerunt in Magistrum Ordinis LVI. Fr. Thomam Turcum Cremonensem, de Prouincia vtriusque Lombardiæ, Procuratorem Generalem Ordinis: virum doctissimum, qui visitatis Prouincijs, Italiæ, Galliæ, Flandriæ, & Hispaniæ, celebratoque Generali Capitulo Anno 1647. Valentia in Hispania pro translatione Corporis S. Ludouici Bertrandi, post 60. ab eius obitu annos integri reperti; & procurata impressione operum B. Alberti Magni, Hugonis Cardinalis, Petri de Tharantasia, aliàs Innocētiij Papæ V. Maluendæ, & aliorum ex Ordine Scriptorum, dum

in bonum Religionis maiora moliretur, Romam reuersus, ibidem anno 1649. deuotissimè vitæ cursum expleuit, cum dolore totius Ordinis, cui præfuit annis 5.

Hoc tempore Anno videlicet 1644. decessit in Hispania magnus ille Magister Fr. Ioannes à S. Thoma, in Complutensi Academia primarius Theologiæ Professor, Supremus Fidei Censor, & Philippo IV. Magnò Hispaniarum Regi à Confessionibus: qui scripsit. *Tomos 3. in primam partem S. Thomæ & 1. 2. Item Tractatum de Incarnatione Verbi Diuini. Disputationes absolutissimas de Sacramentis in genere. Et specialitèr de Sacramentis Eucharistiæ, & Penitentia. Insuper & Cursum Philosophicum, vno volumine comprehensum.*

Eodem Anno 1644. die 14. Septemb. eligitur in Summum Pontificem Innocentius X. Pamphilus: seditque annis decem mensibus 3. diebus 23.

Hic Pontifex duos ex Ordine Prædicatorum Cardinalium Collegio aggregauit. Et primū quidem Anno 1647. in quarta Creatione renunciauit Cardinalem tituli S. Cæcilie Fr. Michaelē Mazzarinum Romanum, quem prius Archiepiscopatu Aquensi exornauerat. Hic dum à Rege Christianissimo Orator Romam mitteretur, ex aeris mutatione, graui morbo correptus, obiit anno 1648. die 31. Augusti. Sepultus in Æde S. Mariæ super Mineruam ad pedes Fratrum suorum.

Alter ex Ordine Prædicatorum promotus ad Cardinalatum, tituli S. Syluestri de Capite, fuit Fr. Dominicus Pimentellus Hispanus, Comitris Beneuentani filius; qui de Ecclesijs Oxomeni, Cordubensi, & Archiepiscopali Hispalensi, ad quas regendas assumptus fuerat optimè meritis, absolutaque insigni Legatione ad Urbanum Papam VIII. à Philippo IV. Hispaniarum Rege, ad eiusdem Regis instantiam Sacra Purpura ab Innocentio huius nominis X. superuestiri meruit Anno 1652. sed vix biennium purpuratus vixit. Calculi enim dolore pressus supremum diem obiit Romæ Anno 1653. die 2.



Decembris, in eadem Ecclesia Mineruæ sepultus.

Anno Domini 1650. electus est in Capitulo Generali Romano, in Magistrum Ordinis LVII. Frater Ioannes Baptista de Marinis, Ianuensis, cuius nobilissima familia ab antiquo Ordini nostro addictissima, eximios eidem viros suppeditauit. Fungebatur tunc officio Secretarij Indictis: & quamuis mansuetissimi fuerit pectoris, magno tamen zelo, & Regularem obseruantiam iduit, & iura Ordinis propugnauit.

Floruit Ordo sub eius Magisterio (quod annis 19. perdurauit) & viris sanctissimis, & Præsulibus dignissimis, & Doctoribus inclytis, & Prædicatoribus Verbi Dei clarissimis, quorum præconia tam restrictum Chronicon dare non potest. Nam plus minus 40. Patres ad Infulas assumpti sunt, & qui ex iam assumptis, illustrem sui memoriam reliquerunt. Tot tantaque præclara gessit Illustrissimus Petrus de Papia, à Cordubensi Ecclesia, translatus ad Metropolitanam Hispalensem: vt vita eius integro volumine descripta, ipsum exhibeat priscis Ecclesiæ Patribus, ac Pastoribus comparandum. In facultate Parisiensi, vt Sydus lucidissimum effulgebat, Pater Ioannes Nicolai, vir omniscius: qui vltimum Summæ S. Thomæ ornamentum adiungens, primum, & secundum Scriptum D. Thomæ, in 4. Libros Sententiarum, simulque Catenam Auream ex varijs authoritatibus SS. Patrum, quas Angelicus Doctor adducit, fideli collatione illustrauit. In Hispania effulgebat pietatis, & sapientiæ iubar singulare, Illustrissimus Dominus Petrus de Godoy, in Salmanticensi Vniuersitate per complures annos primariæ Cathedræ moderator, Regius Concionator, ac demum ad Episcopatum Oxomensen assumptus. Hic scripsit Disputationes Theologicas, in primam partem, & 1. secundæ, & tertiam partem Summæ S. Thomæ. In Galijs pariter celebris habitus est Fr. Ioannes Baptista Gonet Biterenfis, Prouinciæ Tolosanæ, in Vniuersitate Burdigalensi publicus Theologiæ Professor, qui singulari stu-

dio, & ingenij sui foelicitate, confecit *Clypeum Theologiae Thomisticae*, contra nouos eius impugnatores. quod opus planè insigne, nunc omnium Scholasticorum manibus tractatur, & territur. Item edidit *Manuale Thomisticum*, seu breuem Theologiae Cursum, admirabili claritate intertextum. Floruit etiam hoc tempore Romæ Fr. Petrus Maria Passerinus de Sextula, S. Theologiae Magister, Procurator Generalis Ordinis, & in Romana Sapièntia publicus Professor, (qui & Vicarius Generalis Ordinis post demortuum Magistrum Generalem de Marinis vsque ad subsequens Capitulum fuit) hic scripsit.

*Commentaria in 1. 2. & 3. Librum Decretalium.*

*Tractatum de Electione Summi Pontificis.*

*Commentaria in 3. partem Summæ D. Thomæ.*

*Tractatum de Indulgentijs.*

*Inspectiones Morales de Statibus Hominum, & Officijs.*

*Regulare Tribunal, seu Præxim formandi Processus.*

*Et Tractatum de Electione Canonica.*

Hoc eodem tempore Doctrina Angelica, controuersiarum omnium Lydius Lapis, nouam à Sede Apostolica approbationem accepit. Cum enim Vniuersitas Louaniensis Constitutionem Innocentij Papæ X., qua quinque Propositiones Iansenij damnauerat, (quamque Constitutionem Summus Pontifex Alexander VII. confirmauerat) ea quæ par est in Sedem Apostolicam reuerentia suscepisset, simulque proposuisset circa materiam de *Auxilijs* sequi fideliter doctrinam SS. Augustini, & Thomæ, quos sibi in speciales Magistros elegerat: commendauit proinde præfatus Summus Pontifex suo rescripto eorum obedientiam, & zelum; eo maximè, quod præclarissimorum *Ecclesiæ Doctorum, Augustini, & Thomæ Aquinatis*, inconcussa, tutissimaque dogmata, sequi semper, ac impensè venerari se velle assererent: quorum profectò Sanctorum virorum penes Catholicos ingentia, & omnem laudem supergressa nomina, non præconiij commendatione planè non egent.

Sed & ipsimet defensores Iansenij, cum sententiam suam

suam in sensu Thomistico explicatam eidem Summo Pontifici misissent, congratulatus est Pontifex ijs, qui eam declarationem fieri curauerunt: quòd videlicet cæterorum nomine, illarum partium primarij, ad sanio- rem doctrinam inducti, ea que par est (vt credebat) animi demissione se se paratissimos exhibuerint, ad illa omnia præstanda, quæ ipsis à Sede Apostolica præscriberentur.

Successerant etiam his quæstionibus Iansenistarum, & aliæ, *de Opinione probabilitate*. Sed hæc cum in apertam animarum pernitiem nimia laxitate cederent, velletque Pontifex huic malo oportunè mederi, significauit se cupere id à nostris fieri per genuinam S. Thomæ doctrinam: quod & statim à multis præstitum est; & quidem in Italia, à Fr. Iulio Mercoro Inquisitore Mantuano, in Hispania doctissimè, & eruditissimè à Fr. Ioanne Martinez de Prado, multis voluminibus: in Gallia à Fr. Vincentio Baronio viro præclarissimo, & eloquenti, tum & Fr. Ludouico Bancello, Fr. Vincentio Contenson, & Fr. Ioanne Baptista Gonet iam superius laudato.

Anno Domini 1655. renunciatus est Summus Pontifex Alexander VII. Chisius, seditque vsque ad annum 1667. quo è viuis excessit die 22. Maij. Eodem statim Anno die 20. Iunij creatus est Pontifex Maximus Clemens IX. Rospigliosus, qui in Pontificatu superuixit vsque ad annum 1669. Cui postmodum successit Clemens Papa X. ex familia Alteria.

Hoc Pontifice feliciter regnante, & Magistro Generali de Marinis morte pretiosa sublato, electus fuit in Capitulo Generali, Romæ Anno 1670. celebrato, in LVIII. Magistrum Ordinis, Fr. Ioannes Thomas de Rocaberti, Prouincialis Aragoniæ, ex nobilissima & antiquissima familia Comitum de Perolada: qui totum sese ad ea quæ sanctitatis sunt applicans, non multò post, solemnem Canonizationem S. Ludouici Bertrandi, & S. Rosæ Limanæ. simulque extensionem cultus BB. Gundisalui, Alberti Magni, Pij V. Iacobi de Meuania, ac Beatarum Marga-

ritæ de Castello, & Margaritæ de Sabaudia per totum  
Ordinem à dicto Clemente Papa X. impetrauit. Idem  
etiam Pontifex B. Ioannem Colonienfem, vt Martyrem  
ab omnibus colendum declarauit. Fefiuitatem Omnium  
SS. & Sanctarum Ordinis nostri sub vna celebritate die  
9. Nouembris in toto Ordine recolendi, auctoritatem  
dedit: & fequenti die 10. Nouembr. Commemoratio  
omnium Fratrum & Sororum defunctorum Ordinis no-  
stri vt haberetur, benignè indulfic. *(a)*

Sub hoc Generali duos ex filiis fuis Cardinalium Col-  
legio coaptatos lætus aspexit Ordo Dominici, (& vti-  
nam quàm diutiffimè adhuc eos fupervitantes haberet) vi-  
delicet Fr. Vincentium Mariam Vrfinum Romanum, ex  
Grauinenfium Ducibus, ætatis fuæ tunc annorum 23.  
dum Philofophiæ Lectorem in Conuentu Brixienfi age-  
ret: qui tamen nonnifi Pontificis præceptis adactus ho-  
norem hunc admiſſit. Alterum Fr. Philippum Thomam  
Houuardum Anglum, Ducis Norfolciæ perpetui Angliæ  
Mareschalci germanum Fratrem. Virum non minùs Re-  
ligione ac fidei zelo, quàm Parentela & indole fubli-  
mem. Hic dum in Angliæ apud Sereniſſimam Britanniæ  
Reginam primi Sacellani, & Eleemofynarij fuingeretur  
officio, eo quòd inconcuſſa animi conſtantia Catholi-  
corum partes (vti firmiſſima eorum columna) apud  
Regem & Magnates fuſtineret, adeò vt in eorum fauo-  
rem de libertate conſcientiæ in cunctis Angliæ Corcæ  
partibus concedenda, decretum obtinuerit; edicto Par-  
lamenti exulare Bruxellas vſque coactus fuit: dumque  
ibi à Magiſtro Ordinis licentiam veniendi in Urbem  
expectaret, præuentus fuit benigna eiufdem Summi  
Pontificis clementia, qui cum Vniuerſalis Eccleſiæ Se-  
natui, cum titulo Cardinalis S. Mariæ ſuper Mineruam  
adſcriptum eſſe voluit.

Eodem quoque tempore recepit condignum laborum  
fuorum præmium Frater Hyacinthus Libellus, prom-  
tus ad Archiepiſcopatum Auenionenfem, poſt exerci-



tum honorificè Magistri Sacri Palatii Apostolici munus.

Rexit Ordinem Reuerendissimus Generalis Rocaberti, vsque ad annum 1676. quo à Rege Hispaniarum nominatus ad Archiepiscopatum Valentinum, & ab Innocentio Papa XI. Clementis X. successore acceptatus, & proclamatus, Magisterio cedens, ad suam Ecclesiam properauit:

Anno sequenti 1677. electus est in Magistrum Ordinis LIX. Fr. Antonius de Monroy Mexicanus, & quondam in Vniuersitate Mexicana Theologiæ Professor: qui Romæ priuatim viuens, nec quid tale vir modestus, & humilis cogitans, ad supremam Magisterij Præfecturam est euectus. Eius tempore tertius ex nostris Purpura decoratus est, Fr. Raymundus Capisuccus Romanus, factusque Presbyter Cardinalis tituli S. Mariæ Angelorum, dum iterato Magistri S. Palatii officio fungeretur. Vir magni nominis, ac doctrinæ singularis: qui ad decorem Ecclesiæ, & legentium vtilitatem, solidam eruditione compilauit, ac in lucem edidit. *Questiones Theologicas Selectas, Morales, & Dogmaticas.*

Circa hæc tempora obiit in Conuentu Cadenetensi in Gallia, Venerabilis Pater Antonius à SS. Sacramento, vitæ austeritate, missionum laboribus, & miraculorum operatione, cum clarioribus nostræ Religionis Heroibus meritissimè comparandus: qui primæ paupertatis sectator fidelissimus Congregationem specialem in Comitatu Venusino sub SS. Sacramenti nomine (cui erat deuotissimus) fundauit; in eiusque cultum nouum Monasterium Monialium, in perfecta rerum omnium abdicatione viuentium, erexit. Eius vitam virtutibus plenam, Pater Archangelus Gabriel ab Incarnatione accuratè descripsit, sicque conscriptam eidem Magistro Generali Monroy dedicauit Anno 1686. quo tempore dictus Magister, Regis Catholici nominatione ad Archiepiscopatum Compostellanum assumptus est, post expletum integrum in regimine Ordinis decennium.

Cæterum qui res nostras hoc compendioſo Chronico (cui finem imponimus) comprehenſas, pleniùs ſcire cupierit, habet varios ſcriptores, qui diuerſo idiomate Ordinis noſtri acta loquuntur. Extat Latine *Tomus primus Annalium* ab Eruditiffimo, ſolertiſſimoque Thoma Maluenda conſcriptus. Habetur Hiſpanicè *Hiſtoria generalis* à Ferdinando Caſtillo Granatenſi complata, & ab Illuſtriſſimo Ioanne Lopez Epifcopo Meſſopolitano cõtinuata. Italicè edidit Hiſtoriam Michæel Pius. Adeſt & *Diarium Dominicanum* Illuſtriſſimi D. Dominici Mariæ Marchefij. Sed multò copioſiùs omnia traduntur Gallicè in *Anno Dominicano*, cuius iam in menſes ſingulos; Tomi ſinguli, & in Maium duo cum præcedentium ſupplemento, uſque ad Iunium incluſiue Typis excuſſi habentur.

F I N I S.

# BREVIS SYLLABVS RERVM MEMORABILIVM.

Quæ in hoc Restricto Chronico  
continentur.

A

**A**drianus V. electus fuit  
in Papam anno 1276.  
pag. 39.

Adrianus VI. Pontificatum cō-  
scendit anno 1522. pag. 86.

Ægidius Foscararius floruit sub  
Vincentio Iustiniano. p. 103.

R. Agnes de Monte Politiano  
obiit anno 1317. pag. 53.

B. Alani de Rupe mors contigit  
circa annum 1473. pag. 73.

B. Albertus Magnus Patani Ordinem  
nostrum ingreditur. p. 13. miraculose à B.V.M.

scientiam Philosophiæ impe-  
trat. pag. 25. eius præclara

vita, & mors pretiosa descri-  
bitur. pag. 27. & sequent.

Vicarium Ordinis gessit. pag.  
16. eius corpus subleuatur.

pag. 74. Brachium eius Bo-  
noniam defertur. ibidem.

opera illius sub Generali Tur-  
co imprimuntur. pag. 115.

Albertus Clauarus electus fuit

in 10. Ordinis Generalis  
anno 1300. pag. 43.

Albertus de Brixia quo tempore  
claruit, & quæ scripsit? p. 52.

Albertus Cassius renunciatur  
44. Ordinis Generalis an-  
no 1542. pag. 93. sub eius  
Generalatu viri Illustres re-  
censentur. pag. 94.

Aldobrandinus de Caualcanti-  
bus, fuit Vicarius Papalis in  
Urbe, sub Pontificatu Gre-  
gorij X. pag. 38.

Alexander IV. electus fuit in  
Papam anno 1254. pag. 24.

Alexander Papa V. ex Ordine  
Minorum, gloriosum Priuile-  
gium Mendicantibus conces-  
sit. pag. 66. eius tempore  
Schisma in nostro Ordine di-  
minutum. ibidem.

Alexander Papa VI. eligitur  
anno 1492. pag. 76.

Alexander VII. fit Summus  
Pontifex anno 1655. p. 119.

Alexander Capoccinus floruit sub  
Ge-

- Generalatu Pauli Constabilis. pag. 108.
2. Ambrosius Sansedonius obiit sub Generalatu Munionis Zamorenfis. pag. 40.
3. Antoninus Archiepiscopus Florentinus doctrina, & miraculis claruit. p. 71. adscribitur Sanctorum numero ab Adriano Papa VI. ibidem.
- Antonius de Brixia Inquisitor, & Prædicator celebris, claruit sub Generalatu Ioachimi Turiani. pag. 76.
- Anibaldus Hannibaldensis fuit secundus ex Ordine nostro Cardinalis, multaque præclara scripsit. pag. 35.
- Antonius Vincērius Demenech floruit sub Generalatu Xauierre. pag. 111.
- Antonius de Monroy eligitur. 59. Ordinis Generalis anno 1677. pag. 120. idem ad Archiepiscopatum Compostellanum assumitur. p. 121.
- Antonius à S. Sacramento Cōgregationem nouam in Gallijs fundauit. pag. 121.
- Antipapa eligitur tempore Urbani VI. pag. 62.
- Archangelus de Blanchis fit 34. ex Ord. nostro Cardin. p. 106.
- Augustinus Recuperatus eligitur anno 1539. in 47. Magistrum Ordinis. pag. 92.

- Augustinus Gallaminus fit 53. Magister Ordinis anno 1608. p. 112. deinde creatur 37. ex Ordine nostro Cardinal. ibid.
- Aymerici Placētini in 12. Magistrum Ordinis electio, ab eoque gesta describuntur. p. 49.

B . 10

- B**arnabas Mercellensis eligitur in 5. Ordinis Generalem anno 1321. pag. 56.
- Barnabas Saxonus fit 34. Ordinis Magister ann. 1486. p. 75.
- Bartholomæus Texerius 26. Ordinis Generalis electus fuit anno 1426. p. 68. impetrauit dispensationem ad possidenda bona immobilis. ibidem.
- Bartholomæus Comatius electus anno 1484. in Magistrum Ordinis 33. pag. 74.
- Bartholomæus Rōdininus Theologus, & Iurista insignis. p. 82
- Bartholomæus de Martyribus Archiepiscopatu Bracarenfi cedens, in priuatam fortunam redigitur. pag. 107.
- Benedictus XI. assumitur ad Pontificatum ex nostro Ordine anno 1303. pag. 44.
- Benedictus XII. Cisterciensis eligitur in Summum Pontificem anno 1334. pag. 57.
- Bernardus de Rupeforti pro fide Martyrium subiit anno 1242. pag. 19.



- B**ernardus de Trillia Scriptor  
præclarus sub Generalatu  
Stephani Bisuntini. pag. 42.  
Bernardus de Iusico eligitur  
II. Ordinis Generalis anno  
1301. pag. 43.  
Berëgarius de Rodex assumptus  
in 13. Ordinis Magistrum  
anno 1312. pag. 51.  
Bonifacius VIII. Pontifex de-  
nunciatur anno 1294. p. 43.  
Bonifacius IX. eligitur in Pa-  
pam anno 1389. pag. 64.  
Breviarium nostrum sub Gene-  
rali Francisco Romeo refor-  
matum fuit. pag. 96. & 76.  
Bulla de Temporalitate Pra-  
latorum sub Pontificatu Iu-  
lii II. emanavit. pag. 79.  
Bulla Aurea circa possessiones  
bonorum immobilium à Six-  
to Papa IV. Ordini nostro  
concessa. pag. 74.
- C**alixtus III. in Pontificē  
eligitur anno 1455. p. 72.  
Celestinus Papa IV. successit  
Gregor. IX. anno 1241. p. 19.  
S. Celestinus Papa V. electus  
anno 1294. pag. 43.  
Carmelite Regulam à Fratri-  
bus nostris præscriptam ac-  
ceperunt. pag. 21.  
S. Catharina Senensis floruit  
sub Generalatu Simonis Lin-  
goniensis. pag. 61. ex Di-

- uina revelatione Curiam Ro-  
mam trāsferri Gregorio XI.  
suadet. pag. 62. eius obitus,  
& Canonizatio. pag. 72.  
eius præconia enarrantur à  
Fr. Ioanne de Neapoli. p. 73.  
verè stigmata Christi habuit.  
pag. 74.
- Catharina de Pisis magna vir-  
tutis adolescentula. pag. 61.  
Christianus Patriarcha Antio-  
chenus à Saracenis pro fide  
Martyrium subiit. pag. 12.  
Clarus Sextus Bononiensis Or-  
dinem intrauit circa annum  
1218. pag. 10.  
Clementis Papæ IV. electio, &  
in Ordinem nostrum amor  
describitur. pag. 35.  
Clemens Papa V. eligitur anno  
1305. pag. 50.  
Clemens VI. Benedictinus eli-  
gitur in Summum Pontificem  
anno 1342. pag. 58.  
Clemens Papa VII. electus an-  
no 1523. in arcem S. Angeli  
fugit, vitamque suam, & suo-  
rum pecunia redimit. p. 86.  
Clemens VIII. quo tempore in  
Pontificatu sedit? declara-  
tur. pag. 110.  
Clemens IX. eligitur in Pon-  
tificem anno 1667. p. 119.  
Clemens X. successit immediatē  
in Pontificatum post Clemen-  
tem IX. pag. 119.

Gregor. Columba Tertiaria Ordinis nostri, vitæ sanctitate celebris, pag. 77.

Commemoratio omnium Fratrum, & Sororum defunctorum Ordinis nostri, à Clemente Papa X. concessa, pag. 120.

Commissarii Sanctæ Vniuersalis Inquisitionis inceperunt ex nostris assumi, sub Paulo Papa III. pag. 94. & 103.

Concilium Lugdunense celebratum fuit sub Gregor. X. pag. 38. ex nostro Ordine 33. Episcopi dicto Concilio interfuerunt, ibidem.

Concilium Constantiense indictum sub Ioāne Papa XXIII p. 66. in eo Gregorius XII. Pontificatui renūciauit, pag. 65.

Concilium Lateranense inchoatum sub Iulio II. sub Leone Papa X. continuatum fuit, pag. 82. & 84.

Concilium Tridentinum in diuersis locis fuit indictum, & inchoatum, pag. 91. huic Concilio quàm multi ex nostris interfuerunt, pag. 101. perdurauit annis 27. p. 101. sub Pio Papa IV. finitum fuit, ibidem, & 85. & 91. In Conciliabulo Pisano Fratrum Ordinis nostri erga Sedem Apostolicam obser-

uantia enituit, pag. 82.

Confraternitas Sanctiss. Nominis Dei à Fr. Didaco de Victoria est instituta, pag. 87.

Cōgregatio Franciæ erecta est in Prouinciā Occitanā anno 1569. pag. 102.

Congregatio Aprina S. Catharinæ Sepensis in Prouinciā erigitur, pag. 111.

Conradus Aftensis eligitur 30. Ord. Generalis anno 1462. pag. 72.

Controuersia de sanguine Christi in Cruce effuso, inter Minoritas, & nostros exorta, in fauorem Prædicatorum determinatur, pag. 72.

Controuersia de Auxilijs, excitata fuit sub Generali Beccaria, pag. 109.

Coronula B. M. V. à B. Iordano composita, certas Indulgentias annexas habet, p. 15.

Conradus Koëlinus Scriptor insignis sub Generalatu Thomæ de Vio Caietani, pag. 85.

Conuentus Lemouicensis factus fuit primus Conuentus Franciæ, pag. 9.

Conuentus Rhemensis, & Aurelianensis erecti sunt anno 1218. pag. 10.

Conuentus Florentinus S. Marci Augustinianis traditur, & iterum à nostris repetitur, p. 93.

*Furia Romana ultra montes translata, ibidem, remansit annis 70. pag. 50.*

D.

**B** *Eta Daniela de Vrbeu-  
teri claruit circa annum  
1352. pag. 61.*

*Daniel Cremensis floruit sub  
Generalatu Vincentij Insti-  
niani. pag. 103.*

*Desiderius Scalia fuit 37. ex  
Ord. nostro Cardinal p. 113.*

*Diuisio Provinciarum Hispa-  
nie, & Portugaliæ facta sub  
Generalatu Leonardi de Da-  
tis. pag. 68.*

*Didacus de Astudillo doctrina  
claruit tempore Generalis  
Cœtani. pag. 83.*

**S.** *Pater Dominicus iecit ini-  
tia Ordinis circa annũ 1203.  
pag. 4 apparitione SS. Apo-  
stolorum Petri & Pauli ad  
predicationem animatur.  
pag. 6. Militiam Iesu Chri-  
sti instituit. pag. 8. plus  
quàm 100. millia Hæreti-  
corum conuertit viuens.  
pag. 9. obiit anno quarto à  
confirmatione Ordinis. pag.  
10. corpus eius solemniter pom-  
pa subleuatur. pag. 14. in  
SS. Confessorum numerum  
refertur. pag. 15. in arcam  
pretiosiore corpus eius trans-  
fertur. pag. 32.*

*Dominicus Gronier scriptis cla-*

*ruit sub Generali Berenga-  
rio. pag. 52.*

*Dominicus de Flandria Scri-  
ptor, & Theologus, sub Ge-  
neralatu Comatij. pag. 75.*

*Dominicus de Mortario do-  
ctrina clarus sub Generali  
Bandelio. pag. 79.*

*Dominicus à Montemaiori à  
facinorosis occiditur. p. 87.*

*Dominicus Sotto Caroli V. Im-  
peratoris Confessarius, &  
Scriptor insignis. pag. 95.*

*Dominicus Anadon scriptis cla-  
ruit sub Generali Beccaria.  
pag. 110.*

*Dominicus Granina claruit sub  
Rudolphio. pag. 115.*

*Dominicus Pimentellus fit 30.  
ex Ord nostro Cardin. p. 116*

*Domus Parisiensis S. Iacobi da-  
ta est Fratribus nostris anno  
1218. pag. 9.*

*Durandus Senior multis præ-  
clare scriptis inclaruit tem-  
pore Magistri Heruei. p. 34.*

E.

**E** *Lias Tolossanus eligitur 22.  
Ordinis Generalis anno  
1367. pag. 61.*

*Ad Episcopatus diuersos pluri-  
mi ex Ordine nostro promoti  
p. 52. & 95. & 103. & 113.  
& 117.*

*Eugenius Papa IV. eligitur  
anno 1431. & non 34. p. 69.*

*Eustachius Locatellus doctrina  
il-*

illustris, & B. Pio Papæ V.  
charus. pag. 106.

## F

**F**estum Corporis Christi, est  
Festum FF. Prædicatorum.

aim. 17. 34.

Festum Stigmatum S. Fran-  
cisci, à Benedicō XI. Ordinis  
nostri institutum fuit. p. 47.

Florentini Ecclesiæ rebelles fuit,  
& excommunicantur. p. 62.

Franciscus de Rhetsa de Beata  
Maria Virgine plurima scri-  
bit sub Generali Leonardo  
de Datis. pag. 67.

Franciscus de Neritono pluri-  
bus annis publicus Patavy  
Professor. pag. 75.

Franciscus de Victoria floruit  
sub Generali Garfia. p. 86.

Franciscus Syluester 40. Ordini  
Generalis, multis præ-  
clare scriptis inclaruit. p. 83.

Franciscus Romeus 48. Ordinis  
Generalis eligitur anno 1546  
pag. 96. sub illo facta est no-  
tabilis reformatio Breuiarij.  
ibidem.

Franciscus Forerius primus  
fuit Secretarius Indicis. pag.  
101. Breuiarium Romanum  
ex mente Pontificis reforma-  
uit. ibidem.

## G

**G**abriel Casafages dispu-  
tationibus claruit sub Ge.

neralatu Conradi. pag. 72.

Garfias à Loaysa eligitur 39

Ordin. Generalis anno 1518.

pag. 86. fit 26. ex Ordine

nostro Cardinalis. ibidem.

sub eius Generalatu viri do-

ctrina insignes recensentur.

ibidem.

Garfias de A. pro fide Mar-  
tyriū suū anno 1242. p. 19.

Gerhardus de Adaumario ele-

ctus fuit in 17. Ordinis Ma-

gistrū, anno 1342. p. 58. idē

fit 15. ex Ordine nostro Car-

dinalis. ibidem.

Gratiadeus de Asculo scriptis

inclaruit sub Generali Be-

rengario. pag. 52.

Gregorius IX. electus fit in

Papam anno 1227. pag. 14.

Gregorius Papa X. assumptus

fuit 1271. pag. 36.

Gregorius XI. eligitur anno

1370. p. 62. Cuiam ultra-

montes transfert. ibidem.

Gregorius Papa XII. electus

circa annū 1406. p. 65. Idem

in Concilio Constātiensi Pon-

tificatus cessit. ibidem.

Gregorius XIII. Cathedræ Pe-

tri insedit anno 1572. p. 107.

Gregorius XIV. fit Summus

Pontifex anno 1590. p. 110.

Gregorius XV. electus in Pon-

tificem anno 1621. p. 114.

Gualterus Vvintkenburnus fuit



10. ex Ordine nostro Cardi-  
nalis. pag. 46.
- Guarinus de Giaco eligitur in  
19. Magistrum Ordinis, anno  
1346. pag. 59.
- Guido de Longimello à Sarace-  
nis pro fide Martyrium sub-  
ijt. pag. 11.
- Guido Flamochetus eligitur  
anno 1450. Ordinis Genera-  
lis 28. pag. 71.
- Guilhelmus de S. Amore Reli-  
giosorum osor iniquus, Decre-  
to Pontificio plectitur. pag.  
22. & 23.
- Guilhelmus de Peiranta claruit  
sub Pōtif. Alexan. IV. p. 24.
- Guilhelmus Morbea scriptor  
excellens, sub Generali Ioan-  
ne Vercellensi. pag. 34.
- Guilhelmus Maresfeldius fuit  
9. ex Ordine nostro Cardina-  
lis. pag. 45.
- Guilhelmus Ggadin Scriptor pre-  
clarus, fuit 13. nostri Ordinis  
Cardinalis. pag. 51.
- Guilhelmus Sudre fuit 18. no-  
stri instituti Cardinalis. pa-  
gin. 60. Scripta nonnulla  
reliquit. ibidem.
- Guilhelmus Pepinus floruit sub  
Generalatu Thomæ Caieta-  
ni. pag. 83.
- Guilhelmus Parui moderator  
iuentutis Regis Galliarum.  
pag. 83.
- pro fide Martyrium subijt.  
pag. 19.
- B. Gundisalvus innumerum mi-  
raculorum patrator, obiit cir-  
ca annum 1257. pag. 31. in  
Beatorum numerum relatus  
à Clemente X. pag. 119.
- H
- H Abitus Ordinis nostri à  
B. M. V. caluus designa-  
tus, & ostensus; tum & ab  
Abbate Ioachimo prophetice  
demonstratus fuit. pag. 7.
- B. Helena de Hungaria stigma-  
ta Christi Domini detulit.  
pag. 38.
- B. Henricus Suso sanctitate  
clarus, sub Generali Simone  
Lingoniensi. pag. 61.
- Henricus de Erfordia scripsit  
Chronicon gloriosum ab ori-  
gine mundi. pag. 61.
- Herueus Natalis fuit 14. Ordi-  
nis Generalis. pag. 53.
- Hieronymus Sauonerolla pro-  
phetie dono insignis, &  
Scriptor preclarus, Floren-  
tiæ crematur cū duobus alijs.  
pag. 77.
- Hieronymus Bernerius fit. 35.  
ex Ordine nostro Cardinalis.  
pag. 105.
- Hieronymus Xauierre eligitur  
anno 1601. in 52. Ordinis  
Generalem. pag. 110. deindè

fit 36. ex nostris Cardinalis.  
ibidem.

Hieronymus Mozzarellus floruit sub Generali Iustiniano. pag. 103.

Hippolytus Maria Becaria eligitur in Magistrum Ordinis anno 1593. pag. 109. sub eius Generalatu viri illustres describuntur. ibidem.

Soror Hippolyta de Rocaberti, fuit multorum Librorum auctrix. pag. 112.

Honorius Papa IV. electus anno 1285. pag. 40.

Hugo de S. Choro Scriptor insignis, primus ex Ordine nostro Purpura donatur. p. 19.

Hugo Seguin Scriptor praeclarus fuit 6. ex nostro Ordine Cardinalis. pag. 41.

Hugo Campanus 16. Magister Ordinis, eiusque gesta describuntur. pag. 57.

Humbertus Burundus eligitur 5. Ordinis Generalis. anno 1254. pag. 22.

S. Hyacinthus Polonus è vita excedit circa annum 1257. pag. 30. adscribitur Sancto in numero à Clemente VIII. pag. 31.

## I

Iacobus de Susato scriptis claruit, sub Generali Leonardo de Datis. pag. 67.

Iacobus Brixienfis Theologus, floruit sub Generali Conrado Astensi. pag. 73.

Iacobus Sprenger Sanctissimi Rosarij instaurator, claruit circa annum 1484. pag. 74.

B. Iacobus Salomonius obiit Foroliuij anno 1514 pag. 52.

Iacobus Nalantus Scriptor praeclarus, sub Generalatu Iustiniani. pag. 103.

Ieremias Siculus Praedicator famosus, sub Generalatu Bartholomaei Texerij. pag. 70.

S. Ignatius Fundator Soc. Iesu, Parisiis apud nostros Theologiae studuit. pag. 95.

Imbertus Princeps Delphinatus Ordinem nostrum ingrediens suum Principatum Regi Francorum, certa conditione cessit pag. 58.

Innocentius Papa IV. eligitur anno 1243. pag. 19. Bullam terribilem contra Mendicantes fulminat. pag. 23. moritur in paenitudine, quod Religiosos molestauerit. ibidem.

Innocentius Papa V. ex Ordine nostro, eligitur anno 1276. pag. 38.

Innocentius VI. in Papam eligitur anno 1352. pag. 60.

Innocentius VII. fit Summus Pontifex circa annum 1404. pag. 65. idem Tertium Ord-

# RERVM MEMORABILIVM.

- dinem S. Dominici, & eius Regulam confirmat. ibidem.*  
*Innocentius VIII. Summo Pōtificatu ponitur anno 1484. pag. 74.*  
*Innocentius IX. eligitur Pontifex anno 1591. pag. 110.*  
*Innocentius X. Sedem Petri occupat anno 1644. pag. 116.*  
*Innocentius XI. successit in Pōtificatum Clemēti X. p. 120.*  
*Ioachimus Turianus eligitur in Magistrum Ordinis 34. anno 1487. pag. 75. sub illo multa addita Breviario nostro. ibidem.*  
*Ioannes Papa XXI. electus anno 1276. pag. 39.*  
*Ioannes Papa XXII. eligitur anno 1316 pag. 53.*  
*Ioannes Papa XXIII. in Concilio Constantensi deponitur, & incarcerationatur. pag. 65.*  
*Ioannes Leonicensis ex 20. Ordinis Generali, fit 16. nostri instituti Cardinalis. pag. 59.*  
*Ioannes Dominici Scriptor praeclarus, fit 21. ex Ordine nostro Cardinalis. pag. 65.*  
*Ioannes Casanova fit 23. ex Ordine nostro Cardinalis. pag. 68.*  
*Ioannes de Turrecremata assumitur 24. ex nostris Cardinalis. pag. 69. in diuersis Cō-*  
*ciliis fidei defensorem se exhibet. ibidem. Societatem SS. Annuntiata Romae fundit. ibidem. Scripta praeclara relinquit. ibidem.*  
*Ioannes Aluar. fit 28. ex nostris Cardinalis. pag. 91.*  
*Ioannes Teutonicus eligitur in Magistrum Ord. anno 1741. pag. 18.*  
*Ioannes Vercellensis fit Ordinis Generalis anno 1264. pag. 31.*  
*Ioannes Claree 37. Ordinis Magister, electus anno 1507. pag. 80.*  
*Ioannes de Fenario Generalis 42. à Rege Galliarum in Conuentu Tolossano sequestratur, ibique moritur. p. 90.*  
*Ioannes Baptista de Marinis, eligitur in 57. Ordinis Magistrum anno 1650. p. 117.*  
*Ioannes Thomas de Rocaberti electus in 58. Generalem anno 1670. pag. 119.*  
*Ioannes Thaulerus Praedicator, & Scriptor insignis, sub Magistro Simone Lingoniensi. pag. 61.*  
*Ioannes Capreolus defensor acerrimus doctrinae S. Thomae. pag. 67.*  
*Ioannes à Monte Nigro, in Concilio Florentino Gracos disputando superat. pag. 70.*

Ioannes de Neapoli Encomia-  
stes S. Catharinae Senensis .  
pag. 73.

Ioannes de Pistorio, Prædicator  
miraculorum S. Vincentij  
Ferrerij. pag. 73.

Ioannes Chrysostomus Pael-  
lus Scriptor præclarus, sub  
Generali Caietano. pag. 83.

Ioannes Benedicti præficitur à  
Rege Gallia Ordini Valli-  
scholarum. pag. 94.

Ioannes Nicolai Summam Sæ-  
culi Thomæ notis doctissimis  
illustrat. pag. 117.

Ioannes à S. Thomæ decessit an-  
no 1644. pag. 116.

Ioannes Baptista Gonet Theo-  
logus celeberrimus, floruit  
sub Generali de Marinis .  
pag. 117.

Soror Ioanna de Florentia mi-  
raculis celeberrima. pag. 61.

B. Iordani Teutonici electio,  
gesta præclara, & mors ex  
naufragio describuntur. pag.  
13. & sequent.

Iulius II. eligitur in Pontificem  
anno 1503. pag. 79.

Iulius Papa III. electus anno  
1550. pag. 98.

## L

**L**atinus de Malabrâca fuit  
4. ex Ordine nostro Cardi-  
nalis. pag. 39.

Leo Papa X. Concilium Late-

ranense clausit. pag. 82. Mæ-  
dicantium Privilegia resti-  
xit. pag. 84.

Leo XI. eligitur in Pontificem  
anno 1605. pag. 111.

Leonardus de Datis Magister  
Ordinis 25. in Concilio Con-  
stantiensi pro Martino V.  
votum. pag. 67. moritur  
antequam nova de sua ad Car-  
dinalatum promotione acce-  
pisset. ibidem.

Leonardus de Vtino Scriptor  
insignis, claruit sub Pontifi-  
catu Eugenij IV. pag. 70.

Leonardus de Mansuetis Ordini-  
nis 31. Magister, in causa  
stigmatum S. Catharinae val-  
de remissus esse dicitur. p. 74.

Litteræ Encyclicæ, seu Circu-  
lares, ceperunt fieri in Ordi-  
ne nostro sub B. Iordano  
Teutonico. pag. 15.

Litaniæ FF. Prædicatorum quæ  
mirabilia faciant? experi-  
mentum describitur. pag. 24.

Soror Lucia Narniensis funda-  
vit Monasterium Ferraria.  
pag. 77

Lutherana Hæresis quanta dam-  
na in Ecclesia Dei fecerit?  
pag. 85.

S. Ludovicus Bertrandus floruit  
sub Magistro Cōstabili. pag.  
107. adscriptus est SS. ru-  
mare à Clemente X. p. 119.



Ludouicus Granatensis multo-  
rum Librorum Scriptor, eo-  
dem tempore claruit. p. 107.

## M

**M** Arcellus Papa II. electus  
anno 1555. pag. 99.

B. Marcolinus sanctitate, &  
miraculis claruit, sub Gene-  
ralatu B. Raymundi Capua-  
ni. pag. 65.

Manfredus famosus in Germa-  
nia Prædicator floruit, sub Ge-  
nerali Texerio. pag. 70.

Martinus IV. electus in Papam  
anno 1281. pag. 40.

Martinus Papa V. eligitur an-  
no 1417. pag. 68.

Martialis Auribelli 29. Ordinis  
Generalis à Pio II. deponi-  
tur. pag. 71. iterum assumi-  
tur. pag. 73. moritur Aue-  
nione. ibidem.

B. Maria de Venetijs Tertiaria  
obijt. annis 1339. pag. 58.

B. Margarita de Hungaria vir-  
tutibus admirabilis, claruit  
sub Generali Ioanne Vercel-  
lensi. pag. 38.

B. Margarita de Castello, è vi-  
ta migravit anno 1320. p. 54

Soror Maria de S. Dominico  
Monasterium Petrefixæ fun-  
dauit. pag. 84.

Martinus Lutherus heresim  
suam dilatare capit post Cõ-  
cilium Lateranense. pag. 85.

Matthæus Vrsinus fuit 14. d  
Ordine nostro Cardin. p. 57.

Matthias de Pace floruit sub  
Generalatu Caietani. p. 83.

Melchior Canus floruit sub Ge-  
nerali Vincentio Iustiniano .  
pag. 103.

Melchior Mosticēsis claruit sub  
Magistro Ordinis Beccaria .  
pag. 110.

Michael Bonellus fit 33. ex Or-  
dine nostro Cardinal. p. 105.

Michael Mazzarinus creatur  
40. ex nostris Card. p. 116.

Monasterium de Prulliano fun-  
datum est in initio Ordinis .  
pag. 5.

Monasterium S. Sixti de Vrbe  
à S. Dominico erectum. ibid.

Munionis Zamorensis electio,  
& acta describuntur. p. 40.

## N

**N**icolaus Papa III. electus  
anno 1277. pag. 39.

Nicolaus IV. assumitur ad  
Pontificatum anno 1288.  
pag. 41.

Nicolaus Papa V. Ordinis no-  
stri amicus eligitur anno  
1447. pag. 72.

Nicolaus Boëcassinus eligitur in  
9. Ordinis Generalem. p. 43.

idem primò ad Cardinala-  
tum, deindè ad Pontificatum  
euehitur. pag. 45. miraculis  
post obitum claret. pag. 47.

Nicolaus Pratenſis ſit 8. ex Ordine Cardinalis. pag. 46.

Nicolaus Farinula fuit 12. ex noſtris Cardinalis. pag. 50.

Nicolaus Roſelli aſſumitur in 17. ex Ordine Cardinalem. pag. 60.

Nicolaus Miſquinus ſit 19. ex noſtris Cardinalis. pag. 63. Scripta praeclara relinquit. ibidem.

Nicolaus à Scomberg creatur 27. ex Ord. noſtro Card. p. 91.

Nicolaus Rodulphius 55. Generalis, ab officio deponitur. pag. 114.

Nicolaus Triuet ſcriptis praeclarus, floruit ſub Generali Herueo Natali. pag. 54.

Nicolaus Coeffeteus multorum librorum author extitit. p. 113.

Nomen Prædicatorum ab Innocentio III. nobis impoſitum. pag. 6.

**O**ctava Solemnès quatuor ſunt inſtitutæ ſub Generali Ioachimo Turiano. p. 75.

Officium pro Feſto Sæctificationis, & Viſitationis E. M. V.

Magiſter Bandellus dictavit. pag. 78.

Officium Secretarij Indicis, primus in Ordinem noſtrum inuexit. Fr. Franciſcus Forcius. pag. 101.

Oluerius Britto claruit ſub Magiſtro Stephano Biſunti. no. pag. 42.

Ordo Sororum ſecundi Habitùs, à S. P. Dominico originem habuit. pag. 5.

Ordo noſter ab Honorio III. confirmatus, anno 1216. p. 7.

Ordo Fratrum, & Sororum de Pœnitentia à S. P. Dominico inſtitutus, & à pluribus Summis Pontificibus confirmatus fuit. pag. 9.

Ordo B. M. de Mercede Redemptionis captiuorum, à B. Raymundo de Penna fort fundatus fuit. pag. 18.

Ordo Sernorum B. M. V. à quo, & quo tempore originem habuit? pag. 47.

**P**aganus ſcriptor illuſtris floruit ſub Generalatu Heruei Natalis. pag. 54.

Paschaſius Haſpanus ex Ordine noſtro fuit Epiſcopus Burgenſis. pag. 78.

Paulus II. in Pontificem acclamatur anno 1464. pag. 73.

Paulus Papa III. electus anno 1534. Concilium Tridentinum in diuerſis locis indixit, ac inchoari fecit. pag. 91.

Paulus Papa IV. Fundator Congregationis Theatinarum. pag. 99.

Paulus Papa V. electus anno  
1605. pag. 111.

Paulus Butigella eligitur 41.  
Ordinis Magister ann. 1530.  
pag. 88.

Paulus Constabilis fit 49. Or-  
dinis Generalis anno 1530.  
pag. 107.

Paulus Soncina Scriptor in-  
signis, sub Generali Barthol-  
mao Comatio. pag. 75.

Paulus de Monelia Episcopus  
Chy, & Legatus Buda obiit.  
pag. 76.

Paulus Hungarus plurimos ad  
fidem sua predicatione con-  
uertit. pag. 11.

3. Petrus Veronensis ab Hære-  
ticiis occiditur, & paulò post  
canonizatur. pag. 21. eius  
corpus in arcam pretiosiore[m]  
transfertur. pag. 58.

Petrus de Tharantasia fuit 3.  
ex Ordine Cardinalis. p. 36.  
idem assumitur ad Pontifica-  
tum anno 1276. pag. 38.

Petrus Berianus fuit 31. ex  
Ordine Cardinalis. pag. 93.

Petrus de Palma eligitur 18.  
Ord. Magist. anno 1343. p. 58.

Petrus Rosibinus fuit assum-  
ptus ad Generalatum anno  
1450. pag. 71.

Petrus de Bergamo Scriptor,  
& Doctor insignis. pag. 75.

Petrus de Soto Caroli V. Im-

peratoris Confessarius, &  
Scriptor celebris. pag. 85.

Petrus de Lugano Pauli Papa  
IV. Confessarius, & Ordi-  
nis Vicarius. pag. 100.

Petrus de Tapia fuit Episcopus  
Hispalensis. pag. 117.

Petrus de Godoy Episcopus Oxo-  
mensis, & Scriptor insignis.  
pag. 117.

Petrus Maria Passerinus Scri-  
ptor preclarus, sub Generali  
de Maribus. pag. 118.

Petrus Paulus Aretinus floruit  
sub Generali Vincentio Lu-  
stiniano. pag. 103.

Petrus Ioannes Guasch Fun-  
dato, Conuentus S. Raymun-  
di. pag. 111.

Pius Papa I. electus anno  
1458. S. Catharinam St-  
nensem canonizauit. p. 72.

Pius III. fit Summus Pontifex  
anno 1503. pag. 79.

Pius Papa IV. Pontificatum te-  
nuit anno 1560. pag. 104.

B. Pius V. ad Pontificatum  
euehitur anno 1566. p. 104.  
in Beatorum numerum refer-  
tar à Clemente X. pag. 107.

Soror Pina de Pisis, pietate in-  
signis, floruit tempore Gene-  
ralis Lingoniensis. pag. 61.

Philippus Giezza de Ruffinis,  
fuit 20. ex nostris Cardina-  
lis. pag. 63.

Philippus Thomas Houardus  
factus 43. ex nostris Cardi-  
nalis. pag. 120.

Possessiones, & redditus ut ha-  
beamus, dispensauit Sixtus  
Papa IV. pag. 74.

Pontius Hispanus Inquisitor  
pro fide ab Hæreticis Mar-  
tyrium subiit. pag. 21.

Prouinciæ Indiarum exdiuise,  
& suis limitibus circumscrip-  
te fuerunt, in Capitulo Sal-  
mantino. pag. 97.

Prouinciæ numerus à prin-  
cipio Ordinis quantus fuit,  
& quomodo sensim crescere,  
& augeri capit? pag. 10.  
& 14 & 44. & 68. & 85.  
& 89. & 102. & 111.

## R

Raymundus de Penniafort  
eligitur in 3. Ordinis Ma-  
gistrum anno 1238. pagi-  
na 16.

B. Raymundus de Capua eligi-  
tur in 23. Ordinis Magistrū  
anno 1380. pag. 64. Scrip-  
psit vitam S. Catharinæ Se-  
nensis. pag. 61.

Raymundus Capisuccus fit 44.  
ex Ordine nostro Cardinalis.  
pag. 121.

Raymundus Iolinus, Inquisitor  
Tolossanus, exilio ab Hære-  
ticis plestitur. pag. 87.

Raynerius Pisanus scriptis cla-

ruit sub Generali Berengä-  
rio. pag. 52.

B. Reginaldus Habitum Ordini-  
nis nostri à B. V. M. sibi ap-  
parente accepit. pag. 7. cor-  
pus eius post annos 400.  
in corruptum inuentum est.  
pag. 10.

Regula Fratrum, & Sororum  
de Pœnitentiâ B. P. Domini-  
ci à Magistro Munione Za-  
morensi dictata fuit. p. 42.

Robertus Kilwardinus Scriptor  
celebris fuit 5. ex nostris  
Cardinalis. pag. 39.

Robertus Domus Auenionensis  
sanctitate, & dono prophe-  
ciæ illustris. pag. 43.

Robertus Holcot scripta præ-  
clara post se reliquit. p. 52.

Rolandus Cremonensis primus  
ex nostris Parisys Theolo-  
giam docuit. pag. 13.

S. Rosa Limensis obiit anno  
1617. pag. 113. Canoniz-  
ata à Clemente X. p. 19.

## S

Sancti diuersi ex Ordine no-  
stro canonizantur à Cle-  
mente X. pag. 119.

B. Sadochus cum 38. Patri-  
bus à Scythis Martyr oc-  
cumbit. pag. 31.

Saluus Cassetta electus in Ma-  
gistrum Ordinis 32. anno  
1431. pag. 74. Legatus in

Ten-



*Teutoniā mittitur. ibid.*  
*Corpus B. Alberti Magni in*  
*brachio pulchriori collocat. ibid.*  
*brachium illius secum defert*  
*ibidem.*

*Salve Regina, quam ob causam*  
*post Completorium decanta-*  
*ri consuevit. pag. 11.*

*Schisma in Ecclesia Dei, & in*  
*Religione nostra exortum, sub*  
*Vrbano Papa VI. pag. 62.*

*Scriptores diuersi ex Ordine*  
*nostro floruerunt sub Ponti-*  
*ficatu Gregorij X. pag. 37.*

*Scriptores celebres sub Magi-*  
*sterio Berengarij recensentur.*  
*pag. 52.*

*Scriptores nostri contra Proba-*  
*bitatem opinionum. p. 119.*

*Seraphinus Caballus eligitur*  
*in Generalem 48. anno 1571*  
*pag. 106.*

*Seraphini Sicci Papiensis ele-*  
*ctio, & præclare gesta de-*  
*scribuntur. pag. 112.*

*Siluester Prierias multa præ-*  
*cara scripta reliquit. p. 83.*

*Simonis Lingoniensis in Gene-*  
*ralatum electio, virique sub*  
*illo illustres recensentur.*  
*pag. 59.*

*Sixtus IV. Pontificatu potitur*  
*anno 1471. pag. 73. Mare*  
*magnum, & Bullam auream,*  
*concedit. pag. 74.*

*Sixtus V. Minorita in Papam*

*eligitur anno 1585. p. 108.*  
*Sixtus Fabri electus 50. Ordini*  
*Magister, per Pontificem*  
*ab officio depositus fuit. pag.*  
*108.*

*Stephanus Bisuntinus fuit*  
*Ord. Generalis anno 1292.*  
*pag. 42.*

*Stephanus Vfusmaris eligitur*  
*46. Ordinis Magister anno*  
*1553. pag. 98.*

*Stephanus Archiepiscopus Pa-*  
*risiensis, articulos suos contra*  
*doctrinam S. Thomæ retra-*  
*ctauit. pag. 55.*

*Stephanus Paris fuit Rotho-*  
*magensis Ecclesiæ Suffraga-*  
*neus. pag. 95.*

*Synodus Viennensis celebrata*  
*fuit sub Clemente Papa V.*  
*pag. 50.*

T

**T** Emplarij opera FF. Præ-  
 dicatorū in Synodo Vien-  
 nensi damnantur. pag. 50.

*Tertius Ordo S. Dominici, &*  
*eius Regula ab Innocentio*  
*VII. confirmantur. pag. 65.*

*S. Thomas de Aquino Ordinem*  
*ingreditur. pag. 33. Officiū*  
*Corporis Christi componit,*  
*illiusque Festum celebrari*

*procurat. p. 34. moritur Fosse*  
*novæ apud Cistercienses. p.*  
*38. doctrina eius à diuersis*

*impetitur, sed à nostris Scri-*  
 pto-

ptoribus strenuè defensatur .  
 pag. 41. eius gloria reuelatur Fr. Alberto de Brixia .  
 pag. 52. Corpus eius ad Conuentum Tolossanum defertur  
 pag. 60. Canonizationis illius Processus describitur .  
 pag. 54.

Thomas Iosius Scriptor insignis fuit 11. ex Ordine nostro Cardinalis. pag. 50.

Thomas Caietanus ex Magistro Ordinis fit 25. ex nostris Cardinalis . pag. 80. Legatus in Germaniam mittitur . ibidem. Lutherum ad se citat, & conuincit . pag. 81.

Thomas Badia Mutinensis fuit 29. ex nostris Cardin . p. 91.

Thomas de Firmo eligitur 24. Ordinis Magister ann. 1401. pag. 64. sub illo Prouincia Lombardie diuiditur . ibid.

Thomas Tu. cus fit 6. Ordinis Generalis anno 1644. p. 115. libros diuersos Scriptorum Ordinis nostri imprimi curat . ibidem.

Thomas Serensis obijt cum opinione Sanctitatis. pag. 65.

Thomas Donatus Patriarcha Venetus, floruit sub Pontificatu Alexandri VI pag. 76.

Thomas Lemos pietate, & doctrina insignis sub Generali Beccaria pag. 109.

Thomas Manrique floruit sub Generali Iustiniانو . pag. 104.

V

**B**eata Vanna Vrbeuetana miraculis claruit pag. 61. Valentinas Camers vir magnæ scientiæ, claruit sub Generali Comato . pag. 75.

Vercellinus Vercellis doctrina insignis sub Generali Colorado Astensi pag. 73.

Venturinus de Bergamo Prædicator insignis, floruit sub Generali Hugone . pag. 55.

S. Vincentius Ferrerius miraculis clarus moritur anno 1419. pag. 65. reponitur in Sanctorum numero. pag. 73.

Vincentius Bandellus 36. Ordinis Generalis. p. 78.

Vincentius Iustinianus fit 47. Ordinis Magister. pag. 100. in Concilio Tridentino Religiosorum Privilegia acriter defendit . ibidem . promouetur ad Cardinalatum .

pag. 102. eius tempore viri illustres recensentur . p. 103.

Vincentius Maculanus fit 39. ex nostris Cardinalis p. 114.

Vincentius Visinus assumitur 42. ex Ordine nostro Cardinalis. pag. 120.

Vincentius Merlinus doctrina clarus, sub Magistro Ioacimo Turiano. p. 75.

Vin-

# RERV MEMORABILIVM.

- Vincentius Bellouacensis, Scrip-* *Vrbanus IV. electus in Papam*  
*tor insignis ex Ordine nostro.* circa annum 1261. pag. 30.  
*pag. 30.* *Vrbanus V. Monachus assumi-*  
*Vicariæ quomodo in Ordinem* *tur ad Pontificatum anno 1362*  
*nostrum inuectæ fuerunt?* pag. 60.  
*pag. 90.* *Vrbanus VI. fit Summus Pon-*  
*Vicaria S. Petri Martyris in* *tifex anno 1378. pag. 62.*  
*Prouincian. erigitur. p. 111.* *Vrbanus VII. prouebitur ad*  
*Vniuersitates p. Cursu gra-* *Pontificatum anno 1590.*  
*duandorum exercendo decre-* *pag. 111.*  
*tæ sunt sub Generali Romæ.* *Vrbanus VIII. eligitur in Papā*  
*pag. 97.* anno 1623. pag. 114.

F I N I S.

218-1-51





